

**O'ZBEKISTON RESPUBLIKA OLIY VA O'RTA
MAXSUS TA'LIM VAZIRLIGI**

TOSHKENT MOLIYA INSTITUTI

Z.Yo'ldoshev X.Xalilova

**MILLIY VA JAHON IQTISODIYOTI
o'quv qo'llanma**

TOSHKENT – 2013

Z.Yo'ldoshev X.Xalilova. Milliy va jahon iqtisodiyoti. (o'quv qo'llanma).
Toshkent, Toshkent Moliya instituti, 2013. 220 bet.

“Milliy va jahon iqtisodiyoti” kursi bo'yicha qayta tayyorlangan mazkur o'quv qo'llanmada Milliy va jahon iqtisodiyoti tushunchasi, O'zbekiston Respublikasining davlat mustaqilligi, uni bozor iqtisodiyotiga o'tishi, Respublikada milliy iqtisodiyotning shakllanishi, uning rivojlanishini ta'minlovchi omillar, milliy iqtisodiyotning tarkibini qayta qurish, ishlab chiqarish va sotsial majmualarni isloh qilish va rivojlantirish masalalari yoritilgan. SHuningdek qo'llanmada strategik rejalashtirish, O'zbskistonning tashqi iqtisodiy faoliyati, rivojlangan, rivojlanayotgan hamda iqtisodi o'tish davriga xos bo'lgan mamlakatlar iqtisodiyotining o'ziga xos xususiyatlari ham ko'rsatilgan.

Mazkur o'quv qo'llanma iqtisodiy oliy o'quv yurtlari talabalari, professor-o'qituvchilari hamda milliy va xalqaro iqtisodiyotta qiziquvchi kitobxonlarga mo'ljallangan.

Mazkur o'quv qo'llanma Toshkent Moliya instituti “Mintaqaviy iqtisodiyot” kafedrasining 2013 yil 5 fevraldagi ____-qarori bilan institut qoshidagi Oliy o'quv yurtlararo ilmiy uslubiy kengashning 2013 yil ____ fevralida muhokama qilingan va ____-sonli Qaror bilan nashrga tavsiya qilingan.

Ma'sul muharrir: i.f.d., prof. N.Xaydarov
Ichki taqrizchi: i.f.d., prof. Yo. Abdullaev
Tashqi taqrizchi: i.f.d., prof. A.Bekmurodov

KIRISH

O'zbekistonda siyosiy va davlat mustaqilligi kamol topishi bilan uning bozor munosabatlariga asoslangan Milliy iqtisodiyoti shakllana boshladi. Milliy iqtisodiyot - bu ma'lum bir davlat hududida tarixan tashkil topgan, bir-biri bilan maqsadi va mehnat taqsimoti bog'liq bo'lgan tarmoqlar yig'indisidir. Yagona tizim sifatida milliy iqtisodiyot o'ziga xos bo'lgan munosabatlari, boshqaruv tizimi, umumiy iqtisodiy infrastrukturasini va mustaqil qonunchiligiga ega bo'lgan mustaqil davlatchilikni taqozo qiladi.

Jahon (xalqaro) iqtisodiyoti esa bir-biriga o'zaro ta'sir etuvchi, xalqaro aloqalarga intiluvchi barcha milliy iqtisodiyotlar yig'indisidir. Milliy va jahon iqtisodiyotining o'ziga xos xususiyatlari, integratsiyalashuv omillari, tendentsiyalarini iqtisodiy oliy o'quv yurti talabalarining bilishlari maqsadga muvofiqdir.

Bakalavr darajasini olayotgan har bir talaba mustaqil davlatning iqtisodiy siyosatini, bozor iqtisodiyotiga o'tishning o'z modelini, uning shakllanish jarayonini bilmog'i lozimdir.

Milliy va jahon iqtisodiyoti kursi Oliy o'quv yurtlarining moliya, bank ishi, soliq va soliqqa tortish, sug'urta ishi, buxgalteriya hisobi va audit hamda boshqa iqtisodiy yo'nalishlarida o'qiyotgan bakalavr-talabalari uchun mo'ljallangan bo'lib, ularni mamlakat iqtisodiyotida kechayotgan chuqur va ko'p qirrali jarayonlarni o'rganishga undaydi.

Milliy va jahon iqtisodiyoti kursi O'zbekiston iqtisodiyotining bozor munosabatlariga o'tishi, iqtisodiyotni isloh qilish jarayonlarini, o'zbek milliy modelining mohiyatini hamda respublika aholisining yuqori turmush darajasiga ega bo'lgan iqtisodiy rivojlangan davlatlar qatoriga bosqichma-bosqich o'tish jarayonlarini o'rganishni o'z oldiga maqsad qilib qo'yadi.

Milliy va jahon iqtisodiyoti kursi quyidagi vazifalarni hal qilishga e'tiborni qaratadi:

- Mamlakatni ijtimoiy-iqtisodiy qayta qurish va rivojlanishning o'ziga xos yo'llarini va muammolarini o'rganadi.
- Respublikaning iqtisodiy potentsialini, uning tarkibini, o'sish dinamikasini tahlil qiladi.
- Iqtisodiyotni boshqarish vazifalarini va asosiy printsiplarini hamda bozor iqtisodiyoti sharoitida strategik rejalashtirish va davlat tomonidan iqtisodiyotni tartibga solish tizimini o'rganadi.
- Mamlakatni tashqi iqtisodiy faoliyatini tashkil qilish, xorijiy davlatlar bilan iqtisodiy hamkorlik o'rnatish tartibini o'rganadi.
- Globallashtirish jarayoni va jahon iqtisodiyotiga integratsiyalashuv shakllari, uning mexanizmlarini o'rganadi va h.k.

Milliy va jahon iqtisodiyoti kursi mamlakatimiz iqtisodiyoti, uning iqtisodiy komplekslari, iqtisodiy islohotlar, ularning natijalari, bir-biri bilan bog'liq bo'lgan tarmoqlarini hamda rivojlangan, rivojlanayotgan va o'tish davriga xos bo'lgan davlatlar iqtisodiyotining o'ziga xos bo'lgan xususiyatlarini o'rganishni taqozo qiladi.

O'quv qo'llanma moliya, bank ishi, soliq soliqqa tortish, sug'urta ishi, buxgalteriya hisobi va audit, qimmatli qog'ozlar va birja ishi hamda boshqa iqtisodiy yo'nalishlarda o'qitilishini nazarda tutib hamda ishchi o'quv rejasidagi ajratilgan soatlarni kamligini e'tiborga olib, unga O'zbekiston iqtisodiyotini rivojlanishida moliya-kredit tizimi kabi ixtisoslik fanlaridan o'tiladigan hamda alohida fan sifatida o'qitiladigan xususiylashtirish va tadbirkorlikning ayrim mavzulari qaytarish bo'lmasligi uchun, ongli ravishda mazkur kursga kiritilmadi.

Mazkur o'quv qo'llanma tayyorlash va nashr qildirishda yaratilgan sharoit va yordam uchun Toshkent Moliya instituti rektori U.Azizovga hamda "Mintaqaviy iqtisodiyot" kafedrasini mudiri Z.Abdalovaga mualliflar minnatdorchilik bildiradi. SHuning bilan birga mualliflar statistik ma'lumotlarni yangilashda, ularni tahlil qilishda ko'rsatgan amaliy yordami uchun "Mintaqaviy iqtisodiyot" kafedrasini o'qituvchisi Aliev Sanjarga ham o'z minnatdorchiligini bildiradi.

I BOB. MILLIY IQTISODIYOTNING SHAKLLANISHI VA RIVOJLANISHI

REJA:

§ 1. Milliy va jahon iqtisodiyot tushunchasi, mazmuni, kursning predmeti.

§ 2. O'zbekiston Respublikasining bozor iqtisodiyotiga o'tishi va milliy iqtisodiyotni shakllanishi.

1.1. Milliy iqtisodiyot tushunchasi, mazmuni, kursning predmeti.

Iqtisodiyot keng ma'noda – bu bir tomondan, o'ziga xos qonunlar asosida rivojlanadigan ishlab chiqarish va noishlab chiqarish tarmoqlarini birlashtirgan xo'jalik bo'lib, ikkinchi tomondan iqtisodiyot, yuqori mehnat unumdorligiga erishish, aholini turmush darajasini yaxshilash va cheklangan resurslardan unumli foydalanish maqsadida iqtisodiy qonunlarni o'rganish bilan shug'ullanadigan eng qadimiy fanlardan biridir.

Iqtisodiyotning 3 xil tushunchasi bor:

- Ishlab chiqarish munosabatlarining yig'indisi;
- Tuman xo'jaligi, mamlakat yoki mamlakatlar xo'jaligi yoki dunyo xo'jaligi;
- Iqtisodiy munosabatlarni tarmoqlararo yoki funktsional aspektlarini (tomonlarini) o'rganadigan fan tarmog'i.

“Milliy iqtisodiyot” atamasi esa keyingi yillarda “mamlakat iqtisodiyoti”, “respublika iqtisodiyoti”, “milliy xo'jalik”, “xalq xo'jaligi”, “ijtimoiy ishlab chiqarish” tushunchalarining sinonimi sifatida ilmiy adabiyotga, boshqarish va xo'jalik amaliyotiga kirib keldi.

Milliy iqtisodiyotning quyidagi xarakterli belgilari va shart-sharoitlari mavjud:

- milliy va davlat suvereniteti;
- hududiy yaxlitlik;
- iqtisodiy maydon va huquqiy muhit birligi;
- yagona to'lov vositasi – milliy pul birligi, moliya tizimi yaxlitligi;
- ichki bozorning rivojlanganligi, tashqi iqtisodiy va geopolitik munosabatlarning barqarorligi va boshqalar.

Milliy iqtisodiyot murakkab tizim sifatida tashkiliy, tuzilmaviy, resurs, institutsional va boshqa kichik tizimlar, komponentlardan tarkib topadi.

Tashkiliy jihatdan – xo'jalik yuritish sub'ektlar yig'indisi – tashkilotlar, muassasalar, korxonalar, ishlab chiqarish turlari, tarmoqlar, mintaqalar, ularning o'zaro aloqalari va munosabatlaridan iborat.

Tarkibiy jihatdan – xo'jalik majmualari – sanoat, agrosanoat majmuasi, yoqilg'i-energetika majmuasi, qurilish majmuasi va boshqalar.

Resurslar bo'yicha – imkoniyatlar yig'indisi – tabiiy xom-ashyo, demografik va mehnat, ilmiy va innovatsion, ishlab chiqarish, ekologik xususiyatlardan iborat.

Institutsional jihatdan – bozor institutlari va milliy bozor segmentlari yig'indisi – ishlab chiqarish vositalari bozori, tovar va xizmatlar bozori, kapital

bozori, ipoteka bozori, qimmatli qog'ozlar bozori, fond bozori, mehnat bozori, intellektual mulk ob'ektlari bozori, uy-joy bozori va boshqalardan iborat.

Xarakat qilish va boshqarish darajasi bo'yicha milliy iqtisodiyot makrodarajada (butun iqtisodiyot) mezodarajada (tarmoqlar, mintaqalar) va mikrodarajada (korxona, birlashchi ishlab chiqarish) tahlil qilinadi.

Milliy iqtisodiyot mamlakat iqtisodiyotining faoliyat ko'rsatish shakli bo'lib, mamlakat hududida yashovchi asosiy millat (xalq)ning tarixan shakllangan va rivojlanayotgan ijtimoiy-iqtisodiy munosabatlari bilan belgilanadigan, mahalliy, o'ziga xos xususiyatlarga ega bo'lgan xo'jalik tarmoqlari, korxonalari, mehnat uyushmalari, xududlari va mintaqalari tizimidir.

Milliy iqtisodiyot fani – iqtisodiyotning shakllanish va rivojlanish muammolarini yangi sharoitda, mustaqillik sharoitida o'rganadigan iqtisodiy fanlar tizimidagi yosh fandir.

Milliy iqtisodiyot – bu tarmoqlar xususiyatini birlashtirgan, mujassamlashtirgan kompleksdir.

Milliy iqtisodiyot – bu mamlakat xo'jaligini, uning tarkibini, uning ayrim elementlarini o'zaro bog'liqligidir.

Milliy iqtisodiyot- iqtisodiyotni ham milliy (nomos), ham iqtisodiy (oikos)qismlarini birlashtiradi. "Milliy" so'zi lotincha so'zdan olingan bo'lib "natio"-xalq so'zini bildiradi."Iqtisodiyot" esa grekcha so'zdan olingan bo'lib "oikonomike"- uy xo'jaligini boshqarish san'ati ma'nosini anglatadi.

Iqtisodiyot, **milliy** – deb atalsa ham, u ma'lum bir millat manfaatini ifodalamaydi, balki umummilliy manfaatlarga xizmat qiladi.

Milliy iqtisodiyot kapitalizmning vujudga kelishi bilan bog'liq xodisadir. U eng avvalo, XVII asrning o'rtalarida Angliyada qaror topdi. Hozirgi paytda uning kapitalistik, sotsialistik, postsotsialistik va kam rivojlangan mamlakatlardagi kapitalistik shakllari mavjud. Masalan, kapitalistik milliy iqtisodiyotga uning amerikacha, nemischa, yaponcha shakllari to'g'ri keladi. Sotsialistik milliy iqtisodiyot esa Xitoy, Vyetnam va Kubada mavjud bo'lib, asosiy soha va tarmoqlarda davlat mulkini va korxonalarini saqlab qolgan holda, xususiy mulkchilik. Tovar-pul munosabatlariga asoslangan o'rta va kichik xo'jaliklarga va boshqa bozor munosabatlariga keng yo'l ochilayotgan iqtisodiy faoliyat shakllarini kiritish mumkin.

SHarqiy Yevropa mamlakatlarida va sobiq SSSRda o'ta markazlashgan ma'muriy davlat sotsializmining inqirozga uchrashi natijasida vujudga kelgan yangi mustaqil davlatlarda postsotsialistik iqtisodiyot qaror topdi.

O'zbekiston o'z mustaqilligini qo'lga kiritgandan keyin bozor munosabatlariga asoslangan, o'ziga xos demokratik milliy iqtisodiyotni shakllantira boshladi. Mamlakatda davlat va xususiy mulkchilikka asoslangan, ko'p ukkladli aralash iqtisodiyot vujudga keldi. Xo'jalik yurituvchi sub'ektlarning asosiy qismini shaxsiy, guruh, shirkat, jamoa, aktsiyadorlik korxonalar, dehqon va fermer xo'jaliklari tashkil etmoqda.

Iqtisodiyot inson faoliyatining asosiy jihati, jamiyat xayotining poydevoridir. SHu boisdan «avval iqtisod, keyin siyosat» deydilar. Inson tirik jon bo'lgani uchun, birinchi navbatda, uning moddiy talab ehtiyoji qondirilishi kerak, chunki

unga faqat **iqtisodiy faoliyat** orqali erishiladi. Kishilar hamisha iqtisodiyot bilan mashg'ul bo'ladilar, chunki shu yo'l bilan o'z risq-nasibasini yaratadilar.

Iqtisodiy faoliyat – u yoki bu mamlakat, butun insoniyat alohida individlari, guruhlari, ijtimoiy qatlamlarning faoliyatidir.

Iqtisodiy faoliyat – bu moddiy va ma'naviy ne'matlarni yaratish, xizmatlar ko'rsatish, iste'mol qilish bilan bog'liq bo'lgan xatti-harakatlardir. Bunday holatning mavjudligi tufayli, iqtisodiy faoliyat:

birinchidan u yoki bu ehtiyojlarni qondirishning ustuvor ahamiyatga egaligi;

ikkinchidan maqsadning dolzarbligi;

uchinchidan boshqa muqobil maqsadlarga qaraganda unga erishish uchun to'lanadigan haqning narxini tanlash bilan bog'liq muammoni hal etadi.

Bu uch holat iqtisodiy faoliyatning mazmunini ifodalaydi. Iqtisodiy faoliyatni o'rganishda milliy chegaralarini tanlab olish hozirgi zamon texnikasini, siyosatini rivojlanishini hamda umummilliy ko'rsatkichlarini tahlil qilishda muhim ahamiyat kasb etadi.

Har bir davlat ma'lum **bir sohani yoki umuman iqtisodiy faoliyatni muvaffaqiyatli** rivojlantirishni u yoki bu sharoitlarini yaratadi. Bu o'z navbatida mamlakatning jahon iqtisodiyotida ma'lum o'rin egallashida katta ahamiyat kasb etadi.

Jahon xo'jaligi insoniyatning butun tarixi davomida shakllangan jarayondir. Jahon xo'jaligining rivojlanishi ijtimoiy mehnat taqsimotining chuqurlashuvi, turli mamlakatlar va regionlar o'rtasida savdo-moliya, ishlab chiqarish munosabatlarining muntazam o'rnatilishi, eski tosh qurollaridan eng murakkab elektron hisoblash mashinalaridan foydalanishgacha bo'lgan murakkab yo'lni bosib o'tdi.

Jahon xo'jaligi dunyodagi barcha mamlakatlar milliy xo'jaliklarining jahon iqtisodiy aloqalari orqali uzviy bog'langan va tarixan shakllangan majmuasidir.

SHunday qilib, jahon xo'jaligi yoki **Jahon iqtisodiyoti** doimiy o'zgarishda va xarakatda bo'ladigan, bir-biriga o'zaro ta'sir etuvchi, xalqaro aloqalarga intiluvchi milliy xo'jaliklar yig'indisidir. Jahon iqtisodiyoti haqida o'quv qo'llanmaning oxirgi boblarida batafsil to'xtalamiz.

O'zbekiston **Milliy iqtisodiyoti** mavjud bo'lgan barcha sohalar, birlashmalar, korxona va tashkilotlarning yig'indisidir. Ular yagona iqtisodiy tizimga, umumiy qonunlarga va rivojlanish maqsadlariga asoslangan holda birlashgan.

Mazkur **fanning predmeti** alohida mamlakat miqyosidagi iqtisodiy faoliyatni, iqtisodiy jarayonlarni uning tarmoqlarini, hududiy va funktsional tarkibini qamrab oladi.

Milliy iqtisodiyot fanining predmeti quyidagi jarayonlarni o'rganadi:

1. **Milliy iqtisodiyotni shakllanish** jarayonini o'rganadi;
2. **Bozor iqtisodiyotini shakllanish** jarayonini o'rganadi;
3. **Mamlakat iqtisodiyotini isloh qilish printsiplarini** o'rganadi.
4. **Mamlakat iqtisodiyotining isloh qilishni milliy o'zbek modelini mohiyatini** o'rganadi.

5. Iqtisodiyotning boshqarish shakllarini qayta qurish, yangi boshqaruv tashkilotlari tizimini yaratish, davlat boshqaruvini tashkil qilishni o'rganadi.

Milliy iqtisodiyot fani boshqa **iqtisodiy fanlar bilan, hususan** iqtisodiyot nazariyasi, statistika, iqtisodiy geografiya, tarix, sotsiologiya, makroiqtisodiyot, mikroiktisodiyot, iqtisodiy ta'limotlar tarixi va boshqa fanlar bilan chambarchas bog'liqdir.

Milliy iqtisodiyot iqtisodiy fanlarning tarkibiy qismi sifatida umumiy qonunlar asosida rivojlanadi. U avvalo, iqtisodiyot nazariyasi bilan bog'liq. Ma'lumki, iqtisodiyot nazariyasi fani insonning, jamiyatning iqtisodiy faoliyati, ya'ni moddiy va ma'naviy ne'matlarni ishlab chiqarish hamda xizmat ko'rsatish jarayonlarini, shu bilan birga, iqtisodiy qonunlar, kategoriyalar hamda ularni amal qilish mexanizmini o'rganadi. U kishilik jamiyati paydo bo'lgandan buyon rivojlanib takomillashib kelayapti.

Milliy iqtisodiyot kursi iqtisodiy rivojlanishni va takomillashishining bir, maxsus davriga, ya'ni markazdan turib boshqariladigan iqtisodiyotni bozor iqtisodiyotiga o'tish davriga to'g'ri keladi. Bu eski iqtisodiy tizimni tubdan isloh qilish va yangi ijtimoiy yo'naltirilgan bozor iqtisodiyotini yaratish davrini ifodalaydi. Ijtimoiy-iqtisodiy jarayonlarni takror ishlab chiqarish **Milliy iqtisodiyotning predmeti** bo'lib hisoblanadi.

Milliy iqtisodiyot kursi moliya va kredit, soliq va soliqqa tortish, sug'urta kabi iqtisodiy fanlarning nazariy tomonlarini ma'lum davlatning – O'zbekiston Respublikasining xususiyati va sharoitiga bog'laydi. Bo'lajak iqtisodiyot mutaxassislari e'tiborini o'z mamlakatining iqtisodini chuqur va har tomonlama o'rganishga qaratadi. Milliy iqtisodiyot fanini o'rganish makro va mikroiktisodiyot, sotsiologiya, tarix, iqtisodiy geografiya, statistika, informatsion texnologiya va boshqa fanlarni chuqur bilishni taqozo qiladi. Chunki, iqtisodchi-mutaxassis iqtisodiy faoliyatni barcha jarayonlarini to'liq va har tomonlama o'rganish uchun iqtisodiy, huquqiy, texnika va boshqa fanlarni ham bilishi lozim bo'ladi.

1.2. O'zbekiston Respublikasining bozor iqtisodiyotiga o'tishi va milliy iqtisodiyotni shakllanishi.

1991 yil 31 avgust kuni Toshkent shaxrida Respublika Oliy Kengashining navbatdan tashqari sessiyasi bo'lib o'tdi. Unda O'zbekistonni davlat mustaqilligi e'lon qilindi.

Maxsus qaror bilan O'zbekiston SSR «**O'zbekiston Respublikasi**», deb ataladigan bo'ldi. **1 sentyabr–Mustaqillik kuni**, deb belgilandi. O'zbekiston Respublikasining **Davlat mustaqilligi asoslari to'g'risida qonun** qabul qilindi.

- 1991 yil 18 noyabrda O'zbekiston Respublikasining **Davlat bayrog'i** tasdiqlangan;
- 1992 yil 2 mart O'zbekiston Respublikasi **Birlashgan Millatlar Tashkilotiga** a'zo bo'lib qabul qilingan;
- 1992 yil 2 iyulda O'zbekiston Respublikasining **Davlat gerbi** tasdiqlangan;

- 1992 yil 8 dekabrda O'zbekiston Respublikasining **Konstitutsiyasi** qabul qilingan;
- 1992 yil 10 dekabrda O'zbekiston Respublikasining **Davlat madhiyasi** tasdiqlangan;
- 1994 yil 1 iyulda O'zbekiston Respublikasining **milliy valyutasi** muomalaga kiritilgan.
- 2006 yil 25 yanvarda O'zbekiston Yevrosiyo iqtisodiy hamjamiyatiga a'zo bo'ldi.

O'zbekiston Respublikasi **unitar davlat** bo'lib, davlat hokimiyati hokimiyatning taqsimlanish nazariyasiga binoan mustahkamlangan. **Unitar davlatda** davlat tuzilishi shakli, davlat xududi tarkibida, federatsiyadan farqli ravishda, federativ birliklar (shtatlar, yerlar) bo'lmaydi, balki **u ma'muriy-hududiy birliklar** (viloyatlar, tumanlar, va hokazo) ga bo'lingan bo'ladi.

O'zbekiston Respublikasi hududiy jihatdan bo'linmas yagona davlatni tashkil qiladi. Uning tarkibiga Qoraqalpog'iston Respublikasi, 12 ta viloyatlar, 158 ta tumanlar, 119 ta shaharlar kiradi. **Maydoni** – 448,9 ming kv. km. chegaralarining uzunligi 6621 km, **aholisi** – 29,6 mln kishi, undan 51,3 % shahar, 48,7 % qishloq aholisini tashkil qiladi. 1 km² ga to'g'ri keladigan aholi soni 63 kishidir. Qishloq xo'jaligiga yaroqli yerlari – 28,5 mln.ga, shundan sug'orishga yaroqli yerlar 5 mln.ga, jami ekin maydoni 3,7 mln. ga ni tashkil qiladi¹. O'zbekiston Qozog'iston, Tojikiston, Qirg'iziston, Turkmaniston va Afg'oniston davlatlari bilan chegaradosh. Bayram kunlari bir yilda 9 kun.

O'zbekiston – suveren demokratik respublika. Davlatning «O'zbekiston Respublikasi» va «O'zbekiston» degan nomlari bir ma'noni anglatadi. Davlat xalq irodasini ifoda etib, uning manfaatlariga xizmat qiladi. Davlat organlari va mansabdor shaxslar jamiyat va fuqarolar oldida mas'uldirlar. O'zbekiston Respublikasi o'zining milliy-davlat va ma'muriy-hududiy tuzilishini hamda davlat hokimiyati va boshqaruv idoralarining tizimini belgilaydi, **ichki va tashqi siyosatini amalga** oshiradi. O'zbekistonning davlat chegarasi va hududi dahlsiz va bo'linmasdir. O'zbekiston Respublikasining **davlat tili o'zbek tilidir**. Islom dini asosiy din hisoblanadi. U o'z hududida istiqomat qiluvchi barcha millat va elatlarning tillari, urf-odatlar va an'analari hurmat qilinishini ta'minlaydi, ularning rivojlanishi uchun sharoit yaratadi. Pul birligi **so'm** hisoblanadi.

Mustaqillikka erishgandan so'ng mamlakatning o'ziga xos xususiyatlarini qamrab olgan **iqtisodiy siyosat** shakllanib, istiqbol yo'nalishlari belgilab olindi. Sobiq ittifoqning parchalanishi oqibatida O'zbekistonga o'ta markazlashgan, direktiv usul bilan boshqarilgan, mulkchilikning cheklangan turlariga asoslangan iqtisodiyot meros qilib qoldirilgan edi. Bu esa chuqur iqtisodiy inqirozga olib

¹ Республика aholisini ўсиш суръати пасайиш тенденциясига эгадир.

Масалан: 1970-1979 йй.да ўсиш суръати 3 % ни ташкил қилган. 1980-1989 йй.да 2,6 % ни ташкил қилган. 1990-2001 йилларда ўсиш суръати 1,8 %ни ташкил қилди. 2001-2010 йилларда ўсиш суръати 1,3%ни ташкил қилди БМТнинг маълумотига қараганда 2001-2010 йилларда Ўзбекистоннинг aholisi 3 млн. кишига яқин миқдорда ўсди. Ўзбекистон худуди бўйича дунёда 41-ўринни, aholi soni жиҳатидан 58- ўринда туради. Aholining ўртача ёши 26 га тенг.

keldi. Ishlab chiqarish hajmi, milliy daromad ko'rsatkichlari pasayib ketdi va hokazo.

Respublika Prezidenti va hukumatining zudlik bilan qat'iy choralar ko'rishi natijasida, eng avvalo, yangicha **iqtisodiy siyosat** ishlab chiqildi. Uning negiziga **bozor iqtisodiyoti asos qilib olindi**. Dunyodagi barcha rivojlangan mamlakatlar tajribasidan, ayniqsa, Turkiya, Janubiy Koreya va boshqa qator Osiyo davlatlari namunalaridan to'g'ri foydalanilgan holda, mumkin qadar tezroq, **aholining hech bir tabaqasiga katta ziyon yetkazmasdan bozor iqtisodiyotiga o'tish kerakligi davlat siyosatining mazmunini tashkil qildi**. Buning uchun har taraflama keng iqtisodiy islohotlar o'tkazish rejalashtirildi va respublikada bozor munosabatlariga o'tishning quyidagi nazariy **asoslari va mezonlari aniqlandi**:

- iqtisodning mafkuradan holi bo'lishi va uning siyosatdan ustuvorligi;
- davlatning bosh islohotchi bo'lishi;
- qonunlar va ularga rioya qilish ustuvorligi;
- xalq manfaatlariga qaratilgan kuchli ijtimoiy siyosatni yurgizish;
- bozor iqtisodiyotiga asta-sekin, bosqichma-bosqich o'tib borish.

SHuni alohida ta'kidlash joizki, O'zbekiston Respublikasi Prezidenti ilgari surgan rivojlanishning bu **beshtamoyili** amalda o'zining xayotiyiligini to'la tasdiqladi. Amaliy ish jarayonida O'zbekiston tub iqtisodiy islohotlarni o'tkazishni o'ziga xos yo'lini to'g'riligi va ta'sirchanligi tasdiqlandi. Bu tamoyillar jahon jamoatchiligi tomonidan ma'qullandi. Mazkur tamoyillarni amalga oshirib, respublikada ijtimoiy-siyosiy barqarorlik, eng muhimi – bozor munosabatlarini joriy etish sari bosqichma-bosqich ilgarilab borish ta'minlandi.

O'zbekistonda o'tish davrining o'zidayoq iqtisodiy barqarorlikni ta'minlabgina qolmay, mamlakatni **iqtisodiy o'sish sari olib chiqdi**, kelgusida uni yanada jadalroq rivojlanishi uchun mustahkam zamin yaratdi. Natijada jahon iqtisodiy adabiyotida xaqli ravishda taraqqiyotning «O'zbekiston modeli», «O'zbekiston fenomeni» degan tushunchalar paydo bo'ldi. SHu borada bir misol keltirish o'rinlidir. Bugun barcha davlatlarni tashvishga solayotgan, hali-beri davom etayotgan, jahon miqyosida eng dolzarb, eng og'ir masala bo'lib turgan moliyaviy-iqtisodiy inqirozni hisobga olgan holda, O'zbekiston oxirgi yetti yil davomida dunyodagi sanoqli davlatlar qatorida o'rtacha 8-8,5 foiz iqtisodiy o'sishga erishayotgani mamlakatimiz salohiyati barqaror rivojlanib borayotganining yaqqol dalilidir. O'zbekiston iqtisodiyoti yigirma yil davomida 3,5 barobardan ziyod o'sdi. Yalpi ichki mahsulot jon boshiga 2,5 barobar oshdi.

O'zbekiston Respublikasi yaqin o'tmishda umumittifoq xalq xo'jaligi majmuining tashkiliy qismiga kirar edi. SHu bilan birga Sobiq ittifoqdagi **mehnat taqsimotiga asosan xom ashyoni yetkazib beruvchi** mavqeini egallardi. Bunday sharoitda xalq xo'jaligini **“milliy iqtisodiyot”** tushunchasi bilan taqqoslash mumkin emas edi.

Endilikda O'zbekistonda siyosiy va davlat mustaqilligi kamol topishi, iqtisodiy rivojlanishning o'z yo'lini tanlash imkoniyati yaratilishi bilan respublikada hozirgi zamon **milliy iqtisodiyoti shakllana boshlandi**. Mustaqillik yillarida O'zbekiston yangi davlatchilikni shakllantirish, istiqlolni real mazmun

bilan to'ldirish, Sovet Ittifoqining qulashi tufayli vujudga kelgan yalpi ijtimoiy-iqtisodiy inqiroz sharoitida bozor munosabatlariga o'tishning qiyin va mashaqqatli yo'lini bosib o'tdi. O'tgan davr sobiq yagona xalq xo'jalik majmuasi xarobalari o'rnida **milliy iqtisodiyotnig** tamal toshini qo'yish davri hamdir. Bugun mamlakatda yangi iqtisodiy tizimning asosiy unsurlari shakllantirilgan – yangi iqtisodiy xokimiyat organlari, milliy moliya, ichki va tashqi bozor, bozor institutlari tizimi, xo'jalik qonunchiligi me'yorlari yaratildi.

“... Mamlakatimiz 1991 yilda o'z mustaqilligini e'lon qilib, tarixiy taraqqiyotning yangi bosqichiga qadam qo'ydi. O'tgan davrda amalga oshirilgan barcha ishlarimizni baholar ekanmiz, bugungi O'zbekistonning shakllanishidagi **ikki bosqichni alohida ajratib ko'rsatish uchun barcha asoslarimiz bor: birinchi bosqich** – 1991-2000 o'tish davri va milliy davlatchilik asoslarini shakllantirish bilan bog'liq birinchi galdagi islohot va o'zgarishlar davri. **Ikkinchi bosqich** – 2001-2010 iqtisodiyotimizni barqaror rivojlantirish siyosiy hayotimizni, qonunchilik, sud-huquq tizimi va ijtimoiy-gumanitar sohalarini isloh qilish aholi turmush darajasini muntazam oshirib borishni ta'minlash²...

Jahon xo'jaligining shakllanishi ham bir necha bosqichlardan iboratdir.

1. (XV – XVII asrlar) – yangi yerlarning ochilishi – buyuk geografik kashfiyotlar bilan bog'liq bosqich bo'lib, asosiy savdo yo'llari Hind va Atlantika okeani orkali o'tgan. Buyuk Britaniya, Portugaliya, Ispaniya Gollandiya kabi davlatlar eng katta mustamlakalarga ega bo'lgan va jahon savdosiga sezilarli ta'sir ko'rsatgan;
2. (XVIII – XIX asrlar) – xalqaro savdo dunyoning barcha mamlakatlari va regionlarini qamrab olgan davr. Xalqaro mehnat taqsimoti, jahon bozorining rivojlanishi, mexanizatsiya va mashinalashgan sanoat Yevropaning bir qancha mamlakatlari va AQSHda vujudga keladi;
3. Jahon iqtisodiyotining kengayishi(XIX asr oxiri XX asr o'rtalarini o'z ichiga oladi) bunda transport, qit'alararo aloqalar, dunyo bozorining tez rivojlanishi (etakchi davlatlar tomonidan dunyoni qayta bo'lib olinishi, kapital migratsiyasi);
4. Jahon iqtisodiyotining chuqurlashuvi (XX asr oxiridan hozirgacha) yirik mashina industriyasi, transport va dunyo bozorining birgalikda rivojlanishi, jahon xo'jaligining globallashuv, integratsiyalash jarayonlarini chuqurlashishi, yirik mintaqaviy integratsiyani vujudga kelish davri.

Har qanday jamiyatning shakllanishi va taraqqiy etishida shu jamiyatni boshqara oladigan qonunlar dasturlar muhim ahamiyat kasb etadi. O'zbekistonda ham jamiyat ijtimoiy – iqtisodiy xayotini yaxshilashga va erkin fuqarolik jamiyati qurishga karatilgan bir qator qonunlar qabul qilindi: «**Mulkchilik to'g'risida**», «**Korxonalar to'g'risida**», «**Kooperatsiyalar to'g'risida**», «**Ijara to'g'risida**», «**Tadbirkorlik to'g'risida**», «**Mulkni davlat tasarrufidan chiqarish va xususiylashtirish to'g'risida**», «**CHet el investitsiyalari haqida**», «**Tashqi iqtisodiy faoliyat asoslari to'g'risida**», «**Soliq solish to'g'risida**», «**Dehqon**

² Ўзбекистон Республикаси иқтисодий-ижтимоий тараққиётининг мустақиллик йилларидаги 1990-2010 йилларидаги асосий тенденция ва кўрсаткичлари ҳамда 2011-215 йилларга мўлжалланган прогнозлари. Т., Ўзбекистон 2011 йил, 85-бет.

xo'jaligi to'g'risida», «Fermer xo'jaligi to'g'risida», «Raqobat to'g'risida», «Tadbirkorlik faoliyati erkinlagining kafolatlari to'g'risida» va hokazolar kabi 600 dan oshiq qonunlar, 12 ta kodeks qabul qilindi. Kodeks bu sohalar bo'yicha qabul qilingan qonunlarni mujassamlanishidir.

O'zbekistonda iqtisodiyotning asosini tashkil etuvchi **ishlab chiqarish sohasiga** alohida e'tibor berildi va berilmoqda. Ushbu sohaning eng asosiy tarmog'i **sanoatning an'anaviy rivojlangan turlari** – qishloq xo'jalik mashinasozligi, kimyo sanoati kabilar bilan bir qatorda mutlaqo yangi sanoat sohalarni tashkil etish zarur bo'ldi.

O'zbekiston iqtisodiyotining muhim tarmoqlaridan biri **qishloq xo'jaligi hisoblanadi**. Uning asosiy bo'g'ini bo'lgan paxtachilik eng rentabelli va xaridorgirdir. SHu sababdan, kelajakda ham paxtachilikni rivojlantirish, uning tarmoq infrastrukturasida qulay, mos hajmini, salmog'ini aniqlash, shuningdek, tola sifatini tubdan yaxshilab, dunyo standarti darajasiga keltirish eng dolzarb muammodir.

Davlatimiz nisbatan katta hududga ega va uning geografik o'rni ham alohida xususiyatlarga molik. **Bu holat qurilish va transportni** ham jadal sur'atlar bilan rivojlantirish vazifasini qo'yadi. Yalpi ishlab chiqarish maydonlarini, **uy-joy, yo'l qurilishi, madaniy-maishiy muassasalar, ta'lim va sog'liqni saqlash sohalarining** mustaqil moddiy-texnik poydevorini yaratish qurilish sohasining mazmunini tashkil etadi.

Sobiq SSSR davrida respublikada transportning muhim turi bo'lgan dengiz transportiga ega emasligimiz, temir yo'lining esa past darajadali va **faqat bir tomonga, shimolga qaratilganligi** ushbu jabhalarda chuqur o'zgarishlarni amalga oshirishni nazarda tutdi. SHuning uchun bu sohani rivojlantirishga katta e'tibor berildi.

SHuni alohida ta'kidlash lozimki, havo transporti respublika xayotida muhim o'rin egallaydi. «O'zbekiston havo yo'llari» milliy aviakompaniyasi dunyoning ko'plab mamlakatlari bilan passajir va yuk tashish aloqalarini o'rnatdi.

Davlat iqtisodiy siyosatining asoslari qilib quyidagilar belgilandi:

a) qisqa muddat ichida respublikamizni **xom ashyo ishlab** chiqaradigan davlatdan dunyo bozorlarida raqobat qila oladigan, **tayyor** mahsulotlar ishlab chiqaradigan mustaqil iqtisodiyotga ega, qudratli davlatga aylantirish;

b) **iste'mol bozorini, avvalo, ichki resurslar hisobiga to'ldirish**, aholining oziq-ovqat, kundalik sanoat tovarlariga bo'lgan ehtiyojini juda qisqa vaqt ichida to'liq ta'minlash;

v) aholi daromadlarining **narx-navo bilan mutanosibligini** ta'minlash, buning uchun zarur bo'lgan ijtimoiy tadbirlarni amalga oshirish;

g) puxta ishlangan **qonunlarga asoslangan holda** davlat suverenitetini (daxlsizligini) ta'minlash, birinchi navbatda, xalq manfaatlarini himoya qiladigan **teng xuquqli, o'zaro foydali tashqi iqtisodiy aloqalarni o'rnatish;**

d) ichki iste'mol bozori himoyasini ta'minlash, davr talabiga javob beradigan **moliya-pul siyosatini ishlab chiqish, uni takomillashtirib borish** va hokazo.

Prezidentimiz I.A.Karimov o'zining «O'zbekiston iqtisodiy islohotlarni chuqurlashtirish yo'lida» degan asarida «**Pirovard maqsadimiz ijtimoiy yo'naltirilgan barqaror bozor iqtisodiyotiga ochiq tashqi siyosatga ega bo'lgan kuchli demokratik xuquqiy davlatni va fuqarolik jamiyatini barpo etishdan iboratdir**»³ degan edi.

Respublikada bozor iqtisodiyotiga bosqichma-bosqich o'tish ularni har biri uchun konkret maqsadlarni, ularga erishish vositalarini belgilab olishni taqozo etadi.

Birinchi bosqich butunlay yangi iqtisodiy tizimning xuquqiy negizlarini yaratishga, davlatchilikni shakllantirish va mustahkamlashga, eskicha fikrlash tarzlarini ongimizdan chiqarib tashlashga qaratilgan edi. Bu bosqichda yangi tuzum uchun ishonchli poydevor yaratish vazifasi qo'yildi. **Birinchi bosqichda:**

1. O'tish jarayonini xuquqiy asoslarini shakllantirish, islohotlarning qonuniy-xuquqiy bazasini mustahkamlash va rivojlantirish;

2. Qishloq xo'jaligida mulkchilikning yangi shakllarini vujudga keltirish, mahalliy sanoat, savdo, maishiy xizmat korxonalarini, uy-joy fondini xususiyashtirish va davlat tasarrufidan chiqarish, shuningdek, **yengil sanoat, qurilish va transport sohasidagi ayrim korxonalarni aktsiyadorlik asosida qayta qurish** hisobiga ko'p ukldli iqtisodiyot negizlarini yaratish. Xususiy tadbirkorlikni rivojlantirish;

3. **Moliyaviy ahvolni** barqarorlashtirish, moliya va soliq siyosati; kredit-pul siyosati, narx-navo bo'yicha va pulning qadrsizlanishiga qarshi siyosat, ularni rivojlantirish va takomillashtirish kabi juda katta ishlar amalga oshirildi.

Respublikada jamiyatni isloh qilishning **ikkinchi bosqichining** vazifalari quyidagilar deb belgilandi:

1. Davlat mulklarini xususiyashtirish sohasidagi boshlangan ishni oxiriga yetkazish;

2. Ishlab chiqarishning pasayishiga barham berish va makroiqtisodiy barqarorlikni ta'minlash, korxonalar, tarmoqlarning ham umuman davlatning iqtisodiy va moliyaviy barqarorligiga erishish;

3. Milliy valyuta – so'mni yanada mustahkamlash;

4. Iqtisodiyot tarkibini tubdan o'zgartirish, xom ashyo yetkazib berishdan tayyor mahsulot ishlab chiqarishga o'tish, uning sifatini va raqobatga bardoshligini jahon bozori talablari darajasiga yetkazish va hokazo.

O'zbekiston iqtisodiyoti uchun 1995 yil burilish yili bo'ldi. Yalpi ichki mahsulot ishlab chiqarishning pasayishi deyarli to'xtatildi. Bir yildi u atiga 0,9 foizga teng bo'ldi va 1996 yildan boshlab hozirgacha yalpi ichki mahsulot ishlab chiqarishning barqaror ijobiy dinamikasi davom etmoqda: 1996 yilda uning o'sishi 1,7 foizni, 1997 yilda 5,5 foizni tashkil etdi. Binobarin mamlakatimiz 1998 yil natijalari bo'yicha yalpi ichki mahsulot xajmining 1990 yil darajasiga erishishda hal qiluvchi qadam tashladi. Sanoat ishlab chiqarish xajmi bo'yicha bu darajaga

³ И.А.Каримов «Ўзбекистон иқтисодий ислохотларни чуқурлаштириш йўлида» Т. Ўзбекистон, 2009 йил, 179- бет.

mamlakatimiz 1995 yilda to'la erishgan edi. 2012 yilda mamlakatimiz YaIM 8,2 % ga oshdi.

SHunday qilib hali o'tish davrining o'zidayoq O'zbekistonda ko'p ukladli, aralash, ko'p tarmoqli, tashqi beqarorlashtiruvchi omillardan holi milliy iqtisodiyotining shakllanishi asosan tugallandi⁴.

Tayanch iboralar

- Milliy iqtisodiyot
- Jahon iqtisodiyoti
- Iqtisodiy faoliyat
- Davlat mustaqilligi
- Siyosiy mustaqillik
- Iqtisodiy mustaqillik
- Iqtisodiy siyosat
- Unitar davlat
- Suveren demokratik respublika
- Ma'muriy-hududiy birliklar
- Milliy va jahon iqtisodiyotning shakllanish bosqichlari.
- Boshqaruv tizimi
- Boshqaruv tizimining tarkibi.

O'z-o'zini tekshirish uchun savollar

1. Milliy iqtisodiyot deganda nimani tushunasiz?
2. Jahon iqtisodiyoti deganda nimani tushunasiz?
3. "Milliy" so'zining ma'nosi nimada?
4. Iqtisodiyotning uch xil tushunchasi xususida nima deya olasiz?
5. Milliy iqtisodiyotning shakllanish jarayoni qanday?
6. Milliy iqtisodiyotning xarakterli belgilari va shart-sharoitlari qaysilar?
7. Milliy iqtisodiyotning kapitalistik, sotsialistik, postsotsialistik va kam rivojlangan mamlakatlardagi kapitalistik shakllari?
8. Iqtisodiy faoliyat mazmuni qanday?
9. Jahon iqtisodiyotining shakllanish bosqichlari qanday?
10. Milliy iqtisodiyot kursining predmeti va uni boshqa iqtisodiy fanlar bilan bog'liqligi nimada?
11. O'zbekiston Respublikasining Davlat mustaqilligi asoslari nimada?
12. Unitar davlat deganda nimani tushunasiz?
13. O'zbekiston-suveren demokratik respublika ekanligini ma'nosi nimada?
14. Bozor munosabatlariga o'tishning o'zbek modeli, uning mohiyati va ahamiyati nimada?
15. Davlatning iqtisodiy siyosati va uning asoslari to'g'risida nimalar deya olasiz?

⁴ Тухлиев Н. "Тараққиётнинг ўзбек модели" "Ўзбекистон Миллий энциклопедияси" Давлат илмий нашриёти Т-2012 й. 140-бет

16. Bozor munosabatlariga o'tishning qanday bosqichlarini bilasiz?

Tavsiya etiladigan adabiyotlar

1. O'zbekiston Respublikasi Konstitutsiyasi – T. “O'zbekiston” 2010.
2. Karimov I.A Asosiy vazifamiz – Vatanimiz taraqqiyoti va xalqimiz farovonligini yanada yuksaltirishdir. Toshkent “O'zbekiston” 2009.
3. Karimov I. A Vatanimizning bosqichma-bosqich va barqaror rivojlanishini ta'minlash – bizning oliy maqsadimiz. T-17 O'zbekiston 2009. 280 bet.
4. O'zbekiston Respublikasi Prezidenti I.Karimovning 2012 yilda mamlakatimizni ijtimoiy-iqtisodiy rivojlantirish yakunlari hamda 2013 yilga mo'ljallangan iqtisodiy dasturning eng muhim ustuvor yo'nalishlariga bag'ishlangan Vazirlar Mahkamasining majlisidagi ma'ruzasi. Xalq so'zi 2013 yil 19 yanvar.
5. O'zbekiston Respublikasi Prezidenti Islom Karimovning O'zbekiston Respublikasi Konstitutsiyasining 20 yilligiga bag'ishlangan tantanali marosimdagi ma'ruzasi. T. 7 dekabr 2012 yil
6. Azimov R.S “Uzbekskaya model” reformirovaniya i modernizatsii ekonomiki, yee effektivnost v preodolenii posledstviy mirovogo finansovo – ekonomicheskogo krizisa. Toshkent “Uzbekistan” 2009.
7. Yusupov A.T., Xodiev B.Yu. Iqtisodiyot o'zbekcha-ruscha qisqacha lug'at. T. “O'zbekiston” 2012.
8. Tuxliev N. va boshqalar “O'zbekiston iqtisodiyoti asoslari” “O'zbekiston Milliy entsiklopediyasi” Davlat ilmiy nashriyoti T-2006 y
9. Tuxliev N. “Taraqqiyotning o'zbek modeli” “O'zbekiston Milliy entsiklopediyasi” Davlat ilmiy nashriyoti T-2012 y.
10. SHodiev R.H., Maxmudov E.R Jahon iqtisodiyoti. T. 2005.
11. Yo'ldashev Z. Milliy iqtisodiyot T., 2004.
12. Umarov T.A. Globallashuv jarayonida milliy iqtisodiyot rivojlanishining nazariy jihatlar. T: Avtoreferat. 2010.
13. Almanax. O'zbekiston iqtisodiy tadqiqotlar markazi 2011.

II BOB. MILLIY IQTISODIYOT TARAQQIYOTINI TAVSIFLOVCHI KO'RSATKICHLAR

REJA:

§ 1. Milliy iqtisodiyotning faoliyatini ta'minlovchi omillar.

§ 2. Iqtisodiyotning shakllari va rivojlanishini belgilaydigan makroiqtisodiy ko'rsatkichlar tizimi.


§ 3. Raqobatbardoshlik ko'rsatkichlari

2.1. Milliy iqtisodiyotning faoliyatini ta'minlovchi omillar.

Ma'lum bir davlatning iqtisodiy faoliyatini chegaralab uni jahon hamjamiyatidan ajratib olish mumkin emas. SHuning uchun ham milliy iqtisodiyot jahon iqtisodiy tizimini bir bo'lagi sifatida qaralishi lozim. Demak, milliy iqtisodiyotning xususiyatlari na faqat ichki, balki tashqi omillarga ham bog'liqdir. SHundan kelib chiqqan holda milliy iqtisodiyotga ta'sir etadigan omillar ikki guruhga bo'linadi: **Tashqi va ichki**. Ular bir-birlari bilan chambarchas bog'liqdir.

1-chizma

Iqtisodiyotga ta'sir ko'rsatuvchi tashqi omillar



Jahon hamjamiyatini **iqtisodiy omillariga**, eng avvalo, u yoki bu davlatning milliy iqtisodiyotini ixtisoslik - yo'nalishini belgilaydigan xalqaro mehnat taqsimoti kiradi.

XMT – ijtimoiy mehnat taqsimotining xududiy shaklidir.

XMT – natijasida mehnat unumdorligi o'sishi, iqtisodiy rayonlar shakllanishi ro'y beradi.

XMTda – ishtirok etish jahonning barcha davlatlari uchun qo'shimcha iqtisodiy samara berib, o'z ehtiyojlarini eng kam harajatlar bilan to'liqroq kondirish imkonini beradi.

SHunday qilib, **XMT** – bu tarixan belgilangan ijtimoiy mehnat tizimidir. U alohida davlatlar o'rtasidagi ishlab chiqarish ixtisoslashuvga asoslanadi.

Siyosiy omillar har xil shakllarda namoyon bo'lishi mumkin. Masalan u yoki bu mahsulot yetkazib berish yoki xizmat ko'rsatishni ta'qiqlab qo'yish; embargo e'lon qilish, u yoki bu savdo-siyosiy uyushmalariga qabul qilish yoki qilmaslik; diplomatik munosabatlarni o'rnatilishi yoki buzilishi; u yoki bu harbiy-siyosiy tashkilotlarga kirish, u yoki bu davlat bilan borayotgan urush holati va hokazo.

Jahon hamjamiyatida namoyon bo'ladigan **demografik omillar**, eng avvalo, ishsizlikni keltirib chiqarishi mumkin bo'lgan ishchi kuchlarining migratsiyasini

(bir joydan ikkinchi joyga ko'chishi) bilan bog'liqdir. Bunday holat qaysi davlat uchun yaxshi ko'rsatkich bo'lishi mumkin, va uning aksi-qaysidir davlat uchun salbiy bo'lishi mumkin.

Milliy iqtisodiyotga **madaniy omillar** ham kuchli ta'sir o'tkazishi mumkin. Masalan: umummadaniyati kuchli bo'lgan davlatlarni boshqa davlat madaniyatiga ta'siri (bosqinchiligi-ekspansiya) tufayli uning iqtisodini pasayishiga (foyda keltirib turgan madaniyat va san'at tarmoqlari daromadlarini pasayib ketishi tufayli) olib keladi.

Milliy iqtisodiyotga ta'sir qiluvchi **ichki omillar**:


SHaxsiy-insoniy omil – bu mehnat qilish qobiliyatidan iborat bo'lmish **ishchi kuchi** va uning faoliyat qilishidir. SHaxsiy insoniy omil mehnatga layoqatli aholi, uning jismoniy va aqliy qobiliyati, bilim va saviyasi, malaka va mahoratidir. 2011 yilda O'zbekistonda mazkur mehnatga layoqatli aholi soni 17,2 mln kishini tashkil kiladi.

Moddiy ashyoviy omil - bu ishlab chiqarish uchun zarur bo'lgan barcha moddiy shakldagi vositalardir. Uning tarkibiga tabiiy boyliklar, ulardan olingan xom ashyolar, mashina-mexanizm, asbob-uskuna, qurilmagan inshootlar kiradi. Ular ishlab chiqarish vositalari, (fondlari) deb ham yuritiladi. Ular ma'lum narxda hisoblanib, pulga chaqilgan shakli, ya'ni qiymat-pul shakli MDH mamlakatlarida **ishlab chiqarish fondlari** nomini olgan. Moddiy omillar tarkiban uch qismdan iborat:

Moddiy-ashyoviy omil bilan shaxsiy-insoniy omil birikib mehnat jarayoni, ya'ni ishlab chiqarish yuzaga keladi. Buning natijasida turli-tuman mahsulotlar va xizmatlar yaratiladi.

2-chizma

Iqtisodiyotga ta'sir ko'rsatuvchi ichki omillar



Tadbirkorlik qobiliyati oddiy ishchi kuchidan farq qilib, ishlab chiqarishda boshqarishdan iborat bo'lgan alohida vazifani bajaradi. U tabiatan ishbilarmonlik

qobiliyati bo'lib, alohida bir iste'dod, yuksak bilim, maxsus tayyorgarlik va ma'suliyat mujassami, demakdir.

3-chizma



Tadbirkorlik qobiliyati moddiy omillar bilan birikmaydi, balki shu omillar bilan ishchi kuchining samarali birikishini, iqtisodiy faoliyatdan yaxshi natija olinishini ta'minlaydi.

Bozor munosabatlari sharoitida milliy iqtisodiyotning rivojlanishida ichki va tashqi omillarning ahamiyati ortib bormoqda.

Ichki omillar orasida tabiiy va mehnat resurslarining miqdori va sifati, asosiy kapitalning xajmi, ilmiy texnika va innovatsion taraqqiyot hal qiluvchi ahamiyat kasb etmoqda.

Tashqi omillar orasida jahon iqtisodiyoti tizimiga integratsiyalashuv kuchayishining ahamiyati ortmoqda.

Milliy iqtisodiyotga **globallashuvning** ta'siri ziddiyatli kechadi. Bu jarayonda, **bir tomondan** xalqaro ishchi kuchi migratsiyasi kuchayadi, mamlakatga arzon tovarlarning kirib kelishi ko'payadi, natijada milliy iqtisodiyotning ayrim tarmoqlarida iqtisodiy rivojlanishga to'siq paydo bo'ladi. Ikkinchi tomondan, tashqaridan zamonaviy texnologiya, investitsiya, innovatsiya va kreditlar kirib keladi. Ishlab chiqarishni **modernizatsiyalash va rekonstruktsiya** qilish, innovatsion texnologiyalarga o'tish imkoniyatlari kengayadi natijada iqtisodiy rivojlanish ta'minlanadi (bu masalalarga qo'llanmaning keyingi bo'limlarida alohida to'xtalib o'tamiz).

2.2. Iqtisodiyotning shakllari va rivojlanishini belgilaydigan makroiqtisodiy ko'rsatkichlar tizimi.

Milliy iqtisodiyotni tashkil qilish shakllari. Insoniyat tarixi xo'jalik yuritishni turli xil shakllarini biladi:

An'anaviy yoki natural iqtisodiy tizim. Bu o'ta ko'xna va qoloq iqtisodiy tizim, uzoq vaqtgacha o'zgarmay qolgani uchun arxaik (eski) tizim deb baholanadi. Bu tizimda qo'l mehnati hukmron, ishlab chiqarish natural xarakterga ega: mehnat unumdorligi va turmush darajasi g'oyat past. Iqtisodiy aloqalar xo'jalikning o'z ichida yuz beradi. Boshqalar bilan oldi-sotdi munosabatlari bo'lmaydi. Bu tabiatan berk iqtisodiyot davlat siyosati ta'siridan holi bo'ladi. An'anaviy iqtisodiy tizimning alomatlari hali tsivilizatsiya girdobiga tortilmagan,

urug'-aymoqchilik sharoitida yashayotgan ba'zi bir Afrika xalqlarida uchrab turadi.

Bozor iqtisodiyoti tizimi. Bu bozordagi talabni qondirishga qaratilgan, bozor orqali hamkorlikni taqozo etuvchi erkin va demokratik tizim. U xususiy mulkchilik, bozor uchun ishlash, cheklanmagan iqtisodiy tanlov, naf ko'rish va raqobat kabi tamoyillarga asoslanadi. Bozor tizimida daromad topish chegaralanmaydi, boy bo'lish ta'qiqlanmaydi, o'ziga to'q, farovon yashovchi odamlarning moddiy tengsizligi mavjud bo'ladi. Bozor tizimi asosida tovar ishlab chiqarish, pul yotadi. Bozor tizimi dunyoning barcha mamlakatlarida bor, lekin uning rivojlanish darajasi bir xil emas.

Totalitar-rejali yoki buyruqbozlik-ma'muriy iqtisodiyot tizimi. Bu to'la to'kis davlatlashtirilgan iqtisodiy tizimdir. Uning asosi davlat mulki hisoblanadi, ishlab chiqarish davlatning reja-topshiriqlariga binoan yurgiziladi, nima ishlab chiqarish masalasi davlatning buyrug'iga binoan hal qilinadi. Boy bo'lish ta'qiqlanadi, kambag'allarning tengligi hukm suradi. Bunday iqtisodiy tizim sobiq sotsialistik mamlakatlarda bo'lgan.

Aralash iqtisodiy tizim. Bu har xil darajada bozor va nobozor aloqamunosabatlarining qorishmasidan iborat tizimdir. Bu tizimda bozor vositalari bilan birgalikda rejalashtirish, hamkorlik va saxovatga asoslangan iqtisodiy aloqalar mavjud bo'ladi. Iqtisodiyot yuksak texnologiya, g'oyat yuqori mehnat unumdorligiga asoslanadi, bu esa moddiy to'kinchilikni ta'minlaydi. Aholining ko'pchiligi mulk sohibiga aylanadi.

• **Iqtisodiy faoliyatni tahlil qilish imkoniyatini beradigan usullar:**

Xalqaro bozorda raqobatbardoshlik afzalligini ko'rsatkichi milliy iqtisodiyotning rivojlanish darajasini baholaydigan muhim ko'rsatkichdir. Milliy iqtisodiyotda u yillik milliy daromad xajmini yil davomida sarflangan barcha resurslarning qiymatiga bo'lgan nisbatidir.

Mamlakatning boyligi quyidagi ko'rsatkichlar yig'indisi bilan baholanadi:

1. Aholining jon boshiga to'g'ri keladigan yalpi ichki mahsulot (YaIM)
2. Tabiiy resurlar qiymati
3. Mehnat resurslarining qiymati
4. Milliy iqtisodiyotning barcha tarmoqlari va turlari korxonalarining qiymati.

Mamlakat ixtiyoridagi mavjud resurlar yuqoridagi ko'rsatilgan usullar bilan aniqlanishi mumkin.

Milliy iqtisodiyot faoliyati har xil makroiqtisodiy ko'rsatkichlar bilan ifodalanadi. Qanchalik mahsulot ko'p ishlab chiqarilsa, shunchalik mamlakat boy bo'ladi, iqtisodiyot samarali faoliyat ko'rsatadi va hokazo. Ishlab chiqarilayotgan mahsulot xilma-xildir. Uning soni va xillari millionlar bilan o'lchanadi va xilma xil o'lchov birliklari bilan ifodalanadi (dona, metr, tonna, kilovat soat va hokazo) ularni bir-biri bilan taqqoslab yoki qo'shib bo'lmaydi. SHuning uchun ularning hammasini yagona asosga keltiradigan, yagona o'lchov birligi zarur bo'ladi. Ana shunday ko'rsatkich bo'lib amaliyotda qiymat ko'rsatkichlari qo'llaniladi (so'm, dollar, yevro, rubl, funt sterling va hokazo).

Makroiqtisodiyotda quyidagi ko'rsatkichlar yordamida iqtisodiyotning rivojlanishi yoki pasayishi, uning yutuq va kamchiliklari aniqlanadi, o'lchanadi;

- Yalpi milliy mahsulot (YaMM)
- Yalpi ichki mahsulot (YaIM)
- Inflyatsiya
- Davlat byudjeti taqchilligi
- Deflyator-inflyatsiyaning haqiqiy darajasini ifodalovchi

$$\text{Kўrsatkich} = \frac{\text{ЯИМнинг амалдаги баҳоларда}}{\text{ЯИМ солиштирма баҳоларда}}$$

- Iste'mol baholar indeksi
- Ishsizlik darajasi va ishsizlik soni, aholining ish bilan bandliligi darajasi
- Aholini moddiy ne'matlar va xizmatlar iste'moli hajmi, uning jamg'armalari, ish haqining quyi miqdori va qator boshqalar.

Ishlab chiqarishning natijalarini ifodalaydigan makroiqtisodiy ko'rsatkich bu **YaLPI MILLIY MAHSULOT (YaMM)** hisoblanadi. **YaMM bir yil ichida milliy xo'jalikda yaratilgan, taqsimlangan va foydalaniladigan pirovard yakuniy mahsulotlar qiymatidir.** YaMM mamlakatda ishlab chiqarilgan barcha mahsulot va xizmatlar yig'indisining **pul shaklidagi ifodasidir** (mamlakatda yoki uning tashqarisidagidan qat'iy nazar). Milliy xo'jalikda yaratiladigan juda katta har xil mahsulot va xizmatlar iste'mol tovarlariga va investitsiya tovarlariga yoki ishlab chiqarish vositalari mahsulotlariga bo'linadi. Bu ko'rsatkich, ya'ni YaMM ko'rsatkichi 1987 yildan BMT metodologiyasi bo'yicha hisoblana boshlandi.

$$\text{YaMM} = \text{YaIM} + \begin{array}{l} \text{Шу мамлакат юридик ва} \\ \text{жисмоний шахсларининг} \\ \text{хориждан оладиган фойда ва} \\ \text{даромадлари} \end{array} - \begin{array}{l} \text{Хорижий инвесторлар ва} \\ \text{ишчиларни шу мамлакатдан} \\ \text{олган фойда ва даромадлари} \end{array}$$

Ma'lumki har xil davlatlarda tashqi savdo sal'dosi (qoldig'i) bir xil emas va u YaMM tarkibiga qo'shiladi. Bu, o'z navbatida, YaMM hajmini o'zgartirib yuboradi. Natijada YaMM ko'rsatkichi taqqoslab bo'lmaydigan holga kelib qoladi. SHuning uchun mamlakat iqtisodini rivojlanish darajasini aniq ifodalaydigan ko'rsatkich bo'lib, **yalpi ichki mahsulot ko'rsatkichi (YaIM)** hisoblanadi.

YaIM – bu mamlakatning iqtisodiy faoliyatini umumlashtirib ifodalovchi ko'rsatkichdir. U mazkur **mamlakat hududida pirovard iste'mol uchun ishlab chiqarilgan mahsulot va xizmatlar qiymatiga tengdir.**

YaIM jami ijtimoiy mahsulot- YaIM (C+V+M) dan tubdan farq qiladi. Bu farqlar quyidagilardan iborat:

YaIM- bu iste'molga tayyor xayotiy ne'matlarni bildiradi. SHu sababli uning tarkibiga qayta ishlash yoki qaytadan sotishga mo'ljallangan mahsulotlar kirmaydi. Masalan: xom ashyo, material, yonilg'i, energiya, urug'lik, ozuqa,

transport xizmati, ulgurji savdo, tijorat, moliyaviy xizmatlar va boshqalar YaIM qiymatiga qo'shilmaydi. Aks holda YaIM ham takroriy hisoblardan holi bo'lmas edi.

YaIM- bu ichki mahsulotdir. Chunki u mazkur mamlakat hududida joylashgan barcha rezidentlar (qaysi millat va qaysi davlat fuqarosiga mansub ekanligidan qat'iy nazar) tomonidan ishlab chiqarilgan mahsulot va xizmatlar qiymatini ifodalaydi.

YaIM natura va pulda hisoblanadi. Naturada ayrim mahsulotlarning hajmi, miqdori, soni aniqlanadi. Masalan: ko'mir, paxta, don, tsement kabilarning miqdori tonnada, taxta, gaz esa kubometrda aniqlanadi.

Mahsulotlar xilma-xil bo'lganidan ularni yagona moddiy- naturada aniqlab bo'lmaydi. Masalan: o'qitish yoki davolash xizmatini tonna, m, m³ orqali o'lchab bo'lmaydi. Shu sababli ularning ko'lemi (hajmi, miqdori, soni) necha pullik xizmat ko'rsatilganiga qarab aniqlanadi.

Yalpi ichki mahsulot hajmi yaratilgan mahsulotlar (M) va xizmatlar miqdorini (X) ularning bozor narxiga (R) ko'paytmasidan iborat:

$$YIM = \sum MP + \sum XP$$

Mazkur mavzuni yakunlar ekanmiz quyidagi xulosalarni chiqarishimiz mumkin:

1. YaIM tarkibida xizmat ko'rsatish sohasining ahamiyati orta boradi. Oxirgi 40-50 yil ichida jahon miqyosida Fan-texnika taraqqiyoti rivojlanishi moddiy ne'matlar ishlab chiqaradigan sohani tubdan o'zgartirib yuborayapti. Moddiy ne'matlar ishlab chiqaradigan sohaning chegarasi kengayib, ortib borayapti. FTT yangi texnologiyalarni yaratadigan bevosita ishlab chiqarish kuchiga aylanib borayapti.

2. 80-yillar oxiridan boshlab AQSH va boshqa rivojlangan davlatlarda axborot ishlab chiqarish keng rivoj topmoqda. U kishilarni mehnat faoliyatini uchinchi kuchli sohasiga aylanib qoldi. AQSH milliy iqtisodiyotida yangi tarmoqning ulushi YaIM hajmida shu davr ichida 50 % dan oshgan.

3. O'zbekiston iqtisodiyotida ham xizmat ko'rsatadigan sohalarni ulushi ortib borayapti va hokazo.

2.3. Raqobatbardoshlilik ko'rsatkichlari

Milliy iqtisodiyotning raqababardoshlilik darajasi uning tabiiy resurslar salohiyati, mehnat resurslarining soni va sifati (malaka darajasi) ishlab chiqarishning texnik-texnologik modernizatsiyalashganlik darajasi, iqtisodiyot tarkibiy tuzilishining takomillashganligi, davlatning iqtisodiy rivojlanish hamda islohotlar strategiyasi qay darajada ilmiy asoslanganligi va o'zgarishlar jarayonlarini hisobga olganligiga hamda boshqa bir qancha omillarga bog'liq.

Mamlakat iqtisodiyotining raqababardoshlilik – mamlakatning o'rta va uzoq muddatga iqtisodiy o'sishning yuqori sur'atlarini ta'minlab turish qobiliyatidir. Iqtisodiyotning to'lovga qodir talabga mos keluvchi, iqtisodiy o'sish va turmush sifatini oshirishni ta'minlaydigan tovar va xizmatlar ishlab chiqarish, ichki va tashqi bozorlarda sotish qobiliyatiga aytiladi.

Raqobatbardoshlilik darajasi quyidagi besh muhim omilga tayanadi:

1. **Sanoat rivojlanganligi;** Sanoat mahsulotlarini aholi jon boshiga to'g'ri kelishi, sanoat mahsulotlari ulushi, aholi jon boshiga to'g'ri keladigan eksport miqdori, umumiy xajmi. Ushbu ko'rsatkichlar Toshkent shahri, Navoiy, Toshkent, Andijon, Qashqadaryo viloyatlari bo'yicha hududlarga nisbatan ancha yuqoridir.

2. **Qishloq xo'jaligi rivoji;** Aholi jon boshiga to'g'ri keladigan qishloq xo'jaligi mahsulotlari, 1 ga qishloq xo'jaligida foydalaniladigan yerga to'g'ri keladigan suv miqdori, (ming m.kub), qishloq xo'jalik yerlari maydoni (ming ga), fermerlar soni (10 ming kishiga).

3. **Xizmat ko'rsatish sektori rivoji;** Aholi jon boshiga to'g'ri keladigan pullik xizmatlar, hududning pullik xizmatlari ulushi, pullik xizmatlarning umumiy xajmi, aholi jon boshiga to'g'ri keladigan savdo aylanmasi, hududning umumiy savdo aylanmasi ulushi.

4. **Hududlarni investitsiya faolligi;** Umumiy investitsiya hajmida hududning investitsiya ulushi, asosiy kapitalidagi investitsiya ulushi (mlrd so'm) xorijiy investitsiya (mln so'm), asosiy fondlar harakati (mlrd so'm), nodavlat sektordagi qurilish ishlari (mlrd so'm)

5. **Inson kapitali;** Oliy o'quv yurtlarida o'qiydigan talabalar soni (10 ming kishi), OO'Yularda tayyorlanadigan mutahassislar soni (10 ming kishi), ilmiy hodimlar (10 ming kishi), shahar aholisining zichligi (1000 kishi kv.km)

Bu o'z navbatida bir qancha ko'rsatkichlarni o'z ichiga oladi:

Ichki va tashqi bozordagi raqobatbardoshlilik o'zaro jiddiy farq qilishi mumkin. Bu bozorlarda ichki va tashqi muhitni tashkil etuvchi omillarning turlicha ekanligi, ya'ni to'lovga qodir talab hajmi, ichki va tashqi bozordagi narxlar o'rtasidagi farq, olib borilayotgan tashqi savdo siyosati hakazolar bilan belgilanadi.

O'zbekiston o'z mustaqilligining dastlabki yillarida, bozor iqtisodiyotiga o'tishning o'ziga xos yo'lini tanlab, uni izchil amalga oshirishi natijasida, Mustaqil Davlatlar Hamdo'stligidagi boshqa ko'plab mamlakatlardan farqli ravishda, ishlab chiqarish va aholi tumush darajasining keskin pasayib, davlatning ichki va tashqi qarzlari haddan ziyod oshib ketishiga yo'l qo'yilmaslikka erishdi.

Qulay ishchan muhit yaratish, ishlab chiqarishni modernizatsiya qilish, texnik va texnologik yangilashga qaratilgan iqtisodiy islohotlarni chuqurlashtirish jarayonlarining natijasi sifatida mamlakatimiz iqtisodiyoti 2005 yildan e'tiboran yiliga 7 – 9 foiz darajasidagi yuqori va barqaror o'sish sur'atlarini namoyish qila boshladi.

SHu o'rinda mamlakatimiz Prezidenti "O'zbekiston oxirgi yetti yil davomida dunyodagi sanoqli davlatlar qatorida o'rtacha 8 – 8,5 foiz iqtisodiy o'sishga erishayotgani mamlakatimiz salohiyati barqaror rivojlanib borayotganining yaqqol dalilidir"⁵, - deb ta'kidlagan edilar.

1-jadval

⁵ Президент И. Каримовнинг Ўзбекистон мустақиллигининг йигирма бир йиллигига бағишланган тантанали маросимдаги табрик сўзи. Халқ сўзи, 2012 йил 1 сентябр.

O'zbekiston Respublikasi asosiy makroiqtisodiy ko'rsatkichlari

Ko'rsatkichlar	O'lchov birdigi	2010 yil	2011 yil
Yalpi ichki mahsulot	million dollar	92,326	99,712
Sanoatning YaIMdagi ulushi	Foiz	23,9	24,0
Qishliq xo'jaligining YaIMdagi ulushi	Foiz	17,8	17,6
Qishloq xo'jaligi mahsulotlari	Mlrd so'm	15811	17451
Qurilish mahsulotlari	Foiz	6,4	6,1
Transport va aloqa	Foiz	11,0	11,7
Savdo	Foiz	8,9	8,8

Manba: O'zbekiston Respublikasi Davlat statistika qo'mitasi Toshkent 2012

Mamlakat iqtisodiyotini raqobatbardoshligi rivojlanishining eng muhim ko'rsatkichi bo'lib, hududlarni bir-biri bilan taqqoslash imkonini beradi. Hududlarning rivojlanish darajasi quyidagi ko'rsatkichlar orqali aniqlanadi:

O'zbekiston Respublikasining asosiy makroiqtisodiy ko'rsatkichlari

	O'lchov birligi	2000 yil	2010 yil	1990 yilga nisbatan foiz hisobida	
				2000 yil	2010 yil
Yalpi ichki mahsulot (xarid qobiliyati pariteti bo'yicha)	million dollar	35277	92326	1,3 marta	3,4 marta
Sanoatning YaIMdagi ulushi	foiz	14,2	24,0	x	x
Qishloq xo'jalik mahsulotlari	milliard so'm	1387	15811	100,6	182,9
Qishloq xo'jaligining YaIMdagi ulushi	foiz	30,1	17,5	x	x
Qurilish ishlari	milliard so'm	388,4	8245,8	86,9	2,3 marta
CHakana savdo aylanmasi	milliard so'm	1788	21873	99,2	2,8 marta
Xizmatlarning YaIMdagi ulushi	foiz	37,0	49,0	x	x
Kichik biznesning YaIMdagi ulushi	foiz	31,0	52,5	x	x
Asosiy kapitalga investitsiyalar	million dollar qiymatida	3142,5	9712,7	3,8 marta	11,6 marta
YaIMga nisbatan foizda	foiz	22,9	25,0	x	x
Tovarlar va xizmatlar eksporti	million dollar	3265	13045	7,4 marta	29,5 marta
YaIMga nisbatan foizda	foiz	24	33,5	x	x
Tovarlar va xizmatlar importi	million dollar	2947	8800	8,1 marta	24,2 marta
YaIMga nisbatan foizda	foiz	21,4	22,6	x	x
Tashqi savdo sal'dosi	million dollar	317	4245	x	x

Manba: O'zbekiston Respublikasi Davlat statistika qo'mitasi Toshkent 2011

1. Aholi farovonlilik darajasi;
2. Raqobatbardoshlilik darajasi;
3. Infrastrukturaning rivojlanish darajasi.

Mazkur ko'rsatkich 0 dan 1 gacha bo'lib 3 guruh hududlarga ajratiladi:

1 guruh – raqobatbardoshlilikning yuqori ko'rsatkichi – $0,66 \leq 1 \leq 1$;

2 guruh – o'rtacha ko'rsatkich – $0,33 \leq 1 \leq 0,65$;

3 guruh – raqobatbardosh bo'lmagan hudud – $0,00 \leq 1 \leq 0,32^6$;

Mamlakatni raqobatbardoshlilik darajasi quyidagi omillar bilan bilan ifodalanadi:

1. Aholi jon boshiga to'g'ri keladigan YaIM, YaMM, MD, YaHM;
2. Ishsizlik;

⁶ Регионы Узбекистана. Инфраструктура. Конкурентоспособность. Качество жизни. “Экономическое обозрение” № 5-6, 2009.

- 3.O'rtacha oylik ish haqi;
- 4.Aholining uy-joy bilan ta'minlanganlik darajasi;
- 5.S.Hahar aholisi zichligi;
6. Ming kishiga to'g'ri keladigan kasalxona koykasi.

Tayanch iboralar

- Milliy itisodiyotni ta'minlovchi tashqi omillar
- Milliy itisodiyotni ta'minlovchi ichki omillar
- Bozor iqtisodiyoti tizimi
- Buyruqbozlik-ma'muriy iqtisodiyot tizimi
- Yalpi milliy mahsulot
- Yalpi ichki mahsulot
- Inflyatsiya
- Deflyator
- Iste'mol baholar indeksi

O'z-o'zini tekshirish uchun savollar

1. Milliy iqtisodiyotga ta'sir qiluvchi tashqi omillarga qanday omillar kiradi?
2. Milliy iqtisodiyotga ta'sir qiluvchi ichki omillarga qanday omillar kiradi?
3. Makroiqtisodiy ko'rsatkichlarga qanday ko'rsatkichlar kiradi?
4. YaMM, inflyatsiya, davlat byudjeti taqchilligi va boshqa makroiqtisodiy ko'rsatkichlar haqida nima bilasiz?
5. Yalpi ichki mahsulot to'g'risida nimalar deya olasiz. Bu ko'rsatkich nima uchun kerak?
6. Raqobatbardoshlik ko'rsatkichlari kaysilar?
- 7.Raqobatbardoshlik darajasini qaysi omillar ifodalaydi?

Tavsiya etilayotgan adabiyotlar ro'yxati

1. Karimov I.A., Jahon moliyaviy-iqtisodiy inqirozi, O'zbekiston sharoitida yo'llari va choralari. Toshkent. "O'zbekiston" 2009 yil 11-bet.
2. Karimov I.A., O'zbekiston mustaqilligining yigirma bir yilligiga bag'ishlangan tantanali marosimdagi tabrik so'zi. Xalq so'zi 2012 yil 1 sentyabr.
3. O'zbekiston Respublikasi iqtisodiy ijtimoiy taraqqiyotining mustaqillik yillaridagi 1990-2010 yillar asosiy tendentsiya va ko'rsatkichlari, xamda 2011-2015 yillarga mo'ljallangan prognozlar. T. "O'zbekiston" 2011.
4. O'zbekiston Respublikasi Prezidenti Islom Karimovning O'zbekiston Respublikasi Konstitutsiyasining 20 yilligiga bag'ishlangan tantanali marosimdagi ma'ruzasi. T. 7 dekabr 2012 yil
5. O'zbekiston Respublikasi Prezidenti I.Karimovning 2012 yilda mamlakatimizni ijtimoiy-iqtisodiy rivojlantirish yakunlari hamda 2013 yilga mo'ljallangan iqtisodiy dasturning eng muhim ustuvor yo'nalishlariga bag'ishlangan Vazirlar Mahkamasining majlisidagi ma'ruzasi. Xalq so'zi 2013 yil 19 yanvar.

6. Регионы Узбекистана. Инфраструктура. Конкурентоспособность. Качество жизни. “Ekonomicheskoe obozrenie” № 5-6, 2009.
7. Yusupov A.T., Xodiev B.Yu. Iqtisodiyot o'zbekcha- ruscha qisqacha lug'at. T. “O'zbekiston” 2012.
8. Tuxliev N. “Taraqqiyotning o'zbek modeli” “O'zbekiston Milliy ensiklopediyasi” Davlat ilmiy nashriyoti T-2012 y.
9. Yo'ldashev Z. Milliy iqtisodiyot T., 2004.
10. O'zbekiston Respublikasi Davlat Statistika Qo'mitasi 2000-2010 yil ma'lumotlari asosida.
11. Almanax. O'zbekiston 2011 yil. Iqtisodiy izlanishlar markazi. T. 2011.

III BOB MILLIY BOYLIK, AHOLI VA MEHNAT RESURSLARI

Reja:

§ 1. Milliy boylik tushunchasi, uning tarkibi.

§ 2. Milliy iqtisodiyotni rivojlantirish asoslari.

3.1. Milliy boylik tushunchasi, uning tarkibi.

Boylik, degan tushuncha iqtisodiy nazariyada keng qo'llaniladi. Birinchi marta **boylik** degan tushunchani angliyalik iqtisodchi A.Smit kiritgan. U yaratilgan mahsulotlarning jamg'arilishi boylik deb atagan va uni ishlab chiqaruvchilar mehnati oshiradi deb uqtirgan. 1664 yilda ingliz olimi Uilyam Petti milliy boylikni hisoblagan olimdir. U birinchi marta boylikning **otasi mehnat, onasi esa yerdir**, - degan.

Hozirgi zamon nazariyotchilari ham yaratilgan mahsulot ishlab chiqarish resursiga aylanib, boylik hosil etishini e'tirof etadilar. Milliy boylik yoki ijtimoiy boylik umumiy iqtisodiy kategoriyadir. Ishlab chiqarish bor joyda milliy boylik vujudga keladi.

Milliy boylik insoniyat jamiyati taraqqiyoti davomida yaratilgan va jamg'arilgan moddiy, nomoddiy va intellektual boyliklar hamda tabiat inonlaridan iboratdir.

Milliy boylik o'z ichiga moddiy va nomoddiy ne'matlarni, yaratilgan san'at asarlarini intellektual salohiyatni hamda barcha tabiat resurslari va boyliklarini oladi.

Milliy boylikni shartli ravishda quyidagi uchta yirik tarkibiy qismlarga ajratish mumkin:

1. Moddiy buyumlashgan boylik;
2. Nomoddiy boylik;
3. Tabiiy boylik;

Moddiy buyumlashgan boylik ishlab chiqarishning, umumiy mehnatining natijasi hisoblanadi. U ishlab chiqarishda yaratilgan mahsulotlarni joriy iste'mol qilishdan ortiqcha qismini **jamg'arish oqibatida vujudga keladi va o'sib boradi**. Boylikning bir qismi har yili ishlab chiqarilib va qaytadan yangilanib turadi (ishlab chiqarish vositalari, iste'mol buyumlari). SHu sababli ishlab chiqarish vositalarining o'rnini qoplash bilan bir vaqtda yalpi mahsulotning faqat bir qismi moddiy buyumlashgan boylik sifatida jamg'arilib boriladi. Milliy boylik mehnat natijasida yaratiladi va ko'payib boradi.

Milliy boylikning **inson mehnati bilan yaratilgan qismi**, o'z ichiga quyidagilarni oladi:

- **ishlab chiqarish xarakteridagi asosiy fondlar**
 - **noishlab chiqarish xarakteridagi asosiy fondlar**. Asosiy fondlarning bu turiga davlatning uy-joy fondi, ijtimoiy madaniy xarakterdagi ob'ektlar kiradi.
 - **aylanma fondlar**. Milliy boylikning bu qismi mehnat predmetlaridan iborat, bo'lib asosiy fondlarning taxminan 1/4 qismini tashkil qiladi.
 - **tugallanmagan ishlab chiqarishning moddiy-buyumlashgan qismi**. Ular ishlab chiqarish bosqichida mehnat jarayoni ta'siri ostida bo'lib, potentsial **tayyor mahsulot** hisoblanadi.
 - **moddiy zahiralar va ehtiyojlar**. Bunga muomala bosqichidagi tayyor mahsulot, korxonalar va savdo tarmoqlaridagi moddiy zahiralar, davlat ehtiyojlari va rezerv fondlari kiradi.
- Moddiy zahiralar** iqtisodiyotda ro'y berishi mumkin bo'lgan va oldindan bilib bo'lmaydigan favqulotda holatlarda foydalanish maqsadida ushlab turiladi. **Davlat ehtiyojlariga** oltin zahiralari, sug'urta va mudofaa ehtiyojlari uchun zarur zahiralar kiradi.

- aholining uy, tomorqa va yordamchi xo'jalikda **jamg'arilgan mol-mulk**. Bunga uy-joy, avtomobil, madaniy-maishiy buyumlar, kiyim-kechaklar va shu kabilarining qiymati kiradi.

Moddiy buyumlashgan boylik **tarkibiy qismlarining** mazmuni va ularning salmog'i o'zgarishsiz qolmaydi. **Asosan fan-texnika taraqqiyoti sharoitida moddiy, buyumlashgan boylik tarkibida yirik o'zgarishlar ro'y beradi.**

Moddiy buyumlashgan **boylik o'sishining asosiy omillari** bo'lib quyidagilar hisoblanadi:

- mehnat unumdorligining o'sishi;
- ishlab chiqarish samaradorligining ortishi;

- milliy daromadda jamg'arish normasining ortishi:

Moddiy buyumlashgan boylikning o'sishi jamiyat moddiy qimmatliklari ko'payishning asosi hisoblanadi. Agar fan-texnika taraqqiyoti yuqori sur'atlar bilan rivojlansa madaniyat, san'at, fan kabi nomoddiy sohalar ham o'sib va takomillashib boradi.

Milliy boylik nafaqat moddiy ishlab chiqarish sohalarida yaratiladi, balki uning **bir qismi nomoddiy ishlab chiqarish sohalarida vujudga keltiriladi va jamiyatning nomoddiy boyligi hisoblanadi**. Ular ham moddiy ishlab chiqarish sohalarining faoliyat qilishi va rivojlanishi uchun, shuningdek, bevosita aholining turmush darajasini ta'minlash va oshirib borish uchun zarur bo'ladi. Bunday boyliklarga **ta'lim, sog'liqni saqlash, fan, madaniyat, sport** sohalarida vujudga keltiriladigan nomoddiy qimmatliklar kiradi. Uning takibida tarixiy yodgorliklar, arxitektura obidalar, noyob adabiyotlar va san'at asarlari alohida o'rin tutadi. Jamiyatning nomoddiy boyliklarida madaniyat va san'atning rivojlanish darajasi, jamiyat a'zolarining to'plagan **ilmiy bilimlari va intellektual darajasi**, ishlovchilarning ixtisosligi va malakaviy bilim darajasi, sog'liqni saqlash, ta'lim va sportning rivojlanish darajasi o'z ifodasini topadi.

Intellektual mulk deganda – mualliflar intellektual faoliyatining nomoddiy xaq-huquqlari va qonun yuli bilan mustaxkamlangan vaqtincha yoki individuallashtirish vositalari tushuniladi. Intellektual mulk xuquqini belgilovchi qonunchilik mualliflarining individual va ijodiy faoliyatini ayrim shakllardan foydalanishning monopoliyasini belgilaydi va shu yul bilan boshqalar foydalanishida muallifdan ruxsat olishni taqozo etadi.

O'zbekiston Respublikasi Prezidentining "Davlat va xo'jalik boshqaruvi organlari tuzilmasini yanada takomillashtirish va boshqaruv hodimlari sonini maqbullashtirish chora-tadbirlari to'g'risida" 2010 yil 20 dekabrda PQ-1444-son qaroriga muvofiq hamda iqtisodiyot tarmoqlarini modernizatsiyalash texnik va texnologik qayta jixozlash jarayoniga innovatsiyaviy texnologiyalar hamda ilmiy texnikaviy ishlanmalarni keng tadbiriq etishni rag'batlantirishni kuchaytirish muhofaza qilish maqsadida O'zbekiston Respublikasining **intellektual mulk agentligi** tashkil kilindi⁷.

O'zbekiston Respublikasi **Intellektual mulk agentligi** asosiy vazifalari quyidagilardan iborat:

- intellektual mulk ob'ektlarini muxofaza qilish, ularni ximoya qilish sohasida yagona davlat siyosati amalga oshirilishini ta'minlash, ixtirolar sanoat namunalari, foydali modellar, tovar belgilari hamda boshqa intellektual mulk ob'ektlarini muhofaza qilish intellektual mulk ob'ektlari huquqiy egalari huquqlarini himoya qilish;

- ixtirolar, foydali modellar sanoat namunalari va boshqa intellektual mulk ob'ektlari ekspertizasini o'tkazish hamda ularni davlat ro'yhatiga olish;

- innovatsiya texnologiyalari hamda ixtirolarni, ilmiy-texnikaviy va sanoat ishlanmalarini badiiy-konstruktrlik hamda ijodiy ishlarning boshqa turlarini ishlab chiqishga har tomonlama ko'maklashish;

- intellektual mulkni muhofaza kilish sohasida xalqaro hamkorlikni rivojlantirish.

Milliy boylikning boshqa qismi **tabiiy boyliklar** ishlab chiqarishning moddiy shart – sharoitini va inson faoliyatining tashqi muhitini tashkil qiladi. **Tabiiy boylikning vujudga kelishi insoniyat jamiyat rivojiga bog'liq emas, u tabiat qonunlari asosida ro'y beradi**. Foydali qazilma boyliklar, o'rmonlar, suv va yer resurslari xuddi shunday vujudga kelib ishlab chiqarishdan tashqarida turadi.

Tabiat in'omlari o'zlarining dastlabki ko'rinishida tabiiy boylik bo'lib, shu holatida inson faoliyatining natijasi hisoblangan ijtimoiy boylik tarkibiga kirmaydi. Buning ma'nosi shuki, **tabiiy boyliklar jamiyat uchun faqatgina potentsial boylik hisoblanadi**. Ular **real boylikka inson mehnatining ta'siri oqibatida aylanadi**.

⁷ Ўзбекистон Республикасининг интеллектуал мулк агентлигини ташкил этиш тўғрисида. Ўзбекистон Республикаси Қонун ҳужжатлари тўплами, 2011 йил 22-23 сон, 227- модда.

O'zbekiston yer resurslari va yer osti boyliklari bilan xaqli ravishda faxrlanadi. Chunki yer har qanday jamiyatning, mamlakatning beqiyos boyligidir. Yer bu qishloq xo'jaligining asosiy ishlab chiqarish vositasidir. O'zbekiston hududi doirasida shakllantiruvchi yillik suv oqimi 10 kub km.ga yaqin. Boshqa mamlakatlar hududidan oqib keluvchi suv oqimi 89 kub km.ni tashkil qiladi. O'zbekistonda Mashhur Mendelev davriy sistemasining deyarli barcha elementlari topilgan.

O'zbekiston hududida **oltin, mis, uran, kumush, rux, volfram, molibden**, alyuminiy va magniy rudalari, nodir metallar, oltingugurt, osh tuzi, kaliyli va boshqa tabiiy tuz qatlamlari, kaolin, o'tga chidamli xom ashyolar, bentonit, marmar va boshqa bezak toshlari topilgan. Asosiy yoqilg'i energetika **resurslari** neft, gaz ko'mir, konlari ochilgan. Rivojlangan elektroenergetika tarmoqlari mavjud.

O'zbekistonda 100 ga yaqin mineral-xom ashyo turlarining mavjudligi respublika iqtisodiyotining muhim tarmoqlarini, ayniqsa, gaz, oltin ishlab chiqarish, energetika, kimyo, rangli metallurgiya, qurilish materiallari sanoatlarini tez sur'atlar bilan rivojlantirish imkoniyatini beradi. Hozirgi kunda O'zbekistonda qurilish materiallarining 400 dan ortiq konlari mavjud.

SHu kungacha respublikada hammasi bo'lib **mineral-xom ashyo turlaridan 70ga yaqini ishlab chiqarishga jalb etilgan.**

O'zbekistonda to'rt ming tonnadan ortiqroq katta zahiraga ega bo'lgan **3 ta uran** koni aniqlangan. Respublikada zaxirasi **2 trilion metr kub gaz, 2 milliard tonna ko'mir**, ko'p miqdordagi mis konlari topilgan.

Hozirgi davrga kelib aniqlangan milliy boylik manbalari ishlab chiqarish korxonalarini uzoq muddat davomida oltin, mis, tabiiy gaz, qo'rg'oshin, rux, ko'mir va boshqa mahsulotlar bilan ta'minlabgina qolmay, ishlab chiqarishni kengaytirish imkonini ham berayapti.

O'zbekistonning yer osti boyliklari paxta dalalarining hosildorligini oshirishga muhim hissa qo'shadi. Turon yonuvchi slanetslaridan mahalliy slanets konlari bazasida o'g'it sifatida ishlatiladigan va paxta hosildorligini oshirishning muhim omili bo'lgan smola olish masalasi hal qilingan. Ko'p miqdorda yangi qurilish materiallari, **masalan**, keramzit ishlab chiqarish uchun kerak bo'lgan betonitlar, Toshkent metropoliteni uchun zarur bezak toshlari va boshqalar ishlab chiqarilishi tashkil qilingan.

Mamlakatimizda topilgan konlarning zahiralari nafaqat ichki ehtiyojlarni to'la qondirishga qodir, balki energiya manbalarini tashqariga eksport qilish imkonini ham beradi.

O'zbekistonda bozor iqtisodiyoti talablariga javob bera oladigan baquvvat **iqtisodiyotning asosi yaratildi**. O'nlab yangi tarmoq va sohalarga asos solindi, ma'naviy va jismoniy jihatdan eskirib qolgan minglab ishlab chiqarish korxonalari butunlay qaytadan zamonaviy, yuqori unumli texnika va texnologiya bilan jihozlandi. Hamma sohada iqtisodiyotni liberalizatsiyalash va modernizatsiyalash ketmoqda.

3.2. Milliy iqtisodiyotni rivojlantirish asoslari.

Milliy boylik jamiyatning iqtisodiy kuch-quvvatini ko'rsatadi va iqtisodiy potentsialni tashkil etadi. **Jamiyatning ishlab chiqara bilish qobiliyati iqtisodiy potentsial deb ataladi.** Bu qobiliyat ishlab chiqarish resurslari miqdori va sifati bilan belgilanadi, yaratilgan mahsulotlar va xizmatlar miqdori bilan ifoda etiladi. SHu sababli uning muhim ko'rsatkichi bo'lib- **yalpi milliy mahsulot** ko'rsatkichi hisoblanadi. Bu mahsulotni ishlab chiqarish esa - milliy boylikning hajmi va strukturasi, undan yaxshi foydalanilishiga bog'liqdir. SHunday ekan, iqtisodiy potentsial yuksalgan sari jamiyat tobora boyib boradi.

Iqtisodiy potentsial jamiyat a'zolarining ehtiyojini qondirish uchun ishlatiladi. Agar ehtiyojlar to'laroq qondirilsa, iqtisodiy potentsial samarali ishlatilgan bo'ladi. **Iqtisodiy potentsialning to'rt xil unsuri** (elementi) mavjud.

1. Mehnat potentsiali
2. Ilm-ma'rifat potentsiali
3. Texnika-texnologiya potentsiali
4. Tabiiy potentsial

Mehnat potentsiali — jamiyatdagi mehnatga layoqatli, bilim va malakaga, ishlab chiqara olish qobiliyatiga ega bo'lgan kishilardir. Mehnat potentsialining miqdoriy o'lchami ishga yaroqli kishilar soni bo'lib, uning o'sib borishi aholining ko'payishidan kelib chiqadi. Sifat jihatidan mehnat potentsiali mazkur aholining bilim saviyasi, kasbiy malakasi va tajribasini bildiradi. Mehnat potentsiali ishlab chiqarish orqali Milliy boylikni oshirishga o'z hissasini qo'shadi.

Inson resurslari – bular kishilar, ular faqat moddiy ne'matlar yaratib qolmay, shu bilan birga ularni iste'mol ham qiladilar. Kishilar moddiy va ma'naviy ehtiyojlari jihatidan bir xil bo'la olmaydi. Bunga ularning jinsi, yoshi, sog'ligi, oilaviy ahvoli, ma'lumot darajasi va boshqa ijtimoiy, ruhiy-fiziologik sifatlari sabab bo'ladi, shuning uchun bir kishi ikkinchisiga o'xshamaydi.

Hozirgi vaqtda respublika aholisi 2012 yil 29,6 mln kishini tashkil qilgan, ulardan mehnatga qobiliyatli aholi soni 17,2 mlndan ortiqroqdir.

Mehnat resurslari tarkibiga faqat iqtisodiy faol aholigina emas, shu bilan birga hozirgi paytda ishlamayotgan va ish qidirmayotgan mehnatga qobiliyatli shaxslar, shu jumladan ishlab chiqarishdan ajralgan holda ta'lim olayotganlar aholi ham kiritiladi. Mehnat resurslari iqtisodiyotda mehnat bilan band bo'lgan, band bo'lmasa ham mehnat qilishlari mumkin bo'lgan kishilarni qamrab oladi. Boshqacha aytganda, mehnat resurslari mehnat qilish imkoniyatiga ega haqiqiy va potentsial xodimlardir.

Mehnat resurslari shakllanishini o'rganishda ularni yosh guruhleri bo'yicha ko'rib chiqishimiz ham maqsadga muvofiqdir. Kishilarni guruhlariga ajratishda ularning yoshi chegaralarini aniqlash asosiy muammo hisoblanadi. Bu masalani hal etishda huquqiy asoslangan va amalda mavjudlarini ajratish muhim rol o'ynaydi. Bunda inson organizmining nafaqat biologik xususiyatlari, balki mamlakatdagi ijtimoiy va iqtisodiy sharoitlar, aholining turmush darajasi, umumiy, o'rta maxsus va oliy ta'lim tizimining holati, o'rtacha umr davomiyligi va boshqalar ham hisobga olinadi. SHularga asoslangan holda ijtimoiy-iqtisodiy nuqtai nazardan aholini yoshiga ko'ra 6 guruhga bo'lish mumkin⁸:

1. Bolalar (0-15 yosh) - mamlakat jami aholisining eng katta qismini tashkil etib, ularning aksariyati mehnat jarayonida ishtirok etmaydi. Ammo ushbu guruh salmog'i mehnat salohiyatining kelgusi va istiqbol ko'rsatkichlarini belgilab beradi. CHunki bu qatlamning yuqori chegarasidagi o'smirlar tez orada mehnat resurslari safiga qo'shiladi.

2. O'smir yoshlar (16-24 yosh) - mazkur guruhning katta qismi iqtisodiy **nofaol aholi** tarkibiga kirib, ular maktab, akademik litsey, kollej va oliy o'quv yurtlarida ta'lim olayotgan yoshlar, tug'ruq ta'tilidagi ayollar hisoblanadi. SHuningdek, ular tarkibida iqtisodiyotning qator soha va tarmoqlarida band bo'lganlari ham mavjud bo'lib, mehnat faoliyati aksariyat hollarda boshlang'ich ko'rinishga ega bo'ladi.

3. O'rta yoshlilar (25-30 yosh) - ular o'zi jismoniy holati va imkoniyatlari jihatdan yuqori ko'rsatkichga ega bo'lib, mehnatga layoqatli jami aholining asosiy qismini qamrab oladi. Bu guruh vakillari aniq hayot yo'llarini tanlab olgan, o'z oilasiga ega bo'lgan va jamiyatda ma'lum yutuqqa erishgan hisoblanadi. Lekin ularning barchasi ham iqtisodiyotda band bo'lmaydi, chunki bu tarkibda yosh bolali onalar va ayollar ham ko'pchilikni tashkil etadi.

4. 31-59 yoshdagi aholi – ushbu guruhdagi aholi yuksak **mehnat salohiyatiga ega** bo'lib, hayotiy va ish tajribasining yuqori ko'rsatkichiga erishadi. SHu vaqtgacha olgan amaliy ko'nikma va malakalarini ishlab chiqarish jarayonlariga safarbar etadilar hamda mehnat jamoasida alohida o'rin egallaydilar. Bu toifa insonlar yoshlarga o'mak va maslakdosh bo'ladi. Ushbu yosh chegarasidagi kishilarning iqtisodiy faollik darajasi boshqalarga nisbatan yuqori hisoblanadi. SHuningdek, mazkur qatlamning yuqori qismida pensiya yoshiga yetgan ayollar hamda mehnat faoliyatini yakunlash taraddudida bo'lgan erkaklar ham mavjud.

5. 60 dan 70 yoshgacha bo'lganlar – bu qatlam vakillari **pensiya yoshiga** yetgan aholi hisoblanib, ularning aksariyati pensiyada bo'ladi. Lekin, ularning orasida o'z ish faoliyatlarini davom

⁸ Абдурахмонов Қ.Х. Меҳнат иқтисодиёти. Т. “Меҳнат” 2009 йил, 163 бет.

ettirayotganlari ham bo'lib (ayniqsa, erkaklar), ular ham butunlay nafaqaga chiqish va mehnat faoliyatini yakunlash arafasida bo'ladilar.

6. Keksalar (70 va undan katta yosh) – ularning aksariyati mehnat faoliyatidan chetlashgan bo'ladi.

O'zbekiston Respublikasining mehnat qonunchiligiga ko'ra, aholi mehnat layokati bo'yicha uch guruhga ajratiladi. Jumladan:

- mehnatga qobiliyatli yoshgacha (0-15 yosh);
- mehnatga qobiliyatli yoshdagi (16-54 yoshli ayollar, 16-59 yoshli erkaklar);
- mehnatga qobiliyatli yoshdan kattalar (55 yosh va undan katta ayollar, 60 yosh va undan katta erkaklar).

3-jadval

Aholini yosh bo'yicha tarkibi

Dunyo buyicha	%	O'zbekiston buyicha	%
15 yoshgacha	29	15 yoshgacha	34
15 yoshdan 65 yoshgacha	64	15 yoshdan 65 yoshgacha	61
65 yoshdan kattalar	7	65 yoshdan kattalar	5

Manba: Almanax. O'zbekiston 2010 iqtisodiy tadqiqodlar markazi ma'lumotlari asosida muallif tomonidan tayyorlandi.

Ilm-ma'rifat potentsiali - ilm-ma'rifatga xizmat qiluvchi moddiy va insoniy resurslar, fan erishgan darajadir. Ilm-ma'rifat potentsialini unga sarflangan mablag'lar va ilmiy pedagogik kadrlar soni va malakasi belgilaydi. Ilm-ma'rifat rivojiga qanchalik ko'p mablag' sarflansa, uni samarali ishlatish ta'minlansa, iqtisodiy o'sish shunchalik tezlashib, milliy boylik ko'payadi.

4 - jadval

MDH davlatlari aholisining ilm-ma'rifat potentsiali

№	Мамлакатлар	Мутахассис тадқиқотчилар					1 млн аҳолига туғри келадиган илмий тадқиқотчи лар
		Жами	Фан докторлари		Фан номзодлари		
		сони	сони	%	сони	%	
1	Қозоғистон	11,524	1166	27,6	3058	72,4	674
2	Қирғизистон	2500	251	29,5	600	70,5	490
3	Тожикистон	5617	596	22,2	2090	77,8	814
4	Ўзбекистон	26,145	2721	22,8	9231	77,2	954

Manba: www.google.ru_“Страны в tsifrax”, 2010 g.

Texnika-texnologiya potentsiali — jamiyatdagi mashina-mexanizmlar miqdori, ularning tarkibi, texnikaviy darajasi va texnologik tizimlar majmuini o'z ichiga oladi. Bu potentsial fan yutuqlari naqadar yangi texnika va texnologiyada moddiylashganligini bildiradi. Texnika-texnologiya darajasi fan taraqqiyotiga monand tushishi shart, ammo buning uchun fan yutuqlarini

amaliyotda joriy etishni ta'minlovchi iqtisodiy vositalar amal qilishni talab qilinadi. Agar bunday vosita bo'lmasa, fan va texnika potentsiali bir-birini ta'minlamay qo'yadi. Masalan, sobiq SSSRda yer yuzidagi olimlarning 25 foizi ishlagan, lekin fan bilan texnikani boglovchi vosita zaifligidan, ulkan mamlakat ishlab chiqarish darajasi bo'yicha dunyoda 68 o'rinni egallagan. Texnika-texnologiya potentsiali ilmiy potentsialdan yuqori bo'lishi ham mumkin, ammo bu hol ishlab chiqarish import qilingan texnika-texnologiyaga asoslanganda yuz berdi. Masalan, Yaponiyada ilm-fan va ta'lim iqtisodiy rivojlanishda asosiy omilga aylandi. Yaponiyada YalIM ko'payishining uchdan ikki qismi ushbu omil hisobiga bo'ldi. Bu mamlakatda ilmiy tadqiqot, tajriba konstruktorlik izlanishlari (NIOKR) sarflanadigan mablag'lar quyidagicha taqsimlangan: fundamental nazariy tadqiqodlarga 12,6 %, amaliy tadqiqodlarga 24,2 %, ulami ishlab chiqarishga 63,2 %. Bu sohada o'rtacha ish haqi mamlakatdagi o'rtacha ish haqidan 2,6-3 marta yuqori⁹

Tabiiy potentsial — tabiiy resurslar miqdori va sifati, tabiiy sharoit, iqlim, rel'ef, ob-havo sharoiti. Tabiiy potentsial cheklangan va notekis joylashgan bo'ladi. Tabiiy potentsiali yer, suv zaxiralari, o'rmon va yer osti boyliklari, suv boyliklari, iqlim qulayliklari tashkil etadi. Ular iqtisodiyotga ko'maklashuvi yoki unga qiyinchilik tugdirishi mumkin. Ammo tabiiy resurslar yaratgan to'sio'larni ilmiy va texnikaviy potentsial bartaraf etishi mumkin. Masalan, Yaponiya tabiiy resurslari kamyoobligini yuksak texnika-texnologiya potentsiali vositasida ortigi bilan qoplaydi.

Iqtisodiy potentsial unsurlari birgalikda amal qilib, bir-biridagi yetishmovchilikni to'ldira oladi. Ularning samarali amal qilishi uchun jamiyatdagi iqtisodiy sharoit ulardan tularoq foydalanish yuzasidan **ham manfaatdorlik, ham javobgarlikni yuzaga keltirishi zarur.** Iqtisodiy potentsialning o'sishini va samarali ishlashini ta'minlovchi kuch-**bu erkin bozor mexanizmidir.**

Tayanch iboralar

- Boylik
- Milliy boylik
- Moddiy buyumlashgan boylik
- Nomoddiy boylik
- Tabiiy boylik
- Iqtisodiy potentsial
- Mehnat potentsiali
- Ilm-ma'rifat potentsiali
- Tabiiy potentsial

O'z-o'zini tekshirish uchun savollar

1. Boylik va milliy boylik tushunchalari o'rtasida qanday farq bor?
2. Milliy boylik tarkibiga nimalar kiradi?
3. Moddiy buyumlashgan boylik deganda nimani tushunasiz?
4. Nomoddiy boylik tarkibiga nimalar kiradi?
5. Tabiiy boylik tarkibiga-chi?
6. Iqtisodiy rivojlanish darajasi va milliy boylik o'rtasida qanday bog'liqlik bor?
7. Iqtisodiy potentsial deganda nimani tushunasiz?
8. Iqtisodiy potentsial qanday unsurlardan tashkil topgan?
9. Mehnat potentsialining mohiyati nimada?
10. Ilm-ma'rifat potentsialining mohiyati nimada?
11. Texnika-texnologiya potentsialining mohiyati nimada?
12. Tabiiy potentsialning mohiyati nimada?

Tavsiya etilayotgan adabiyotlar ruxxati

⁹ Шодиев Р.Х., Махмудов Э.Р., Жаҳон иқтисодиёти. Т.: 2005 йил. 120-бет.

1. Karimov I.A. Vatanimizning bosqichma-bosqich va barqaror rivojlanishini ta'minlash – bizning oliy maqsadimiz. T. "O'zbekiston" 2009.
2. Karimov I.A. . O'zbekiston XXI asr bo'sag'asida: Havfsizlikka tahdid, barqarorlik shartlari va taraqqiyot shartlari kafolatlari. Toshkent. "O'zbekiston" 1997 y. 207 bet.
3. O'zbekiston Respublikasi Prezidenti I.Karimovning 2012 yilda mamlakatimizni ijtimoiy-iqtisodiy rivojlantirish yakunlari hamda 2013 yilga mo'ljallangan iqtisodiy dasturning eng muhim ustuvor yo'nalishlariga bag'ishlangan Vazirlar Mahkamasining majlisidagi ma'ruzasi. Xalq so'zi 2013 yil 19 yanvar.
4. O'zbekiston Respublikasi qonun xujjatlari to'plami. T. 2011 yil, 22-23 son.
5. Abdurahmonov Q.X. Mehnat iqtisodiyoti. T. "Mehnat" 2009.
6. Регионы Uzbekistana. Infrastruktura. Konkurentosposobnost'. Kachestvo jizni. "Ekonomicheskoe obozrenie" № 5-6, 2009.
7. O.Ato-Mirzaev, N.Tuxliev Priroda naselenie ekonomika. Gosudarstvennoe nauchnoe izdatelstvo "O'zbekiston Milliy entsiklopediyasi" T-2009
8. Yusupov A.T., Xodiev B.Yu. Iqtisodiyot o'zbekcha- ruscha qisqacha lug'at. T. "O'zbekiston" 2012
9. To'xliev N va boshqalar O'zbekiston iqtisodiyoti asoslari. Toshkent. UzME 2010y. 280 bet.
10. Yo'ldashev Z. Milliy iqtisodiyot T., 2004.
11. SHodiev R.X, Maxmudov E.R. Jahon iqtisodiyoti. T.: 2005.
12. Almanax. O'zbekiston 2011. Iqtisodiy tadqiqodlar markazi. T.: 2011.

IV BOB. MODERNIZATSIYA VA MILLIY IQTISODIYOT

Reja:

§ 1. Innovatsion texnologiyalar va ularni iqtisodiyotni rivojlantirishdagi roli

§ 2. Modernizatsiyalash – davr talabi

§ 3. Lokalizatsiya

§ 4. Diversifikatsiyaning iqtisodiyotdagi o'рни

4.1. Innovatsion texnologiyalar va ularni iqtisodiyotni rivojlantirishdagi roli

Hozirgi vaqtda innovatsiya tushunchasi keng qo'llanilmoqda. **Innovatsiya** inglizcha so'z bo'lib, **yangilik kiritish** degan ma'noni bildiradi, ya'ni tizim ichki tuzilishini o'zgartirish deb ta'riflanadi. Innovatsiya amaliyot va nazariyaning muhim qismi bo'lib, ijtimoiy-madaniy ob'ekt sifatlarini yaxshilashga yo'naltirilgan ijtimoiy sub'ektlarni harakat tizimidir.

Innovatsiyalar dolzarb, muhim ahamiyatga ega bo'lib, bir tizimda shakllangan yangicha yondashuvdir. Ular tashabbuslar va yangiliklar asosida rivojlanib istiqbolli bo'ladi.

Fan va texnikaning muttasil ravishda va o'zaro bog'liq holda rivojlanishi tufayli modernizatsiya jarayoni vujudga keladi. Ijtimoiy talab va ehtiyojlarning o'sishi ta'sirida fan va texnika jadallashadi. Bu o'z navbatida tabiiy kuchlar va resurslarni insonga xizmat qildirish, ishlab chiqarishda zarur ma'lumotlarni aniq maqsadni ko'zlab qo'llash imkonini beradi.

Fan-taxnikani jadallashtirish tufayli:

- Mehnat unumdorligini oshirishga erishiladi;
- Asbob-uskunalar, moddiy resurslardan xom ashyolardan oqilona foydalanish zarurati yangi texnologiyaning vujudga kelishini ta'minlaydi;
- Ishlab chiqarishni samarali tashkil qilish imkoniyatlarini yaratadi;
- Texnika taraqqiyoti mutaxassislarni kasbiy mahoratini o'zgartiradi, shuningdek, yangi kasblar vujudga kelishini ta'minlaydi;

Fan texnika taraqqiyoti o'zaro bir-birini taqozo etadigan **ikki shaklda amalga oshiriladi**:

- 1) Fan va texnikaning an'anaviy negizlarini nisbatan sekinroq va qisman takomillashtirishni bildiruvchi **evolyutsion shakl**;
- 2) Printsipial jihatdan yangi texnika va texnologiyani vujudga keltiradigan, jamiyat ishlab chiqaruvchi kuchlarini tubdan o'zgartirishga olib keladigan **inqilobiy shakl**.


Iqtisodiyotni har tomonlama rivojlanishini ta'minlash, mahsulot sifatini yaxshilash, mehnat unumdorligini oshirishning hal qiluvchi vositasi Fan texnika taraqqiyoti (FTT)ni butun choralar bilan jadallashtirishni zarurat qilib qo'yadi.


Bozor iqtisodiyotiga o'tish milliy iqtisodiyotning shakllanishi va rivojlanishi **robotlashtirishni, komp'yuterlashtirishni** keng miqyosda amalga oshirishni taqozo etadi.

Bugungi kunda "Butun mamlakatni komp'yuterlashtirish" indeksi tushunchasi mavjud. Bu soha bo'yicha butun jahon iqtisodiy forumi bo'lib o'tdi. Bu forum dunyo mamlakatlaridagi texnika-texnologiyaning rivojlanishi darajasini ko'rsatib berdi. Indeksning o'rtacha darajasi "0"ga teng deb olindi. Unga ko'ra dunyo mamlakatlarining komp'yuterlashish islohatlari quyidagicha: (4.1-diagramma).

1-diagramma

Komp'yuterlashtirish indeksi





Fan bevosita ishlab chiqaruvchi kuchga aylanadi.

Fan-texnikani jadallashtirish uchun:

- ilm-fanni ustuvor yo'nalish sifatida rivojlantirish;
- ilmiy xodimlar tarkibini takomillashtirish;
- milliy iqtisodni rivojlantirishda ahamiyatli ixtirolarni ishlab chiqarishga tezroq joriy qilish;
 - sanoatni yetakchi tarmoqlarini, eng avvalo, mashinasozlik mahsulotlarini o'sish sur'atlarini va yangilanishini ta'minlash;
 - yangi texnikaning iqtisodiy samaradorligini oshirish;
- inson omilidan **umumli foydalanish, boshqarish va ta'lim tizimini qayta qurish** kabi tadbirlarni amalga oshirish zarurdir.

Fan-texnikaning hozirgi davrdagi asosiy yo'nalishlari:

1. Компьютерlashtirish.
2. Energetikani hususan, quyosh energiyasini rivojlantirish.
3. Transport va aloqaning yangi turlarini joriy qilish.
4. Yangi texnika va texnologiyalar (nanotexnologiyalar)ni o'zlashtirishni jadallashtirish.
5. Yangi konstruksion materiallarni vujudga keltirish va foydalanish.
6. Biotexnologiya, chiqitsiz texnologik jarayonlarni ishlab chiqarishga tatbiq etish.
7. Aloqa atrof-muhitni muhofaza qilish maqsadlarida kosmosdan keng foydalanish va boshqalar hisoblanadi.

Jahon xalqaro maydonida hamda bozorlarida O'zbekistonning raqobatbardoshligini oshirish va mavqei mustahamlash bo'yicha kompleks chora-tadbirlarni amalga oshirish yuqori texnologik tarmoqlar va ishlab chiqarishlarni rivojlantirishda yuqori faollik qayd etilayapti va bu ishlab chiqarishining o'sishiga ijobiy ta'sir ko'rsatayapti.

O'zbekiston Respublikasi Prezidentining 2008 yil 15 iyuldagi **“Innovatsion loyihalar va texnologiyalarni ishlab chiqarishga joriy etishni rag'batlantirishning qo'shimcha chora-tadbirlari to'g'risida”**gi 916-son Qarorini amalga oshirish, fan va ishlab chiqarishni integratsiyasini ta'minlovchi asosiy mexanizmlardan biri bo'lib kelmoqda.

Innovatsion texnologiyalarni tadbiq qilishda O'zbekiston Respublikasi Iqtisodiyot Vazirligi, Fan va texnika rivojlantirishini muvofiqlashtirish Qo'mitasi, Tashqi iqtisodiy aloqalar, investitsiya va savdo Vazirligi va Texnologiyalar transferi Agentligi asosiy o'rinni egallaydi.

Investitsion talab bilan innovatsion taklifning bog'lovchi doimiy ish yurituvchi maydon, innovator va potentsial iste'molchi va investorlar to'g'ridan-to'g'ri o'zaro aloqa o'rnatish, intellektual mulk bozoriga aylanishida innovatsion texnologiyalarni tadbiq qilishda yarmarka muhim rol o'ynamoqda.

Mamlakatimizdagi 2012 yilgi innovatsiyalar yarmarkasida 500 ga yaqin yangi, noyob, innovatsion ishlanmalar ko'rsatildi: sanoatda (190 ta loyihalar), qishloq ho'jaligi (100ga yaqin), sog'liqni saqlash va farmatsevtika (90ga yaqin), informatsion texnologiyalar (50dan ortiq), fan va ta'lim (30ga yaqin). Buning o'ziga xos tomoni – 50ga yaqin, kichik biznes va hususiy

tadbirkorlik uchun maxsus ishlab chiqilgan, sanoat, qishloq ho'jaligi, farmatsevtika sohasidagi loyihalar hisoblanadi. Masalan, o'simlik chiqindilarini qayta ishlash va suvni tozalash uskunasi va quyosh energiyasini ishlatadigan avtonom energoqurilma va boshqa loyihalar.

Innovatsion ishlanmalarni va texnologiyalarni tijoratgirlikni oshirish iqtisodiy, ijtimoiy va tabiatni asrash sohasidagi muammolarni yechishni undashga qaratilgan chora-tadbirlarni amalga oshirmoqda. Bu tadbirlar innovatsion loyihalarining ishlab chiqish va shakllantirish, innovatsion loyihalarni moliyalashtirishning samaraviy mexanizmlari bo'yicha takliflar ishlab chiqish, hamda intellektual mulk ob'ektlarini baholashni o'z ichiga oladi.

Ishlab chiqarishni modernizatsiya qilish, texnik va texnologik kayta jihozlash, iqtisodiyotni yetakchi tarmoqlarini jadal yangilashda innovatsion texnologiyalardan foydalanib 2011 yilda respublikamizda 558 yangi ishlab chiqarish ob'ekti foydalanishga topshirildi. SHu jumladan, ozik-ovqat sanoatida 195 ta, qurilish materiallari sanoatida 155 ta, yengil sanoatda 129 ta, yog'ochni qayta ishlash sanoatida 19 ta mashinasozlik sanoatida 6 ta, kimyo sanoatida 4 ta va boshqa ob'ektlar ishga tushirildi. Qishloq xo'jalik tarmoqlarini texnik va texnologik yangilash bo'yicha 71,6 ga maydonda 187 ta issiqxona tashkil qilindi, qishloq xo'jalik mahsulotlarini qayta ishlash bo'yicha minitexnologiyalar va ixcham uskunalar xarid qilish uchun kichik biznes sub'ektlari, fermer xo'jaliklari hamda agrofimalarga 3,9 mlrd so'mlik kreditlar taqdim etildi, qishloq xo'jalik mahsulotlari ishlab chiqaruvchilarning ehtiyojlarini ta'minlashni yaxshilash uchun lizing asosida TTZ traktorlari va boshqa texnika yetkazib berildi. Meva-sabzavot mahsulotlarini saqlash bo'yicha qishloq xo'jalik korxonalarining moddiy-texnika bazasini mustahkamlash maqsadida 9,9 ming tonna sig'imga ega 11 ta yangi meva-sabzavot ombori va sovutgich kameralari ishga tushirildi. "2011-2015 yillarda infratuzilmani, transport va kommunikatsiya qurilishini rivojlantirishni jadallashtirish to'g'risida"gi dastur doirasida qiymati 104,3 mln dollarga teng kapital qo'yilmalar o'zlashtirildi.

4.2. Modernizatsiyalash – davr talabi.

Ijtimoiy-iqtisodiy rivojlanishni eng muhim maqsadi va asosiy ustuvor vazifasi – bu islohotlarni davom ettirish va chuqurlashtirish, mamlakatimizni yangilash va modernizatsiya qilish 2009-2012 yillarga mo'ljallangan inqirozga qarshi choralar dasturini bajarilishi va shu asosda iqtisodiy rivojlanishning yuqori va barqaror sur'atlarini, samaradorligini hamda makroiqtisodiy muvozanatni ta'minlashdan iboratdir.

Iqtisodiy islohotlarni ta'minlashga yo'naltirilgan bunday tadbirlar jahon moliyaviy iqtisodiy inqirozining salbiy oqibatlarini imkon qadar kamaytirishga qaratilgan inqirozga qarshi choralar dasturini samarali amalga oshirishni huquqiy ta'minlash dunyodagi sanoqli davlatlar qatorida O'zbekistonga iqtisodiyotning barqaror o'sish sur'atlarini saqlab qolish va aholining real daromadini oshirish imkonini berdi¹⁰.

Eng avvalo, modernizatsiya atamasiga to'xtaladigan bo'lsak, odatda uni texnika, texnologiyaga oid tushuncha deb qaraladi. Jumladan, iqtisodiyotga oid ayrim lug'atlarda unga quyidagi mazmunda ta'rif beriladi: **"Modernizatsiya ob'ektni yangilash, yaxshilash, takomillashtirish, uni yangi talablar va me'yorlarga, texnik shartlarga, sifat ko'rsatkichlariga muvofiqlashtirish. Asosan mashina asbob-uskunalar texnologik jarayonlar modernizatsiyalanadi"**¹¹. Fikrimizcha, bu modernizatsiya tor ma'nodagi yondashuv bo'lib, bugungi kunda uning keng ma'nodagi mazmuni tobora dolzarb ahamiyat kasb etib bormoqda.

Modernizatsiya – an'anaviy jamiyatni ilg'or, industrial jihatdan taraqqiy etgan jamiyatga aylanishini ta'minlovchi ijtimoiy tarixiy jarayondir. Modernizatsiyani keng ma'nodagi mazmunini tushunishda iqtisodchi olim R.Nureev uni neoklassik va keynscha talqinlarini

¹⁰ Мамлакатимизни модернизация қилиш ва кучли фуқаролик жамияти барпо этиш – устувор мақсадларимиздир. Президент И.А Каримовнинг Ўзбекистон Республикаси Олий Мажлиси Қонунчилик палатаси ва Сенатининг қўшма мажлисидаги маърузаси. Халқ сўзи 2009.

¹¹ Economic.doc.ru

farqlaydi. Jumladan, neoklassiklar tomonidan modernizatsiyaga xususiy mulkchilik va demokratiyani mustaxkamlash sifatida yondashilsa, Keynschilar tomonidan, eng avvalo, xo'jalikning asosiy tarmoqlarini qamrab oluvchi yangilanish jarayoni degan fikr ilgari surilgan.

Inqirozga qarshi choralar dasturining mazmun mohiyati, asosiy yo'nalishlari korxonalarni modernizatsiya qilish, texnik va texnologik qayta jihozlashni jadallashtirish, zamonaviy innovatsion texnologiyalarni joriy etish, iqtisodiyotda tarkibiy o'zgarishlar va diversifikatsiyalash jarayonlarini kengaytirishni o'zida aks ettiradi. "Qanchalik g'ayritabiiy tuyulmasin, - deb yozadi Prezidentimiz Islom Karimov – jahon iqtisodiy inqirozi ishlab chiqarishni muntazam yangilab, modernizatsiya qilib borish zarurligini kun tartibiga yanada o'tkir qilib qo'yimoqda va buning uchun bor kuch – imkoniyatimiz va resurslarimizni safarbar etishni talab etmoqda"¹².

SHu maqsadda umumiy qiymati 24 milliard AQSH dollaridan ziyod 300 ta investitsiya loyihasi ustida ish boradi. Bunda yangi qurilgan 18,5 dollarni, modernizatsiyalash va rekonstruktsiya qilish, texnik va texnologik qayta jihozlash – 6 milliard dollarni tashkil etadi¹³. Mablag'lar, birinchi navbatda, yoqilg'i-energetika, kimyo, neft va gazni qayta ishlash, metallurgiya, yengil sanoat va to'qimachilik, qurilish materiallari, mashinasozlik sanoatlari sohalariga yo'naltiriladi. "bugungi kunda ko'plab rivojlangan va jahon iqtisodiyotida yetakchi o'rin tutadigan mamlakatlar tajribasi shuni so'zsiz isbotlab bermoqdaki, - deb ta'kidlaydi Yurtboshimiz, - raqobatbardoshlika erishish va dunyo bozorlariga chiqish, birinchi navbatda iqtisodiyotni izchil isloh qilish, tarkibiy jihatdan o'zgartirish va diversifikatsiya qilishni chuqurlashtirish, yuqori texnologiyalarga asoslangan yangi korxona va ishlab chiqarish tarmoqlarining jadal rivojlanishini ta'minlash, faoliyat ko'rsatayotgan quvvatlarni modernizatsiya qilish va texnik yangilash jarayonlarini tezlashtirish hisobidan amalga oshirilishi mumkin"¹⁴.

Modernizatsiyalash – ishlab chiqarishni takomillashtirish, yangilash, uni zamonaviy talablar va me'yorlar, texnik shart-sharoitlar, sifat ko'rsatkichlariga muvofiqlashtirishdan iborat bo'lib, u mikrodarajada amalga oshiriladi. CHunki, asosan mashinalar, asbob-uskunalar, texnologik jarayonlash modernizatsiyalashtiriladi. Ammo modernizatsiya mezo va makrodaraja ob'ekti bo'lib ham hisoblanadi (rasmga qaralsin). Bu jarayon xukumatning iqtisodiy siyosati, investitsiyalar va kapital qo'yilma hamda kreditlarni bir tekis va maqsadga muvofiq joylashtirilishi orqali tarmoqlar, shuningdek iqtisodiyot miqyosida boshqariladi.

4– chizma

Ishlab chiqarishni modernizatsiya qilish



¹⁴ Ислам Каримов – 2011 йилнинг асосий якунлари ва 2012 йилда Ўзбекистонни ижтимоий-иқтисодий ривожлантириш йўлига бағишланган Вазирлар Маҳкамаси мажлисидаги маъруза. – “Халқ сўзи”

Mamlakatda modernizatsiyalash darajasini ifodalaydigan mezonlar (ko'rsatkichlar) sifatida sanoat ishlab chiqarishi tarkibining takomillashuvi sanoat mahsuloti ishlab chiqarish va asosiy kapitalga investitsiyalar nisbati, eksport va import tovarlar tarkibining o'zgarishini ko'rsatish mumkin.

5-jadval

O'zbekistonda sanoat ishlab chiqarishning ichki tarmoq tarkibi (% hisobida)			
Sanaot tarmoqlari	2000 yil	2005 yil	2010 yil
Sanaot mahsulotlari ishlab chiqarish, jami shundan:	100,0	100,0	100,0
Elektroenergetika	8,5	11,3	8,4
Yoqilg'i	15,3	16,2	19,2
Metallurgiya	11,4	19,4	11,3
Mashinasozlik va metalga ishlov berish	9,9	13,0	16,2
Qurilish materiallari	5,4	3,6	5,0
Engil sanoat	19,1	16,6	13,4
Oziq-ovqat	13,3	8,2	12,6

Jadval ma'lumotlari shundan dalolat beradiki, o'tgan o'n yillikda O'zbekiston sanoatida ishlab chiqarish tarkibining takomillashuvi xo'jalikning energiya xom-ashyo tarmoqlari rivojlanishi hisobiga emas, balki mashinasozlik va metallsozlik sohasi ulushining keskin o'sishi (64 foiz) barobarida kechdi. Bu iqtisodiyot sektorlarining modernizatsiyalash va rekonstruktsiya qilish jarayonlaridagi ijobiy holatlar hisoblanadi. Ammo shuni ham ta'kidlash joizki, o'tgan davr mobaynida qayta ishlash tarmoqlarida yengil va oziq-ovqat sanoatlari ulushining pasayishi kuzatildi. Bu holat mamlakatimizda sanoat ishlab chiqarish tarkibini takomillashtirishda hali barqaror ijobiy natijalarga erisha olmaganimizni, iqtisodiy o'sishda xom-ashyo yo'nalishining barham topmaganligini bildiradi. Biz, albatta, "kechikkan modernizatsiya", "quvib boruvchi modernizatsiya" modellari yo'lidan bormasligimiz kerak. Bu modellar odatda sobiq mustamlaka va yarim mustamlaka, qoloq mamlakatlar tomonidan qo'llanadi, ular o'z ichki imkoniyatlari hisobiga modernizatsiyalashni amalga oshirishga qodir emas. Bunday sharoitda modernizatsiyalashning Yevropa va AQSHda qaror topgan endogen tipini milliy zaminga o'zlashtirib ko'chirish samaraliroq, tejamliroq va maqsadga muvofiq bo'ladi.

O'zbekiston uchun esa modernizatsiyaning endo-egzogen qo'shma tipi, ya'ni modernizatsiyalashni o'ziga tegishli, ichki imkoniyatlarga tayanib, shu bilan birga rivojlangan mamlakatlar tajriba va yordamidan foydalanib amalga oshirish samaraliroq bo'ladi. Bu xulosani quyidagi jadval ma'lumotlaridan ham ko'rish mumkin.

6-jadval

**O'zbekistonda sanoat mahsuloti ishlab chiqarish va asosiy kapitalga investitsiyalarning
o'sish dinamikasi
(oldingi yilga nisbatan % hisobida)**

	2000 yil	2005 yil	2010 yil
Sanoat mahsulotlari ishlab chiqarish	105,9	107,2	108,3
Asosiy kapitalga kiritilgan investitsiyalar	101,0	105,7	113,6

Jadval ma'lumotlaridan ko'rinib turibdiki, 2005 yilgacha mamlakatimizda sanoat mahsulotlari ishlab chiqarishning yillik sur'atlari asosiy kapitalga investitsiyalar kiritishdan yuqoriroq. Ammo keyingi yillarda, ayniqsa, global moliyaviy inqirozgacha bo'lgan 2007 yilda investitsiyalarning o'sish sur'atlari sanoat mahsulotlari ishlab chiqarishdan 2 martadan ziyodroq yuqori. Hatto inqiroz davom etayotgan 2010 yilda ham, investitsiyalar sanoat mahsulotlariga qaraganda 5,3 punktga ko'proq o'sgan. Bu modernizatsiyalash va diversifikatsiyalash jarayonlarini amalga oshirishda muhim manba hisoblanadi. CHet el investitsiya va kreditlari 2000 yilda barcha investitsiyalarning 23,2, 2007 yilda 24,5 va 2010 yilda 28,8 foizini tashkil etdi.

7-jadval

O'zbekistonning eksport va import tovarlari tarkibi %

Tovarlar guruhi	2000 y.	2005 y.	2007 y.	2010 y.
EKSPORT				
Paxta tolasi	27,5	19,1	12,5	11,3
Oziq-ovqat	5,4	3,8	8,5	9,7
Kimyo mahsulotlari	2,9	5,3	6,8	5,1
Energiya manbalari va neft mahsulotlari	10,3	11,5	20,2	24,8
Qora va rangli metallar	6,6	9,2	11,5	6,8
Mashina va asbob uskunalar	3,4	8,4	10,4	5,5
IMPORT				
Oziq-ovqat	12,3	7,0	7,2	10,9
Kimyo mahsulotlari	13,6	13,6	13,1	14,3
Energiya manbalari va neft mahsulotlari	3,8	2,5	3,5	6,0
Qora va rangli metallar	8,6	10,3	7,5	8,4
Mashina va asbob uskunalar	35,4	43,3	49,6	44,1

Jadval ma'lumotlariga ko'ra, o'tgan davr ichida eksport tarkibida xom-ashyo yo'nalishi ayrim tovarlar guruhi (paxta tolasi) bo'yicha kamaygan bo'lsa-da, energiya-xom ashyo guruhi bo'yicha 2,5 barobarga yaqin o'sgan. Mashina va asbob uskunalar eksporti bo'yicha ham uncha katta bo'lmagan ijobiy siljish bor, lekin u jahon moliyaviy-iqtisodiy inqirozigacha bo'lgan 2007 yil ko'rsatkichidan qariyb 2 barobar past. Import tarkibidagi tovar guruhining ulushi deyarli o'zgarmagan, ammo mashina va asbob uskunalar bo'yicha barqaror yuqori ko'rsatkich (44,1 foiz), garchi inqirozgacha bo'lgan ko'rsatkichdan 5,5 punktga past bo'lsa-da, saqlanmoqda. Bu iqtisodiy sektorlarni modernizatsiyalash va diversifikatsiyalash jarayonini amalga oshirish sharoitida ijobiy tendentsiya hisoblanadi.

SHunday qilib respublika milliy iqtisodiyotini shakllantirish va rivojlantirish **modernizatsiya rivoji** bilan chambarchas bog'liqdir.

SHuni e'tiborga olib 2012 yilda iqtisodiyotimizga 11 mlrd. 700 mln. AQSH dollari, jami investitsiyalarning qariyb 74% ishlab chiqarishni modernizatsiya qilish va yangilashga qaratildi va 2012 yilning o'zidayoq 205 ta yirik investitsiya ob'ekti qurib bitkazildi.

Bozor iqtisodiyotiga o'tish ilg'or texnologiyaga asoslangan holda mahsulot ishlab chiqarishni taqozo etadi. Ilmiy-texnikaviy faoliyatni bozorga o'tkazishning o'ziga xos xususiyatlari bor. Davlat nazariy izlanishlarni doimo qo'llab-quvvatlab, moliyaviy tomondan ta'min etib turadi.

Yangi texnika va texnologiyalarni ishlab chiqish va ularni keng ko'lamda amaliyotga joriy qilish, bevosita xo'jalik shartnomalari asosida amalga oshiriladi va olingan natijalar mahsulot sifatida qabul qilinadi. Fan va texnikani zamon talabiga mos tarzda rivojlantirish uchun uning hozirgi va kelajakdagi o'rnini aniqlab bera oladigan ilmiy izlanishlarni olib borishni kengaytirish zarur.

Fan samaradorligini oshirishdagi asosiy omil fan va texnika uchun **bo'lgan javobgarlikni oshirishdir**. Ana shundagina fandagi ilmiy xulosalarni texnikaga mahsulot sifatida o'tkazilishi va xaqiqiy bozor iqtisodiyoti ro'yobga chiqishi, institutlar o'zlariga xos bo'lmagan joriy ishlardan xalos bo'lishlari mumkin.

Bozor iqtisodiyoti keng rivojlangan ba'zi mamlakatlarda ilmiy tajriba, konstruktsiya ishlari institutlariga qilingan umumiy xarajatlarning 20% va undan ham ko'prog'ini davlat moliyalashtiradi. Bizda ham davlat mablag'larini anchagina qismi modernizatsiyaga sarflanayapti.

Modernizatsiya sohasida kreditlashtirish uzoq davr mobaynida faqat yangi fan-texnikani joriy qilishga qaratilgan edi. Yangi mahsulotning yaratilishi turli bosqichlarda xarajatlar tuzilmasini oqilona o'zgartirish, ilmiy tekshirish institutlariga kredit berishni to'g'ri yo'lga qo'yish, shu bilan birga, jahon tajribalarining ijobiy tomonlarini ham amalda qo'llashni taqozo qiladi.

Soliqlar tizimi va intiyozli soliqlar ilmiy tajriba, konstruktorlik ishlari institutni boshqarishning muhim vositalari hisoblanadi. Bir qancha rivojlangan mamlakatlarda ilmiy tajriba, konstruktorlik ishlari institutlariga to'g'ri mutanosib xarajatlarning **o'sib borishi bilan birga soliqlar chegirmasi joriy qilingan** (bu chegirma juda katta yordam beradi, 20-50% ni tashkil etadi).

Fan-texnikani rivojlantirish uchun sarflangan mablag'larning **iqtisodiy samaradorligi** (Φ_{TTc}) quyidagicha hisoblanadi:

$$\Phi_{TTc} = \frac{IT}{\sum x}$$

bu yerda,

IT - yangi texnikani qo'llash natijasida olingan iqtisodiy tejam;

$\sum x$

- ishlab chiqarishga qilingan barcha xarajatlardir.

Yangi texnikaning iqtisodiy samaradorligiga ta'sir etuvchi omillar bo'lib **foydaning o'sishi, tannarxning kamayishi hisoblanadi**.

Foydaning o'sish ko'rsatkichi quyidagi formula yordamida aniqlanadi:

$$\Delta \Pi_{it} = (\Pi_t - C_t) - (\Pi_1 - C_1) A_t$$

bunda: Π_{it} - Prognozlash davrida foydaning o'sishi (t yil), so'm hisobida;
 TS_t va C_t - Ulgurji baho va bir birlik mahsulotning tannarxi (texnika kiritgandan keyingisi);

TS_1, C_1 - Ulgurji baho va bir birlik mahsulotning tannarxi (yangi texnika kiritilmasdan avvalgisini);

A_t - yangi mahsulotning t yildagi hajmi.

Yangi texnikani joriy qilish natijasida mahsulot tannarxining kamayishi quyidagicha aniqlanadi:

$$\Delta C = (C_1 - C_t) A_t$$

bunda: ΔS - Yangi texnikani joriy qilish, tannarxni kamaytirishdan kelib chiqadigan samaradorlik;

C_t - yangi mahsulot tannarxi (t yildagi);

C_1 - Eski mahsulot tannarxi;

A_t - yangi mahsulotning t yildagi hajmi.

4.3. LOKALIZATSIYA

Korxonalar o'rtasidagi kooperatsiya alokalarini kengaytirish va mahsulot ishlab chikarishni mahalliyashtirish, o'zaro chambarchas bog'langan jarayonlardir. Tarmoq ichidagi va tarmoqlararo sanoat kooperatsiyasini kengayishi tayyor mahsulot, butlovchi buyumlar va materiallar ishlab chikarishni mahalliyashtirish uchun shart-sharoit yaratadi.

Lokalizatsiya bu – mamlakat hududida mahalliy xom ashyo asosida mahsulot ishlab chikarishni yo'lga qo'yish.

Lokalizatsiya qo'yidagi jihatlari bilan ahamiyatlidir:

Iqtisodiy jihatdan lokalizatsiya– mamlakat hududlarida ishlab chikarish salohiyatini oshirish, aholi bandligini ta'minlash, import o'rnini bosuvchi tovarlar ishlab chikarishni kengaytirish, mahalliy byudjetga soliq tushumlarini ko'payish kabilarga imkoniyat yaratib beradi;

Siyosiy jihatdan lokalizatsiya – davlat tadbirkorlar, xorijiy investorlarga turli xil imtiyozlarni berish asosida ishlab chiqilgan maxsus dastur miqyosida mahalliy resurslardan samarali foydalanilgan holda ichki talab mahsulotlarni ishlab chiqishni rag'batlantiradi.

Texnik va texnologik jihatdan lokalizatsiya – iqtisodiyotni modernizatsiyalash sharoitida mahalliy xom ashyoni ishlab chikarishga jalb etish maqsadida yangi texnika va texnologiyalarni joriy qilish kasbiy malakani oshirish imkoniyatini beradi.

Kasbiy jihatdan mamlakat hududlarida lokalizatsiya asosida yangi ishlab chikarishni yo'lga qo'yish, mahalliy ishchi kuchini kasbiy mahoratini oshirish, ularni ilg'or texnologiyalar bilan ishlash ko'nikmalarini shakllantirish, korporativ boshqaruv buyicha malaka oshirish imkoniyatini beradi¹⁵.

O'zbekistonda lokalizatsiyalashtirishni tashkil etishda 2012 yil uchun dastur ishlab chiqilgan dastur bo'yicha 830 dan ortiq loyiha amalga oshirildi.

Mahalliyashtirish dasturi asosida amalga oshirilgan texnik va texnologik yangilanishlar tufayli Jizzax viloyatidagi "Evroaziya Karpet" korxonasi ishga tushdi. Mahalliy xom ashyodan foydalanish darajasi 56,2% ga yetdi. Korxonada chetga sarflanayotgan valyutani tejash hisobiga mahsulot tannarxi 30% gacha kamaydi. Germaniya, Belgiya davlatlaridan keltirilgan texnologiyalar yordamida ishlab chiqariladigan gilamlar raqobatbardoshligi bilan ajralib turibdi. Ma'lumki, keng ko'lami bunyodkorlik ishlari davom etayotgan ayni paytda sifatli va arzon qurilish materiallariga bo'lgan talab oshib bormoqda. Prezidentimizning 2009 yil 19 iyunda qabul qilgan "Devorbop materiallar ishlab chikarishni ko'paytirishni rag'batlantirish va sifatini yaxshilash borasidagi qo'shimcha chora-tadbirlar to'g'risida"gi qaroriga ko'ra Navoiy viloyati Xatirchi tumanida "Navoiyqishloqqurilishservis" MCHJ tomonidan g'isht zavodi ishga tushdi. Korxona zamonaviy texnologiya asosida yiliga 20 mln. dona pishiq g'isht ishlab chikarish quvvatiga ega. Korxonada 65 ish o'rni yaratildi. Ma'lum bo'lishicha hududdagi tuproq pishiq g'isht tayyorlash uchun yaroqsiz hisoblanadi, lekin zamonaviy texnologiya yordamida bu muammoni hal etish mumkin ekan. Tuproqdan namlik so'rib olinib, qattiq bosimda zichlanadi va o'ta mustahkam, pishiq g'isht tayyorlanadi. Davlatimiz rahbarining 2010 yil 23 martda qabul qilgan "2010 yilda sanoat kooperatsiyasi asosida tayyor mahsulotlar, butlovchi buyumlar va materiallar ishlab chikarishni mahalliyashtirish Dasturi to'g'risida"gi qaroriga ko'ra "O'z kimyosanoat DAK tizimidagi "Maksam-CHirchiq", "Jizzax plastmassa", "Navoiyazot" ochiq aktsiyadorlik jamiyati korxonalarida magniy sulfat, kaliy nitrat, kaliy o'g'iti, diametri 630 mm bo'lgan polietilen quvurlarni o'lchovchi uskunalar, mahalliyashtirish dasturi asosida esa 147,7 mlrd. so'mlik mahsulotlar ishlab chikarilmoqda

Dastur samaradorligini oshirish maqsadida turli xil imtiyozlar o'rnatilgan. Xususan, lokalizatsiyalashtirish doirasida loyihalarni amalga oshirayotgan korxonalar:

- daromad solig'i;
- yagona soliq to'lovi;
- mulk solig'idan, shuningdek ishlab chikarishni lokalizatsiyalashtirish maqsadida keltirilayotgan jihozlar, texnologiyalar boj to'lovlaridan ozod qilinadi.

¹⁵ Вазьянский А.М. Локализация производства как одно из условий развития социально – экономических систем. avazyans@rambler.ru

4.4. Diversifikatsiyaning iqtisodiyotdagi o'rnini

Diversifikatsiya tushunchasi milliy iqtisodiyotimizda 90 yillardan keyin qo'llanila boshlandi. Bu so'z, lotin tilidan olingan bo'lib, **diversus** – turli, har xil, va **facere** bajaraman degan turli-tumanlashtirish, o'zgartirish ma'nosini anglatadi. U ishlab chiqariladigan tovar va mahsulotlar nomenklaturasini kengayishiga, ishlab chiqarishning yangi yo'llarini o'zlashtirish hisobidan ishlab chiqarish samaradorligini oshirish, iqtisodiy samara va inqirozni oldini olish bo'lib bu ishlab chiqarishni **diversifikatsiyalash** deyiladi.

Buyuk frantsuz olimi va faylasufi Rene Dekard (1596-1650) shunday degan edi: "Mavjud muammolarni tarkiblarga va qismlarga bo'lish va uni hal qilish" degan ma'noda izohlab iqtisodiyotda qullay boshlagan.

Amerikalik iqtisodchi Fredrix S fikricha, "diversifikatsiya bu – 1 dan ortiq aktivga ega bo'lish" degan ta'rifni beradi.

Mavjud adabiyotlar tahlili shuni ko'rsatadiki, diversifikatsiya so'zining mohiyati ko'pgina mualliflar tomonidan turlicha talqin qilinadi, ya'ni har bir sohani tahlil qilganda diversifikatsiyaning shu sohaga taaluqli tomonini ko'rib o'tishga harakat qilinadi. Ba'zi olimlar diversifikatsiyani baza topish maqsadidagi firmalarning asosiy faoliyatidan tashqari ish olib borish sohasidagi marketing faoliyatining strategiyasi sifatida qarashadi.

Masalan, U. Kaporliskiy va A. Filinalarning fikricha "Diversifikatsiya firmaning asosiy faoliyatidan tashqari yangi faoliyat turini o'zlashtirish borasida olib boradigan ya'ni marketing strategiyasidir.

Diversifikatsiyaning maqsadi – bozor kon'yukturasi o'zgarishini o'z vaqtida anglay olish va korxonaning iqtisodiy faoliyatini barqarorlashtirishdan iborat.

Ushbu ta'rifga asosan: kon'yuktura o'zgarishi yangi texnika va texnologiya, fan yutuqlarini joriy qilish jarayonlarini inobatga olgan holda faoliyat ko'rsatishi lozimligi ta'kidlanadi. Diversifikatsiya – ishlab chiqariladigan yoki import va eksport qilinadigan tovarlar assortimentini ko'paytirish, turlarini o'zgartirish, shuningdek ishlab chiqarish va savdo-sotiq samaradorligini oshirish, har qanday bankrotliklarning oldini olish maqsadida ishlab chiqarishning yangi sohalarini o'zlashtirishdir. Diversifikatsiya nafaqat bir turdagi mahsulot ishlab chiqarishga yoki yagona xo'jalik faoliyatiga bog'liqlikning oldini olish uchun, balki an'anaviy bozorlardagi ulushini oshirish, yangi bozorlarni egallash, kapital oqimi uchun yangi sohalarni izlab topish va boshqa maqsadlarda ham amalga oshiriladi.

Ba'zi iqtisodiy adabiyotlarda diversifikatsiya jarayonini yangi bozorlarga chiqish maqsadida korxonaning asosiy faoliyatidan tashqari marketing strategiyasi sifatida talqin etadilar. Ammo bunday ta'rifga to'la qo'shilib bo'lmaydi. Chunki tashqi savdo, ya'ni eksport va import ham asosiy ishlab chiqarishning natijasi hisoblanadi. Asosiy ishlab chiqarishni modernizatsiya va rekonstruksiya qilmasdan, uning xarakterini o'zgartirmasdan turib, tashqi aloqalarda sezilarli natijalarga erishib bo'lmaydi. Eksport tarkibini diversifikatsiyalash zaruratining nafaqat tashqi, balki ichki imkoniyat va omillarga ham bevosita bog'liqdir. Masalan, O'zbekistonda eksportning muhim komponentlaridan hisoblanadigan bir qator rangli metallar tiklanmaydigan resurslar qatoriga kiradi. Mamlakatimizda ularning zahiralardan foydalanishni keskin oshirish, kelgusida bu tabiiy resurslar kamayib ketishi bilan bog'liq nohush holatlarni keltirib chiqarishi mumkin.

Yana bir misol. O'zbekiston eksportida paxta tolasi katta ulushni egallab keladi. Uning hozirgi ulushi uncha katta bo'lmasa-da, kelgusida ham saqlanib qoladi, albatta. Lekin paxta tolasi eksporti ob-havo sharoitiga, xalqaro bozorlarda xom-ashyo narxlarining tebranib turishiga bog'liq. Bu esa, o'z navbatida, uni eksport qilishdan keladigan daromadlarning beqarorligiga olib keladi. Bundan tashqari, paxta xom-ashyosini ishlab chiqarish yer va suv resurslariga bevosita bog'liqligi tufayli, uni ishlab chiqarishni ko'paytirib borish imkoniyatlari cheklangan. Sanoat tarmoqlarining rivojlanishi, yo'l va boshqa inftruzilmaning, uy-joy qurilishining kengayishi ham paxta ekini maydonlarining qisqarib borishiga olib keladi. SHunday qilib bir xil turdagi mahsulotni katta miqdorda eksport qilish, iqtisodiy jihatdan noqulay bo'lib, mamlakat

iqtisodiyotining bir xil turdagi mahsulot eksportiga bog'lanib qolishiga olib keladi. Uni kamaytirib borish esa, dastlab ayrim qiyinchiliklarni keltirib chiqaradi. Bularning barchasi diversifikatsiya jarayoniga rejali va uzluksiz yondashish zarurligini taqozo etadi.

O'zbekiston iqtisodiyotida 2011–2015 yillardagi eng muhim vazifa – makroiqtisodiy barqarorlik va izchil yuqori iqtisodiy o'sish sur'atlarini ta'minlash, uning sifat ko'rsatkichlarini iqtisodiyot tarmoqlarini yanada diversifikatsiya qilish, ishlab chiqarishni modernizatsiya etish, texnik va texnologik yangilash, mamlakatimizda ishlab chiqarilgan mahsulot va xizmatlarning ichki va tashqi bozorlardagi raqobatdoshligini oshirish hisobiga yaxshilashdan iborat.

Yalpi ichki mahsulotning yiliga 8 foizdan ortiq bo'lgan darajadagi barqaror o'sish sur'atlarini ta'minlash, umuman 2011 – 2015 yillar davomida uning hajmi 1,5 barobar, xarid qobiliyati pariteti bo'yicha esa 1,6 barobar hisobidagi o'sishga erishish ko'zda tutilmoqda. Bunda iqtisodiy o'sish barqarorligi makroiqtisodiy ko'rsatkichlarning mutanosibligi, past inflyatsiya ko'rsatkichlari va milliy valyuta kursining barqarorligi orqali ta'minlanadi.

Kelgusi yillarda ichki talabning oshib borishiga muhim ahamiyat beriladi. Chunki jahon iqtisodiyoti va mahsulotlar bozorlaridagi beqarorlik sharoitida bunday yondashuv iqtisodiyotni izchil rivojlantirishning barqarorlashtiruvchi va rag'batlantiruvchi omili sifatida muhim o'rin tutadi.

Raqobatdoshlikka erishish, dunyo bozorlariga chiqish uchun eng avvalo iqtisodiyotni izchil isloh etish, tarkibiy jihatdan o'zgartirish va diversifikatsiya qilishni chuqurlashtirish, yuqori texnologiyalarga asoslangan yangi korxona va ishlab chiqarish tarmoqlarining jadal rivojlanishini ta'minlash, faoliyat ko'rsatayotgan quvvatlarni modernizatsiya qilish, texnik yangilash orqali amalga oshirilishi mumkin. 2012-2016 yillarda qiymati 6 mlrd. 200 mln. dollar bo'lgan 270 dan ortiq investitsiya loyihasini, ya'ni ishlab chiqarishni modernizatsiya qilish, texnik va texnologik qayta jihozlash bo'yicha ishlar amalga oshiriladi. Jumladan, Surg'ul koni bazasida Ustyurt gaz-kimyó kompleksi, Dehqonobod kaliyli o'g'itlar, Qo'ng'iro't soda zavodining ikkinchi navbati sintetik suyuq yoqilg'i ishlab chiqaradigan zavodini qurish boshlanadi. SHuningdek, Tollimarjon IES da 2 ta bug'-gaz qurilmasi, Angren IESda yangi energoblok qurish, avtomobil shinalari, transporter tasmasi ishlab chiqariladi.

Iqtisodiyotdagi tarkibiy o'zgarishlar va uni yanada diversifikatsiya qilish sanoatning yalpi ichki mahsulotdagi ulushini 2010 yildagi 24%dan 2015 yilda 28 %ga, qurilishda – 6,4%dan 7,6%ga oshirish imkonini beradi. Natijada 2011 – 2015 yillarda qishloq xo'jaligi mahsulotlari ishlab chiqarish hajmi 1,3 barobar ortgani holda, uning yalpi ichki mahsulotdagi ulushi 17,5% dan 13,5 %ga tushadi.

Mamlakatimiz va uning barcha mintaqalarida o'ta qulay ishchan muhitni yaratish, tabdirkorlikka yanada ko'proq erkinliklar berish, asossiz turli byurokratik to'siqlarni barham toptirish borasidagi chora-tadbirlarni amalga oshirish kichik biznes va xususiy tabdirkorlikni jadal sur'atlarda, birinchi navbatda ishlab chiqarish va yuqori texnologiyali tarmoqlarda rivojlantirishni, mazkur sohaning yalpi ichki mahsulotdagi ulushi 2010 yildagi 52,5%dan 2015 yilda rivojlangan mamlakatlardagi kabi, 60%dan yuqori bo'lishini ta'minlaydi¹⁶.

Tayanch iboralar:

- Modernizatsiya
- Fan-texnika samaradorligi
- Lokalizatsiya
- Diversifikatsiya
- Innovatsiya
- Texnika-texnologiya
- Mahalliyashtirish

¹⁶ Ўзбекистон Республикаси иқтисодий-ижтимоий тараққиётининг мустақиллик йилларидаги (1990-2010 йиллар) асосий тенденция ва кўрсаткичлари ҳамда 2011-215 йилларга мўлжалланган прогнозлари. Тошкент. “Ўзбекистон” 2011 й. 119 бет.

O'z-o'zini tekshirish uchun savollar

1. Innovatsiya tushunchasi. Uning ahamiyati va afzalliklari nimada?
2. Modernizatsiya nima va uning zaruriyati nimada?
3. Fan-texnika taraqqiyoti nimalarda o'z aksini topadi?
4. Qanday omillar ta'siri ostida FTTi jadallashadi?
5. FTTning qaysi yo'nalishlarini bilasiz?
6. FTTning samaradorlik ko'rsatkichlari va ularni aniqlash usullari.
7. Diversifikatsiyaning iqtisodiyotdagi ahamiyati? Uning maqsadi?
8. O'zbekistonda innovatsion texnologiyalarning ahamiyati qanday?
9. Lokalizatsiya nima? Unga beriladigan imtiyozlar qaysilar?
10. Lokalizatsiyaning qanday jihatlari mavjud?

Tavsiya etiladigan adabiyotlar

1. Karimov I.A Jahon moliyaviy-iqtisodiy inqirozi, O'zbekiston sharoitida uni bartaraf etishni yo'llari va choralari. T. "O'zbekiston" 2009.
2. Karimov I. A Mamlakatimizni modernizatsiya qilish va iqtisodiyotimizni barqaror rivojlantirish yo'lida. Asarlar, 16-jild. – T.: O'zbekiston, 2008. 163 bet.
3. O'zbekiston Respublikasi Prezidenti I.Karimovning 2012 yilda mamlakatimizni ijtimoiy-iqtisodiy rivojlantirish yakunlari hamda 2013 yilga mo'ljallangan iqtisodiy dasturning eng muhim ustuvor yo'nalishlariga bag'ishlangan Vazirlar Mahkamasining majlisidagi ma'ruzasi. Xalq so'zi 2013 yil 19 yanvar.
4. O'zbekiston Respublikasi Prezidentining 2008 yil 15 iyuldagi "Innovatsion loyihalar va texnologiyalarni ishlab chiqarishga joriy etishni rag'batlantirishning qo'shimcha chora-tadbirlar to'g'risidagi" 916-son qarori.
5. O'zbekiston Respublikasi Prezidentining 2009 yil 1 dekabrda 1236-sonli qarori bilan Mahalliyashtirish dasturi.
6. O'zbekiston Respublikasi iqtisodiy-ijtimoiy taraqqiyotining mustaqillik yillaridagi (1990-2010 yillar) asosiy tendentsiya va ko'rsatkichlari hamda 2011-2015 yillarga mo'ljallangan prognozlari. Toshkent. "O'zbekiston" 2011.
7. Saidova G "Modernizatsiya texnicheskoe obnovlenie i diversifikatsiya proizvodstva. SHirokoe vnedrenie innovatsionnykh texnologiy – neobxodimoe uslovie v'yxoda Uzbekistana na novye rubeji na mirovom rynke". T. 2009.
8. N.Tuxilev Taraqqiyotning o'zbek modeli. "O'zbekiston milliy entsiklopediyasi" Davlat ilmiy nashriyoti T-2012 y.
9. Yo'ldashev Z. Milliy iqtisodiyot T., 2004.
10. Vaz'vianskiy A.M Lokalizatsiya proizvodstvo kak odno iz usloviy razvitiya sotsialno – ekonomicheskix sistem. avazyans@rambler.ru
11. Seytmuratov R.A. Modernizatsiya obshestva i strukturnoe obnovlenie ekonomiki Respubliki Uzbekistan-T.Gosudarstvennoe nauchnoe izdatel'stvo "Uzbekiston Milliy Entsiklopediyasi"2006.

V-bob. Milliy iqtisodiyot tarkibiy tuzilishi

- § 1. Milliy iqtisodiyot tarkibi, uning mazmuni va asosiy shakllari.
- § 2. Iqtisodiy faoliyat tarkibini tahlil qilish.
- § 3. Milliy iqtisodiyot tarkibini takomillashtirishning asosiy yo'nalishlari.

§ 1. Milliy iqtisodiyot tarkibi, uning mazmuni va asosiy shakllari

Iqtisodiyot murakkab va ko'p qirrali xususiyatga ega. U har biri aniq funktsiyani bajaradigan va shuning bilan birga boshqa bo'yoinlar harakatini ta'minlaydigan keng tarmoqli turli xil bo'limlar tizimidan iborat. SHuning uchun **iqtisodiyotning tarkibi doimo rivojlanishda va takomillashtirishda bo'ladigan murakkab organizmdir.**

Iqtisodiyotning tarkibi (strukturasi) deganda ma'lum omillar ta'sirida yuzaga kelgan ijtimoiy takror ishlab chiqarish va ijtimoiy mehnat taqsimotini ifodalaydigan **iqtisodiyot tarmoqlarining nisbati** tushuniladi.

Ma'lumki, Markazlashgan **boshqaruv tizimida muayyan mamlakat iqtisodiyoti "xalq xo'jaligi" iborasi bilan ifodalanar edi.** Bunday yondashuvda mamlakat iqtisodiyoti ikki sohaga, ya'ni:

- Ishlab chiqarish
- Noishlab chiqarish sohalariga bo'lingan xalq xo'jaligi tarmoqlari tasnifiga asoslanar edi.

Ishlab chiqarish sohasi:

- Sanoat;
- qishloq xo'jaligi;
- o'rmon xo'jaligi;
- qurilish;
- yuk transporti;
- ishlab chiqarishga xizmat o'luvchi aloqa;
- moddiy texnika ta'minoti;
- savdo va tayyorlov tashkilotlari;
- umumovqatlanish korxonalari;
- boshqa har xil ishlab chiqarish faoliyatlari;

Noishlab chiqarish sohasi:

- uy-joy kommunal xo'jaligi va aholiga maishiy xizmat ko'rsatish;
- sog'liqni saqlash, jismoniy tarbiya va sotsial ta'minot;
- xalq ta'limi;
- madaniyat va san'at;
- moliya, kredit va davlat sug'urtasi;
- boshqarish;
- mudofaa;
- har xil noishlab chiqarish faoliyatlari.

Xalq xo'jaligini bu tartibda guruhlash iqtisodiyotni ma'muriy buyruq bilan boshqarish sharoitida vujudga kelgan bo'lib, haddan tashqari markazlashgan rejalashtirish uslubiga asoslangan edi. Bunday tasnif bozor iqtisodiyoti talablariga javob bera olmaydi. CHunki unga asoslanib:

- noishlab chiqarish tarmoqlarida yaratilgan ijtimoiy qiymatni aniqlash;
- tarmoqlarni mulk shakllariga ajratib o'rganish;
- tadbirkorlikning **yangi strukturasiga oid ko'pgina ko'rsatkichlarni aniqlash imkoniyati bo'lmaydi.**

Bozor iqtisodiyoti sharoitida xalq xo'jaligining ikki sohasidagi chegara yo'qoladi, yangi turli-tuman mulkiy tizim vujudga keladi. Natijada, **turli mulk shakllari ko'rinishida bozor** iqtisodiyotining quyidagi **sub'ektlari** shakllanadi:

- Iqtisodiy mustaqil **mulk egasi**, ya'ni iste'molchi bo'lgan ayrim kishilar yoki guruhlar. Bularga odatda yollanib ishlovchilar, yer egalari, kapital sohiblari, ishlab chiqarish vositasi egalari kiradi. Ular tadbirkorlik qilmay, o'z mulkidan daromad topadi yoki yollanib ishlaydi.
- Firma, korxona, xo'jaliklar va ularda band bo'lgan **tadbirkorlar**. Ular foyda olish yo'lida mustaqil ish yuritadilar, ishlab chiqarish omillarini ishga soladilar.
- **Davlatning barcha mahkama-idora tashkilotlari**. Ular ham ishlab chiqarish, ham iste'mol bilan shug'ullanadilar, bozor va unda qatnashuvchilar faoliyati ustidan nazorat qiladilar.

Bozor iqtisodiyoti ishtirokchilari o'zaro aloqaga kirishadilar. Ishchi kuchi, yer, kapital va boshqa vosita egalari ularni korxona, firmalarga sotadi. Ular o'z navbatida ishlab chiqarish omillaridan foydalanib tovar ishlab chiqaradilar va xizmatlar ko'rsatadilar.

Birlashgan Millatlar Tashkilotining **1993 yilda qabul qilingan MSTning 3-tahririda Milliy iqtisodiyot ikki qismga ajratilgan:**

1. Ichki iqtisodiyot
2. Qolgan dunyo (tashqi dunyo)

Ichki iqtisodiyot 5 sektorga ajratilgan:

1. Tovar ishlab chiqarish va xizmat ko'rsatish korxonalari (nomoliyaviy korxonalar);
2. Moliya tashkilotlari ;
3. Davlat tashkilotlari;
4. Uy xo'jaligiga xizmat ko'rsatuvchi ijtimoiy tashkilotlar;
5. Uy xo'jaligi;

Milliy iqtisodiyotning ikkinchi qismi - **qolgan dunyo** yoki **tashqi dunyo** sektoridir. Unga tashqi iqtisodiy aloqalar kiradi. Bu sektor asosan chet davlatlar va mamlakat instituttsional birliklar (rezidentlari) o'rtasidagi **muomalalarni hisobga olish uchun xizmat** qiladi.

Ishlab chiqarish jarayoni, tovar resurslari, xizmat ko'rsatishda ishlab chiqarish va iste'mol o'rtasidagi mutanosiblikni tavsiflash maqsadida MSTda instituttsional birliklar tarmoqlar tasnifining xalqaro standarti (TTXS)ga binoan quyidagi **to'rt guruhga** bo'linadi:

- bo'limlar (jami 17 ta bo'lim);
- bo'limchalar (jami 20 ta blok);
- tarmoqlar turkumlari (jami 169 ta faoliyat turi);
- tarmoqlar turkumlari (jami 292 ta sinf).

Bunday guruhlash tarmoqlar bo'yicha tovar ishlab chiqarish, xizmat ko'rsatish va ulardan foydalanish jarayonidagi oqimlarni tahlil qilishda qo'l keladi.

Makroiqtisodiyotni sektorlarga bo'lib o'rganish bozor munosabatlarini tartibga solish uchun zarur bo'lgan **makroiqtisodiy ko'rsatkichlar tizimini ishlab chiqishda, makroiqtisodiy tahlilni amalga oshirish va makroiqtisodiy qonuniyatlarini aniqlashda**, makroiqtisodiyotni boshqarish uchun zarur bo'lgan **tegishli tavsiyalarni tayyorlashda** katta ahamiyat kasb etadi.

Bulardan tashqari har bir sektorning o'z vazifalari bor.

8-jadval

Sektorlar va ularning vazifalari

T/r	Sektorlar	Institutsional birliklar (korxonalar)	Sektorlarning vazifalari
1.	2	3	4
1.	▪ Tovar ishlab chiqarish va xizmat ko'rsatish sektori (nomoliyaviy korxonalar)	▪ Firmalar ▪ Korxonalar ▪ Korporatsiyalar ▪ Kontsernlar ▪ Kongsortsiumlar va boshqalar.	▪ Tovar ishlab chiqarish va moliyaviy bo'lmagan xizmat ko'rsatish
2.	▪ Moliyaviy tashkilotlar sektori	▪ Markaziy bank ▪ boshqa banklar ▪ sug'urta kompaniyasi va pensiya fondi	▪ mamlakatda pul muomalasini tartibiga solish ▪ sug'urtalashva nafaqalarni belgilash
3.	▪ Davlat tashkilotlari sektori	▪ qonun chiqaruvchi organlar ▪ ijro etuvchi organlar ▪ nazorat etuvchi organlar ▪ milliy daromad va boylikni qayta taqsimlashda qatnashuvchi boshqa tashkilotlar (moliya vazirligi, soliq, bojxona qo'mitasi va hokazo)	▪ milliy daromadni va milliy boylikni qayta taqsimlash: ▪ Makroiqtisodiy mutanosibliklarni ta'minlash ▪ Soliq, boj, turli badal va to'lovlarni to'lanishini nazorat o'lish
4.	▪ Uy xo'jaligiga xizmat ko'rsatuvchi ijtimoiy tashkilotlar sektori	▪ Notijorat tashkilotlari – kasalxonalar – dam olish uylari – o'quv yurtlari – osoyishtalikni muhofaza qiluvchi tashkilotlar va boshqalar	▪ aholining talabini qondirish ▪ bepul davolash ▪ bepul ta'lim berish ▪ bepul maishiy xizmat ko'rsatish ▪ bepul tinchlik va osoyishtalikni ta'minlash ▪ xayriya ishlarini bajarish
5.	▪ Uy xo'jaligi sektori	▪ Ishlab chiqaruvchi yoki iste'molchi bo'lgan yakka va guruh shaxslar	▪ Bozor ehtiyoji va xususan shaxsiy ehtiyojni qondirish

		▪ Oilalar ▪ Ibodatxonalarda yashovchilar ▪ Uzoq muddat ruhiy kasalxonalarda davolanayotganlar ▪ qamoqxonalardagilar ▪ qariyalar va bolalar uyidagilar ▪ armiyadagilar va hokazo	uchun tovar ishlab chiqarish va xizmatlar ko'rsatish
--	--	--	--

Yuqorida qayd etilganlardan tashqari BMTning 1993 yilda qabul o'lingan MSTda **bozor iqtisodiyotiga o'tayotgan mamlakatlarda** yagona iqtisodiyotni ikki sohaga ajratish tavsiya qilinadi, ya'ni:

- a) **Tovar ishlab chiqarish sohasi**-bunda buyum, gaz, suv, va energiya shaklida mahsulotlar ishlab chiqariladi, ishlab chiqarish xizmatlari ko'rsatiladi. Bu sohaga sanoat, qishloq xo'jaligi, o'rmon xo'jaligi, qurilish tarmoqlari kiritiladi.
- b) **Xizmat ko'rsatish sohasi**, bunga xizmat ko'rsatish bilan shug'ullanadigan tarmoqlar kiritilgan.

Hozirgi paytda O'zbekiston Respublikasi statistika xizmati YaIM, bandlik, mehnat haqi va boshqa ko'rsatkichlarni soha va tarmoqlar bo'yicha hisoblaydi va e'lon qiladi.

SHunday qilib, Milliy iqtisodiyot **turli qism va bo'laklardan tashkil topgan murakkab tizimdir**. Iqtisodiyotning turli qism va bo'laklari o'rtasidagi o'zaro nisbat **iqtisodiyotning tarkibiy** tuzilishi deb ataladi. Iqtisodiyotni alohida qismlarga bo'lish asosida turli belgilar yotadi, shuning uchun **tarkiblarning** tuzilishi bir necha turlarga ajratib o'rganiladi.

1. Ijtimoiy tuzilishi.
2. Tarmoq tuzilishi.
3. Takror ishlab chiqarish tuzilishi.
4. Hududiy tuzilishi.

Ijtimoiy tuzilish - bu iqtisodiyotning turli **mulkchilik shakllari** o'rtasidagi o'zaro nisbatdir.

O'zbekistonda mulkchilik turlari davlat, jamoa, xususiy va aralash mulkchilik tarzida shakllanadi.

Iqtisodiyotni barcha tarmoqlarida ish bilan band bo'lganlar soni, asosiy fondlar va ishlab chiqarish bo'yicha bu bo'g'inlarning har birini ulushi,-Respublika iqtisodiyotining ijtimoiy tuzilishini aks ettiradi.

Iqtisodiyotning **tarmoq tuzilishi** bu **turli tarmoqlar o'rtasidagi o'zaro nisbatdir**, ya'ni sanoat, qishloq xo'jaligi, qurilish, transport va aloqa o'rtasida yoki qazib oluvchi va qayta ishlovchi tarmoqlar o'rtasidagi, moddiy mahsulotlar ishlab chiqaruvchi va xizmat ko'rsatuvchi tarmoqlar va hokazolar o'rtasidagi nisbatdir. Tarmoq tuzilishi milliy iqtisodiyotning rivojlanish darajasini ifodalaydigan muhim ko'rsatkich bo'lib hisoblanadi.

Yuksak rivojlangan mamlakatlarda* xizmat ko'rsatuvchi sohalarning hissasi yuqori, qayta ishlovchi tarmoqlarning hissasi esa - qazib oluvchi tarmoqlardan ustun bo'lgan iqtisodiyot tuzilishiga xosdir.

U mehnat va kapitalning yuqori darajada unumdorligidan, tabiiy resurslardan oqilona foydalanganligidan va pirovard natijada aholini turmush darajasi yuqoriligidan dalolat beradi. Iqtisodiyotning **takror ishlab chiqarish** tuzilishi bu kengaytirilgan takror **ishlab chiqarishni asosiy nisbatlari, ya'ni ishlab chiqarish vositalarini ishlab chiqarish va iste'mol buyumlarini ishlab chiqarish o'rtasidagi, iste'mol va jamg'arish** o'rtasidagi o'zaro nisbatlardir. Takror ishlab chiqarish tuzilishi **iqtisodiy o'sishning imkoniyatlarini** ifodalovchi ko'rsatkich hisoblanadi.

Iqtisodiyotning **hududiy** tuzilishi ishlab chiqaruvchi kuchlar rivojlanishining hududiy jihatlarini aks ettiradi va alohida hududlarning umummilliy ko'rsatkichlardagi hissasini aniqlaydi. U butun mamlakat bo'yicha turmush sharoitini barqarorlashtirish maqsadida aniqlanadi va tadqiq qilinadi. Ma'lumki, ma'muriy jihatdan O'zbekiston 1 ta avtonom respublika, 12 viloyat va Toshkent shahridan iboratdir. Unda 119 ta shahar, 158 ta qishloq **ma'muriy tumanlari** mavjuddir.

Iqtisodiy rayonlashtirish belgilari bo'yicha mamlakatimiz **6 ta iqtisodiy mintaqaga bo'linadi**:

1. **Toshkent iqtisodiy mintaqasi.** U Toshkent viloyati va Toshkent shahri hududlaridan iborat bo'lib, 15,6 ming m² territoriyaga egadir. Bu mintaqaga respublikani 3,48% maydoni va 17,01% aholisi to'g'ri keladi. Bu mintaqada o'rta hisobda Mamlakat milliy daromadini 26,0% va 32,5% dan ortiqroq sanoat mahsuloti ishlab chiqaradi.

2. Ishlab chiqarish potentsiali bo'yicha ikkinchi o'rin **Farg'ona iqtisodiy mintaqasiga** to'g'ri keladi. Bu mintaqada Andijon, Namangan va Farg'ona viloyatlarini o'z ichiga oladi va 18,5 ming m² territoriyaga egadir, yoki 4,12% respublika hududini egallaydi. Unda aholini 28,57% yashaydi. Bu mintaqada O'zbekiston milliy daromadining 26 %ini, sanoat mahsulotini 31,5% ini, 36,8% qishloq xo'jalik mahsulotini, 28,3% tovar oborotini ishlab chiqaradi.

3. **Markaziy iqtisodiy mintaqada** o'z ichiga Buxoro, Navoiy, Samarqand viloyatlarini o'z ichiga oladi. Bu mintaqada respublikaning 37,45% hududini egallaydi, aholi soni jihatidan 20,07%, milliy daromadini 18,6%, sanoat mahsulotini – 14,6%, qishloq xo'jalik yalpi mahsulotini – 20,8% ini ishlab chiqaradi.

4. **Janubiy iqtisodiy mintaqada** - Qashqadaryo va Surxondaryo viloyatlaridan iboratdir. U respublikaning 10,85% hududini va 17,01% aholisini tashkil qiladi. Bu mintaqada qishloq xo'jaligi, ayniqsa, chorvachilik rivojlangan. Unda respublika qishloq xo'jaligi yalpi mahsulotini 19,4%, sanoat mahsulotini 12,4% ini, milliy daromadini 14% shu mintaqada yetishtiradi.

5. **Mirzacho'l iqtisodiy mintaqasi** o'z ichiga Jizzax va Sirdaryo viloyatlarini oladi. U respublika hududini 5,66%ini, aholisini 6,46%ini oladi. Bu mintaqada

* Дунёда 215 дан ортик давлат мавжуд бўлиб улардан фақат 23 давлат ривожланган давлат ҳисобланади.

o'rta hisobda respublikaning 6,1% milliy daromadi, 2,7% sanoat mahsuloti va 8.6% qishloq xo'jaligi yalpi mahsulotini yetishtiriladi.

6. Orolbo'yi iqtisodiy mintaqasi. Unga Qoraqalpog'iston Avtonom respublikasi va Xorazm viloyati kiradi. Bu regionda respublikani 38,47% hududi va 10,88% aholisi joylashgan. Bu mintaqada respublika sanoat mahsulotini 6,3%ini, qishloq xo'jaligi mahsulotini 12,5% ini yetishtiradi.

§ 2. Iqtisodiy faoliyat tarkibini tahlil qilish

Iqtisodiy faoliyat tarkibi u yoki bu mamlakat, butun insoniyat alohida individuallari guruhlarini ijtimoiy qatlamlarining faoliyatidir.

Iqtisodiy faoliyat tarkibini tahlil qilishda milliy iqtisodiyotni tarkibiy bo'limlari, tarmoqlar va ularning o'sish sur'atlari, mahsulot turlari bo'yicha o'sish darajalari va hakoza ko'rsatkichlar tahlil qilinadi. Tarkibiy tahlil asosida **iqtisodiy siyosat** ishlab chiqiladi.

Milliy iqtisodiyotni tahlil qilish quyidagi tartibda amalga oshiriladi:

1. Mulkiy munosabatlar tahlili.

Respublikamizda mulk munosabatlarini takomillashtirish bo'yicha ma'lum ishlar amalga oshirildi. Xususan, O'zbekiston Respublikasida "Mulkchilik to'g'risi"da, uni "Davlat tasarrufidan chiqarish va xususiy lashtirish to'g'risida"gi qonunlar va "Iqtisodiy islohotlarni yanada chuqurlashtirish, xususiy mulkni himoya qilish va tadbirkorlikni rivojlantirishni ta'minlash tadbirlari to'g'risida"gi Prezident Farmoni va boshqa huquqiy hujjatlarni qabul qilindi.

Iqtisodiyotning asosiy tarmoqlarida davlat va nodavlat sektorlarining yalpi ichki mahsulot ishlab chiqarishdagi ulushi¹⁷

2011 y.

	Davlat sektori(%)	Nodavlat sektori(%)
Yalpi ichki mahsulot	17,5	82,5
Sanoat mahsuloti	15,4	84,6
Yalpi qishloq xo'jaligi mahsuloti	0,1	99,9
Qurilish	7,8	92,2
Transport	36,8	63,2
Aloqa	4,2	95,8
CHakana tovaroborot hajmi	0,2	99,8
Xizmat ko'rsatish sohasi	18,3	81,7
Iqtisodiyotda band bo'lgan aholi soni	18,5	81,5

2. Kichik biznes va xususiy tadbirkorlik darajasini tahlil qilish.

Kichik biznes va xususiy tadbirkorlikni rag'batlantirish, qimmatbaho qog'ozlar bozorini shakllantirish islohotlar taqdirini belgilovchi shartlardan biri hisoblanadi.

O'zbekistonda qisqa vaqt ichida kichik va o'rta biznesni rivojlantirishni huquqiy shart-sharoitlari va tashkiliy tuzilmalari yaratildi. Tovar ishlab chiqaruvchilar va tadbirkorlar palatasi, o'rta va kichik biznesni qo'llab-quvvatlash bo'yicha hukumat komissiyasi, Biznes-Fond, "Madad" sug'urta agentligi, konsalting, injiniring, lizing, firma va kompaniyalar, biznes-inkubatorlar ish olib bordilar.

Xususiy korxona to'g'risidagi qoidalar qonun nuqtai-nazaridan mustahkamlandi. Tadbirkorlik sub'ektlarini ro'yxatga olish tartibi tubdan yangilandi va soddalashtirildi.

Kichik biznes va xususiy tadbirkorlik sohasida ish bilan band bo'lgan aholining 76% dan ko'prog'i mehnat qilmoqda. Kichik biznes va xususiy tadbirkorlik sohasini rivojlanishiga soliq yukini yanada kamaytirish, mikrofirma va kichik korxonalar uchun yagona soliq to'lovining, jismoniy shaxslardan olinadigan daromad solig'i stavkalarining kamaytirilishi, kichik biznes va tadbirkorlikni izchil rivojlantirish uchun zarur omillar yaratdi. Natijada ularning soni 2012 yil 1 yanvardan 246441 tani tashkil qildi.

Kichik biznes sub'ektlari tomonidan ishlab chiqilayotgan sanoat mahsulotlarining xajmi 2011 yili salkam 21 % ni tashkil qildi. Bu sanoat tarmog'ida o'rtacha o'sish ko'rsatkichidan ancha ko'pdir. SHuning natijasida kichik biznesning YaIMdagi ulushi 2011 yilda 54,0 % ni tashkil qildi.

Kichik biznes va tadbirkorlikni rivojlantirish bilan bir qatorda xizmat ko'rsatish sohasi va kasanachilikning turli shakllarini joriy etishga keng e'tibor berilmoqda. natijada, Respublikamizda 2012 yili 950 mingga yaqin ish o'rinlari

¹⁷ Ўзбекистон Республикасининг статистик ахборотномаси Т. Ўзбекистон 2011 йил 47 бет

yaratilgan bo'lsa, shundan xizmat ko'rsatish va servis sohasini xissasi 250 mingtani, kasanachilik sohasi hisssasi esa qariyb 100 mingdan oshiqrog'ini tashkil qiladi. Yangi ish o'rinlarini yaratishda, shuningdek, aloqa, axborotlashtirish, moliya, bank, transport xizmati ko'rsatish, maishiy texnika va avtomobillarni ta'mirlash sohalarining hisssasi oshib bormoqda (50,0 % ga yaqin).

O'zbekistonda kichik biznes va xususiy tadbirkorlikni rivojlantirish uch muhim masalani yechishni ko'zda tutadi:

Birinchi masala-yaqin besh-o'n yil ichida ushbu sohada yalpi ichki mahsulotning 50-60 foizini ishlab chiqarishga erishish. Kichik biznes va tadbirkorlikning ulushi YaIM tarkibida 2012 yilda 54,6 % ni tashkil qildi.

Ikkinchi masala- bu sohani rivojlantirish aholini ish bilan ta'minlash va uning daromadlari o'sishining eng muhim manbalaridan biriga aylanishi lozim.

Uchinchi masala- mamlakatdagi siyosiy, iqtisodiy va ijtimoiy barqarorlikning poydevori bo'lmish kichik va o'rta **mulkdorlar** sinfini shakllantirishni tezlashtirish hamda uni rivojlantirish zarur.

3. Ustuvor yo'nalishlarni to'g'ri belgilash

Ustuvor yo'nalishlarni, sohalarni to'g'ri belgilanishi nafaqat ilgari taqchil hisoblangan mahsulot turlarini keng ishlab chiqarishni yo'lga qo'yishga, balki ijtimoiy ishlab chiqarish tarkibini takomillashtirishga ham imkon beradi, shu bilan birga, butun iqtisodiyotning rivojlanishiga olib keladi.

Hozirgi davrda ustuvor yo'nalishlar qatoriga quyidagilar kiritilgan:

- aholini ijtimoiy himoyalash, yangi ish o'rinlarini yaratish, tadbirkorlikni rivojlantirish, pensiya ta'minotini yanada yaxshilash va hokazo.
- iqtisodiyotni tarkibiy jihatdan o'zgartirish (korxonalarni texnik jihatdan qayta jihozlashni jadallashtirish va modernizatsiyalash, raqobatbardosh ishlab chiqarish tizimlarini tezroq xalqaro sifat standartlariga o'tkazish va hokazo);
- qishloq xo'jaligida iqtisodiy islohotlarni yanada chuqurlashtirish, fermerlik faoliyatini tashkil qilishni yanada takomillashtirish va uni rivojlantirish;
- kichik va xususiy tadbirkorlikni keng ko'lamda rivojlantirish;
- kadrlar tayyorlash sifatini yanada oshirish;
- sog'liqni saqlash bo'yicha islohotlarni yanada chuqurlashtirish;
- elektr energiya tizimini modernizatsiya qilish, energiya iste'molini kamaytirish va energiya tejashning samarali tizimini joriy etish;
- mahalliy ishlab chiqaruvchilarni qo'llab-quvvatlash va hokazo.

4. Ishlab chiqarish samaradorligini tahlil qilish

Ma'lumki, ijtimoiy ishlab chiqarishning iqtisodiy samaradorligini o'stirish xalqning turmush darajasini oshirish imkoniyatini beradi. O'zbekistonda 1997 yilda birinchi marta YaIM ishlab chiqarish hajmi aholi sonining o'sish darajasidan yuqori bo'ldi. Bu o'ta muhim ijtimoiy-iqtisodiy ko'rsatkichdir.

O'zbekistonda YaIMni o'sish sur'ati 2005 yilda 7%, 2007 yilda – 9,5%, 2010 yilda 8,5%, 2011 yilda 8,3 %, 2012 yilda 8,2%ni tashkil etdi.

10-jadval

O'zbekistonda asosiy makroiqtisodiy ko'rsatkichlar dinamikasi

	yillar	2000	2005	2007	2010	2011
ko'rsatkichlar						
Yalpi ichki mahsulot		103,8	107,0	109,5	108,5	108,3
Sanoat mahsuloti		105,9	107,2	112,1	108,3	106,3
Qishloq xo'jaligi mahsulotlari		103,1	105,4	106,1	106,8	106,6
Asosiy kapitalga investitsiyalar		101,0	105,7	125,8	109,2	107,9
Qurilish ishlari		103,0	110,7	116,0	108,1	108,5
Yuk aylanmasi		120,4	106,6	107,3	100,0	106,8
Yo'lovchi aylanmasi		105,2	115,4	114,1	109,0	107,8
Pullik xizmat ko'rsatish		115,7	116,3	120,0	113,4	116,1
Tashqi savdo aylanmasi		97,9	109,6	140,7	103,0	115,0

Jadval ma'lumotlaridan ko'rinib turibdiki, 2000 yildan boshlab mamlakatimizda iqtisodiyotning barcha sohalarida muntazam o'sish sur'atlari kuzatilmoqda.

5. Ijtimoiy ishlab chiqarish hajmini miqdor va sifat jihatidan o'sish sur'atlari tahlil qilinadi

O'zbekistondagi izchil iqtisodiy siyosat, o'tmishdan meros qolgan qiyin og'ir ahvoldan tezda chiqib ketish va muttasil rivojlanish tufayli MDH davlatlari orasida 2004 yildayoq 1990 yilgi darajaga yetish imkoni yaratildi.

MDH mamlakatlari orasida O'zbekiston iqtisodiy tanglikdan eng kam talofatlar bilan chiqdi, u boshidan kechirgan iqtisodiy tushkunlik davri eng qisqa bo'ldi. O'zbekistondagi iqtisodiy yangilanishning muhim va e'tiborli yana bir tomoni borki, u ham bo'lsa, meros qolgan an'anaviy tamoyillardan tashqari, iqtisodiy islohotlar yuzaga chiqargan yangi omillarga ham tayanildi. Ular barqaror va ishonchli bo'lganidan tashqi kuchlarning iqtisodiyotimizga ko'rsatgan salbiy ta'sirini sezilarli darajada kesa oldi. SHu sababli, jahon bozorida **paxta, oltin va mis narxining pasayishiga, jahonda yuz berayotgan moliyaviy-iqtisodiy inqirozga qaramay** O'zbekiston iqtisodiyotining o'sish sur'atlari barqarordir. O'zbekistonda YaIMning o'sish sur'ati 2012 yilda ham 8,2%ni tashkil qildi. Sanoat ishlab chiqarish hajmi 7,7%, qishloq xo'jaligi 7%ga, chakana savdo oboroti hajmi 13,9%ga oshdi. Xalqaro valyuta jamg'armasi missiyasi rahbari Veronika Bakalu xonimning fikricha "O'zbekiston iqtisodiyoti jadal sur'atlar bilan o'smoqda. Soliq-byudjet va tashqi faoliyat sohalarida mustahkam pozitsiya, bank tizimining barqarorligi, davlat qarzining kamligi va tashqaridan qarz olishga ehtiyotkorlik bilan yondoshish mamlakatni global inqirozning salbiy oqibatlaridan himoya qildi".¹⁸

MDH mamlakatlaridan farqli, O'zbekistonda sakrab o'sishga harakat qilingani yo'q. Boshqalarda iqtisodiy o'sish xom-ashyo yoki yoqilg'i-energetika resurslarining jahon bozoridagi narxiga qarab, bir yuqorilab, bir pasayib turadi. Iqtisodiy o'sish birdaniga 10-12%ga qadar yuqorilab borsa, so'ngra pasayib 2-3%ga qadar tushib ketadi.

¹⁸ Халқ сўзи. 2013 йил 19 январь

O'zbekistonda iqtisodiyotning jahon bozori kon'yunkturasiga bog'liq tomonlari bilan birgalikda, undan holi bo'lgan sohalari ham rivoj topmoqda. Ular mamlakat ichki bozori uchun ishlaydi va tez sur'atlarda rivojlanib boradi, tashqi bozorga qaramlik kuchsizlanishi esa, uning barqarorligini kafolatlaydi. Ammo, globalizatsiya sharoitida eksportga ishlash zarur bo'ladi, chunki eksporti yo'q mamlakatning kelajagi bo'lmaydi.

O'zbekistonda iqtisodiy o'sishga, eng avvalo, zamonaviy texnologik jihozlar bilan qurollangan yangi, ilg'or ishlab chiqarish korxonalarini barpo etish va ishga tushirish yo'li bilan iqtisodiyotga kapital qo'yilmalarni jalb etish hajmini oshirish orqali erishilmoqda.

O'zbekistonda iqtisodiy o'sishni ta'minlashda chet ellik yirik kompaniyalar bilan hamkorlikda Asakada yengil avtomobillar, Toshkent va Samarqandda avtobuslar, Samarqandda yuk avtomobillari ishlab chiqarishning yo'lga qo'yilishi, Buxoro neftni qayta ishlash zavodi, SHo'rtan gaz-kimyo majmuasi qurilishi, Farg'ona neftni qayta ishlash zavodining rekonstruktsiya qilinishi muhim ahamiyatga ega bo'ldi. 2006 yildan Qo'ng'iro't soda zavodida kal'tsiyli soda, Samarqand kimyo zavodida nitrokal'tsiyfosfat o'g'iti ishlab chiqarilishi yo'lga qo'yildi, 2010 yildan Dehqonobod kaliyli o'g'itlar zavodi mahsulot bera boshladi. Mamlakatimizda industrial tarmoqlarni rivojlantirish orqali iqtisodiy o'sishga mustahkam zamin yaratishda O'zbekiston Respublikasi "Tiklanish va taraqqiyot jamg'armasi" muhim rol o'ynamoqda. Jamg'arma iqtisodiyotda ustuvor vazifalarni amalga oshirishga xizmat qiladigan o'nlab strategik loyihalarni moliyalashtirish ishlarini olib bormoqda.

Prezidentimiz ishlab chiqqan "Demokratik islohotlarni yanada chuqurlashtirish va fuqarolik jamiyatini rivojlantirish kontseptsiyasi" iqtisodiy islohotlarni yanada chuqurlashtirish, iqtisodiy o'sishning yuqori sur'atlarini ta'minlashga muhim omil bo'lib xizmat qiladi. Mamlakatimizda iqtisodiy o'sishni ta'minlashda 2011-2015 yillarga mo'ljallangan to'rtta strategik dasturning amalga oshirilishi katta ahamiyat kasb etmoqda. Bu dasturlar sanoat, infratuzilma, transport va aloqa qurilishini rivojlantirish, moliya-bank tizimini isloh qilish va barqarorligini oshirish kabi vazifalarni o'z ichiga oladi.

Dasturlarning asosiy vazifasi makroiqtisodiy barqarorlik, yaqin yillarda yalpi ichki mahsulotning yillik o'sish sur'atlarini 8 foizdan kam bo'lmagan darajada ta'minlash, iqtisodiy o'sishning sifat ko'rsatkichlarini yanada yaxshilash, ishlab chiqarilayotgan tovar va xizmatlarning ichki va tashqi bozordagi raqobatbardoshligini oshirish, mamlakatning ishlab chiqarish va resurslar salohiyatidan unumli foydalanish va yangi ish o'rinlarini yaratishdan iborat. O'zbekiston Respublikasi Prezidentining 2012 yil 11 apreldagi "Angren" maxsus industrial zonasini barpo etish to'g'risidagi farmoni ham xuddi ana shu yuqorida qayd etilgan maqsad va vazifalarni amalga oshirishga xizmat qiladi. 2008 yilning oxirida xukumatimiz raxbarining bevosita tashabbusi bilan mintaqaviy va qit'alararo noyob logistika markazi sifatida "Navoi" erkin industrial-iqtisodiy zona (EIIZ) tashkil etilgan edi.

6. Iqtisodiyotni boshqarish tizimida ro'y berayotgan o'zgarishlarni tahlil qilish

Sobiq ittifoq parchalanib ketgach, O'zbekistonda umumittifoq vazirliklari tugatildi. O'zbekiston hududida joylashgan ittifoq va ittifoq-respublika bo'ysunuvidagi korxonalar **milliylashtirildi**. Bu korxonalar o'z faoliyat sohalariga qarab ixtiyoriy ravishda davlat tarmoq kontsernlari, davlat uyushmalariga aylantirildi. Islohotlarni **birinchi bosqichi mobaynida tarmoq vazirliklari uyushmalarga, kontsernlarga, korporatsiyalar, ittifoqlar va boshqa xo'jalik birlashmalariga aylantirish yo'li bilan batamom tugatildi**. Avtomobil transportida, qurilishda, qishloq xo'jaligida **boshqaruv tizimi qayta tuzildi**. Umummilliy ahamiyatga ega bo'lgan tarmoqlar va faoliyat sohalarida, masalan, sayohatchilik, transport, madaniyat, kinolashtirish tizimi va boshqalarda milliy kompaniyalar tuzildi.

Ularni boshqa boshqaruv tizimidan farqi shundaki, ular iqtisodiy jihatdan batamom mustaqildir. 1992 yil yanvar oyidan boshlab **viloyat, tuman va shahar joylardagi vakillik hamda ijroiya-boshqaruv hokimiyatiga rahbarlik qiluvchi hokimlik joriy etildi**. Boshqaruv xodimlarining umumiy soni oldin 35,5 %ga keyinroq yana 22 % ga qisqardi.

§ 3. Milliy iqtisodiyot tarkibini takomillashtirishning asosiy yo'nalishlari

Iqtisodiyot tarkibini qayta qurish iqtisodiy islohotlarni muvaffaqiyatli hal qilishning asosiy shartlaridan biri hisoblanadi. Iqtisodiyot tarkibini qayta qurish iqtisodiy mustaqillikka erishish, milliy iqtisodiyotni barpo etish, iqtisodiy o'sishni ta'minlashning muhim shartlaridan biridir. O'zbekiston iqtisodiyotining amaldagi tarkibi sobiq Ittifoqdagi mehnat taqsimoti va ixtisoslashuvi tamoyillari asosida o'nlab yillar mobaynida shakllangan edi. Unda O'zbekistonga:

- arzon xom ashyo va yarim tayyor mahsulotlar va strategik mineral resurslar yetkazib berish;
- sanoat markazlarida ishlab chiqarilgan tayyor mollarni sotishning keng bozori mavqei ajratilgan edi.

Mamlakat iqtisodi oziq-ovqat mahsulotlari, energoresurslar importiga va qishloq xo'jalik xom ashyosi va qimmatli metallar eksportiga asoslangan edi. Xalq xo'jaligining bunday mustamlaka tarkibi sharoitida jahon bozorida raqobat qilish, iqtisodiy o'sishni ta'minlash va aholini turmush darajasini ko'tarish imkoniyatini bera olmas edi. SHuning bilan birga O'zbekiston raqobatbardosh tarkibga ega bo'lgan milliy iqtisodiyot tarkibini tashkil qilish imkoniyatlariga ega edi. Mamlakatning yer osti va yer usti boylik resurslaridan maqsadga muvofiq foydalanish, vujudga kelgan nomutanosibliklar va ziddiyatlarga barham berish, ijtimoiy ishlab chiqarishning tarmoq va hududiy tarkibini qayta qurish lozim edi.

SHu munosabat bilan O'zbekistonda **tarkibiy tuzilish siyosati aniqlandi**. U, eng avvalo, respublikaning iqtisodiy va siyosiy mustaqilligini, shuningdek, aholiga munosib turmush sharoitlarini yaratishni nazarda tutdi. **Tarkibiy siyosat**, qishloq xo'jaligi xom ashyosi va mineral resurslarni chuqur qayta ishlashga, texnologik jarayonlarni tugallanganlik darajasini oshirishga, mamlakat yoqilg'i –

energetika va oziq-ovqat mustaqilligini ta'minlashga qaratildi. Ilgari tashqaridan keltirilgan yuzlab mahsulot turlari shu yerning o'zida ishlab chiqarila boshlandi.

Respublikada industriyaning tayanch tarmog'i hisoblangan, ya'ni yoqilg'i energetika, aviatsiya va avtomobil qurilish, mashinasozlik, ximiya va neftximiya sanoatidan va hokazodan tortib, to yengil sanoat korxonalariga hamda juda ko'p qishloq xo'jalik mahsulotlarini **qayta ishlaydigan korxonalar** qurildi.

Respublikada eng katta sanoat tarmoqlari bo'lib yengil va yoqilg'i energetika sanoati hisoblanadi. Oxirgi yillarda mashinasozlik sanoatini ulushi 1,5 barobarga oshgan va hokazo. Buning sababi mamlakatimizda ichki va tashqi kredit vositalarining asosiy qismi ishlab chiqarishni kengaytirish uchun baza hozirlashga qaratilganligidadir. Bu avtomobil va neftni qayta ishlash zavodlari, yangi avtomobil va temir yo'llar, yengil, to'qimachilik va oziq-ovqat sanoatini o'nlab yangi va zamonaviylashtirilgan korxonalarni qurishga imkon berdi. 1997 yilning o'zidayoq Ko'kdumaloq konida kompressor stantsiyasi, Buxoro neftni qayta ishlash zavodi, Farg'onada ip yigiruv fabrikasi ishga tushirildi. Ma'lumki, O'zbekistonning sanoat qudrati asosan bir necha yirik shaharlarda to'plangan edi. Mustaqillik yillarida amalga oshirilayotgan yirik **qurilishlarni geografiyasi** ancha kengaydi. Bu siyosat uzoq vaqtdan beri hukm surib kelayotgan sanoat taraqqiyotidagi **mintaqaviy nomutanosiblik va ziddiyatni sezilarli yumshatdi**. Tabiiyki, iqtisodiyotni tarkibini takomillashtirishda kompaniyachilikka yo'l qo'yib bo'lmaydi, u birdaniga takomilga yetib ham qolmaydi. Bu o'zgarishlar muntazam davom etadigan ijtimoiy-iqtisodiy jarayon bo'lib, ular davr talabi va iqtisodiy siyosatdan kelib chiqib, tarmoqlararo hamda tarmoqlar ichida to'xtovsiz davom etaveradi.

Prezident I.Karimov "O'zbekiston iqtisodiy islohotlarni chuqurlashtirish yo'lida" kitobida **"Iqtisodiyot tarkibini tubdan o'zgartirmay turib chinakam mustaqillikka erishib bo'lmaydi"** degan edi (333-bet). Iqtisodiyot tarkibini tubdan o'zgartirishning asosiy vazifasi **xom ashyo yetkazib berishdan tayyor mahsulot ishlab chiqarishga o'tish, uning sifatini va raqobatbardoshligini** jahon bozori talablari darajasiga yetkazishdan iboratdir. Ana shuni nazarda tutib respublikamiz mustaqilligining dastlabki yillarida an'anaviy bo'lgan paxta va oltindan boshqa turdagi **eksport mavjud bo'lmagan bo'lsa**, endilikda **yangi turdagi tovarlar paydo bo'ldi**. Bu – rangli metallar, avtomashinalar, mineral o'g'itlar, to'qimachilik mahsulotlari va oziq-ovqat mahsulotlaridir. **Bu bilan, eksport-import tarkibi yangilandi**.

Import o'rnini bosuvchi tovarlarning ko'plab yaratilishi, mamlakatning importga qaramligini ancha chekladi, chunki bu bilan, mamlakatimiz o'zini-o'zi mahsulotlar bilan ta'minlashga bir o'adar erishdi.

Ilgari O'zbekiston o'zini yoqilg'i-energetika resurslari bilan ta'minlash uchun ularni katta **miqdorda import qilar va bunga 600 ming tonna paxta tolasi qiymatiga teng pul mablag'lari sarflanar edi**. Yoqilg'i-energetika mustaqilligiga erishish O'zbekistonni bu sohada chetga qaramlikdan va katta miqdordagi valyuta sarfidan xoli etdi. Tarkibiy o'zgarishlar natijasida O'zbekiston oziq-ovqat ta'minotida ham, mustaqillik tomon jiddiy qadam tashladi. Bunga birinchi navbatda, don ishlab chiqarishni rivojlantirish orqali erishildi. Natijada,

O'zbekistonning donga bo'lgan **talab-ehhtiyojlarining to'liq o'z ishlab chiqarishi hisobidan qondiriladigan bo'ldi.**

Tarkibiy o'zgarishlar mamlakatning salohiyatidan samarali foydalanishni ko'zda tutadi. SHu maqsad yo'lida mahalliy xom-ashyoni **chuqur qayta ishlab, undan tayyor yoki yarim tayyor**, hatto, eksportbop mahsulotlar ishlab chiqarish yo'liga o'tildi va bu katta naf keltirdi. Paxtani sotish o'rniga undan kalava ip tayyorlab, **uni jahon bozorida sotishdan 3 marta ko'p daromad olina boshlandi.** Muhimi, bu sohaning rivojlanishi yangi ishchi o'rinlar hisobiga aholini band qilish, uning daromadlari manbalarini oshirish imkonini yaratdi.

Tarkibiy o'zgarishlar tufayli O'zbekistonda iqtisodiy o'sishning **an'anaviy sohalari bilan birgalikda yangi sohalari ham rivojlantirila boshlandi.** Bundagi asosiy omillardan **birinchidan**, sanoatlashuv bo'lsa, **ikkinchidan**, servis sektorining tez sur'atlarda o'sishiga ahamiyat berilganligi bo'ldi va hokazo.

Iqtisodiyotimizdagi tarkibiy o'zgarishlar mamlakatning iqtisodiy mustaqilligini ta'minlash, iqtisodiy o'sishga erishish, aholi farovonligini oshirishning eng muhim shartlaridan biri sifatida amalga oshirildi. Bu, birinchi navbatda, qishloq xo'jaligi xom ashyosi va mineral resurslarni chuqur qayta ishlash, texnologik tsiklning tugallanganlik darajasini oshirish, mamlakatning yoqilg'i-energetika ta'minoti va oziq-ovqat mustaqilligiga erishishga oid muammolarni hal etishda o'z ifodasini topdi. Tarkibiy o'zgarishlarni amalga oshirishda import o'rnini bosuvchi ishlab chiqarishni rivojlantirish ustuvor yo'nalishlardan hisoblanadi. Ilgari faqat chetdan keltirilgan minglab turdagi mahsulotlarni, shu jumladan, avtobenzin, konchilik sanoati, quvurlar ishlab chiqarish uchun asbob-uskunalar, yengil avtomashinalar, murakkab maishiy texnika, optik tolali va boshqa xil kamyob tovarlar ishlab chiqarish keng yo'lga qo'yildi. Bugun minglab turdagi sanoat mahsulotlarining yorliqlariga biz ko'rganda faxr-iftixor tuyg'ularini his qiladigan so'zlar bitilgan – "O'zbekistonda ishlab chiqarilgan".

O'zbekistonda xususiy va kredit-moliya mablag'larining asosiy qismi ishlab chiqarishni kengaytirish uchun asos yaratish maqsadlariga safarbar etildi. Bular avtomobil va neftni qayta ishlash zavodlari, yangi temir yo'l va avtomobil yo'llari qurilishi, shahar va qishloqlarni obodonlashtirish, shuningdek, o'nlab modernizatsiya qilingan yangi yengil, to'qimachilik va oziq-ovqat sanoati korxonalaridir. Ta'kidlash joizki, O'zbekistonning industrial qudrati ilgari, asosan Toshkent, Samarqand, Andijon, Farg'ona, CHirchiq kabi yirik shaharlarda jamlangan edi. Bugungi kunga kelib, yangi investitsiya loyihalari geografiyasi sezilarli tarzda kengaydi. Buning natijasida iqtisodiyotning tarmoq va hududiy tarkibi mukammallashib bormoqda.

Ustuvor tarmoqlarni to'g'ri belgilab olish avvallari tanqis bo'lgan mahsulotlar turlarini keng miqyosda ishlab chiqarishga keng yo'l ochish bilan cheklanmadi, balki ijtimoiy ishlab chiqarish tarkibining takomillashuviga ham yordam berdi. Ayni paytda, iqtisodiy taraqqiyotda o'ziga xos lokomotiv vazifasini ham o'tadi. Mamlakatimizda amalga oshirilayotgan islohotlar jarayonida asosiy sanoat tarmoqlarini rivojlantirishni jadallashtirish, ishlab chiqarishni modernizatsiya va diversifikatsiya qilish, iqtisodiy salohiyatini kuchaytirish va

import o'rnini bosuvchi mahsulotlar turlarini ishlab chiqarishni qo'llab-quvvatlash, ichki bozorni xalq iste'moli tovarlari bilan to'ldirish, kommunikatsiya va ishlab chiqarish infratuzilmasi tizimini rivojlantirish, investitsiya faoliyatini jadallashtirish, O'zbekistonning eksport imkoniyatlarini kengaytirish, tashqi iqtisodiy faoliyatni rag'batlantirish bilan bog'liq boshqa yo'nalishlar eng ustuvor vazifalar sifatida belgilab olindi. Investitsiyalar tarkibida ishlab chiqarish tarmoqlari ulushi 70 foizdan oshib ketdi. Bu esa, o'z navbatida, yalpi ichki mahsulot ishlab chiqarishning real ko'rsatkichlarini oshirish sari keng yo'l ochdi.

Eng muhim tarmoqlar bilan bir qatorda ilg'or, yuksak ilmtalab yuqori ishlab chiqarishlar – avtomobilsozlik, samolyotsozlik, qishloq xo'jaligi mashinasozligi, elektrotexnika sanoati, mashinasozlik va metallsozlik, shuningdek, iste'mol tovarlari ishlab chiqaruvchi yengil va oziq-ovqat sanoati tarmoqlari ham jadal rivojlantirilmoqda. Neft-gaz qazib olish va qayta ishlash sanoati, rangli metallurgiya, avtomobil sanoatida yaratilayotgan qudratli salohiyat butun mamlakatimiz makroiqtisodiy barqarorligi va taraqqiyotida muhim omil bo'lmoqda.

Milliy iqtisodiyot tarkibini takomillashtirish quyidagi vazifalarni hal qilishi lozim:

1. Respublika uchun eng asosiy bo'lgan tarmoqlarni, jumladan, yoqilg'i-energetika va g'alla majmualarini rivojlantirish, yangi tarmoqlar yaratish, faoliyat ko'rsatayotgan sanoat tarmoqlarini rekonstruksiya va modernizatsiya qilish.
2. Tabiiy, mineral-xomashyo, mehnat resurslaridan oqilona foydalanish;
3. Boshqa davlatlardan xom-ashyo resurslarini eng muxim turlari, butlovchi va oziq-ovqat maxsulotlari olib kelinishini qisqartirib, ana shu maxsulotlar o'rnini bosadigan korxonalarni rivojlantirish asosida respublikaning iqtisodiy mustaqilligiga erishish;
4. O'zimizda ishlab chiqarishni tashkil etish hisobiga aholining va iqtisodiyotning eng muhim mahsulotlarga bo'lgan ehtiyojini qondirish;
5. Korxonalarni zamonaviy ilg'or texnologiya, energetika uskunalari, ayniqsa, kichik va o'rta korxonalar uchun mo'ljallangan ixcham uskunalalar bilan jihozlash;
6. Xodimlar malakasini oshirish va milliy ishchi kadrlarga ega bo'lish;
7. Aholining kam ta'minlangan qismini ijtimoiy himoyalashni kuchaytirish. Tashabbuskorlik va omilkorlikni rag'batlantirish;
8. Iqtisodiyotning mutanosib rivojlantirishni ta'minlash va uning bir tomonlama ixtisoslashuvini, shuningdek, tarmoqlar ichidagi va hududiy nomutanosibliklarni bartaraf etish;
9. Respublikaning eksport imkoniyatini kengaytirish;
10. Agrar sektorda qayta qurishni tugallash. Ekin maydonlarida paxta, g'alla, yem-xashak ekinlarini, sabzavot va hokazolarni optimal variantlarini yaratish, qishloq xo'jaligida boshqaruv va ishlab chiqarishni tashkil qilish shakllarini takomillashtira borish;
11. Sanoat, transport, aloqa, ximiya va neft ximiya sanoatini, avtomobilsozlik, telekommunikatsiya tarmoqlarini rivojlantirish;

12. CHet el turizimni rivojlantirish;
13. Yangi boshqaruv strukturasi vujudga keltirish va takomillashtira borish. Ularda ishlaydigan kadrlarga, ularning kasbiy tayyorgarligiga yanada yuqori talablar qo'yish va hokazo.

O'zbekistonda demokratik o'zgarishlarni yanada chuqurlashtirish va fuqarolik jamiyat asoslarini shakllantirishning **yettita yo'nalishlarini** belgilab berilgan.

Birinchi muhim ustuvor yo'nalish - bu Mustaqillikni bundan buyon ham asrab-avaylash, himoya qilish va mustahkamlash bo'lib xizmat qiladi.

Mustaqillik biz uchun muqaddas **ma'naviy qadriyatlar va milliy an'analariga tayangan** holda va tarzda yashash, ana shu bebaho merosni asrab-avaylab, uni kelgusi avlodlarga yanada boyitgan holda yetkazish demakdir.

Ayni vaqtda mustaqillik bizdan **zimmamizga olgan xalqaro majburiyatlarga** rioya etish va ularni bajarishni, Birlashgan Millatlar Tashkiloti Nizomi talablariga, xalqaro huquqning umume'tirof etilgan me'yorlarga qat'iy amal qilib yashash ma'suliyatini so'zsiz yuklaydi.

Bu - **uzoq-yaqin qo'shnilarimiz bilan do'stlik va hamkorlik asosida yashash**, dunyo hamjamiyatidan o'zimizga munosib obro' va o'rin egallash uchun doim intilish va kurashish demakdir.

Ikkinchi ustuvor yo'nalish - bu mamlakatimizda xavfsizlik va barqarorlikni, davlatimizning hududiy yaxlitligini, sarhadlarimiz daxlsizligi, fuqarolarimizning tinchligi va osoyishtaligini ta'minlashdan iborat.

Uchinchi ustuvor yo'nalish - bu bozor islohotlarini yanada chuqurlashtirish, kuchli bozor infratuzilmasini yaratish, barqaror va o'zaro mutanosib, mustahkam iqtisodiyotning muhim sharti bo'lib erkin iqtisodiyotning tamoyillarini joriy etish.

Bu yo'nalish yalpi ichki mahsulot ishlab chiqarishda yetakchi o'rinni egallaydigan, fuqarolarning muhim daromad manbai va mulkdorlar sinfini shakllantirishning asosi bo'lgan xususiy **sektorning mavqeini yanada oshirish, kichik-o'rta biznes hamda tadbirkorlikni jadal rivojlantirishni taqozo etadi.**

Bu borada tashqi iqtisodiy faoliyat hamda valyuta bozorini **erkinlashtirish, milliy valyutaning** erkin almashuvini ta'minlash, milliy valyutamiz - so'mimizning barqarorligi va xarid quvvatini har tomonlama oshirish taraqqiyotimizning yangi bosqichidagi asosiy vazifalarimizdan biridir.

Iqtisodiyotimizda tarkibiy o'zgarishlarni amalga oshirish va uni modernizatsiya qilish, eksport rivoji, import o'rini bosadigan mahsulotlar ishlab chiqarishni ta'minlashning muhim sharti bo'lgan **xorijiy investitsiyalar**, avvalom bor **xususiy sarmoyalarni jalb etish**, buning uchun tegishli investitsion muhit va investorlar uchun kafolatlar yaratish. SHuningdek, tashqi va ichki investitsiyalarni butun iqtisodiyotimizni yangilashga, oltin-valyuta zaxiralarimizning barqaror o'sishiga xizmat qiladigan yetakchi tarmoqlarga birinchi navbatda yo'naltirish.

Bunday vazifalarni amalga oshirishda **xalqaro moliyaviy tashkilotlar bilan hamkorligimizni yanada kuchaytirish**, dunyo iqtisodiy tizimiga integratsiyalashuv, Jahon Savdo Tashkilotiga a'zo bo'lish uchun zarur shart-sharoitlarni yaratish.

To'rtinchi ustuvor yo'nalish - bu inson huquqlari va erkinliklarini so'z va matbuot erkinligini, shuningdek, oshkorolikni, jamiyatda o'tkazilayotgan islohotlarning ochiqqligini ta'minlaydigan demokratik tamoyillarni so'zda yoki qog'ozda emas, amaliy hayotda joriy qilishdir.

Ommaviy axborot vositalari tom ma'noda «to'rtinchi hokimiyat» darajasiga ko'tarilishi lozim.

Beshinchi ustuvor yo'nalish - fuqarolik jamiyatini shakllantirishning muhim sharti bo'lib, bu jamiyat hayotida nodavlat va jamoat tashkilotlarining o'rni va ahamiyatini keskin kuchaytirishdan iborat. Yoki boshqacha qilib aytganda, bu- “Kuchli davlatdan kuchli jamiyat sari” degan tamoyilni amalda hayotga joriy etish demakdir. Bu yo'nalish ijtimoiy iqtisodiy jarayonlar bilan bog'liq ko'p masalalarni hal qilishda davlat tuzilmalarining rolini kamaytirish va bu vazifalarni bosqichma-bosqich jamoa tashkilotlariga o'tkaza borishni taqozo etadi.

Buning uchun avvalambor davlatning iqtisodiy sohaga, xo'jalik yurutuvchi tuzilmalar, birinchi galda, xususiy sektor faoliyatiga aralashuvini cheklash lozim.

Hayotimizni erkinlashtirish yo'nalishlarining yana bir muhim yo'li **markaziy va yuqori davlat boshqaruv idoralari vazifalarini davlat hokimiyatining quyi tuzilmalariga, fuqarolarning o'zini o'zi boshqarish organlariga bosqichma-bosqich o'tkaza borishni ta'minlashdir.**

Oltinchi ustuvor yo'nalish - bu sud-huquq sohasini isloh qilish bo'yicha boshlangan ishlarni izchil davom ettirish. Sudlar tom ma'noda mustaqil bo'lgan holdagina qonunlarning qat'iy ijrosi va ularning haqiqiy ustuvorligi so'zsiz ta'minlanadi.

Ettinchi ustuvor vazifa-bu barcha islohotlarimizning bosh yo'nalish va samaradorligining pirovard natijasini belgilab beradigan inson omili va me'zonidir.

Bu-demografik va boshqa milliy xususiyatlarni hisobga olgan holda kuchli ijtimoiy siyosat olib borish demakdir.

Ijtimoiy infratuzilmani ta'lim va sog'liqni saqlash sohalarini yanada rivojlantirish, nafaqa bilan ta'minlash tizimini takomillashtirish, aholini ekologik va boshqa xavf-xatardan muhofaza etish, aholini sotsial soha bo'yicha talab va ehtiyojlarini qondirish masalalariga davlatning doimiy etiborini har tomonlama kuchaytirish.

Ma'lumki, jahon moliyaviy-iqtisodiy inqirozi O'zbekiston iqtisodiyotiga ham ta'sir ko'rsatmasdan qolmaydi. SHuning uchun O'zbekiston iqtisodiyotini rivojlantirish yo'nalishlarida buni e'tiborga olish lozim. SHundan kelib chiqqan holda, mamlakatimizda jahon iqtisodiy inqirozining salbiy oqibatlarini bartaraf etish bo'yicha 2009-2012 yillarga mo'ljallab qabul qilingan Inqirozga qarshi choralar dasturi O'zbekistonni ijtimoiy-iqtisodiy rivojlantirishning eng **ustuvor yo'nalishi** bo'lib qoldi.

O'zbekiston iqtisodiyotini rivojlantirishga 2013 yil uchun quyidagi ustuvor vazifalar belgilab qo'yilgan:

1. Yuqori o'sish sur'atlarini, makroiqtisodiy barqarorlikni saqlash va iqtisodiyotimiz raqobatbardoshligini oshirish;

2. Iqtisodiyotimiz va uning yetakchi tarmoqlarini modernizatsiya qilish, texnik hamda texnologik yangilashni jadallashtirish va uni ko'lamini kengaytirish, ishlab chiqarishni diversifikatsiya qilish;

3. Yo'l-transport va kommunikatsiya infratuzilmasini jadal rivojlantirish;

4. Iqtisodiyotning barcha sohalariga, kundalik hayotimizga axborot kommunikatsiya tizimlarini keng joriy etish;

5. Faol investitsiya siyosati yurgizish. Tadbirkorlik va ishbilarmonlik muhitini yanada yaxshilash;

6. Har bir xudud uchun ustuvor tarmoqlarni aniqlash, sanoat ishlab chiqarishni, ayniqsa qayta ishlash tarmoqlarini, xizmat ko'rsatish sohasini, ishlab chiqarish va ijtimoiy infratuzilmani tezkor va muvozanatli rivojlantirishni, xududlarni tarmoqlar bilan uzviy bog'lagan holda kompleks rivojlantirishni ta'minlash;

7. Yangi ish o'rinlarini tashkil etish va mamlakatimiz aholisi bandligini ta'minlash.

Yuqorida ko'rsatib o'tilgan muhim tamoyil va ustuvor yo'nalishlarning barchasini izchil amalga oshirish natijasida o'zimizning asosiy maqsadimizga - rivojlangan, ma'rifiy, huquqiy demokratik davlatlarda mavjud bo'lgan hayot darajasiga erisha olamiz, yurtimiz tinchligi, Vatanimiz ravnaqi, xalqimiz farovonligini ta'minlash imkoniga ega bo'lamiz.

Tayanch iboralari

- Iqtisodiyot tarkibi
- Soha, majmua
- Milliy hisoblar tizimi
- Ichki iqtisodiyot
- Tashqi (qolgan dunyo)
- Sektorlar
- Institutsional birliklar
- Iqtisodiyotning tarkibiy tuzilishi
- Ijtimoiy tuzilish
- Tarmoq tuzilishi
- Takror ishlab chiqarish tuzilishi
- Hududiy tuzilish
- Iqtisodiy region
- Ustuvor yo'nalish
- Kichik biznes va tadbirkorlik
- Ishlab chiqarish samaradorligi
- Tarkibiy tuzilish siyosati
- Investitsiya
- Xorijiy investitsiya
- Xususiy sarmoya

O'z-o'zini tekshirish uchun savollar

1. Milliy iqtisodiyotning tarkibi deganda nimani tushunasiz?
2. Soha, sektor va kompleks tushunchalarining bir-biridan farqi nimada?
3. Milliy hisoblar tizimida milliy iqtisodiyot qanday tasniflanadi?
4. Makroiqtisodiyotni sektorlarga bo'lib o'rganishning ahamiyati nimada?
5. Sektorlar va ularning institutsional birliklari to'rtida nimalar deya olasiz?
6. Bozor iqtisodiyotiga o'tayotgan mamlakatlarda yagona iqtisodiyotni ikki sohaga ajratish tajribasi, tovar ishlab chiqarish sohasi va xizmat ko'rsatish sohasi, ularning mohiyati nimada?
7. Iqtisodiyotning tarkibiy tuzilishi nimani anglatadi?
8. Ijtimoiy tuzilish nimani anglatadi?
9. Tarmoq tuzilishichi?
10. Takror ishlab chiqarish tuzilishichi?
11. Xududiy tuzilishichi?
12. Iqtisodiy rayonlashtirish belgilari nimalardan iborat?
13. O'zbekiston qanday iqtisodiy regionlarga bo'linadi?
14. Iqtisodiy faoliyat tarkibi qanday tahlil o'linadi?
15. Mulkiy munosabatlar tahlilida nimalarga e'tibor beriladi?
16. Kichik biznes va xususiy tadbirkorlik darajasi qanday tahlil qilinadi?
17. Ustuvor yo'nalishlarni to'g'ri belgilash nimalarga asoslanadi?
18. Ishlab chiqarish samaradorligi qanday tahlil o'linadi?
19. Ijtimoiy ishlab chiqarish hajmini miqdor va sifat jihatidan o'sish sur'atlarini tahlil o'lishdan maqsad nima?
20. Iqtisodiyot tarkibini qayta qurishning vazifalari nimalardan iborat?
21. O'zbekistonda demokratik o'zgarishlarni yanada chuqurlashtirish va fuqarolik jamiyat asoslarini shakllantirishning qanday yo'nalishlarini bilasiz?
22. O'zbekiston iqtisodiyotini rivojlantirishni 2013 yilda qanday ustuvor yo'nalishlari belgilangan?

Tavsiya etiladigan adabiyotlar

1. I.Karimov. O'zbekistonda demokratik o'zgarishlarni yanada chuqurlashtirish va fuqarolik jamiyati asoslarini shakllantirishning asosiy yo'nalishlari. Oliy Majlisning to'qqizinchi sessiyasidagi ma'ruza. 2002 yil 30 avgust Xalq so'zi gazetasi.
2. I.A.Karimov "Mamlakatni modernizatsiya qilish va iqtisodiyotni barqaror rivojlantirish yo'lida" Tom 16, - T.: "O'zbekiston" 2008 y.
3. I.A.Karimov "Mamlakatimizni modernizatsiya qilish va yangilashni izchil davom ettirish – davr talabi" mavzusida 2009 yil 13 fevral kuni bo'lib o'tgan "2008 yilda respublikani ijtimoiy-iqtisodiy rivojlantirish yakunlari va 2009 yilda iqtisodiyotni barqaror rivojlantirishning muhim ustuvor vazifalari"ga bag'ishlangan Respublika Vazirlar Mahkamasi majlisidagi ma'ruzasini. Xalq so'zi gazetasi, 2009 yil 14 fevral.

4. I.A.Karimov O'zbekiston Respublikasi Prezidenti I.Karimovning 2012 yilda mamlakatimizni ijtimoiy-iqtisodiy rivojlantirish yakunlari hamda 2013 yilga mo'ljallangan iqtisodiy dasturning eng muhim ustuvor yo'nalishlariga bag'ishlangan Vazirlar Mahkamasining majlisidagi ma'ruzasi. Xalq so'zi 2013 yil 19 yanvar.
5. I.A.Karimov. "Jahon moliyaviy-iqtisodiy inqirozi, O'zbekiston sharoitida uni bartaraf etishning yo'llari va choralari" T.: "O'zbekiston" – 2009 y.
6. O'zbekiston Milliy entsiklopediyasi T.: "O'zbekiston Milliy entsiklopediyasi" davlat nashriyoti 2009 yil.
7. O'zbekiston Respublikasining davlat va ma'muriy tuzilishi. Toshkent 1996 yil.
8. Obshchiy klassifikator vsekh vidov ekonomicheskoy deyatel'nosti. (OKED) Tashkent 1995 god.
9. N.Tuxliev Taraqqiyotning o'zbek modeli. "O'zbekiston milliy entsiklopediyasi" davlat ilmiy nashriyoti. 2012 y.
10. R.S.Azimov 2009 yil 22 maydagi xalqaro konferentsiyadagi qilgan ma'ruzasi. T. 2009 y.

VI BOB. REAL SEKTOR TARMOQLARI

Reja

§ 1. Sanoat milliy iqtisodiyotning yirik sohasi

§ 2. Qishloq xo'jaligi

§ 3. Kapital qurilish

§ 4. Transport, yo'l xo'jaligi va aloqa

6.1. Sanoat milliy iqtisodiyotning yirik sohasi

Milliy iqtisodiyotning real sektori o'z ichiga sanoat, qishloq xo'jaligi va qurilish tarmoqlarini oladi. Ma'lumki, bu tarmoqlarda moddiy ne'matlar moddiy buyum shaklida ishlab chiqariladi. Undan tashqari ishlab chiqarish majmui o'z ichiga yuk tashish transportini, ishlab chiqarishga xizmat qiluvchi aloqa tarmoqlarini, savdo va tayyorlov tashkilotlarini, umumovqatlanish korxonalarini ham oladi.

Real sektor tarmoqlari ichida sanoat milliy iqtisodiyotning yirik yetakchi sohasi bo'lib hisoblanadi. 2011 yilda Respublikada sanoat mahsulotlari ishlab chiqarish hajmi 41655,9 mlrd. so'mni tashkil qildi. Unda 1552,7 mingdan ortiq ishchi va xizmatchi mehnat qilishadi. Bu tarmoqlarda band aholini soni 13,4% tashkil qiladi. Sanoatning 100 dan ortiq tarmoqlari bo'lib, ulardan 6 tasi bazaviy (tayanch) hisoblanadi. Asosiy fondlarning 40% dan ko'prog'i sanoat hissasiga to'g'ri keladi, yalpi ichki mahsulotning 24% dan ortiqrog'i sanoatda yaratiladi. Sanoat tarmog'ida 15200 mayda, o'rta va yirik korxonalar, ishlab chiqarish birlashmalari faoliyat ko'rsatayapti. Yalpi ichki mahsulot yetishtirishda nodavlat sektorning ulushi 84,6 % ni tashkil qiladi.

O'zbekiston Respublikasida sanoat mahsulotining tarmoq tarkibi quyidagichadir.

Sanoat mahsulotlarini ichida yoqilg'i **energetika majmuasining** o'rnini alohida. Uning tarkibiga gaz, neft va neftni qayta ishlash, ko'mir va energetika kiradi. Bu majmuaning hissasi sanoat ishlab chiqarishida 27,8%dan ortiqrog'ini tashkil qiladi. O'zbekiston jahondagi **o'nta yirik gaz ishlab chiqaruvchi** mamlakatlar jumlasiga kiradi. Respublikada qudratli gidroelektr stantsiyalari va issiqlik elektr stantsiyalari mavjud. Metallurgiya majmuasi tarkibiga qora va rangli metallarni qazib chiqaruvchi, boyituvchi va qayta ishlab chiqaruvchi korxonalar kiradi. Oltin, kumush, mis, qo'rg'oshin, rux, volfram, molibden, litiy, uran, alyuminiy xom ashyosi, nodir metallar va boshqa qator qazilma boyliklarining aniqlangan zahiralarini ko'p.

O'zbekistonda **oltinning 30 ta koni topilgan**. Qazib olinadigan **oltinning umumiy miqdori bo'yicha** O'zbekiston MDX mamlakatlari orasida **ikkinchi**, kumush, qo'rg'oshin, rux va volfram bo'yicha uchinchi o'rinni egallaydi. O'zbekiston jahon hamjamiyatida **oltin ishlab chiqarish hajmi bo'yicha sakkizinchi**, uni aholi jon boshiga ishlab chiqarish bo'yicha esa **beshinchi o'rinda** turadi.

Kimyo va mashinasozlik majmualari sanoatning muhim sohalaridir, yangi iqtisodiy sharoitda bu tarmoqlarda chuqur tarkibiy qayta qurishlar amalga oshirilmoqda. Ular mamlakatning iqtisodiy mustaqilligini mustahkamlashga yo'naltirilgan.

Ishlab chiqarilayotgan iste'mol mollarinin uchdan bir qismi yengil sanoat korxonalari tomonidan amalga oshirilmoqda. Bu yerda an'anaviy yetakchi soha to'qimachilikdir.

**Sanoat tarmoqlari ishlab chiqarish sur'atining o'sishi
(foiz hisobida)**

Ko'rsatkichlar	2011 yil (2010 yilga nisbatan % hisobida)
Sanoat – jami	106,3
Elektro-energetika	101,0
Yoqilg'i sanoati	100,3
Qora metallurgiya	106,3
Rangli metallurgiya	102,4
Kimyo va neft-kimyo sanoati	107,9
Mashinasozlik va metallni qayta ishlash sanoati	112,2
O'rmon, yog'ochni qayta ishlash va tsellyuloza-qog'oz sanoati	107,1
Qurilish materiallari sanoati	111,9
Engil sanoat	104,7
Oziq-ovqat sanoati	113,1
Boshqa sohalar	111,0

Manba: O'zbekiston Respublikasi Davlat statistika qo'mitasi. Toshkent O'zbekiston 2011 yil.

Sanoatning o'sish sur'atlari va tarmoq tarkibi. Sobiq sovet xo'jalik yuritish tizimining barham topish davridagi bir oz pasayishdan so'ng yurtimizda 1996 yildan boshlab sanoat ishlab chiqarishi hajmi izchil o'sib bormoqda. 2012 yilda sanoat ishlab chiqarish hajmi 7,7% ga o'sdi.

Mustaqillik yillarida yurtimizda avtomobilsozlik, neft-gaz kimyo sanoati, neft-gaz mashinasozligi, zamonaviy qurilish materiallari sanoati, temir yo'l mashinasozligi, maishiy elektrotexnika, farmatsevtika, zamonaviy oziq-ovqat sanoati va yengil sanoatning ayrim sohalar kabi bir qator **mutlaqo yangi sanoat** tarmoqlari yaratildi.

Mamlakatimiz iqtisodiyotida avtomobilsozlik sanoati alohida o'rin egallamoqda. Bu tarmoq Asaka shahrida AQSHning «Jeneral Motors» kompaniyasi bilan hamkorlikda yengil avtomobillar ishlab chiqaradigan, Toshkent shahrida Germaniyaning dunyoga mashhur «Daymer Bents» va Samarqand shahrida Yaponiyaning «Isuzu» kompaniyalari bilan hamkorlikda avtobuslar ishlab chiqaradigan hamda Samarqand shahrida Germaniyaning «MAN» kompaniyasi bilan tashkil etilgan yuk avtomobillari ishlab chiqaradigan yangi zavodlarni o'z ichiga oladi. Ana shunday o'zgarishlar natijasida mashinasozlik va metallni qayta ishlash sanoatida mahsulot ishlab chiqarish hajmi 1990–2010 yillarda 11,6 barobar o'sdi.

Faqat oxirgi 10 yilning o'zida yengil avtomobillar ishlab chiqarish 7,1 barobar, avtobuslar – 2,6 barobar va yuk avtomobillari tayyorlash – 12,9 barobar oshdi.

Neft qazib chiqarish va neftni qayta ishlash sanoatining yaratilishi mamlakatimizning energetik xavfsizligini ta'minladi. Neft va gaz kondensati qazib olish 1990 yilga nisbatan 1,4 barobar o'sdi. Tabiiy gaz ishlab chiqarish sur'ati 1990 – 2010 yillar davomida 1,6 barobar, suyultirilgan gaz ishlab chiqarish hajmi esa 15,2 barobar ko'paydi. Muborak gazni qayta ishlash zavodini birinchi navbati ishga tushirildi. SHo'rtanneftgaz korxonasida suyultirilgan gaz ishlab chiqaradigan qurilma o'rnatildi va h.k.

Energetika mustaqilligini ta'minlash hamda neft va gazni qayta ishlash tarmoqlarini rivojlantirish dasturi doirasida, istiqbol yillarida eng zamonaviy texnologiyalarga ega bo'lgan chet el kompaniyalari bilan hamkorlikda Buxoro neftni qayta ishlash zavodi («Teknip», Frantsiya) va SHo'rtan gazkimyo majmuasi («ABB») barpo etildi, Farg'ona neftni qayta ishlash

zavodi to'liq rekonstruktsiya qilindi. Gaz-kimy o tarmog'ining tashkil etilishi tabiiy gazni qayta ishlashni chuqurlashtirish va turdosh tarmoqlarda yangi ishlab chiqarish quvvatlarini rivojlantirish imkonini yaratdi.

Qo'ng'iro t soda zavodida 2006 yildan boshlab kaltsiyli soda, Samarqand kimyo zavodida nitrokaltsiyfosfat o'g'iti ishlab chiqarish yo'lga qo'yildi, 2010 yilda mintaqamizda yagona bo'lgan Dehqonobod kaliyli o'g'itlar zavodi ishga tushirildi. Uning 2 navbatining qurish ishlari boshlab yuborildi.

Yog'ochni qayta ishlash va tsellyuloza-qog'oz sanoatida ishlab chiqarish hajmi 13,4 barobar, oziq-ovqat sanoatida – 5,7 barobar, yengil sanoatda – 3,8 barobar o'sdi.

Ip-kalava ishlab chiqarish 2,2 barobar ko'paydi. Gilam va gilam mahsulotlari ishlab chiqarish hajmi 21 million kvadrat metrdan ziyod bo'ldi.

O'tish davrining murakkab sharoitida makroiqtisodiy barqarorlikni mustahkamlash maqsadida iqtisodiyotning bazaviy tarmoqlari, xususan, neft, gaz, oltin qazib olish, rangli metallurgiya, kimyo va neft-kimyo sanoatini jadal rivoj- lantirish uchun davlat barcha shart-sharoitlarni yaratib berdi. Natijada chuqur sifat o'zgarishlari ro'y berdi va O'zbekiston sanoatining tarmoq tarkibi ancha diversifikatsiya qilindi va mutanosiblashdi.

12 - jadval

Qayta ishlash sanoatida sanoat mahsulotlari ayrim turlarining ishlab chiqarilishi

Ko'rsatkichlar	O'lchov birligi	1990 yil	2000 yil	2010 yil	2010 yil (1990 yilga nisbatana)
Kaltsiylangan soda	ming tn.	0	0	90,4	X
Polietilen	ming tn.	0	0	129,2	X
Mis	ming tn.	77	79,5	86,3	1,1 marta
Kuchli tok kabellari, radiochastotali va aloqa tizimi uchun kabellar	km.	18301	5545	115398	6,3 marta
Avtomobillar	dona	0	31285	220313	X
SHu jumladan:					
Engil avtomobillar	dona	0	30700	217733	X
Avtobuslar	dona	0	483	1268	X
Yuk avtomobillari	dona	0	102	1312	X
Televizorlar	dona	0	29315	96700	X
Kompyuterlar	dona	0	0	124000	X
List holdagi ovna	ming kv.m.	2480	3120	12599	5.1 marta
SHakar	tn.	0	10169	286055	X
Osh tuzi	tn.	0	28367	58613	X
Papiros va sigaretlar	mln. dona	4370	7766	13949	3,2 marta
Alkogolsiz ichimliklar	ming litr	17499	17508	42968	2,5 marta
Paxtadan ip-kalava	ming tn.	104,4	135,1	225,6	2,2 marta
Gilamlar va gilam mahsulotlari	ming kv.m.	1982	1594	21650	10,9 marta
Dori-darmon vositalari	mln. so'm	200,5	5219,2	160147	3,5 marta
Mebel	mln. so'm	462,2	12578,6	160279	1,6 marta

Manba: O'zbekiston Respublikasi Davlat statistika qo'mitasi. 1990-2010 yillarning asosiy ko'rsatkichlari. Toshkent. "O'zbekiston" 2011.

Sanoatni barqaror, jadal va mutanosib rivojlantirish, ishlab chiqarish quvvatlarini modernizatsiya qilish, texnik va texnologik yangilash negizida sanoatning asosiy tarmoqlarini diversifikatsiya qilish, eksportga yo'naltirilgan hamda import o'rmini bosadigan raqobatdosh mahsulotlar ishlab chiqarish hajmini ko'paytirish bo'yicha amalga oshirilayotgan chora tadbirlar

2011 – 2015 yillarda yurtimizda sanoat ishlab chiqarish hajmini 1,6 barobar oshirishga qaratilgan.

Sanoat tarmoqlari samaradorligi va raqobatdoshligini yanada oshirish maqsadida, 2011 – 2015 yillarda O'zbekiston Respublikasi sanoatini rivojlantirishning ustuvor yo'nalishlari to'g'risida dastur qabul qilindi. Ushbu Dasturda jami 47,5 mlrd. dollarlik 500 dan ortiq investitsiya loyihasini amalga oshirish belgilangan.

Dasturda energetika, neft-gaz-kimyo, kimyo, to'qimachilik va yengil sanoat sohalari, rangli metallurgiya, mashinasozlik va avtomobilsozlik, farmatsevtika, qishloq xo'jaligi mahsulotlarini sifatli va chuqur qayta ishlash, qurilish materiallari ishlab chiqarish kabi ustuvor tarmoqlarni jadal rivojlantirish nazarda tutilgan.

Xususan, 2011 – 2015 yillarda yoqilg'i-energetika kompleksini rivojlantirish doirasida mamlakatimiz **energetika salohiyatini** yanada rivojlantirish, resurslarni tejaydigan texnologiyalarni joriy etish, iste'molchilarni energiya bilan ishonchli va sifatli ta'minlash, energiya quvvatlaridan foydalanish samaradorligini oshirishga qaratilgan o'nlab investitsiya loyihalari amalga oshiriladi. Ushbu chora-tadbirlarning amalga oshirilishi natijasida 2015 yilga borib sanoatda sarflanadigan energiya ulushini kamida **30 foiz kamaytirish** mo'ljallanmoqda.

Kimyo mahsulotlari ishlab chiqarishda raqobat qila olish ustunliklariga, jumladan, tabiiy resurslarning ulkan salohiyatiga, qudratli ishlab chiqarish va texnik baza hamda yuqori malakali kadrlarga ega bo'lgan kimyo sanoati investitsiyalar va yangi loyihalarni amalga oshirish uchun jalb etuvchan yo'nalish hisoblanadi. Bu sohada 2011 – 2015 yillarda kimyo ishlab chiqarishini jadal rivojlantirish, materiallar va tayyor mahsulotlarning printsipliy yangi turlarini ishlab chiqarishni o'zlashtirishga qaratilgan 30 dan ortiq investitsiya loyihasi amalga oshiriladi va kimyo mahsulotlarini ishlab chiqarish hajmi 1,6 barobar oshiriladi.

2011 – 2015 yillarda **mashinasozlik** sohasida yengil avtomobillar ishlab chiqarishni 1,2 barobar, zamonaviy avtobuslar ishlab chiqarishni 1,3 barobar, sovutgich va muzlatgichlar ishlab chiqarishni 4 barobar hamda televizorlar ishlab chiqarishni

5,1 barobar oshirishga qaratilgan 80 dan ortiq investitsiya loyihasini amalga oshirish ko'zda tutilmoqda.

Xususan, 2011 yilda «Jeneral Motors» kompaniyasi bilan hamkorlikda avtomobillarning kuchlanish agregatlarini ishlab chiqaradigan korxonaning foydalanishga topshirilishi nafaqat ichki ehtiyojlarni to'liq ta'minlash yoki mahalliy avtomobillarni mahalliyalashtirish darajasini oshirish, balki avtomobil dvigatellarini tashqi bozorlarga eksport qilish imkonini ham yaratadi. Samarqand viloyatida katta hajmda yuk tashiydigan «MAN» rusumidagi avtotransport vositalarini ishlab chiqaradigan va ularga xizmat ko'rsatadigan majmuaning tashkil etilishi ham yuk avtomobillariga butlovchi qismlar ishlab chiqarish bo'yicha kooperatsiya aloqalarining rivojlanishi uchun asos bo'ladi.

Vertikal integratsiyalashgan yangi **zamonaviy to'qimachilik** majmualarining qurilishi paxta tolasini yurtimizda qayta ishlash hajmining 2 barobardan ziyod oshishini ta'minlaydi. Bu o'z navbatida, 2011 – 2015 yillarda kalava ishlab chiqarishni 2,6 barobar, tayyor trikotaj va tikuvchilik buyumlari tayyorlashni 3,2 va 2,6 barobar hamda to'qimachilik sanoati mahsulotlari eksportini 1,7 barobar oshirish imkonini beradi.

Dasturning ustuvor yo'nalishlaridan biri **farmatsevtika** sanoatini rivojlantirishdir. Ushbu yo'nalishda farmatsevtika korxonalarini tashkil etish va modernizatsiya qilish orqali 150 dan ortiq zamonaviy dori preparatlarining yangi turlarini o'zlashtirish, shu orqali dori-darmonlar iste'moli tarkibida yurtimizda ishlab chiqarilgan dori-darmonlar ulushini 3 barobardan ziyod oshirish nazarda tutilgan.

Kelgusida «Navoiy» erkin industrial-iqtisodiy zonasi salohiyatidan to'liq foydalanishga katta e'tibor qaratilmoqda. Mazkur zonada yetakchi xorijiy korxonalar bilan hamkorlikda avtomobil sanoati uchun butlovchi qismlar, eng yangi isitish moslamalari, kimyo va neft-kimyo mahsulotlari, maishiy elektronika va aloqa vositalari ishlab chiqarish bo'yicha o'nlab yuqori texnologiyaga asoslangan yangi zamonaviy ishlab chiqarish quvvatlarini tashkil etish ko'zda tutilmoqda.

Mamlakatimizdagi xomashyo va tabiiy resurslarni chuqur qayta ishlash asosida yuqori qo'shilgan qiymatga ega bo'lgan sanoat mahsulotlarini ishlab chiqarish bo'yicha loyihalarni jadal amalga oshirish sanoat tarkibida qayta ishlash tarmoqlarining ulushini oshirib, 2010 yildagi 41 foizdan 2015 yilda 49 foizga yetkazish imkonini beradi.

Dasturni amalga oshirish 2011 – 2015 yillarda sanoat mahsulotlari ishlab chiqarish hajmi ortib, yalpi ichki mahsulotda sanoatning ulushi 2010 yildagi 24 foizdan 2015 yilda 28 foizga yetkazilishi, shuningdek, yurtimizda ishlab chiqarilgan mahsulotlar eksportining oshishini ta'minlaydi. Bunda umumiy eksport hajmida sanoat mahsulotlarining ulushi 1,4 barobar ortadi.

Sanoat ishlab chiqarish dasturi sanoat korxonalarining xo'jalik faoliyatlarini yakuniy natijalarini o'z ichiga oladi va jamiyat talabiga muvofiq ma'lum nomenklaturada ishlab chiqarilgan sanoat mahsulotlarining hajmini ifodalaydi. Sanoat mahsuloti ishlab chiqarish natura va qiymat ko'rsatkichlarida o'lchanadi.

Natura ko'rsatkichlari nomenklatura va assortimentda beriladi.

Nomenklatura bu sanoat mahsulotlarining turlaridir. Masalan, traktor, ekskavator, poyafzal, mebel va hokazo.

Assortiment – biron bir sanoat mahsuloti gruppasidagi ayrim xil buyumlar tarkibi, ularning nisbati va sortlari. Masalan: Mineral o'g'itlar – azotli, kaliyli, fosforli o'g'itlar; yoki **Kostyumlar** ichida – erkaklar, ayollar, bolalar kostyumlari, **Poyafzal** ichida- erkaklar poyafzali, ayollar poyafzali, bolalar poyafzali, ishchi poyafzal va hokazo. Assortiment, mahsulot nomenklaturasini konkretlashtiradi, detallashtiradi va iste'molchilarning aniq talabini qondiradi.

Natural ko'rsatkichlar sanoat mahsuloti ishlab chiqarish hajmini aniq ifodalaydi. U konkret mahsulot ishlab chiqarishni ifodalagan uchun ham unga bo'lgan talab va ishlab chiqarishni bir-biri bilan balanslash (muvofiqlashtirish) imkonini beradi.

Sanoat mahsulotlari ishlab chiqarishni hajmini aniqlash uchun tovar va yalpi mahsulot ko'rsatkichlaridan foydalaniladi.

Tovar mahsuloti o'z ichiga tayyor mahsulotlar qiymatini, sotish uchun mo'ljallangan yarim fabrikatlar qiymatini hamda kapital qurilish uchun ishlatiladigan sanoat xarakteridagi ishlarning qiymatini oladi.

Tovar mahsuloti ko'rsatkichi hajmiga shu korxonada ishlab chiqarilgan va ana shu korxoning o'zida boshqa mahsulot ishlab chiqarish uchun ishlatiladigan mahsulotlar kirmaydi. Bu usul zavod uslubi deb ataladi.

Yalpi mahsulot ko'rsatkichi tovar mahsuloti ko'rsatkichidan tugallanmagan ishlab chiqarishning o'sishi yoki kamayishi hajmi bilan farqlanadi.

Sanoat mahsulotlari ishlab chiqarish dasturi jamiyatning sanoat mahsulotlariga bo'lgan talabi va bu talabni qondirish imkoniyatlari asosida tuziladi.

Sanoat mahsulotlariga bo'lgan talab, ehtiyoj quyidagilardan iborat bo'ladi:

1. Ishlab chiqarishning ehtiyoji
2. Aholining talabi
3. Eksport
4. Davlat rezervlarini to'ldirish
5. Boshqa talablar

Ishlab chiqarish ehtiyoji korxonalar, tarmoqlar, boshqarmalar, vazirliklar va milliy iqtisodiyot bo'yicha umumlashtiriladi.

Aholini sanoat mollariga bo'lgan talabi uning soni yoki har 100 yoki 1000 kishiga to'g'ri keladigan me'yorlar (normalar) asosida aniqlanadi. Bunday prognozlarni ishlab chiqishda aholining mahsulotlar sotib olish qobiliyati, pul daromadlari va xarajatlari hisobga olinadi.

Sanoat mahsulotlarining **eksportga** bo'lgan ehtiyoji tashqi savdo rejasi asosida tashqi mamlakatlar bilan tuzilgan shartnomaga ko'ra belgilanadi.

Sanoat mahsulotlariga bo'lgan **davlat rezervini** to'ldirish ham sanoat mahsulotlari ishlab chiqarish dasturini muhim qismi hisoblanadi. Bu mamlakat iqtisodiyotida xom ashyo material, yonilg'i, yoqilg'i, uskuna va hokazolar bilan ta'minlashda qiyinchiliklar tug'ilib qolganda, tabiiy ofatlar yuz berganda, xalqaro vaziyatlar og'irlashganda va hokazo vaziyatlar yuz berganda

foydalanilishi mo'ljallangan mahsulotlar fondidir. Uning hajmi o'sha sharoitdagi siyosiy va iqtisodiy vaziyatlarga qarab hal qilinadi.

Sanoat mahsulotlariga bo'lgan **boshqa talablar** ham mahsulotning turiga qarab, uning u yoki bu maqsad uchun ishlatilishi me'yorlariga (normalariga) qarab aniqlanadi.

Sanoat mahsulotlariga bo'lgan talab aniqlangandan so'ng **ishlab chiqarish imkoniyatlari** ko'rib chiqiladi.

Sanoat mahsulotlariga bo'lgan talab va ishlab chiqarish imkoniyatlari o'rtasidagi nisbat moddiy balans tuzish yordamida aniqlanadi.

Imkoniyatlar quyidagilardan iborat bo'ladi:

1. U yoki bu mahsulot bo'yicha yil boshidagi qoldiq
2. Mahsulot ishlab chiqarish
3. Import
4. Davlat rezervlaridan foydalanish
5. Boshqa tushumlar

Imkoniyatlar ichida eng asosiysi bu ishlab chiqarish hisoblanadi. U ishlab chiqarish quvvatlari balansi tuzish yo'li bilan aniqlanadi.

Ishlab chiqarish quvvati bu mavjud ishlab chiqarish vositalaridan belgilangan ixtisoslashuvga va ish tartibiga muvofiq to'la-to'kis foydalanilganda bir yil ichida (sutkada, smenada) ishlab chiqarish mumkin bo'lgan eng ko'p mahsulotdir.

Ishlab chiqarish quvvatlari balansi quyidagi ko'rsatkichlardan iborat bo'ladi:

1. Yil boshidagi ishlab chiqarish quvvati.
2. Dasturlashtirilayotgan davr mobaynida ishlab chiqarish quvvatlarining o'sishi (Tashkiliy-texnikaviy tadbirlar; «Rekonstruktsiya va modernizatsiya;» Yangi qurilish hisobiga va hokazo)

3. Ishlab chiqarish quvvatlarining ishlab chiqarishdan chiqib ketishi
4. Yil oxiridagi ishlab chiqarish quvvatlari
5. O'rtacha yillik ishlab chiqarish quvvatlari
6. O'rtacha yillik ishlab chiqarish quvvatidan foydalanish koefitsienti
7. Ishlab chiqarish mahsulotining hajmi

Yil oxiridagi ishlab chiqarish quvvatlari yil boshidagi ishlab chiqarish quvvatlariga yangi kiritilgan ishlab chiqarish quvvatlarini qo'shib, ishlab chiqarishdan chiqib ketgan quvvatlarni ayirib tashlaganiga tengdir.

O'rtacha yillik kiritilgan (chiqarilgan) quvvatlar yangi kiritilgan (chiqarilgan) quvvatlar miqdorini yil oxirigacha qolgan to'liq oylar miqdoriga ko'paytirib, 12 ga bo'lish yo'li bilan topiladi.

SHunday qilib, mahsulot ishlab chiqarish hajmi quyidagi formula bilan aniqlanadi.

$$M_x = \check{Y}_{yil} \times \check{Y}_{f.k.}$$

M_x – Mahsulot ishlab chiqarish hajmi

$O'_{o'y}$ – O'rtacha yillik ishlab chiqarish quvvatlari miqdori

$O'_{f.k.}$ – O'rtacha yillik ishlab chiqarish quvvatlardan foydalanish koefitsienti

6.2. Qishloq xo'jaligi.

Xalqimiz turmush farovonligini yaxshilashda mamlakat iqtisodiyotini mustahkamlashda qishloq xo'jalik ishlab chiqarishining ahamiyati beqiyosdir. Qishloq xo'jaligi nafaqat oziq-ovqat mahsulotlarini ishlab chiqarish, balki muhim xom ashyo sifatida mamlakat industriyasining taraqqiyoti uchun ham asosiy omildir. Bu soha yirik tarmoqlararo makroiqtisodiyot majmui bo'lib, qishloq xo'jaligi mahsulotlarini yetishtirish, saqlash, qayta ishlash va iste'molchilarga yetkazib berish bilan band bo'lgan tarmoqlar yig'indisidir. Buni agrosanoat kompleksi deb yuritiladi. Agrosanoat kompleksi murakkab tizim bo'lib uni isloh qilish boshqa tarmoqlar bilan tarkibiy bog'liqligidan kelib chiqadi. SHuning uchun bu tizim **4 sohaga ajratiladi:**

1. **Birinchi soha-sanoat tarmoqlari.** Ular qishloq xo'jaligini moddiy-texnika vositalari, xususan, traktor va qishloq xo'jaligi mashinalari, chorvachilik va yem-xashak ishlab chiqarish uchun zarur texnika vositalari, mineral o'g'itlar, o'simliklarni himoya qilish uchun ximiya vositalari va hokazolar bilan ta'minlaydi.

2. **Ikkinchi soha-bu bevosita qishloq xo'jaligi ishlab chiqarishidir.** Unga o'simlikchilik, chorvachilik, qishloq xo'jaligiga xizmat qiladigan agroximiya, veterinariya va boshqa sohalar kiradi.

3. **Qishloq xo'jaligi mahsulotlarini tayyorlash, transportirovka qilish, tashish, saqlash, qayta ishlash va sotish** bilan shug'ullanadigan tarmoqlar kiradi.

4. **Infrastruktura sohasi** – mamlakat aholi ehtiyojini qondirish bilan bir qatorda mamlakatning tashqi iqtisodiy aloqalari rivojlanishiga ta'sir kursatadi.

SHunday qilib, qishloq xo'jaligi iqtisodiy va texnologik jihatdan bir-biri bilan bog'liq bo'lgan tarmoqlar yig'indisidan iboratdir. Ularning asosiy maqsadi, vazifasi aholini oziq-ovqat mahsulotlariga va sanoatni qishloq xo'jaligi xom ashyosiga bo'lgan talabini qondirishdan iboratdir.

Milliy iqtisodiyotda eng katta ahamiyat kasb etadigan va texnik jihatdan yaqin integratsiya bu ikkinchi va uchinchi qishloq xo'jaligi sohalaridir. Albatta, qishloq xo'jaligi mahsulotlarini ko'p va sifatli ishlab chiqarish bu juda muhim masala. SHuning bilan birga ikkinchi muhim masala uni saqlash, ishlab chiqarilgan mahsulotni qayta ishlash va iste'molchiga yetkazib berish hisoblanadi. Qishloq xo'jaligi uzoq ishlab chiqarish jarayoniga egadir. Iste'molchilar yil davomida bir tekis mahsulot bo'lishini xohlaydi. **SHuning uchun ham bu masalani hal qilish-to'rtinchi soha tarmoqlarini, ya'ni rivojlangan ishlab chiqarish infrastrukturasi mavjud bo'lishini taqozo qiladi.**

SHuni qayd etish lozimki, Sobiq SSSR davrida ikkinchi va uchinchi sohani, ya'ni qishloq xo'jaligi mahsulotlari ishlab chiqarish va saqlash, qayta ishlash tarmoqlarini birlashtirish maqsadida Gosagroprom tashkil qilingan edi. Bundan maqsad yagona rahbarlik ostida bir-biri bilan bog'liq bo'lgan qishloq xo'jalik sohalarini boshqarish, rejalashtirish va moliyalashtirish imkonini yaratish edi.

Mamlakatda boshlangan qayta qurish iqtisodiy va siyosiy demokratlashtirish jarayoni yangi **agrar siyosatni ishlab chiqishni** zarurat qilib qo'ydi. Bu siyosatning asosiy maqsadi qishloqda ishlab chiqarish munosabatlarini qayta qurish, xar xil mulkchilik, xo'jalik va xo'jalik yuritish shakllari asosida agrosanoat ishlab chiqarishini rivojlantirishga o'tish edi. Tabiiy ravishda rahbarlikning ma'muriy-buyruqbozlik usuli o'rniga agrosanoat majmuiga rahbarlik qilishni yangi shakllari tashkil topa boshladi.

Afsuski, tarmoqni boshqarishdagi qayta qurishlar agrosanoat majmualaridagi (ASM) nomutanosibliklarni hal qila olmadi. ASMning texnik va moliyaviy yordam, infrastrukturani, ayniqsa, qishloq xo'jaligi mahsulotlarini saqlash va qayta ishlash tarmoqlariga ko'rsatilmay qolaverdi.

Natijada, agrosanoat majmuasining bu tarmoqlarning quvvati qishloq xo'jaligi ishlab chiqarishining imkoniyatlaridan orqada qoldi. Oqibatda tez buziladigan mahsulotlar, ya'ni kartoshka, sabzavot, meva va hokazolarning sezilarli qismi iste'molchilarga yetib bormay qolaveradi. Qayta ishlaydigan korxonalarining soni kam, borlarida esa kam samarali eski texnika saqlanib qolinar edi. Bularning hammasi katta muammoga aylanib qola boshladi va tarmoqni qayta qurishni zarurat qilib qo'ydi. Bu muammo o'zi yechimini asta-sekin mustaqillik davrida topa boshladi.

Qishloq xo'jaligi milliy iqtisodiyotning hal qiluvchi tarmoqlaridan biridir.

Respublika aholisining 50 foizdan ziyodrog'i qishloq joylarida yashaydi. Respublikada mehnatga qobiliyatli bo'lgan mehnat resurslarining (17157,6 ming kishi), iqtisodiyot tarmoqlarida band bo'lganlar soni, ya'ni 25% ga yaqini qishloq va o'rmon xo'jaligida xizmat qilishadi. Yalpi ichki mahsulotning 17,5% qishloq xo'jaligida ishlab chiqariladi. 2012 yil respublikada yetishtirilgan qishloq xo'jalik mahsulotlarining 34,1% fermer xo'jaliklarida, 63,7 % dehqon xo'jaliklarida va 2,2 % qishloq xo'jalik korxonalarida yetishtirilgan. Qishloq xo'jalik

mahsulotlari o'sish darajasi 2010 yilga nisbatan 106,6 %ni tashkil etdi. (O'zbekiston 2011 Almanax T-2011 21 bet).

Respublika qishloq xo'jaligiga **dehqonchilikni**, ya'ni g'allachilik, paxtachilik, sholikorlik, kanopchilik, lavlagikorlik, mevachilik, tokchilik, polizchilik, sabzovotchilik, sohalaridan va **chorvachilikni**, ya'ni qoramolchilik, qo'ychilik, xususan qorako'chilik, eyakichilik, parrandachilik, yilqichilik, tuyachilik, asalarichilik, pillachilik sohalaridan iboratdir.

O'zbekiston qishloq xo'jaligini asosini paxtachilik tashkil qiladi. O'zbekiston jahonda paxta hosilini yetishtirish bo'yicha 5-o'rinda, paxta tolasi eksporti bo'yicha 2-o'rinda (AQSHdan keyin) turadi. O'zbekistonda asosiy valyuta tushumi ana shu paxtadandir. Paxta dunyodagi 90 ta davlatda yetishtiriladi. O'rta hisobda dunyoda yiliga 18 mln. tonna paxta tolasi olinadi. AQSH va Xitoyda yiliga 4 mln tonnadan, Hindiston 3 mln tonna paxta tolasi yetishtiradi. Dunyoda yetishtiriladigan paxta tolasining 6% ni O'zbekiston Respublikasi yetishtiradi. 2012 yilda Respublikamizda 3,460 mln tonnadan ortiq paxta yetishtirildi. Har bir gektar yerdan 26,5 tsentner hosil olindi.

SHuningdek respublikada yetishtiriladigan meva, uzum, sabzovot, poliz mahsulotlarining talay qismi qo'shni davlatlarga chiqariladi. Respublikada meva, uzum va sabzovotning yuqori sifatli navlari yetishtiriladi. O'zbekiston o'zining sifatli pillasi va qorako'li bilan dunyoga mashhur.

O'zbekiston qishloq xo'jaligida 28 mln.ga yaqin qishloq xo'jaligiga yaroqli yerlar mavjud. SHundan 4,2 mln.ga sug'oriladigan yerlar hisoblanadi va ulardan ishlab chiqariladigan mahsulotni 95-97% olinadi. Respublikadagi jami ekin maydonining 42-43% paxta, 40 foizini don ekinlari, 4 foizini sabzovot, 2,5 foizini kartoshka va poliz ekinlari hamda 10 foizga yaqinini yem-xashak va boshqa ekinlar egallaydi. Ekin maydonlarini ekin turlari bo'yicha optimal taqsimlanishi natijasida g'alla mustaqilligiga to'lig'icha erishildi. Hozir g'alla eksport qilinayapti.

Respublika qishloq xo'jaligida mulkchilikning quyidagi shakllari mavjud:

1. **Kooperativ** (jamoat xo'jaliklari, xo'jaliklararo korxonalar, shirkat uyushmalari, davlat xo'jaliklari negizida tashkil etilgan xo'jaliklar, jamoat mulkiga aylantirilgan fermerlar va boshqalar).

2. **Davlat** (davlat xo'jaliklari, naslchilik zavodlari, o'quv tajriba hamda tajriba xo'jaliklari).

3. **Xususiy** (dehqon va fermer xo'jaliklari, xususiy lashtirilgan korxonalar).

4. **Aholining shaxsiy yordamchi xo'jaliklari.**

Respublika qishloq xo'jaligi mahsulotining deyarli 100% iqtisodiyotning nodavlat sektorida ishlab chiqarilmoqda.

Respublika Prezidentining farmoniga binoan Qishloq xo'jaligi vazirligi, 1996 yil 1 noyabrdan boshlab Qishloq va suv xo'jaligi vazirligiga birlashtirildi. Farmonga asosan uning aniq vazifalari va funksiyalari belgilandi. Joylarda viloyat va tuman Qishloq va suv xo'jaligi boshqarmalari tashkil qilindi.

Respublikada qayta ishlash tarmoqlari uchun yangi uskunar va boshqa zarur vositalar sotib olindi. Qayta ishlash korxonalari bevosita ishlab chiqarish joylarida tashkil qilina boshlandi. Qo'shma korxonalar tuzila boshlandi.

BMTning Oziq-ovqat va qishloq xo'jaligi masalalari bo'yicha tashkiloti (FAO)ning ma'lumotlariga ko'ra bugungi kunda dunyodagi 86 ta davlat o'z aholini oziq-ovqat mahsulotlari bilan ta'minlay olmaydi ya'ni dunyoning 1 mlrd.ga yaqin aholisi ochlikda yashamoqda. Tojikiston Respublikasida aholi ehtiyojining atigi 50-55 %i o'zida ishlab chiqarilgan don mahsulotlari hisobiga ta'minlanadi. Respublikamiz aholini oziq-ovqat mahsulotlari bilan to'liq ta'minlab chetga ham chiqarmoqda.

Qishloq xujaligini ish samaradorligi yuqori bo'lgan zamonaviy texnika vositalari bilan lizing asosida ta'minlash tizimining joriy etilishi oldinga tashlangan muhim qadam bo'ladi. Bu qishloq mehnatkashlarini texnika bilan ta'minlashni katta istiqbolga ega ekanligidan dalolat beradi.

Rivojlangan xorijiy mamlakatlar tajribasidan ma'lumki qishloq xo'jalik samaradorligini yuksaltirishni asosiy omili sermehnat yumushlarni texnika gardaniga yuklashdir. Jahon tajribasi tarmoq ishlab chiqarishining barqarorligi, yuqori unumdorligi ishlab chiqarish kuchlarining kompleks rivojlanishi, ilmiy-texnika taraqqiyoti, moddiy texnika bazasining kuchliligi va kadrlar uchun shart-sharoit yaratilganligi bilan bevosita mutanosibligini ko'rsatadi.

Paxtadan mato, sun'iy chirm, plastmassa, pilik, fotoplenka, qog'oz, bo'yoq, paxta yoi, sovun, margarin, glitsirin, texnik moylar, chigit po'stlogidag metil, etil spirtlari, sirka kislotasi olinadi.

O'zbekiston olimlari tomonidan mustaqillik yillarida 100 dan ortiq ingichka va o'rta tolali serhosil paxta navlarini yaratilishi hosildorlikni sezilarli darajada oshirish imkonini bermoqda. Ushbu navlar tezpisharligi, turli kasallik va qishloq xo'jalik zararkunandalariga chidamliligi, yuksak tola sifati bilan ajralib turadi va jaxon bozorida ularga talab katta bo'lmoqda.

Qishloqda xususiy fermer xo'jaliklarining talablari asosida barcha turdagi zarur xizmatlarni ko'rsatish imkoniyatiga ega bo'lgan zamonaviy ishlab chiqarish va bozor infratuzilmasi jadal rivojlandi. SHu davr mobaynida qishloqlarda 1424 ta mini bank, 1714 ta MTP (mashina traktor parki) 2324 ta yoqilg'i – moylash materiallari va mineral o'g'itlar sotish shahobchalari, 1711 ta suvdan foydalanuvchilar uyushmasi, 300 ta konsalting markazi va boshqa infratuzilmalar tashkil etildi.

Qishloq xo'jaligi infrastrukturasini yaxshi rivojlangan davlat AQSH hisoblanadi.

AQSH qishloq xo'jaligi maxsulotlari buyicha jaxonning asosiy eksporteri hisoblanadi. Ya'ni bug'doyning 45,0 % i, makkajo'xori donining 55,0 %, arpani 10,0 %, paxtani 33,0 % uning xissasiga to'g'ri keladi. AQSHda meva, poliz, sabzavot ekinlari, chorvachilik maxsulotlarini sanitariya-gigiena talablar darajasida saqlash uchun ombor va muzxonalar yetarli, Masalan, qishloq xo'jaligi uchun bitta maxsus avtomobilning o'zi bir vaqtda 80 bosh qoramol, 260 bosh cho'chqa va 6000 ta parrandani tashish imkoniyatiga ega.

O'zbekiston Respublikasi mustaqilligining dastlabki kunlaridan boshlab qishloq xo'jaligini rivojlantirish strategiyasi aniq ravshan belgilab olindi. Mazkur strategiya zaminida qishloq xo'jaligini diversifikatsiya qilish, paxta yakkahokimligiga barham berish, yurtimiz aholisini oziq- ovqat mahsulotlari, birinchi navbatda g'alla bilan ta'minlash, bir so'z bilan aytganda, oziq-ovqat mustaqilligiga erishish vazifasi mujassam edi.

1998 yilda qishloqda faol institutsional o'zgarishlar bosqichi boshlandi. Agrar islohotlar hamma joyda bozor munosabatlarini joriy qilish va xususiy mulk shaklini rivojlantirishga qaratildi.

Zarar ko'rib ishlayotgan hamda samarasi past jamoa va kooperativ xo'jaliklari tugatilib, ularning yerlari uzoq muddatli ijaraga xususiy fermer xo'jaliklariga yoki umrbod meros huquqi bilan dehqon xo'jaliklariga berildi.

Fermerlik harakatini rivojlantirish uchun davlat tomonidan katta imtiyozlar berildi, xususiy fermer xo'jaliklarining ekin maydonlarini maqbullashtirish, yerlarning meliorativ holatini yaxshilash, paxtaning tezpishar va serhosil navlarini yaratish, shuningdek, paxta navlarini har bir hududning tuproq-iqlim sharoiti va suv bilan ta'minlanish darajasini inobatga olgan holda rayonlashtirish bo'yicha keng miqyosdagi ishlar amalga oshirildi.

Agrar sohadagi islohotlar natijasida xususiy fermer xo'jaliklarining to'liq iqtisodiy va moliyaviy mustaqilligini ta'minlaydigan va ularga meros huquqi bilan uzoq muddatga ijaraga berilgan qishloq xo'jaligi yer resurslaridan maqsadli, oqilona va samarali foydalanishini rag'batlantiradigan huquqiy shart-sharoit va kafolatlar yaratildi. SHuningdek, O'zbekiston Respublikasi Yer kodeksida fermer xo'jaliklariga yer maydonlarini 50 yil muddatga ijaraga berish mustahkamlab qo'yilgan.

Hozirgi vaqtda qishloq xo'jalik mahsulotlari ishlab chiqarishni moliyalashning bozor printsiplariga to'liq javob beradigan va fermer xo'jaliklari uchun qishloq xo'jalik mahsulotlarini sotishdan tushgan o'z daromadlari hisobidan barcha xarajatlarni qoplashda moliyaviy mablag'lardan foydalanish usuli va shaklini tanlashda ularning mustaqilligini ta'minlaydigan ishonchli tizim yaratildi.

Agrar sohadagi islohotlar qishloq xo'jaligi ishlab chiqarishida sezilarli ijobiy o'zgarishlarga erishish ishlab chiqarish hajmining o'sishi, qishloq xo'jaligi ekinlari hosildorligi va chorva mahsuldorligining oshishi uchun zamin bo'lmoqda.

Qishloqda xususiy fermer xo'jaliklarining talablari asosida barcha turdagi zarur xizmatlarni ko'rsatish imkoniyatiga ega bo'lgan zamonaviy ishlab chiqarish va bozor infratuzilmasi jadal rivojlandi. SHu davr mobaynida qishloqlarda

1424 ta mini bank, 1714 ta muqobil MTP, 2324 ta yoqilg'imoylash materiallari va mineral o'g'itlar sotish shoxobchalari, 1711 ta suvdan foydalanuvchilar uyushmasi, 300 ta konsalting markazi va boshqa infratuzilmalar tashkil etildi.

Qishloq xo'jaligini isloh etish borasida aniq maqsadga qaratilgan ishlar natijasida mamlakat agrar sektori deyarli barcha tarmoqlarining dinamik rivojlanishi ta'minlandi.

Qishloq xo'jaligida dehqonchilik mahsulotlarining xajmi muntazam oshib bordi:

paxta xom ashyosining yalpi qishloq xo'jaligi mahsulotlaridagi ulushi qisqarib, 47,7 foizdan 11,1 foizga tushdi, dehqonchilik va chorvachilikning boshqa mahsulotlari ulushining o'sishi, asosan ularning hosildorlik va mahsuldorlik darajasining oshishi hisobidan ta'minlandi;

g'alla maydonlarini kengaytirish va hosildorligini oshirish natijasida boshoqli don yetishtirish hajmi 1990 yilgi 2038,2 ming tonnadan 2012 yilda 7,5 mln. tonnaga yetdi;

kartoshka – 5 barobar, meva – 2,6 barobar, uzum – 1,3 barobar ortdi. 2012 yilda 2 mln.tonnadan ortiq kartoshka va 9 mln.tonnadan ortiq sabzavot hamda poliz mahsulotlari yetishtirildi.

qishloq xo'jaligi mahsulotlarini chuqur qayta ishlashga ixtisoslashgan zamonaviy minitexnologiyalar bilan jihozlangan korxonalar tashkil etildi. Natijada meva-sabzavot va go'sht-sut mahsulotlarini qayta ishlash hajmi 2000 yilga nisbatan 3 barobar oshdi.

Qishloq ho'jaligi mahsulotlarining yalpi hajmida asosan dehqon xo'jaliklarida qoramollar sonining oshishi hisobidan chorva mahsulotlarining ulushi 1990 yildagi 36,6 foizdan 2011 yilda 40,6 foizga yetdi, bu esa go'sht ishlab chiqarish hajmining 789,1 ming tonnadan 1461,4 ming tonnaga (1,9 barobar ko'p), sutning 3034,2 ming tonnadan 6169 ming tonnaga (2 barobar), tuxumning 1231,8 million donadan 3061,2 million donaga (2,5 barobar) ko'payishi uchun samarali ta'sir ko'rsatdi;

2011 yilda O'zbekistonda qishloq xo'jaligi mahsulotini ishlab chiqarish 19633,6 mlrd.so'mni tashkil qildi. Bu 2010 yilga nisbatan 3823,9 mlrd.so'mga ko'pdir.

2008 – 2012 yillarda sug'oriladigan yerlarning meliorativ holatini yaxshilash davlat dasturi qabul qilindi. Melioratsiya ishlarini moliyalashtirishning ishonchli mexanizmini ta'minlash maqsadida, Sug'oriladigan yerlarning meliorativ holatini yaxshilash jamg'armasi tashkil etildi. Yerlarning unumdorligini oshirish borasidagi ishlarni moliyalashtirish yo'li bilan qishloq xo'jaligi ishlab chiqaruvchilariga davlat yordamini ko'rsatish mazkur jamg'armaning asosiy vazifasidir.

Quyidagilar qishloq xo'jaligida olib borilayotgan islohotlarning sifat natijasi tariqasida namoyon bo'ldi:

ishlab chiqarish samaradorligi oshdi – asosiy qishloq xo'jaligi ekinlari hosildorligi va chorva mahsuldorligi o'sdi;

xususiy fermer xo'jaliklarida rentabellik ortdi va oziq-ovqat mahsulotlarini barqaror tarzda ishlab chiqarish masalasida mamlakatimiz oziq-ovqat havfsizligini ta'minlaydigan darajada ijobiy o'zgarishlar yuz berdi.

Keyingi yillarda qishloq xo'jaligi mahsulotlari yo'lga qo'yish orqali qo'shimcha qiymat yaratish, mahsulot ishlab chiqarishda yangi texnologiyalarni qo'llash natijasida yuqori iqtisodiy samaradorlikka erishish buyicha bir qator ishlar amalga oshirilmoqda.

2011 yilda ishlab chiqarilgan meva-sabzavot mahsulotlarining 1 mln. 427 ming tonnasi qayta ishlashga, 450 ming tonnasi ekportga 1mln. 466 ming tonnasi Toshkent shahri va boshqa yarmarka bozorlarida sotilishi 562 ming tonnasi byudjet tashkilotlariga ajratilishi va qolgani ichki iste'mol uchun yetkazib beriladi. Fermer va dehqon xo'jaliklari aholi tomorqalarida mahsulotlarning ekilishi ustidan monitoring o'rnatildi. Ekish uchun zarur bo'lgan urug'lik,

mineral o'g'itlar, ko'chatlar yetkazib berishning optimal tizimi yaratildi. Bugungi kunda meva-sabzavotchilikni rivojlantirish maqsadida Xalkaro qishloq xo'jaligini rivojlantirish fondi orqali 22mln AQSH dollari miqdorida kredit liniyasi ochildi.

Imtiyozli ravishda 0,75 foiz yillik stavka bilan 25-30 yilgacha kreditlar ajratildi. Bundan tashkari jahon banki bilan birgalikda sohani rivojlantirish uchun 110 mln. AQSH dollari miqdoridagi kredit liniyalari ajratish buyicha amaliy ishlar olib borilmoqda.

Qishloq xo'jaligi mahsulotlarini yetishtirish **hajmi natura va qiymat ko'rsatkichlarida** ifodalanadi.

Natura ko'rsatkichlari ma'lum davr ichida bevosita mahsulot ishlab chiqarishining hajmini aniqlaydi va u tonna, tsentner, litr va hokazolarida ifodalanadi.

Qishloq xo'jaligi mahsulotlarining umumiy hajmi qiymat shaklida o'lchanadigan **Yalpi mahsulot** ko'rsatkichida ifodalanadi. **Dehqonchilik mahsulotining Yalpi mahsulot ko'rsatkichi barcha qishloq xo'jaligi ekinlaridan olingan yalpi hosilga tugallanmagan ishlab chiqarishning o'sishi (kamayishi) va bog'lar, ko'p yillik o'simliklarni yaratish uchun ketgan xarajatlarni qo'shish yo'li bilan topiladi.**

Ayrim olingan qishloq xo'jaligi mahsulotlari yetishtirish hajmi hosildorlik darajasi va ekin maydoniga bog'liq bo'ladi.

Qishloq xo'jaligi ekinlarining **hosildorlik darajasiga** yangi sara urug'lar, ularning sifati, ekinlarga mineral va maxalliy o'g'itlarni solish, o'simlikchilik madaniyatini oshishi, yerlarni meliorativ holatini yaxshilash kabi ko'pgina omillar ta'sir ko'rsatadi.

Qishloq xo'jaligi mahsulotlari yetishtirish hajmi **ekin maydonlariga** ham bog'liqdir.

O'zbekistonda qishloq xo'jaligining asosiy ishlab chiqarish vositasi bo'lgan yer davlat mulki hisoblanadi. Davlat qishloq xo'jaligi bilan shug'ullanadigan korxonalar va xo'jaliklarga, shuningdek fuqarolarga muddatsiz yoki vaqtinchalik foydalanish uchun yer ajratib beradi.

Davlatning yer fondi barcha yerlarni – haydalma yerlar, daraxtzor, yaylov, pichanzor, o'rmonzor, qo'riq va bo'z yerlar qishloq xo'jaligida foydalanilmaydigan yerlarning jamini o'z ichiga oladi. Qishloq xo'jaligi mahsulotini yetishtirishning asosi bo'lib haydaladigan yerlar hisoblanadi.

Dehqonchilik mahsulotlari ishlab chiqarishning **samaradorligi quyidagi ko'rsatkichlarda baholanadi:**

1. 1 gektardan olingan hosildorlik darajasi;
2. 1 tsentner mahsulotning tannarxi;
3. 1 ga ekindan olingan sof daromad hajmi;

CHorvachilikning yalpi mahsuloti go'sht, sut, tuxum, jun va boshqa mahsulotlarning hamda chorva mollaridan olingan buzoq, qo'zi va hokazolar qiymatidan, mol va parrandalarni o'stirish, semirtirish qiymatidan hamda suv havzalarida yetishtirilgan baliqchilik qiymatidan iboratdir.

Qishloq xo'jaligining yalpi mahsuloti dehqonchilik va chorvachilik yalpi mahsulotlari hajmiga bog'liq bo'ladi.

Mustaqillik yillarida jamiyatimizning barcha sohalarida bo'lgani kabi qishloq xo'jaligida ham tub o'zgarishlar amalga oshirildi. Avvalo, davlatning iqtisodiy mustaqilligi va aholining yuqori turmush darajasini ta'minlay oladigan, jahon andozalariga mos keladigan qishloq xo'jaligi ishlab chiqarishini tashkil etish va boshqarish modeli yaratildi hamda izchillik bilan amalga oshirila boshlandi. Natijada davlat xo'jaliklari to'la tugatildi, jamolar mazmunan tamomila yangi asosda qayta tashkil etildi. Ular o'miga **uchta zamonaviy shakl – shirkat xo'jaligi, fermer xo'jaligi va dehqon xo'jaligi tizimi tarkib topdi.** Ishlab chiqarishni tashkil etishning huddi shu ko'rinishi endilikda mamlakatimiz qishloq xo'jaligining asosi hisoblanadi. Ular safida o'zbek xalqining asrlar davomida tarkib topgan mentalitetiga, mehnatkash xalq turmush tarziga mos keladigan dehqon xo'jaliklarining mustaqil ishlab chiqarish sub'ekti sifatida mavjud bo'lishi jahon agrar fani nazariyasi va amaliyotiga muhim hissa bo'lib qo'shildi.

Qishloq xo'jaligi ishlab chiqarishini tashkil etish va boshqarishning mutloq yangi tizimi ehtiyojlaridan kelib chiqqan holda bank, moddiy-texnika ta'minoti, agroservis, moliya, soliq, tashqi iqtisodiy aloqalar xizmatlari faoliyati butunlay o'zgartirildi.

Amalga oshirilgan chora-tadbirlar tezda o'z natijasini berdi. Sobiq "qizil imperiya" davrida hatto sut-go'shtni ham chetdan import qilish darajasiga tushirilib qo'yilgan O'zbekiston, qisqa fursat mobaynida oziq-ovqat mollari bo'yicha chetga **qaramlikdan ozod bo'ldi va o'zini o'z mahsulotlari bilan ta'minlay boshladi**. Bu borada paxta yakka hokimligidan qutilish va g'allani yetishtirish bo'yicha erishilgan yutuqlarni alohida ta'kidlab o'tish joiz.

Mustaqillik yillarining boshlaridanoq mamlakat qishloq xo'jaligini chuqur isloh qilish davri boshlandi. Respublika qishloq xo'jaligida tub burilishlarning huquqiy asoslarini yaratadigan qonunlar qabul qilindi.

Mahsuldorligi past davlat va jamoat xo'jaliklarining **norentabel qoramolchilik fermalari mehnat jamoalari mulki qilib** berildi.

CHorva mollari zotini yaxshilash tadbirlari ishlab chiqildi. Andijon, Sirdaryo, Toshkent, Xorazm viloyatlarida shirkat xo'jaliklari negizida qoramolchilik **naslchilik zavodlari**, Andijon, Namangan, Jizzax, Sirdaryo, Toshkent, Xorazm viloyatlarida jamoa xo'jaliklarida **naslchilik xo'jaliklari** tashkil etildi. Respublikaning barcha viloyatlaridagi ixtisoslashgan xo'jaliklarida zotli mollar yetishtiriladigan va sotiladigan tayanch punktlar ishi yo'lga qo'yildi. Kim oshdi savdosi orqali qora mollar xo'jaliklarga va aholiga sotildi.

Qishloq xo'jaligida iqtisodiy islohotlarni chuqurlashtirish bo'yicha O'zbekiston Respublikasi Prezidentining 1998 yil 18- martidagi Farmoniga asosan 1998-2000 yillarga mo'ljallangan qishloq xo'jaligidagi iqtisodiy islohotlarni chuqurlashtirish **Dasturi ishlab chiqildi**. Qishloqda islohotlarni amalga oshirish yuzasidan bir qator tadbirlar belgilandi. **Qishloq xo'jaligini moddiy va moliyaviy, texnikaviy jihatlardan qo'llab-quvvatlash choralari ko'rildi** va qishloq xo'jaligini yanada rivojlantirishda katta rol o'ynadi.

Kartoshka meva-sabzavot mahsulotlari, chorva parranda sut, tuxum qorako'l terisi va jun mahsulotlariga **erkin (kelishilgan) narxlar joriy etildi**, bu esa xo'jaliklarning o'zi yetishtirgan mahsulotlarni o'z xohishicha foydalanishga imkon yaratdi. Davlat buyurtmasi faqat paxta va donga nisbatan saqlanib qoldi. **Qishloqda mulkdorlar sinfini shakllantirish agrar siyosatdagi muhim yo'nalishga aylandi**. Respublika qishloq xo'jaligini rivojlantirishda **xalqaro tashkilotlar dasturidan foydalanish yo'lga qo'yildi**.

Qishloq joylariga sanoatni olib kirish, zamnonaviy texnologiyalarga ega bo'lgan **kichik korxonalarni ochish hisobiga yangi ish joylarini yaratish ustuvor vazifadir**. Qishloqda tub islohotlarni o'tkazish, qishloq xo'jaligini taraqqiy qildirish, qishloq xo'jaligida ishlab chiqarish samaradorligini oshirish O'zbekiston iqtisodiyotini rivojlantirishning asosiy omili va manbaidir.

O'zbekistonda hamisha **dehqon yer egasiga emas, yerning o'ziga biriktirilgan**. Rossiyada esa **krepostnoy dehqon pomeschchikniki** bo'lib kelgan. Birgina shu hodisaning o'zi ham xususiy mulkchilik yerga egalik qilishning yagona shakli bo'la olmasligini ko'rsatadi.

Dehqonchilikda oilaviy pudrat shaklini qo'llash, daromadni taqsimlashda paychilik usulidan foydalanish, pay orqali mulkka egalik qilish, daromad olish, shartnoma asosida ishlash bugungi kunda maqsadga muvofiqdir.

Respublikada **sug'orish** dehqonchilikning zaruriy sharti va moddiy asosidir. Sug'oriladigan yerlar maydonini kengaytirish, suv ta'minotini yaxshilash, daryolar oqimini mavsumiy va ko'p yillik boshqarish uchun suv omborlari, to'g'onlar qurilishi, irrigatsiya shaxobchalarini yaxshilash bo'yicha katta ishlar amalga oshirildi. Yerlarni melioratsiyalash, qishloq xo'jaligini mehanizatsiyalash, elektrlashtirish, kimyolashtirishda erishilgan yutuqlar ekinlar hosildorligini oshirish, mehnat unumdorligini ko'tarishda hal qiluvchi ahamiyatga ega bo'ldi. Respublikaning o'zida qishloq xo'jaligini ishlab chiqarish vositalari bilan ta'minlaydigan sanoat tarmoqlarining rivojlanishi uning moddiy-texnika bazasini mustahkamlaydi.

Qishloq xo'jaligi mahsulotlari yetishtirishdagi asosiy jarayonlar mexanizatsiyalashtirildi va qo'l mehnatidan foydalanish ancha qisqardi. Qishloq xo'jaligida asosiy dala ishlari (er haydash,

ekish, kultivatsiya bilan bir vaqtda o'g'itlash, don ekinlarini yig'ib olish va boshqa) to'liq, ekin qator oralarini ishlash yuqori darajada mexanizatsiyalashtirildi.

Qoraqalpog'iston Respublikasi va 12 viloyat birlashmasi, 158 tuman ishlab chiqarish korxonasi, 28 ta'mirlash zavodi, 64 kichik korxona va 13ta qo'shma korxonalar bor. traktor, yuk avtomobili, aftobus va yengil avtomobil, buldozer, paxta terish mashinasi, g'alla kombayni, xashak o'rgich, traktor tirkamalari, kultivator, chigit ekish seyalkasi, purkagich va boshqa ko'plab qishloq xo'jaligi tizimida qishloq tadbirkorlari va qishloq xo'jaligi korxonalariga servis xizmati ko'rsatish bo'yicha "O'ztexchorvaservis" respublika birlashmasi tashkil etilgan. Uning barcha viloyat va tumanlarda 160 dan ortiq ishlab chiqarish-texnika markazlari ishlaydi. Mayda ulgurji do'konlar, ijara servis shaxobchalari orqali qishloq xo'jaligi mashinalari, ehtiyot qismlar, uzellar, butlovchi detallar sotiladi va boshqa turli xizmatlar ko'rsatiladi.

Respublikada mavjud qishloq xo'jaligi texnikasi parkidan oqilona foydalanish, uni ishlatish xarajatlarini qisqartirish qishloq xo'jaligi texnikasi xo'jaliklardan qoldiq qiymat bo'yicha mashina-traktor parklari balansiga beriladi va yerlarni ekishga tayyorlash, qishloq xo'jaligi ekinlariga ishlov berishga hosilni yig'ib-terib olishga doir mexanizatsiyalashgan ishlarni **xo'jaliklar bilan shartnomalar** bo'yicha bajaradi.

2003 yil 27 oktyabrda O'zbekiston Respublikasining "Fermer xo'jaligi to'g'risidagi" qonuniga muvofiq qishloq xo'jaligidagi iqtisodiy islohotlarni jadallashtirish maqsadida **"2004-2006 yillarda fermer xo'jaliklarini rivojlantirish kontseptsiyasi to'g'risida"** O'zbekiston Respublikasi Prezidentining Farmoni qabul qilindi. Unga asosan fermer xo'jaliklarining ustuvor yo'nalishlari sifatida rivojlantirib qishloq xo'jaligidagi islohotlarni jadallashtirish asosiy maqsad qilib qo'yilgan edi.

O'zbekiston Respublikasi Prezidentining 2012 yil 22 oktyabrda "O'zbekistonda fermerlik faoliyatini tashkil qilishni yanada takomillashtirish va rivojlantirish chora-tadbirlari to'g'risida" Farmoni chiqdi. Unda kelgusi yillarda sanoat uchun eng muhim xom-ashyo manbai bo'lgan, ichki bozorni oziq-ovqat mahsulotlari bilan barqaror to'ldirish va eksport salohiyatini oshirishni ta'minlaydigan **qishloq xo'jaligi** sohasidagi islohotlarni yanada chuqurlashtirish, sohani texnik va texnologik qayta jihozlash va modernizatsiya qilishga katta e'tibor qaratiladi.

Bugungi kunda fermer xo'jaligi qishloq xo'jaligi ishlab chiqarishini tashkil etishning asosiy shakliga aylandi. Hozir respublikamizda fermerlik xarakati o'z tarkibiga 66 mingdan ziyod fermer xo'jaligini birlashtirgan. Mavjud bo'lgan haydaladigan yerlarning 85%dan ortig'i fermerlar xissasidir.

Hozirgi kunda fermerlik xarakati xorijiy mamlakatlar tajribasini o'rganish asosida fermer xo'jaliklari uyushmasi **O'zbekiston fermerlari kengashiga**, viloyat va tumanlarda esa **fermerlar** kengashiga aylantirildi. Ushbu tuzilmalarning huquq va kafotlari jiddiy ravishda kengaytirildi. Mazkur kengashlarning asosiy vazifasi davlat va xo'jalik boshqaruvi, joylardagi davlat xokimiyati orgnallari bilan munosabatlari, tayyorlov, ta'minot va xizmat ko'rsatadigan tashkilotlar bilan hamkorlik qilish, bir so'z bilan aytganda hamma yerda fermerlarning huquqi va qonuniy manfaatlarini himoya qilishdan iboratdir.

2015 yilda 2010 yilga nisbatan qishloq xo'jaligi mahsulotlari ishlab chiqarish hajmini 1,3 barobar oshirish ko'zda tutilgan. Bu borada kelgusi yillarda qishloq xo'jaligida olib boriladigan o'zgarishlarning asosiy vazifasi qishloq xo'jaligi ishlab chiqarishini tashkil etish, qishloq xo'jaligi ekinlari hosildorligi va chorvachilik mahsulдорligini oshirish negizida mahsulot yetishtirish hajmining izchil o'sib borishini ta'minlashning asosiy shakli bo'lgan fermerlik institutini yanada mustahkamlash va rivojlantirish bo'ladi.

Kelgusi yillarda o'simlikshunoslik sohasida qishloq xo'jaligi mahsulotlarini yetishtirishda ilg'or agrotekhnologiyalarni, xomashyo va suvni tejaydigan zamonaviy texnologiyalarni, selektsiya va urug'chilik usullarini joriy etishga alohida ahamiyat beriladi.

Ushbu chora-tadbirlarning amalga oshirilishi 2011 – 2015 yillarda qishloq xo'jaligi ekinlari hosildorligini ko'tarish, mineral o'g'itlardan foydalanish samaradorligini 15 foiz oshirish, shuningdek, sug'orish uchun suv sarfini 12 foiz kamaytirish imkonini beradi.

SHu bilan birga, bu chora-tadbirlar meva-sabzavot mahsulotlari tayyorlashni 1,5 barobar, kartoshka yetishtirishni 1,4 barobar, poliz va uzum yetishtirishni 1,3 barobar ko'paytirish, ularning qishloq xo'jaligi ekinlari tarkibidagi umumiy ulushini, texnik ekinlar va g'alla yetishtirish hajmini barqaror saqlab qolgan holda, 2010 yildagi 59 foizdan 2015 yilda 70 foizga yetkazish hisobidan qishloq xo'jaligida ishlab-chiqarish tarkibini sifat jihatidan o'zgartirishga ko'maklashadi.

2011 – 2015 yillarda chorvachilikning yanada rivojlantirish va modernizatsiya qilish doirasida naslchilik ishlarini takomillashtirish, mustahkam ozuqa bazasi va zamonaviy texnologiyalarni joriy etish asosida sohaga xizmat ko'rsatish infratuzilmasini yaratishga qaratilgan chora-tadbirlarni amalga oshirish ko'zda tutilmoqda. Bu chora-tadbirlar naslchilik xo'jaliklarini 2,5 barobar, ozuqa ekinlari maydonini 1,3 barobar oshirish, zooveterinariya punktlarini zamonaviy uskuna va inventarlar bilan ta'minlash darajasini oshirish imkonini beradi. Natijada kelgusi yillarda yirik va mayda shoxli qoramollarning bosh soni 1,3 barobar ko'payadi, go'sht va sut mahsulotlari 1,3 barobardan ziyod oshadi.

Parrandachilik va baliqchilikni jadal rivojlantirish kelgusi yillarda chorvachilik mahsulotlari hajmi o'sishida qo'shimcha omil bo'ladi. Xususan, parrandalar bosh sonini 2010 yilga nisbatan 1,8 barobar oshirgan holda, 1000 dan ziyod xususiy parrandachilik fermalari va mahsulot ishlab chiqarish hajmini 1,6 barobar oshirish imkonini beradigan 670 ta xususiy baliqchilik xo'jaligini tashkil etish mo'ljallanmoqda.

SHu bilan birga, qishloq xo'jaligi mahsulotlarini uzoq muddat saqlash quvvatlarini tashkil etish va qayta ishlash hajmini kengaytirish borasidagi kompleks chora-tadbirlarga alohida e'tibor qaratilib, qishloq joylarda zamonaviy minitexnologiyalar negizida qayta ishlash korxonalarini ishga tushirish, oziq-ovqat tovarlari sifatini oshirish va assortimentini kengaytirish natijasida 2011– 2015 yillarda meva-sabzavot konservasi ishlab chiqarish 1,7 barobar, go'sht konservasi – 2,2 barobar, kolbasa mahsulotlari – 1,8 barobar, sut mahsulotlari 1,9 barobar, sariyog' tayyorlash 1,8 barobar oshiriladi.

Qishloq xo'jaligi ishlab chiqarishining qayd etilgan prognoz parametrlariga erishish uchun 2011-2015 yillarda sug'oriladigan yerlarning meliorativ holatini tubdan yaxshilash va unumdorligini oshirish choralari ko'riladi.

Maxsus tashkil etilgan Sug'oriladigan yerlarning meliorativ holatini yaxshilash fondi mablag'lari hisobidan 2011-2015 yillarda meliorativ inshootlarni qurish, rekonstruktsiya qilish va ta'mirlash, tomchilatib sug'orish tizimini yo'lga qo'yish va melioratsiya texnikasi xarid qilish bo'yicha qariyb 500 million dollarga teng qator loyihalarni amalga oshirish ko'zda tutilmoqda. Bu esa qishloq xo'jaligida foydalanilayotgan 1,4 million gektar yer maydonining meliorativ holatini yaxshilash imkonini beradi.

Kelgusi yillarda qishloq xo'jaligi texnikasi parklarini kengaytirish va sifat jihatidan yangilash borasidagi ishlar davom ettiriladi. Qishloq xo'jaligi tarmog'ini 28 mingdan ziyod yuqori ishlab chiqarish quvvatiga ega bo'lgan yangi avlod traktorlari, kombaynlar, buldozerlar, ekskavatorlar va tirkama texnikalar bilan ta'minlash, ularga texnik xizmat ko'rsatish sifatini yaxshilash natijasida traktorlar va kombaynlar parki o'rta hisobda 60 foiz, ekskavatorlar va buldozerlar parki 90 foiz yangilanadi, qishloq xo'jaligida ishlab chiqarish samaradorligi ortib, ekspluatatsiya xarajatlari kamayadi.

Ushbu chora-tadbirlarning amalga oshirilishi yurtimizda Germaniyaning «Klaas» kompaniyasi va boshqa ilg'or xorijiy kompaniyalar bilan birgalikda zamonaviy turdagi qishloq xo'jaligi va melioratsiya texnikalarini ishlab chiqarish va ularga xizmat ko'rsatish bilan shug'ullanadigan yangi korxonalar tashkil etilishiga xizmat qiladi.

Qishloq xo'jaligini isloh qilish quyidagi printsiplarga asoslanishi lozim:

1. Qishloq xo'jaligini rivojlantirishning asosiy masalalari davlat agrar siyosatini ta'sirida hal qilinadi;

2. Qishloq joylaridagi davlat korxonalarini ishlab chiqarish vositalariga jamoa va xususiy mulkchilikka asoslangan xo'jaliklar tuzgan holda qayta quriladi;

3. Erga davlat mulkchiligini qat'iy ravishda ta'minlash, unga xususiy mulk bo'lishiga yo'l qo'ymaslik;

4. Qishloq xo'jaligi mahsuloti ishlab chiqaruvchilarda mulk egasi hissini yaratish, ularni o'z mehnati natijalariga ega bo'lishligini ta'minlash;

5. Moddiy rag'batlantirish hissini rivojlantirish va hokazo.

Yuqorida kelingan printsiplarga asoslangan holda O'zbekiston Respublikasi qishloq xo'jaligida o'tkazilayotgan iqtisodiy **islohotlar quyidagi ustuvor yo'nalishlarda kechishi kerak:**

1. Er munosabatlarini takomillashtirish;

2. Fermerlik xarakatini qo'llab-quvvatlash, uni huquqiy, tashkiliy, moliyaviy shart-sharoitini yaratib berish;

3. Qishloqda bozor munosabatlarini joriy etish va xususiy mulkchilik shakllarini rivojlantirish;

4. Qishloq xo'jaligida soliq va baho siyosatini takomillashtirish;

5. Qishloq xo'jalik boshqarish tizimini yanada takomillashtirish;

6. Qishloq xo'jalik moddiy texnika xizmatini rivojlantirish;

7. Qishloq joylarida xizmat ko'rsatish va servis sohasini rivojlantirish;

8. Ilmiy izlanish va kadrlarni tayyorlash, ularni malakasini oshirishga e'tiborni kuchaytirish va h.k..

6.3.Kapital qurilish.

Qurilish – respublikadagi moddiy ishlab chiqarishning eng muhim tarmoqlaridan biri. Respublika iqtisodiyotida yalpi ijtimoiy mahsulot tarkibida solishtirma hissasiga ko'ra sanoat va qishloq xo'jaligidan keyin 3-o'rinda turadi. Yalpi ichki mahsulotning 13,2%ga yaqini iqtisodiyotda band bo'lgan ishchi va xizmatchilarning 1055,0 ming kishi, yoki 9,1% qurilish hissasiga to'g'ri keladi.¹⁹

Qurilish iqtisodiyotning barcha tarmoqlariga xizmat ko'rsatib, asosiy fondlarning **qayta takror ishlab chiqarish** uchun sharoitlarni ta'minlaydi, iqtisodiyotning **maqbul tarkibini barpo etish, ishlab chiqaruvchi** kuchlarni maqsadga muvofiq joylashtirish, respublikaning **yangi tabiiy boyliklarini o'zlashtirish, bo'sh mehnat resurslarini ijtimoiy ishlab chiqarishga** jalb etishga yordam beradi.

Qurilish majmui bu asosiy fondlarni bevosita qayta ishlab chiqarish, moddiy ishlab chiqarish jarayonini ta'minlaydigan moddiy ishlab chiqarish tarmoqlarining va loyiha izlanish ishlarining yig'indisidir. Qurilish majmui qurilish ob'ektlarini loyihalashtirishdan to ishga tushurgungacha bo'lgan barcha jarayonlarini o'z ichiga oladi.

Texnologik jihatdan qurilish majmui o'z ichiga:

- Bevosita qurilishni yoki qurilishni ishlab chiqarishini;

- Qurilish materiallari sanoatini;

- Konstruktsiya va detallar qurilishi sanoatini (yig'ma temir-beton, metall konstruktsiyasi, yog'och va h.k.);

- Maxsus loyihalash va izlanish tashkilotlarini, korxona va birlashmalarni oladi.

SHunday qilib, **qurilish majmui** – qurilish ishlab chiqarishini, loyihalash tashkilotlarini hamda zarur uskunalarni, konstruktsiya va detallar, qurilish materiallarini ishlab chiqaradigan korxonalarini o'z ichiga oladigan murakkab tizimdir.

Qurilish majmuining asosi bo'lib **qurilish ishlab chiqarishi** hisoblanadi. **Qurilish ishlab chiqarishi bu doimiy malakali ishchi va mutaxassislariga, zarur qurilish montaj ishlarini olib bora oladigan texnikaga** ega bo'lgan qurilish va montaj tashkilotlarining yig'indisidir.

Qurilish ishlab chiqarishi yoki kapital qurilish doimiy ravishda bino va har xil maqsadlar uchun qurilmalar yaratadi yoki rekonstruktsiya qilishni ta'minlaydi. **Uning**

¹⁹ Альманах. Ўзбекистон 2011. Т-2011 21-25 бетлар

mahsuloti ekspluatatsiyaga tayyor ishlab chiqarish korxonalari, yo'llar, turar joylar, jamoat binolari va boshqalar hisoblanadi.

Iqtisodiy mohiyatiga ko'ra kapital qurilish jarayoni bu asosiy fondlarni qayta takror ishlab chiqarishdir.

Qurilish jarayoni **xo'jalik va pudrat** usulida olib boriladi.

Xo'jalik usuli – bu qurilishni bevosita quruvchilarning o'zlari (korxona, tashkilot, firma va hokazo) olib boradilar. Bunda qurilayotgan ob'ekt ana shu korxonani (tashkilotni) o'zi uchun mo'ljallangan bo'ladi.

Pudrat usuli buyurtmachilar bilan shartnoma asosida doimiy harakatdagi quruvchi tashkilotlar tomonidan amalga oshiriladigan qurilishdir. Unda ikki tomon: birinchi- **pudratchi**, ya'ni qurilish tashkiloti va ikkinchi-tomon: **buyurtmachi**- (davlat tashkiloti, kooperativ, xususiy korxona, tashkilot va hokazo) qatnashadi.

Ular o'rtasida munosabat shartnoma asosida belgilanadi.

Milliy iqtisodiyotning tarkibiy qismi sifatida qurilish sohasida ham **iqtisodiy islohotlar amalga oshirildi va bu jarayon oxirgi yillarda chuqurlashib borayapti**. Xususan:

- Qurilishning boshqaruv tarkibini kuchaytirish;

- Qurilish monopoliyasiga barham berish;

- Qurilish tashkilotlarini aktsiyalash va xususiylashtirishni chuqurlashtirish;

- Pudrat ishlari bozorini tashkil qilish;

- Kapital qurilishni tashkil qilishda, investitsion loyihalarni tatbiq qilishda tartib o'rnatish va boshqa tadbirlar amalga oshirildi.

Bozor iqtisodiyotiga o'tish davrida qurilish ishlari samaradorligini yanada oshirish maqsadida ayrim qurilish vazirliklari tugatildi. Masalan, O'zsanoatfuqaroqurilish, O'zqishloqxo'jalik qurilishi, O'zko'xoz qurilishi, O'zsuvqurilishidavlat kontserni va hokazolar tugatildi. Mulkchilikning turli shakllariga o'tkazilgan **ixtisoslashgan davlat kontsermlari, kompaniyalar, davlat-aktsiyadorlik birlashmalari, uyushmalar** tashkil etildi. Ularning eng yiriklari: «O'zsanoatxo'jalikqurilish» korporatsiyasi, «O'zmontajmaxsusqurilish» uyushmasi, «O'zdxqonchilikqurilish», «O'zjamoaxujalik-qurilish» davlat-shirkat birlashmalari, «Toshkentuyjoyinvestqurilish» korporatsiyasi va boshqalar. Suv xo'jaligi va meliorativ ishlarni «O'zsuvqurilish» davlat kontserni olib boradi. «O'ztransqurilish», «O'zavtoyo'l» kontserni. «Energetika va elektrlashtirish» vazirligi ham qurilish ishlarini bajaradi. Bu tashkilotlar Respublika iqtisodiyotini rivojlantirishda katta ahamiyatga ega bo'lgan katta qurilishlarni olib bormoqda.

Masalan, «O'zsanoatxo'jalikqurilish» davlat korporatsiyasi respublikada sanoat qurilishi, uy-joy va boshqa ijtimoiy maqsadlardagi ob'ektlarni qurish bilan shug'ullanadi. Qurilish tashkilotlari, qurilish industriyasi korxonalari, transport, loyiha-konstruktorlik va boshqa tashkilotlarni ixtiyoriy asoslarda birlashtiradi.

Qurilish industriyasi negizini davlat, aktsiyadorlik, shirkat, xususiy, qo'shma va boshqa pudrat qurilish-montaj tashkilotlari, shuningdek, o'z moddiy-texnika va ishlab chiqarish bazasiga, malakali ishchi va mutaxassis kadrlarga ega bo'lgan korxonalar, transport va boshqa yordamchi xo'jaliklar tashkil etadi. O'zbekistonda ko'plab qurilish-montaj trestlari, qurilish sanoati korxonalari, quyi pudrat tashkilotlari, kichik korxonalar, loyiha, ilmiy hamda qurilish sohasiga moslashtirilgan ilmiy tadqiqot institutlari faoliyat ko'rsatadi. Qurilish-montaj ishlarining deyarli barchasini ixtisoslashtirilgan qurilish tashkilotlari amalga oshiradi.

Qurilish tashkilotlari – bu ixtisoslashtirilgan korporatsiya, kompaniya, birlashma, trestlar va boshqarmalarga uyushgan.

Qurilish moddiy-texnika bazasining muhim tarkibiy qismini qurilish materiallari sanoati tashkil etadi. Respublikada qurilish materiallarini ishlab chiqarish, ularning tur xilini ko'paytirish yildan-yilga ortib bormoqda. Respublikada mahalliy xom ashyo

resurslaridan beton uchun sun'iy yengil to'ldiruvchilar (keramzit, alikopol, agloporit), issiqlik izolyatsiyasi materiallari ishlab chiqarish yo'lga qo'yilgan. Qurilishda polimer materiallar, plastmassa mahsulotlari, linoleum, polietilen quvurlar, sintetik smolalar asosidagi lak va buyoqlar tobora ko'proq qo'llanilmoqda.

Qurilish industriyasida yig'ma temir-beton konstruktsiyalari va detallaridan ko'proq foydalanilmoqda. Bino va inshootlarning yirik qismlarini, uy poydevorlari, devor panellari, zinapoyalar va boshqalarni zavod usulida tayyorlaydigan yangi tarmoqlar paydo bo'ldi. Binolarning zilzilabardoshligi ta'minlangan. Qishloq joylarida loyihalash-qurilish tamoyillari o'zgardi. Imoratlarni tiklashda yengil konstruktsiyalar ko'proq qo'llanilmoqda, xo'jaliklar qo'rg'onlarini qurishda uy-joylar bilan bir paytda madaniy-maishiy muassasalar, ishlab chiqarish binolari kompleks foydalanishga topshirilayapti.

O'zbekistonda qudratli iqtisodiy salohiyatni barpo etishdagi muvaffaqiyatlar bevosita qurilish bilan bog'liq.

Respublika mustaqillikka erishganidan keyin kapital qurilishi yangi dastur asosida davom ettirildi. Respublika iqtisodiyoti uchun muhim bo'lgan avtomobil, oltin qazib olish, neft va boshqa sanoat tarmoqlarida yangi korxonalarni qurish boshlandi. Barcha viloyatlarda sanoat korxonalari, uy-joylar, madaniy-maishiy binolar, bozor va savdo rastalari, hammom, choyxona, kasalxona, mahalla markazlari, masjidlar qurildi, o'nlab me'moriy komplekslar, tarixiy yodgorliklar, madrasalar, masjidlar ta'mirlandi. Toshkentda «Turkiston» saroyi, «Milliy bank» binosi, «Navro'z» restorani, Amir Temur, Mirzo Ulug'bek haykallari va xiyobonlari, Alisher Navoiy nomidagi Milliy bog', Andijonda Bobur bog'i va muzeyi, Farg'onada «Ramziy darvoza» barpo etildi, Samarqand viloyatining Urgut shahrida keng ko'lamda qurilish ishlari olib borildi; Olmaliq kon-metallurgiya kombinati, Toshkent traktor zavodi, Parkent «Quyosh» majmuasi (Toshkent viloyati), Toshkent «Zenit» zavodi, Angren rezina-texnika buyumlari zavodi, respublika banklari asotsiatsiyasining binosi, Asaka avtomobil zavodi, Buxoro neftni qayta ishlash zavodi, Uchqo'rg'on - Namangan suv quvuri, G'azalkent oyna zavodi va boshqa ko'pgina ob'ektlar qurildi.

Qurilish sohasida **xalqaro hamkorlik yaxshi samara bermoqda**. Xorijiy firmalar bilan hamkorlikda Toshkent, Samarqand, Buxoro shaharlarida xalqaro klassdagi mehmonxonalar qurilishi, xususan SHeraton mexmonxonasi hamda, Rossiya, Do'stlik va boshqa mehmonxonalarni qayta ta'mirlash ishlari olib borildi. Respublika tarixida birinchi marta kapital qurilishi sohasida chet el investitsiyalari jalb etildi.

Respublika Prezidentining 1996 yil 31 yanvardagi "Toshkent shahridagi uy-joy qurilishini davlat tomonidan qo'llab-quvvatlashni kuchaytirish to'g'risida" Farmoniga ko'ra aholining turar joy sharoitlarini yaxshilash maqsadlarda Toshkent davlat-aktsiyadorlik uy-joy jamg'arma banki ("Toshkent uyjoyjamg'arma-bank") tashkil etildi.

Bu bank Toshkent shahrida aholini uy-joy bilan ta'minlashda juda katta rol o'ynadi. SHuni e'tiborga olib bu tashkilotni **respublika ahamiyatiga molik bank** deb tan olindi va barcha viloyatlarda shunday viloyat banklari tashkil qilindi.

Qurilish majmui strategik ahamiyatga ega bo'lib quyidagi juda muhim **sotsial-iqtisodiy vazifalarni bajaradi**:

1. Qurilish iqtisodiyotning barcha tarmoqlarini asosiy fondlarini yangilanishini va o'sishini ta'minlaydi.
2. Iqtisodiyotni tarkibiy qayta tuzilishini ta'minlaydi.
3. Ustuvor tarmoq va sohalarni qurish, rekonstruktsiya qilish orqali makroiqtisodiy proportsiyalarni muntazam ravishda takomillashtirib boradi;
4. Qurilish majmui ishlab chiqarishni, madaniy-maishiy tarmoqlarni hudud jihatdan joylanishini yaxshilaydi. Bu o'z navbatida viloyatlar aholisini ish bilan bandlilik darajasini oshiradi.

SHunday qilib, qurilish majmui mamlakatni ijtimoiy-iqtisodiy rivojlanishida juda katta ahamiyatga egadir.

Mamlakatimizda amalga oshirilayotgan islohotlar jarayonida qishloq aholisining turmush darajasini yuksaltirishga, qishloqlarimiz qiyofasini o'zgartirishga, jahon andozalariga mos keluvchi zamonaviy arxitektura va dizayn asosida barpo etiladigan, barcha qulayliklar va kommunikatsiya tizimlariga ega bo'lgan shinam uy-joylar barpo etishga alohida e'tibor qaratilmoqda.

2009 yilning **“Qishloq taraqqiyoti va farovonligi yili”** deb e'lon qilinishi qishloqda uy-joy qurish, ijtimoiy infratuzilmani rivojlantirishni jadallashtirish dasturini 2010 yilning muhim ustivor yo'nalishlari qatoriga kiritilishiga to'liq asos bor.

Zamonaviy qishloq arxitektura va me'moriy rejalashtirish talablariga mos kelishi, Bosh reja asosida tartib bilan qurilishi, barcha qulayliklar va kommunikatsiya tarmoqlariga (elektr, gaz uzatish tarmoqlari, suv ta'minoti, yo'llar va boshqa) ega bo'lishi bilan ajralib turishi lozim.

O'zbekiston Respublikasi Prezidentining qabul qilgan Farmoni iqtisodiyotimizning yetakchi tarmoqlaridan biri-kapital qurilishda bozor islohatlarini yanada chuqurlashtirishning sifat jihatdan yangi bosqichi hisoblanadi.

Mazkur Farmonning qoidalarini xayotga tatbiq etish, hech so'zsiz, kapital qurilishda tub o'zgartirishlarni amalga oshirish, tarmoq bozor iqtisodiyoti tamoyillari va talablariga mos keladigan xo'jalik munosabatlarini keng joriy etishga imkon beradi.

Yangi qurilish ob'ektlari mavjudlarini rekonstruktsiya qilish va kengaytirish uchun mehnat va moddiy-texnika resurslari sarf bo'ladi. Pul shaklidagi bu xarajatlar kapital qo'yilmalarni tashkil etadi.

Kapital qo'yilmalar - iqtisodiyotni barcha tarmoqlarida asosiy fondlarni yangitdan yaratish, mavjudlarini rekonstruktsiya qilish va kengaytirish uchun yo'naltiriladigan xarajatlar yig'indisidir.

Kapital qo'yilmalarining hajmi har bir ob'ekt bo'yicha loyihalar va smetalar asosida belgilanadi.

Barcha xarajatlarning yig'indisi yoki **kapital qo'yilmalarining hajmi ularning foydalanish yo'nalishlariga qarab quyidagi tarkibda tashkil topadi.**

1. **Texnologik tarkib**
2. **Takror ishlab chiqarish tarkibi**
3. **Tarmoq va hudud tarkibi.**

Texnologik tarkibda xarajatlar maqsadli ravishda guruhlanadi:

a) qurilish montaj ishlarining (QMI) qiymati. U o'z ichiga quruvchilarni ish haqini, foydalanadigan material va konstruksiyalarning qiymatini, qurilish texnikasining amortizatsiyasini va boshqa xarajatlarni o'z ichiga oladi;

b) uskunalar qiymatini: qurilish ob'ekti uchun texnologik, energetik va uskunalar qiymati;

v) boshqa xarajatlar: loyiha - qidiruv ishlari, qurilish ob'ektlari uchun kadrlar tayyorlash va boshqarish.

Kapital qo'yilmalarining umumiy hajmida bu xarajatlarning nisbati texnologik tarkibni yoki ularning ichki tuzilishini tashkil qiladi.

Kapital qo'yilmalarning texnologik tarkibi qurilishning turi va xarakteriga bog'liq bo'ladi. Masalan, Sanoatda – xarajatlarning ko'pchilik qismi anti qurilish uchun uskunalar, instrument va inventarlar sotib olishga ketadi. Uy-joy kommunal xo'jaligi sohasida – xarajatlarning aksariyat qismi qurilish-montaj ishlarini egallaydi.

Takror ishlab chiqarish tarkibi kapital qo'yilmalarni asosiy fondlarning turlari bo'yicha takror ishlab chiqarishga yo'naltirilishi ifodalanadi. Unda **yangi qurilish**, mavjud korxonalarni kengaytirish, rekonstruktsiya qilish va ularni texnik jihatdan qayta qurollantirish bo'yicha nisbat ko'rsatiladi.

Yangi qurilishga, dastlabki tasdiqlangan loyihaga binoan, yangi maydonlarda olib borilayotgan korxona, bino, ob'ektlar qurilish kiradi.

Mavjud korxonalarni kengaytirish yangi loyihalar asosida ikkinchi va undan keyingi tartibdagi qurilishlarni, o'o'shimcha tsexlar qurilishini anglatadi.

Harakatdagi **korxonalarni rekonstruktsiya** qilish ularni to'ligicha yoki qisman qayta qurilishini bildiradi. Unda yangi qurilish yoki harakatdagi asosiy ishlab chiqarish tseklarini kengaytirish mumkin emas. Rekonstruktsiya ishlarini amalga oshirishda ma'naviy va fizik jihatdan eskirgan uskunalar almashtiriladi. Bu o'z navbatida yangi hozirgi zamon texnologiyasi asosida ishlab chiqarish hajmini ko'paytiradi va uni texnik darajasini oshirish imkoniyatini yaratadi.

Tajriba shuni ko'rsatadiki, industrial rivojlangan iqtisodiyotda yangi qurilish uchun sarflanayotgan xarajatlarning salmog'i, mavjud korxonalarni texnik jihatdan qayta qurollantirish va rekonstruktsiya qilish uchun sarflanayotgan xarajatlar salmog'idan kamroq bo'ladi.

Davlatni bu yo'nalishda olib borayotgan **investitsiya siyosati** texnologik tarkibni takomillashtirishda ijobiy ta'sir ko'rsatadi. Chunki kapital qo'yilmalar tarkibida asosiy fondlarning aktiv qismiga xarajatlar sarflanishi maqsadga ko'proq muvofiqdir.

Tarkibiy qayta qurish muammolarini hal qilinishi yangi tarmoqlarni yaratilishi hamda mavjud korxonalarni texnik jihatdan qayta o'rullantirish masalasini yechilishi-Respublikada mustaqillik yillarida misli ko'rilmagan darajada qurilish ishlarini olib borish imkonini berdi.

Mamlakat iqtisodiyotiga kapital qo'yilmalarni ajratish sezilarli darajada ko'paydi. Agarda O'zbekistonda 1996 yil kapital qo'yilmalarning xajmi 166,5 mlrd.so'mga teng bo'lgan bo'lsa, 1999 yilda 369,7 mlrd.so'mni, 2011 yilda esa 718291,3 mlrd.so'mni tashkil qildi. Kapital qo'yilmalarning umumiy tarkibida asosiy fondlarning aktiv qismi uchun sarflanayotgan xarajatlar oshib borayapti.

Kapital qo'yilmalarning tarmoq tarkibi iqtisodiyotning tarmoqlari va sohalarida foydalanilayotgan kapital investitsiyalar salmog'ini va hajmini ifodalaydi.

Tarmoq tarkibi, eng avvalo, mablag'larni ishlab chiqarish va noishlab chiqarish ob'ektlari bo'yicha taqsimlanishini, undan so'ng tarmoq sohalarini, ya'ni sanoat, qishloq xo'jaligi, transport va aloqa, uy-joy va hokazolar bo'yicha taqsimlanishini konkretlashtiradi. Investitsiyalarni tarmoqlararo tarkibi ma'lum davrda hal qilinadigan vazifalarni xarakteridan va ularning ustuvorligidan kelib chiqqan holda aniqlanadi.

Iqtisodiyot tarmoqlarini isloh qilishning boshlanish davrida investitsiya mablag'lari ishlab chiqarish sohalariga ko'proq ajratilgan.

Keyingi yillarda kapital mablag'larning tarmoqlari bo'yicha taqsimlanishida noishlab chiqarish sohalariga, xususan, uy-joy, kommunal tarmoqlariga, ta'lim va sog'liqni saqlash sohalariga ham e'tibor kuchayib borayapti. 2012 yilda iqtisodiyotimizga 11 mlrd. 700 mln.dollar miqdorida ichki va xorijiy investitsiyalar jalb etildi yoki 2011 yilga nisbatan 14%ga o'sdi.

CHet el investitsiyalari ko'paydi. Masalan, 2012 yilda ularning salmog'i 2 mlrd. 500 mln.dollarni tashkil qilib, kapital qo'yilmalarning tarkibida 22% dan ko'prog'ini tashkil qildi. Bu o'z navbatida ishlab chiqarish ob'ektlarini rekonstruktsiya qilishni va texnik jihatdan qayta qurollantirishni kengaytirish uchun qulay imkoniyat yaratildi. Kadrlar tayyorlash milliy dasturiga asosan akademik litsey, professional kollejlarda qurilish uchun markazlashtirilgan investitsiyalarning salmog'i sezilarli darajada ko'paydi.

Kapital qurilmalarning hududiy tarkibi kapital qo'yilmalarning tumanlar, viloyatlar va iqtisodiy regionlar bo'yicha taqsimlanishini bildiradi. Bu masalani hal qilishda iqtisodiyot hududiy tarkibini takomillashtirish vazifalari asosida hal qilinadi.

Ishlab chiqarish va noishlab chiqarish fondlarini ishga tushirish hisob-kitoblari kapital qo'yilmalarning taqsimlanishi bilan chambarchas bog'liq bo'lishi ksrak. Kapital qo'yilmalarga bo'lgan talab zarur bo'lgan ishlab chiqarish quvvatlari, asosiy fondlarni ishga tushirish asosida aniqlanadi.

Talab ishlab chiqarish va noishlab chiqarish sarflari bo'yicha alohida aniqlanadi. Ishlab chiqarish sohasida kapital qo'yilmalarga bo'lgan talab alohida. Bir xil mahsulot ishlab chiqaradigan tarmoqlarda va nomenklaturasi keng bo'lgan tarmoqlarda hisoblanadi.

Bir xil mahsulot ishlab chiqaradigan tarmoqlarda kapital qo'yilmalar hajmi quyidagi formula bilan aniqlanadi:

$$K=K_{ud} \Delta K,$$

bu yerda: K- kapital qo'yilmalar;

K_{ud} - kapital qo'yilmalarning salmog'i (ya'ni bir birlik quvvatni o'sishini ta'minlovchi kapital qo'yilmalar);

ΔK - Yangi qurilish va kengaytirish hisobiga quvvatlarning o'sishi, ya'ni quvvatlarga bo'lgan qo'shimcha ehtiyoj.

Kapital qo'yilmalar hajmiga bo'lgan umumiy talab harakatdagi quvvatlarni ishga tushirishga, texnik jihatdan qayta qurollanishiga, yangi ishlab turgan korxonalarni kengaytirish, prognozlashtirish davrda kiritilgan hamda avval ishga tushirilgan ob'ektlar ishlarini tamomlash va prognozlashtirish yilinish oxirida qurilish zadeline tashkil etish uchun kapital qo'yilmalarni summasi sifatida aniqlanadi.

Noishlab chiqarish sohasidagi tarmoqlarda kapital qo'yimalarga bo'lgan talab shu soha korxonalari sonini kengaytirish va kapital qo'yilmalar salmog'iga bo'lgan talab asosida aniqlanadi. Masalan, savdoda savdo maydonining o'sishi va kapital qo'yilmalar salmog'i asosida, tabobatda kasalxonalardagi o'rinlar sonining o'sishi va kapital qo'yilmalar salmog'i asosida va hokazo.

Kapital qo'yilmalarning **asosiy manbai milliy daromadning jamg'arma fondi hisoblanadi**. Hozirgi vaqtda kapital qo'yilmalarning asosiy **moliyaviy manbalari quyidagicha**.

- Korxonaning o'z mablag'lari, byudjet, kredit, aholining mablag'lari, chet el investitsiyalari va hokazo.

Kapital qo'yimlarining iqtisodiy samaradorlik ko'rsatkichlari ikki guruhga bo'linadi:

1. Umumiy mutlaq samaradorlik ko'rsatkichlari.

2. Kiyosiy samaradorlik ko'rsatkichlari.

Umumiy mutlaq samaradorlik ko'rsatkichlari quyidagicha aniqlanadi:

III. **Milliy iqtisodiyot miqyosida**, respublika va tarmoqlar bo'yicha samaradorlik (E_{nx}) quyidagicha aniqlanadi:

$$\mathcal{E}_{nx} = \frac{\Delta D}{K}$$

bu yerda: ΔD – milliy daromadning o'sishi;

K – kapital qo'yilmalar.

IV. **Alohida tarmoqlar bo'yicha:** (E_{ox})

$$\mathcal{E}_{ox} = \frac{\Delta \Pi}{K} \quad \text{yoki} \quad \frac{\Delta \Pi}{K}$$

bu yerda: $\Delta ACHP$ – sof mahsulotning o'sishi;

ΔP – foydaning o'sishi;

K – kapital qo'yilmalar.

3. Majmuiy dasturlar, texnik-iqtisodiy muammolar, alohida loyihalanayotgan korxonalar, **ob'ektlar, tadbirlar** bo'yicha: (E_{ux})

$$\mathcal{E}_{yx} = \frac{II - C}{100}$$

bu yerda: TS-yillik mahsulot ishlab chikarish hajmi;

S-mahsulot tannarxi.

V. **Tarmoqlar, korxonalar bo'yicha:** (E_r)

$$\mathcal{E}_p = \frac{C_1 - C_2}{K}$$

bu yerda: S_1 - S_2 -kapital qo'yilmalar kiritilguncha va kiritilgandan keyingi mahsulot tannarxi.

VI. Qiyosiy samaradorlik ko'rsatkichlari.

Bu ko'rsatkichlar har bir variantdagi minimumga keltirilgan xarajatlardir. Bu quyidagicha hisoblanadi:

$$C_1 + E_n K_1 \longrightarrow \min$$

bu yerda: S_1 -joriy xarajatlar;

K_1 - i varianti bo'yicha kapital qo'yilmalar.

Agarda qiyoslanayotgan variantlarda kapital qo'yilmalar xar xil vaqtlarda amalga oshirilsa, bunday sharoitda variantlyar keltirilgan koeffitsientlar bo'yicha aniqlanadi:

$$B = \frac{1}{(1 + E_{un})^t}$$

bu yerda: Ye_{ip} - har xil vaqtlarda xarajatlarni keltirish normativi;

t – mablag'larni ishga tushirishdan samara olgungacha bo'lgan vaqt.

Masalan: Tarmoq bo'yicha kapital qo'yilmalar samaradorligining normativ koeffitsienti 0.20²⁰

13-jadval

Variant	Variantlar bo'yicha smeta qiymati	Iil ichida ishlab chiqarilgan mahsulotning tannarxi	SHartli xarajatlar
I	6,2	5,5	6,74 (5,5-0,2 0,6)
II	6,8	5,0	6,36 (5-0,2 0,8)
III	7,4	4,5	5,94 (4,5-0,2 7,4)

Jadvaldan ko'rinib turibdiki, iqtisodiy nuqtai nazardan SH variant maqsadga muvofiqdir.

6.4. Transport, yo'l xo'jaligi va aloqa

Iqtisodiyotni izchil va barqaror taraqqiy ettirish infratuzilmani jadal rivojlantirish hamda yagona transport tizimi va telekommunikatsiya tarmog'ini shakllantirish bilan uzviy bog'liqdir. SHuningdek, infratuzilmani kengaytirish yangi ish o'rinlari yaratish va aholining bandlik darajasini oshirish kabi ijtimoiy ahamiyatga molik masalalarni hal etishda ham muhim ahamiyat kasb etadi.

O'zbekiston Respublikasida umumiy foydalaniladigan yuk va yo'lovchilar tashuvchi transportning barcha turi - temir yo'l, avtomobil, aviatsiya, shahar elektr transporti (tramvay, trolleybus, metropoliten), daryo, truboprovod transporti, shuningdek umumiy foydalanilmaydigan (sanoat) transporti - temir yo'l, avtomobil, tasmali transport, osma arqon transporti mavjud.

Mamlakat yalpi ichki maxsulotining 12,4 foizi transport tarmoqlariga to'g'ri keladi. Transport sohasida YaIMning 63,2% nodavlat va 36,8 % davlat sektori xissasiga to'g'ri keladi. 2011 yilda 1269,0 mln.tn yuk va 6311,8 mln passajir tashilgan. Transport tarmoqlarida band bo'lgan ishchi-xizmatchilarning o'rtacha yillik soni 594,7 ming kishini, yoki respublikada band bo'lgan ishchi-xizmatchilarning 5,1%ga yaqini faoliyat ko'rsatayapti. Mustaqillikkacha respublika transportining asosiy turlari sobiq Ittifoqning Markaziy vazirliklariga yoki ularning O'rta Osiyo, O'zbekiston bo'yicha hududiy boshqarmalariga bo'ysungan: temir yo'l transportiga O'rta Osiyo temir yo'l boshqarmasi, suv transportiga O'rta Osiyo davlat paroxodchiligi boshqarmasi, havo transportiga Ittifoq fuqaro aviatsiya vazirligining O'zbekiston Fuqaro aviatsiyasi boshqarmasi, umumiy foydalanishdagi avtomobil transportiga avtomobil transporti vazirligi rahbarlik qilgan.

²⁰ Бозор муносабатлари шaroitida миллий иқтисодиётнинг ривожланиши. Т. Ўқитувчи 1996 й. 66-67 бетлар

Respublika mustaqillikka erishganidan keyin transportning faoliyatini tubdan yaxshilash va transport tizimini boshqarish tizimini takomillashtirish maqsadlarida «O'zbekiston havo yo'llari» milliy aviokompaniyasi (1992), «O'zbekiston avtomobil transporti» («Uzavtotrans») davlat aktsiyadorlik korporatsiyasi (1993), «O'zbekiston temir-yo'llari» davlat-aktsiyadorlik kompaniyasi (1994) va boshqa mahkamalar tashkil etildi. Mamlakatda transport korxonalari davlat ishtirokidagi aktsionerlik kompaniyalari, korporatsiyalari, ochiq turdagi aktsionerlik, mas'uliyati cheklangan jamiyatlarga, jamoa korxonalariga aylantirildi.

Respublikada avtotransport vositalarining bir qismi (avtobuslar, yuk va yengil mashinalar) jamoa xo'jaliklari, fuqarolarning mulki. Sanoat va qishloq xo'jaligida ishlab chiqarishning o'sishi, keng miqyosdagi kapital qurilishi transport moddiy- texnika bazasining yuksalishi bilan yuk va yo'lovchilar tashish hajmlari ham orta boradi. Respublikaning umumiy yuk oborotida transport turlarining salmog'i ham o'zgardi. Bugungi kunda umumiy foydalanishdagi va sanoat transporti turlarida yuk va yo'lovchilarning asosiy qismi avtomobil transportida tashiladi (yuklarning 70%; yo'lovchilarning esa 30% i).

2011 – 2015 yillarda transport tizimini rivojlantirish dasturi doirasida O'zbek milliy avtomagistrali, mintaqaviy va mahalliy ahamiyatga molik yo'llardan iborat mamlakatimiz avtomobil yo'llarining yagona tarmog'ini shakllantirish borasidagi ishlar davom ettiriladi. Bu esa, o'z navbatida, davlatimizning barcha hududlarini transport kommunikatsiyasi bilan ishonchli tarzda o'zaro bog'lash, transport xarajatlarini qisqartirish, yuk va yo'lovchi tashish samaradorligini oshirish imkonini yaratadi. Asosiy avtomobil yo'llarini qurish va rekonstruktsiya qilishda 4 polosali harakatni yo'lga qo'yish, yo'llar yuzasiga zamonaviy asfaltbeton va tsement-beton qoplamalar yotqizish, yo'l o'tkazgichlar qurish bo'yicha eng ilg'or xalqaro standartlar joriy qilinadi.

2010 yilda qabul qilingan 2011 – 2015 yillarda infratuzilmani, transport va kommunikatsiya qurilishini rivojlantirishni jadallashtirish dasturi tsementbeton qoplamali xalqaro va respublika ahamiyatiga molik yo'llarning uzunligi 2010 yilga taqqoslaganda 3,1 barobar, birinchi toifaga kiradigan avtomobil yo'llarining 4 polosali uchastkalari 1,9 barobar ko'payishi, ularning O'zbek milliy avtomagistrali tarkibidagi ulushi 2010 yildagi 47,4 foizdan 2015 yilga borib 88,3 foizga o'sishini ko'zda tutadi.

Avtomobil yo'llar tarmog'ini rivojlantirish borasidagi chora-tadbirlarning amalga oshirilishini ta'minlash maqsadida 700 dan ortiq yo'l-qurilish texnikasi xarid qilish ko'zda tutilmoqda. Buning natijasida yo'l qurish va ta'mirlash ishlari bilan shug'ullanadigan xizmatlarning zamonaviy texnika bilan jihozlanish darajasi 2015 yilda hozirgi vaqtdagi 39 foizdan 58 foizga yetadi.

2011 – 2015 yillarda temir yo'l infratuzilmasini rivojlantirishning eng muhim yo'nalishlari poezdlar nisbatan serqatnov bo'lgan uchastkalarni elektrlashtirish orqali ularning samaradorligini oshirish, lokomotivlar parkini yangilash, yuk vagonlarini ta'mirlash bazasini kengaytirish va yangi vagonlar qurish, boshqaruv tizimini modernizatsiya qilish, shuningdek, xizmat ko'rsatish, yo'lovchilarni manziliga tez va qulay sharoitlarda yetkazish sifatini yanada oshirishdan iborat.

Respublikaning transport tizimi **temir yo'l**, avtomobil yo'llari, zamonaviy uskunalar bilan jihozlangan **vokzallar, stantsiyalar, yuk omborlari, pristanlar**, havo flotining yirik **aerovokzallari** va boshqa infrastruktura bo'linmalarini qamrab oladigan murakkab iqtisodiyot majmuini tashkil etadi. Oxirgi yillarda respublika transporti majmui yaxshi rivojlanmoqda. Fikrimizni dalili sifatida, 2011 yilda transport va kommunikatsiya qurilishiga Osiyo taraqqiyot banki, Islom taraqqiyot banki, Quvayt – arab iqtisodiy hamkorlik jamg'armasi va OPEK jamg'armasi tomonidan 152 mln. dollardan ortiq mablag' ajratilganini etishimiz mumkin.

Temir yo'l transporti. Temir yo'l transportining yo'lovchilar hamda yuk tashishdagi salmog'i kattadir.

O'zbekistonda dastlabki temir yo'l 1886-88 yillarda Forob stantsiyasidan Samarqandgacha yetkazilgan (Krasnovodsk-CHorjo'y temir yo'lining davomi). Bu temir yo'l 1895-1897 yillarda Qo'qongacha, 1899 yilda Toshkentgacha yetkazildi. 1906 yilda Toshkent-Orenburg temir yo'li

ishga tushdi.

1994 yil noyabrda «O'zbekiston temir yo'llari» DAK tashkil etildi. U 50 mingdan ortiq turli tipdagi yuk vagoni, refrejeratorlarga, yo'lovchilar tashiladigan vagonga ega. Kompaniyaning temir yo'ldan foydalanishga mas'ul bo'lgan Toshkent, Farg'ona, Buxoro, Orol bo'yi, Qarshi temir yo'l bo'limlari bor.

O'zbekiston mustaqillikka erishganidan so'ng Kamchiq davoni orqali Farg'ona vodiysiga, 341km.lik Navoiy-Uchquduq-Sulton Uvaystog'-Nukus temir yo'li orqali mamlakatimizning markaziy xududlari bilan bog'lashga erishildi. 233 kmlik G'uzor-Boysun-Qumqo'rg'on temir yuli qurilishi temir-beton ko'priklaridan iborat bo'lib, dengiz sathidan 1200 m balandda. Umumiy qiymati 447 mlrd. so'mni tashkil qilib, 25 mln. marta portlash ishlari olib borilgan. SHu yo'ldan Afg'oniston va Eron davlatlari orqali Fors ko'rfazi portlariga chiqish rejalashtirilgan. Bu yo'llarda jahon standartlarga javob beradigan zamonaviy poezdlar qatnovi yo'lga qo'yildi.

Respublika quruvchilari uzunligi 133 km bo'lgan Tajang-Saraxs yo'lini qurishda faol ishtirok etayapti. O'zbekiston temir yo'li kelajakda bu katta yo'lining markaziy bo'g'ini bo'lib qoladi. Bu yo'ldan Buxoro-Beynov orqali Yevropaga, Tajang-Saraxs orqali yaqin sharq mamlakatlariga chikish imkoniyati vujudga keladi.

Respublikada hozir temur yo'l tarmoqlarini elektrlashtirish loyihalarini izchillik bilan amalga oshirilmoqda. Bu ishlar poezdlardan foydalanish xarajatlarini 20% ga kamaytirish, yo'lovchi va yuk tashish tezligini 1,3 barobar oshiradi hamda 830 km.lik "Toshkent-Termiz" temir yo'lini to'liq elektrlashtirish imkonini beradi.

2012 yilda uzunligi 240 km. bo'lgan temir yo'lni qayta tiklash uchun ishlar davom ettirildi. Uzunligi 70 km.dan ortiq bo'lgan "Dashtobod-Jizzax" temir yo'li tarmog'i ishga tushirildi.

Tashiladigan yuklarning asosiy qismini qurilish materiallari, paxta tolasi, neft va neft mahsulotlari, g'alla, tsement, kimyoviy maxsulotlar va mineral o'g'itlar, ko'mir, sabzavot va boshqa yuklar tashkil etadi. Yuk tashishda teplovozlar, yo'lovchilar tashishda teplovoz va elektropoezdlar xizmat ko'rsatadi. O'rta hisobda har yili temir yo'l transportida 15,0 mln.dan oshiq yo'lovchi tashiladi. Yo'lovchilarga xizmat ko'rsatishda, ayniqsa, shaharlar atrofidagi qatnovda elektropoezdlardan tobora kengroq foydalanilmoqda. Yo'lovchi tashish lokomotivlari parkini yaxshilash, yuk tashish, vagonlarni modernizatsiya qilish, qayta tiklash asosida Ispaniyaning "TALGO" kompaniyasi bilan Toshkent-Samarqand yunalishida tezyurar magistral yakuniga yetkazildi. Umumiy foydalanishdagi temir yo'llar uzunligi 4227 km ni tashkil etadi.

Avtomobil transporti. Respublika iqtisodiyotining barcha tarmoqlari va mamlakat aholisi ehtiyojlarini qondirish darajasida rivojlangan avtomobil transportiga egadir. Sanoat, qishloq xo'jaligi, qurilish, suv xo'jaligi, aloqa, savdo, sog'liqni saqlash, kommunal xo'jaligi, madaniyat, mudofaa va boshqa tarmoqlarda ixtisoslashtirilgan yirik avtotransport korxonalari mavjud.

1991 yildan shu kunga qadar mamlakatimizda qariyb 3000 km.dan oshiq yo'l yangidan qurildi, rekonstruktsiya qilindi va tubdan ta'mirlandi. (bu yo'llarning qariyb 70-80%i yangi qurilgan yo'llar hisoblanadi) har yili o'rtacha 200 km avtoyo'llar quriladi va ta'mirlanadi.

2012 yilda 500 km.lik 4 polosali zamonaviy avtomobil yo'llarini qurish va rekonstruktsiya qilish ishlari yakunlandi. SHundan 163 km tsement-beton va 335 km esa asfalt-beton bilan qoplangan yo'llardir.

Uzunligi 116 km bo'lgan "Guliston-Ohangaron" avtomobil yo'li, Qo'qon shahrini aylanib o'tadigan avtoyo'l foydalanishga topshirildi. Samarqandni Toshkent, Qarshi va Olot shaharlari bilan bog'laydigan yo'llar rekonsturktsiya qilindi.

Xalqaro va davlat ahamiyatiga ega umumiy foydalaniladigan avtomobil yo'llarini qurish va ta'mirlash dasturini bajarish doirasida yo'l qo'rilishiga har yili 500 mlrd. so'mdan ortiq mablag' ajratiladi. "Qamchiq davoni" orqali 5 mln. tonna yuk tashishni ta'minlash ko'zda tutilmoqda.

"Angren logistika markazi" tashkil qilindi. "Logistika" degan tushuncha – bu xalqaro yuklarni tashish va tranzit xizmatini ko'rsatish bilan bog'liq termin qo'llanilayotganligini va amalda tadbiq topayotganligi yuk va yo'lovchi tashish xajmini o'sganligidan dalolat beradi.

1992 yil fevralda O'zbekiston avtomobil yo'llarini qurish va undan foydalanish davlat

aktsionerlik kontserni "O'zavtoyol" tashkil topgan. Kontsern tarkibida Qoraqolpog'iston Respublikasi va viloyat avtomobil yo'llari boshqarmalari, tuman avtomobil yo'llari boshqarmalari, 532 yo'llarni asrash va ulardan foydalanish bo'limlari, «O'zyo'loyiha» respublika yo'l va inshootlar qurish, qayta qurish va ta'mirlash bo'yicha loyiha-qidiruv instituti, ko'priklar temir-beton qurilmalari zavodi va boshqa korxonalar bor.

2010 yil avtomobil yo'llarini qurish va rekonstruktsiya qilish uchun 378 mln. dollarga yaqin mablag' o'zlashtirildi, bu o'tgan yilga nisbatan 31.5 % ko'p, shuni hisobidan 270 kmlik zamonaviy avtomobil yo'li foydalanishga topshirilgan.

Respublikada umumiy foydalaniladigan avtomobil transportida yo'lovchilar tashishga mo'ljallangan 15,0 ming avtobus, 6 mingdan ko'proq yengil taksi mashinalari mavjud. Respublika bo'yicha 3000 dan ortiq avtobus marshrutlarida (jumladan 593 shahar, 1768 shahar atrofi, 532 shaharlararo) avtobuslar qatnaydi. Avtobuslar bilan har kuni 5 mln. ga yaqin yo'lovchi tashiladi. Respublikada 30 ga yaqin avtovokzal, 120dan ortiq avtostantsiya xizmat ko'rsatadi.

O'zbekistonda turli maqsadlarga mo'ljallangan 200 mingga yaqin yuk avtomobillari, 35,4 ming avtobus, 45,9 ming yengil avtomobillar xizmat ko'rsatadi. Respublikada fuqarolarning shaxsiy mulki bo'lgan 900 mingdan ortiq yengil avtomobillar bor.

Avtomobil yo'llari. Respublika rivojlangan yo'l xo'jaligi va zamonaviy talablarga javob beradigan xalqaro, respublika, mahalliy ahamiyatga ega bo'lgan avtomobil yo'llariga ega.

Respublika mustaqillikka erishganidan keyin mavjud avtomobil yo'llarini xalqaro andozalarga moslash, yo'llarni saqlash va ta'mirlash, yangi barpo etilayotgan sanoat rayonlarini xalqaro magistral bilan bog'laydigan yo'llar qurilishi masalalariga e'tibor kuchaydi. Bu borada O'zbekiston Xitoy va Pokistonga chiqish imkoniyatini beruvchi Andijon-O'sh-Ergashtom-Qashqar avtomobil yo'lini ishga tushirishdi (1997 yil 21 iyul), **Xind okeaniga chiqish imkonini beradigan Termiz-Xirot-Karachi avtomobil yo'li qurilishida o'z ulushi bilan qatnashmoqda. SHuningdek Buxoro-Nukus avtomobil yo'lini qurish davom etayapti.**

Xavo transporti. O'zbekiston jahondagi ko'p mamlakatlarning poytaxtlari, yirik shaharlar, sanoat markazlari bilan havo yo'llari orqali bog'langan.

Respublika havo transporti – fuqaro aviatsiyasi tarixi 1920 yillardan boshlanadi. 1930 yildan Toshkent-Moskva yo'lida samolyotlar muntazam qatnay boshladi.

Respublika mustaqillikka erishgandan keyin, 1992 yil yanvar oyida «O'zbekiston havo yo'llari» milliy aviakompaniyasi tashkil etildi.


Respublikaning, ayniqsa, xorijiy mamlakatlar bilan tashqi iqtisodiy, turistik aloqalarini yo'lga qo'yishda mamlakatning o'z havo transporti muhim rol o'ynamoqda. «O'zbekiston havo yo'llari»ning bir qancha Yevropa va Osiyo, Amerika mamlakatlarida vakolatxonalari ochildi; yangi xalqaro marshrutlarda samolyotlar qatnovi yo'lga qo'yildi: 1993 yildan Toshkentdan MDHdan tashqari London, Manchester, Frankfurt-Mayn, Tel-Aviv, SHarja, Jidda, Istanbul, Karachi, Dehli, Kuala-Lampur, Bangkok, Pekin, Afina, Amsterdam, Seul va Nyu-York shaharlariga muntazam xalqaro aviareyslar, Xalab (Aleppo), Singapur hamda Osiyo va Yevropaning ko'pgina mamlakatlariga charter yo'lovchi tashish reyslari bajariladi.

«O'zbekiston havo yo'llari» milliy aviakompaniyasi Germaniya, Frantsiya, Rossiya firmalari bilan turli sohalarda hamkorlik qilmoqda.

«O'zbekiston havo yo'llari» xilma-xil tipdagi havo kemalariga ega. Havo transporti tarmoqlarida yangilash ishlari davom ettirilmoqda 2010 yil "Air bus industry" kompaniyasining 6 ta A 320 – 200 rusumli samalyoti sotib olindi. SHu yilda "O'zbekiston havo yo'llari" milliy aviakompaniyasi "Korean Air" kompaniyasi bilan hamkorlikda havo qatnovlari geografiyasini yanada kengaytirish, aeroport infratuzilmasini yanada takomillashtirish va yuklarni tashish uchun samolyotlar sonini ko'paytirish ishlarini davom ettirmoqda.

Navoiy xalqaro intermodal logistika markazi yangitdan shakllangan yuk terminali orqali 50,1 ming tonna 2009 yilga qaraganda 3 barobar ko'p yuk tashildi.

«O'zbekiston havo yo'llari» milliy aviakompaniyasi tarkibida **12 zamonaviy aerovokzal (aeroport) bor** (Toshkent, Samarqand, Andijon, Buxoro, Navoiy, Namangan, Nukus, Termiz, Urganch, Farg'ona, Qarshi, Qo'qon shaharlarida).



Suv transporti. 20-asr boshlarida Amudaryo va Orol dengizida suv yo'llari bo'ylab yuklar va yo'lovchilarning ancha qismi tashilgan. 1924 yilda kema va kayiklar qatnaydigan suv yo'llarining umumiy uzunligi 887 km edi. Amudaryo harbiy floti, «Xiva», «Merkuriy» aktsiyadorlik jamiyatlari kemalarida, shuningdek xususiy kayiklarda yo'lovchilarga xizmat ko'rsatilgan, zarur yuklar tashib berilgan. O'sha davrda O'rta Osiyo suv yo'llarida umumiy yuk ortish quvvati 7 ming tonna bo'lgan 20 kema va 50 barja, umumiy yuk ortish quvvati 24 ming tonna bo'lgan 1500 qayiq bor edi. **1980 yilda O'zbekistonda suv yo'llarining umumiy uzunligi 2800 km.ga yetdi.** Amudaryo Panj (Tojikiston) bandargohidan Mo'ynoqqa qadar paroxodlar qatnovi amalga oshirildi. Hozirda mavjud suv yo'llarining uzunligi 825 km ni tashkil etib, daryo harbiy flotiga xizmat qiladi.

SHahar yo'lovchilari tashish transporti. 2010 yil Toshkent shahrida 444 mln. yo'lovchi tashildi, kuniga 1,8 mln kishi tashildi. 150 yo'nalish bo'yicha 1500ta avtobus 120 ta tramvay va 210ta metro vagonlari yo'lovchilar xizmatida. SHu bilan birga 25 yo'nalish bo'yicha marshrut qatnaydi.

Trolleybus qatnovi 1997 yilda Xivaning 2500 yilligini nishonlash arafasida Urganch shahrida aeroport bilan temir yo'l vokzalini bog'laydigan trolleybus yo'li va 25 km.li Urganch-Xiva trolleybus yo'li ishga tushirildi va faoliyat yuritmoqda.

Tramvay Toshkent shahrida rivojlangan. Tramvay yo'llarining umumiy uzunligi 293,1 km. Toshkent shahrining o'zida tramvay bir kunda 1 mln.dan ortiq yo'lovchilarga xizmat ko'rsatadi.

Avtomobil yo'lovchilarga xizmat qilishda muhim o'rinda turadi. 85 shahar va shaharlarda ichki shahar avtobus va yengil taksi qatnovi yo'lga qo'yilgan, shaharlarda 670 dan ortiq marshrutda avtobuslar qatnaydi. Yo'lovchilar umumiy hajmining 70% dan ko'prog'i avtobus va yengil hamda mikroavtobus taksilarga to'g'ri keladi.

Metropolitan yo'lovchilarga xizmat ko'rsatishda tobora katta ahamiyat kasb etmoqda. Respublikada metro qurilishi Toshkent shahrida 1972 yilda boshlandi. **Uning uzunligi 12,2 km bo'lgan «Olmazor»- «Buyuk Ipak yo'li» stantsiyalari navbati** 1977 yil 6 noyabrda, 4,6 km.li 2-navbati 1980 yil 18 avgustda ishga tushirildi. Toshkent metropolitening **ikkinchi yo'li «CHkalov»- «Beruniy» stantsiyalari** 1984-91 yillarda 4 navbat bilan bosqichma-bosqich foydalanishga topshirildi (**uzunligi kariyb 15 km**). Toshkent metropolitenining 3-yo'li shahar markazini Yunusobod dahasi bilan boglaydi. **Uzunligi 14 km. Metropolitenda sutkasiga o'rtacha 270-300 ming yo'lovchi tashiladi.**

Quvur transporti. O'zbekistonda birinchi 20 km uzunlikdagi nefteprovod 1908 yil CHimyon neft konidan Vannovsk (hozirgi Oltiariq) neftni qayta ishlash zavodiga tortilgan. Keyinchalik Farg'ona vodiysi, Surxondaryo viloyatidagi yangi neft konlari ochilishi bilan transportning bu turi jadal rivojlantirildi. Neft konlaridan Farg'ona va Oltiariq neftni qayta ishlash zavodlariga umumiy uzunligi 228,5 km bo'lgan nefteprovodlar qurildi. Respublika janubida-Surxondaryo viloyatida 1947 yil Lalmikor-Qumqurg'on, va 1969 yil Amudaryo-Amu-Zang liniyalari qurildi (umumiy uzunligi 40 km). Qashqadaryo viloyatida yangi neft konlari ochilgandan keyin 1977 yil G'arbiy Toshloq-Qashqadaryo stantsiyasi (3,3 km), SHimoliy O'rtabuloq-Oltinugurt zavodi (72 km) nefteprovodlari ishga tushirildi. 1994-97 yillarda uzunligi 100 km bo'lgan Ko'kdumaloq-Buxoro neftni qayta ishlash zavodi nefteprovodi qurilib ishga tushirildi. Farg'ona neftni qayta ishlash zavodini xom ashyo bilan uzluksiz ta'minlashga

xizmat qiladigan Qamchiq dovoni orqali o'tadigan Xonobod-Angren nefteprovodi qurilishini loyihalash ishlari tugatildi. Buxoro, Qashqadaryo viloyatlarida ulkan gaz konlarini topilishi va ishga tushirilishi bilan O'zbekistonda **gazoprovod transporti** ham rivoj topdi.

Transport tarmog'ining asosiy vazifasi milliy iqtisodiyotning yuk tashish va passajir tashishga bo'lgan talabini qondirishdan iborat. Bu vazifani bajarish uchun, eng avvalo, **yuk tashish hajmini aniqlash va uni transport turlari o'rtasida oqilona taqsimlash kerak bo'ladi.**

Yuk tashish hisob-kitoblarida quyidagi ko'rsatkichlardan foydalaniladi: tashiladigan yuklarning hajmi, yuk tashishning o'rtacha masofasi, yuk oborotining hajmi.

Tashiladigan yuklarning hajmini aniqlash uchun normativ yoki umumlashtirilgan hisob-kitoblar hamda balans usullaridan foydalaniladi.

Birinchii usul asosan tashiladigan yuklar hajmini aniqlashning dastlabki bosqichlarida qo'llaniladi. SHu koeffitsient yuklarning alohida turlari bo'yicha hisoblanadi va bundan avvalgi yillardagi tashilgan yuklar shu mahsulotni iulab chiqarish hajmiga bo'linadi. Masalan, 2002 yilda O'zbekistonda 3292,5 mln. tonna ko'mir qazib olingan, bundan 3087,7 mln. tonna tashiladigan bo'lsa, yuk tashish koeffitsienti

$$K = \frac{3087.7}{3292.5} = 0.94 \text{ ни ташкил этади.}$$

Masalan, 2003 yilda 3384,2 mln. tonna ko'mir qazib olinadigan bo'lsa, bunda tashiladigan yuklarning hajmi quyidagicha topiladi ($3384,2 \times 0,94 = 3181,15$ mln. tonna).

Yuklarning barcha turlari bo'yicha **tashiladigan yuklar hajmi aniqlanib milliy iqtisodiyot bo'yicha umumiy lashtiriladi.**

Xisoblangan **summaning to'g'riligini isbotlash uchun balans usulidan foydalaniladi.** Bu usulni qo'llash balans hisob-kitoblar tizimiga va eng avvalo **mahsulotni ishlab chiqarish va iste'mol qilish balansiga asoslanadi.**

Tuman ishlab chiqarish va iste'mol balanslari ishlab chiqilgandan keyin mas'ul tashkilotlar tomonidan respublikaga tashib kelinadigan va tashib ketiladigan yuklarning umumiy hajmi **transportning yig'ma balansi yordamida aniqlanadi.** Tashib ketiladigan yuklarning hajmi aniqlab berilgandan keyin **yuk tashishning o'rtacha masofasini aniqlanadi.** **O'rtacha masofa tumanlararo balans yoki shaxmat shaklidagi balans yordamida aniqlanadi.**

Tashiladigan yuklarning hajmi:

$$\sum P = 305 + 600 + 400 = 1305 \text{ mln. t.}$$

O'rtacha masofa:

$$\ell_{ypm} = \frac{(305 \times 50) + (600 \times 67) + (400 \times 30)}{1305} = 60,88 \text{ км}$$

ya'ni:

$$\ell_{ypm} = \frac{\sum P \cdot \ell}{\sum P}$$

bu yerda:

R – iste'molchilar va yukni tashib beruvchilar o'rtasidagi masofa;

ℓ - tashib kelinadigan yukning xajmi.

Mahsulot ishlab chiqarishdan iste'molchilarga olib borishdagi transport **xarajatlari kam bo'lishi kerak.** Bu masalani yechishda ayrim shart-sharoitlarga amal qilish kerak.

1. Ma'lum bir punktdan jo'natiladigan yukning miqdori shu punktda ishlab chiqarilgan mahsulotlarning hajmiga teng bo'lishi kerak.

2. Barcha jo'natiladigan joylardan ma'lum punktga keladigan mahsulotning hajmi shu punktning ehtiyojini qondirishi kerak.

Tashiladigan yukning hajmi manfiy bo'lmاسligi kerak (0 ga teng yoki undan katta bo'lishi kerak)

Bunda transport masalasini yechish iste'molchilar bilan mahsulot ishlab chiqaruvchilar orasidagi aloqani qulay ravishda talab etishga imkon beradi va tashiladigan yuklar o'rtacha miqdorining kamayishiga olib keladi.

Yuklarning oqimini va ularning tashish masofasini bilish uchun ularga sarflangan xarajatlar miqdorini aniqlash kerak. Bu xarajatlarning eng kam darajasi quyidagicha aniqlanadi:

$$C_i + E_n K_i \rightarrow \min$$

bu yerda:

C_i – tannarx;

E_n – kapital xarajatlar samaradorligini ko'rsatuvchi normativ;

K_i – kapital qo'yilmalar.

Yuk oboroti quyidagi formula yordamida aniqlanadi:

$$\sum Pl = P_1 L_1 + P_2 L_2 + \dots + P_n L_n$$

Prognozashtirish amaliyotida transportning aniq turi va undan foydalanishning maqsadga muvofiq sohasini tanlashda quyidagi hisob-kitoblarning muntazamligi aniqlanadi:

1. Alohida tuman va mintakalar miqiyosida har bir transportning texnik iqtisodiy va ekspluatatsiya xususiyatlari hamda afzalligi aniqlanadi. Har bir transportning afzalligi quyidagi ko'rsatkichlar orqali baholanadi. **Bular yukni yetkazib berish tezligi, yuklarni tashishning qiymati va bahosi, yuk ko'tara olish imkoniyati, transportning harakatchanligi, yuk tashishning uzluksizligi.**

2. Aniqlangan transportning xususiyatlari va afzalligi asosida qo'shimcha kapital mablag' sarflanmasdan yuk tashish hajmini ko'paytirish maqsadida har bir transportning o'tkazish va tashish rezervlari aniqlanadi.

3. Yuk tashishning barcha turlari bo'yicha tashish jarayonlarining tayyorlov va oxirgi operatsiyalarini, ortish, tushirish, boriqqa joyga o'tkazish xarajatlarini hisobga olgan holda to'liq ekspluatatsiya xarajatlari hisoblanadi.

4. Aniqlangan o'tkazish va tashish xususiyatlarini hisobga olgan holda, agarda o'tkazish xususiyatlarining yetishmasligi ma'lum bo'lsa, transportni rivojlantirish uchun kerak bo'lgan kapital mablag'lar hajmi hisoblanadi.

5. Ekspluatatsiya sarfi va kapital mablag'lar xarajatlarining yig'indisini hisobga olgan holda yuklarni transport turlari o'rtasida taqsimlashning qulay varianti topiladi.

Transport ishini ikkinchi asosiy vazifasi, yo'lovchilar tashishni tartibga solish hisoblanadi.

Yo'lovchilarni tashish hajmini aniqlashda shaharlararo va shahar ichidagi **yo'lovchilar hajmi aniqlanadi.** Bularga ta'sir etuvchi asosiy omil aholi daromadlaridir.

Istiqbol va joriy davrlarda yo'lovchilar tashishni aniqlashda quyidagi ko'rsatkichlar ishlatiladi:

Istiqbol davrda: aholining soni; 1 yilda 1 kishiga to'g'ri keladigan yo'lovchi/km; 1 yilda 1 kishiga to'g'ri keladigan iste'mol fondlarining o'sishi;

Joriy davrda: aholining daromadlari haqidagi ma'lumotlar; daromadlarning 1 so'miga to'g'ri keladigan yo'lovchi km.

Aholining transport vositalaridan foydalanishning intensivlik darajasini belgilovchi ko'rsatkich bo'lib aholining **transport qatnovi ko'rsatkichi hisoblanadi.**

Aholining transport qatnovi deganda kishilarning yurish xarakati, qobiliyati tushuniladi. Aholini transport qatnoviga ko'p omillar ta'sir qiladi. Bu aholining daromadlarini o'sishi, bo'sh vaqtning bor bo'lishi, transport ishining yaxshilanishi, savdo markazlarining oshishi va h.k. Bu ko'rsatkich bir kishiga to'g'ri keladigan passajir km. da hisoblanadi.

Aholining transport qatnovini hisoblashda har xil usullardan foydalaniladi. Masalan, aholining joriy davrdagi sonini ko'effitsientga ko'paytirish yo'li bilan aniqlash usuli. Bu usul asosan istiqboldagi ko'rsatkichlarni hisoblashda keng qo'llaniladi. Ko'rsatilgan ko'effitsient aholining real daromadi yoki iste'mol fondining bir kishiga to'g'ri keladigan miqdorini o'sish darajasini ifodalaydi.

Aholining transport qatnovi (P) quyidagi formula bilan aniqlanadi:

$$P = A_{\text{ж}} \cdot K$$

bu yerda:

A_j – aholining joriy yildagi soni;

K – ko'effitsient.

Transportning ishini yanada yaxshilash yuk va yo'lovchilar tashishni tartibga solishda kerakli resurslar bilan asoslashni taqozo qiladi.

Yuk hamda yo'lovchi tashish hajmi faqatgina milliy iqtisodiyotni va aholining talablarigagina emas, balki shu **talablarni qondirish imkoniyatlariga** ham bog'liq. SHuning uchun milliy iqtisodiyot istiqbolida yuk, yo'lovchilar tashishning rivojlanishi faqatgina talab tomonidan emas, balki kerakli xarakatdagi transport vositalari, yoqilg'i va boshqa resurslar tomonidan ham asoslanadi.

Yuk va yo'lovchilar tashishning rivojlanishi kerakli resurslar bilan asoslash jarayonida harakatdagi transportga bo'lgan talab va ularni qondirish imkoniyatlari bilan aniqlanadi.

Transportning har bir turlariga bo'lgan talab tashilishi kerak bo'lgan yuk va yo'lovchilarning hajmiga hamda xarakatdagi tarkibning texnik-ekspluatatsiya ko'rsatkichlariga bog'liq.

Texnik-ekspluatatsiya ko'rsatkichlari xar bir transportning xususiyatiga qarab aniqlanadi. Temir yo'l transporti bo'yicha texnik-ekspluatatsiya ko'rsatkichlariga quyidagilar kiradi:

1. Vagonga to'g'ri keladigan statik va dinamik og'irlik.
2. Poezdning o'rtacha massasi (brutto, netto);
3. Yuk vagonining texnik va uchastka tezligi
4. Vagonning aylanish vaqti;
5. Lokomotivning o'rtacha sutkalik yurishi(km)
6. Yuk vagonining o'rtacha unumdorligi.

Vagonning statik og'irligi (N_c) quyidagi formula bo'yicha aniqlanadi:

$$N_c = \frac{\sum P}{K_v}$$

$\sum P$ -yuklar xajmi;

K_v -yuk ortilgan vagonlar soni.

Vagonning dinamik og'irligi xarakatdagi statik og'irligiga teng. Vagonning aylanish vaqti-bu yuklangandan to ularni bo'shatishgacha bo'lgan vaqt.

Yuk vagonining o'rtacha unumdorligi (P_r) quyidagi formula bo'yicha hisoblanadi:

$$P_r = \frac{N_c + 1_{ypm} \times K}{T_{ypm}}$$

Bu yerda:

N_c - statik og'irlik;

$l_{o'rt}$ - o'rtacha masofa;

K - koeffitsient;

$T_{o'rt}$ - yuk vagonining o'rtacha oborot vaqti.

Yuk tashishga bo'lgan talab harakatdagi tarkibning kerakli soni, Yoqilg'i, elektroenergiya tomonidan ham asoslanishi kerak. Yuk tashishni tartibga solishda transport vositalariga bo'lgan talabni aniqlashga, undan foydalanishni yaxshilash yo'llarini belgilashga katta ahamiyat beriladi.

Yuk vagonlariga bo'lgan talabni (P_v) aniqlashda quyidagi formula qo'llaniladi:

$$\Pi_p = \frac{P \times tB}{365 \times N_c} \cdot K$$

bu yerda:

tV - vagonning sutkalik aylanishi;

N_c -statik og'irlik;

K -vagonlarning rezerv koeffitsienti.

Aloqa infrastrukturaning muhim bo'g'ini. Aloqa O'zbekiston Respublikasi xo'jalik va ijtimoiy infrastrukturasi tarkibiy qismi bo'lib, aholi, xo'jalik sub'ektlari, davlat idoralarining pochta, telefon, telegraf, radio va axborotning o'zga turlarini uzatish va qabul qilish hamda aloqa tarmog'i orqali jo'natilayotgan ashyolarni yetkazib berishga bo'lgan ehtiyojlarining qondirilishini ta'minlaydi. **Aloqa ommaviy axborotlarni tarqatish, shuningdek, iqtisodiyotni boshqarishda muhim rol o'ynaydi.** O'zbekiston Respublikasida aloqa korxonalari **aholiga hamda iqtisodiyot tarmoqlariga pochta, telegraf hamda mahalliy, shaharlararo, xalqaro telefon aloqa xizmati ko'rsatadi**, shuningdek, respublikada radioaloqa, radioshittirish va televideniya texnika vositalari bilan ta'minlaydi. **Aloqa majmuasi-matbuot tarqatish, uyali (radiotelefon) aloqa, elektr aloqa, kosmik yo'ldoshlar orqali aloqa respublika xayotida katta rol o'ynaydi.** Idoraviy ichki aloqa tarmoqlari (ayrim vazirliklar, tashkilotlar, hamda shaxta, zavod, xo'jaliklarning bevosita o'ziga qarashli aloqa vositalari) ham mavjud. O'zbekistonda aholiga pullik xizmatlar ko'rsatishning umumiy hajmida aloqa xizmati hisssasi 5% ga yaqin.

O'zbekiston mustaqillikka erishgandan keyin bozor iqtisodiyotiga o'tish jarayonida milliy telekommunikatsiya tarmog'ini rivojlantirish va uni mustaqil ravishda boshqarish muhim vazifaga aylandi.

1992 yil 13 yanvarda O'zbekiston Respublikasining «Aloqa to'g'risida»gi qonuni qabul qilindi. 1997 yil 23 iyunda Aloqa vazirligi Pochta va telekommunikatsiyalar Agentligiga aylantirildi. 2002 yil 30 maydagi O'zbekiston Respublikasi Prezidentining «Komp'yuterlashtirishni yanada rivojlantirish va axborot-kommunikatsiya texnologiyalarini joriy etish to'g'risida»gi Farmoniga asosan **O'zbekiston pochta va telekommunikatsiyalar agentligi O'zbekiston aloqa va axborotlashtirish agentligi etib qayta tashkil etildi.**

Ushbu Farmonga binoan axborotlashtirishning milliy tizimini shakllantirish, iqtisodiyot va jamiyat xayotining barcha sohalarida zamonaviy axborot texnologiyalarini, komp'yuter texnikasi va telekommunikatsiya vositalarini ommaviy ravishda joriy etish hamda ulardan foydalanish, fuqarolarning axborotga ortib borayotgan talab-ehtiyojlarini yanada to'liqroq qondirish, jahon axborot hamjamiyatiga kirish hamda jahon axborot resurslaridan bahramand bo'lishni kengaytirish uchun qulay shart-sharoitlarni yaratishni nazarda tutilgan edi.

2012 yilda telekommunikatsiya tarmoqlarini rivojlantirish va modernizatsiya bo'yicha ko'zda tutilgan investitsiya loyihalarini amalga oshirish doirasida uzunligi 180 km.dan ortiq bo'lgan "Boysun-Denov", "Urgut-SHahrisabz" optik tolala aloqa liniyasi ishga tushirildi.

Farg'ona, Navoiy, Sirdaryo va Surxondaryo viloyatlarida teleuzatuv moslamalarini o'rnatish orqali bosqichma-bosqich raqamli televidiniyaga o'tish amalga oshirildi. Bu aholini mamlakatimiz bo'yicha raqamli televidenie bilan qamrab olish darajasini 42%ga yetkazish imkonini berdi.

Kompyuterlashtirish va axborot-kommunikatsiya texnologiyalarini rivojlantirish hamda ularning zamonaviy tizimlarini joriy etishning birinchi galdagi **eng muhim vazifalari** deb quyidagilar hisoblanadi:

1. Zamonaviy ishonchli va xavfsiz milliy ma'lumotlar axborot bazalarini yaratish, axborot resurslari va xizmatlarining bozorini rivojlantirish, axborot almashuvning elektron shakllariga izchillik bilan bosqichma-bosqich o'tish;

2. Real iqtisodiyot tarmoqlarida, boshqaruv, biznes, fan va ta'lim sohalarida kompyuter va axborot texnologiyalarini keng joriy etish, aholi turli qatlamlarining zamonaviy kompyuter va axborot tizimlaridan keng bahramand bo'lishlari uchun shart-sharoitlar yaratish;

3. Maktablar, kasb-hunar kollejlari, akademik litseylar va oliy o'quv yurtlarining ta'lim jarayoniga zamonaviy kompyuter va axborot texnologiyalarini egallashga hamda ularni faol qo'llanishga asoslangan ilg'or ta'lim tizimlarini kiritish;

4. Axborot-kommunikatsiya texnologiyalari sohasida, birinchi navbatda, dasturiy vositalarni, ma'lumotlarning axborot bazalarini ishlab chiqish, respublika, tarmoq va mahalliy axborot-kommunikatsiya tarmoqlarini shakllantirish, kompyuter va telekommunikatsiya texnikasini ishlab chiqish sohalarida ishlash uchun yuqori malakali mutaxassis kadrlar tayyorlashni tashkil qilish;

5. Mamlakatning barcha hududida axborot-kommunikatsiya texnologiyalarining texnikaviy infratuzilmasini, ma'lumot uzatish vositalarini jadal rivojlantirish;

6. Milliy va xalqaro axborot tarmoqlariga g'oyat tezkorlik bilan kirib borishni joriy etish, aholi punktlari, shu jumladan qishloq aholi punktlarining ularga kirib borishini ta'minlash;

7. Sifatli mahalliy dasturiy mahsulotlar ishlab chiqish va ularni eksport qilishni rag'batlantirishning samarali mexanizmini yaratish;

8. Mahalliy kompyuter texnikasi va unga butlovchi buyumlar ishlab chiqish hamda ishlab chiqishni tashkil etishga ko'maklashish.

O'zbekistonda aloqa sohasi pochta aloqasi, telefon (mahalliy, shaharlararo, xalqaro) aloqasi, telegraf aloqasi, radioeshittirish, televidenie, matbuot tarqatish kabi tarmoqlarga bo'linadi.

Pochta aloqasi. O'zbekistonda dastlabki **pochta aloqasi 1865 yil** Toshkent yaqinidagi Niyozbek qal'asi bilan CHimkent shahri o'rtasida yo'lga qo'yilgan. O'sha yili avgust oyida Toshkentda birinchi pochta stantsiyasi ochildi, pochta yo'li Niyozbekdan Toshkentgacha yetkazildi. 1868 yil Toshkent bilan Samarqand o'rtasida pochta aloqasi ishga tushdi. 1868 yil fevralda Toshkentda Rossiya pochta va telegraf vazirligiga bo'ysungan Sirdaryo va Samarqand viloyatlari pochta idoralari boshqarmasi tashkil etildi. Dastlab pochta ot-ulovda, temir yo'l qurilgandan keyin temir yo'l orqali tashiladigan bo'ldi. 1885 yil 1 yanvardan Toshkent pochta idorasi mijozlardan telegrammalar qabul qilishni boshladi. 1913 yil O'zbekistonda joylashgan 17 pochta-telegraf bo'limi, 18 pochta-telegraf idorasi ishladi. Telegraf aloqasi, asosan tijorat maqsadlariga xizmat qildi. 10 telefon stantsiyasidan 9-tasi xususiy kishilar qo'lida edi.

Pochta aloqasi respublika aholisiga xat, gazeta va jurnallar, jo'natma, pul o'tkazmalari, pensiya to'lovlarini yetkazib berdi. Pochta va matbuotni tashishda aviatsiya, temir yo'l, avtomobil transportidan keng foydalanildi.

Xat, jo'natma, pul o'tkazmalar, matbuot nashrlarini jo'natish va yetkazib berish yanada yaxshilandi. Pochta aloqasi aloqaning eng keng tarqalgan va ommaviy turiga aylandi.

Pochta aloqasi tarmoqlarida mexanizatsiyalash va avtomatlashtirish vositalaridan keng foydalaniladi.

Hozir O'zbekistonning barcha aholi punktlarida pochta korxonalari tarmog'i bilan qamrab olingan. Pochta korxonalari **«O'zbekiston pochta» kontserniga** (1992) kiradi. Uning tarkibida 12 viloyat, Qoraqalpog'iston Respublikasi davlat pochta korxonalari boshqarmasi, Toshkent **xalqaro pochta, 195 aloqa uzeli va 3045 aloqa bo'limi** ishlab turibdi.

Telegraf aloqasi. O'zbekistonda telegraf aloqasi 19-asrning 80- yillarida, temir yo'l qurilishi bilan bir vaqtda vujudga keldi. 1876 yil mart oyida Toshkentni Xo'jand bilan bog'lagan bir simli telegraf aloqa yo'li ishga tushirildi. 1885 yil 1 yanvardan Toshkent pochta idorasi mijozlardan **telegrammalar qabul qilishni boshladi. 1932 yili Toshkentda markaziy telegraf ishlay boshladi.** 1992 yilda Toshkent markaziy telegrafi tezkor zamonaviy apparatlar bilan jihozlandi; **har sutkada aloqa kanallari orqali 200 mingdan ziyod xabar o'tadi, xorijdan gazetalar tasvirini fototelegraf orqali qabul qiladi.** Uning qoshida so'zlashuv punkti va ma'lumotlarni uzatish tarmoqlaridan jamoa tarzida foydalanish punkti bor. Respublikadagi korxonalar xujjatli axborotlarni uzatishda abonent telegraf tarmog'idan keng foydalanadilar.

Telefon aloqasi. O'zbekistonda umumiy foydalaniladigan 200 raqamli dastlabki telefon stantsiyasi Toshkentda 1904 yil 15 sentyabrda ishga tushirilgan. Telefon tarmog'i bir simli bo'lib, yer ikkinchi o'tkazgich vazifasini bajaradi. 1924 yilga kelib telefon stantsiyalarining sig'imi 1700 raqam (nomer)ni tashkil etdi.

O'zbekistonda umumiy foydalaniladigan tarmoqlarida 1,5 mln.dan ko'proq telefon raqami (nomeri) bor. SHahar xonadonlarining 50% (Toshkent shahrida 70%) uy telefonlariga ega. Qishloq xo'jaligida mavjud 310 mingdan ko'proq telefonning 226 mingtasi xonadonlarda o'rnatilgan.

Respublikada telefon tarmog'ining 87% ini koordinat va mexanik sistemali stantsiyalar tashkil etadi (respublika bo'yicha 1200dan ortiq shunday stantsiya ishlaydi). Kvazielektron va elektron ATSlar 12 ming nomerga ega. Mahalliy tarmoqlarning 6%, shaharlararo telefonlarning 13% raqamli ATSlar bilan jihozlangan. Toshkent shahri, Toshkent, Farg'ona, Buxoro, Qashqadaryo viloyatlaridagi shahar abonentlari shaharlararo va xalqaro telefon tarmog'iga avtomatik ulanish tizimiga to'liq ulangan. **1994 yildan Respublikadagi barcha shaharlar, telefon tarmoqlarini avtomatlashtirilgan tizimga o'tkazish ishlari davom ettirildi.**

Elektr aloqa korxonalari «Mahalliytelekom» kompaniyasiga uyushgan. O'zbekiston aloqa tarmog'i jahon andozalari darajasiga ko'tarilmoqda. O'zbekistonning Turkiya, AQSH, Yaponiya, Germaniya, Italiya, Buyuk Britaniya, Koreya Respublikasi, Indoneziya, Xitoydagi yetakchi firmalar bilan elektr aloqa tarmoqlarini rivojlantirishdagi hamkorligi yaxshi samara berayapti. Xorijiy firmalar bilan hamkorlikda tashkil etilgan 10 dan ortiq korxonalar ishlamoqda. 1992 yil O'zbekiston va AQSHning «Interneynshnl Kommunikayshn grupp» («Ay Si Ji») firmasi bilan tashkil etilgan «Uzdunrobita» qo'shma korxonasi Toshkent, shuningdek Samarqand, Urganch, Qarshi, Andijon, Buxoro shaharlarida xalqaro va shahar, shaharlararo telefon stantsiyalari bilan bog'lanish imkoniyatiga ega bo'lgan uyali telefon (radiotelefon) aloqasi stantsiyalarini ishga tushirdi. **1997 yilda O'zbekiston – Malayziya qo'shma korxonasi «O'zMoqom»,** O'zbekiston – Indoneziya qo'shma korxonasi **«Bustel»** va boshqalar shaharlarida va shaharlararo uyali telefon aloqasini rivojlantirishda faoliyat ko'rsatmoqda. Koreya respublikasining **«DEU telekom»,** Germaniyaning **«Simens», «Alkatel sel RFT»,** Yaponiyaning **«Mitsui»** firmasi, **«NEK»** korporatsiyasi zamonaviy aloqa jihozlari yetkazib beradi, elektron raqamli ATSlar asosida respublika shaharlarida halqaro hamda shaharlararo telefon stantsiyalarini takomillashtiradi va quradi.

O'zbekiston mustaqillikni qo'lga kiritishiga qadar respublikaning jahon mamlakatlari bilan cheklangan darajadagi telefon aloqasi Moskva orqali amalga oshirilgan. Mustaqillikning dastlabki davridayoq xalqaro telefon aloqasini rivojlantirishga alohida e'tibor berildi. 1992 yili Toshkentda Yaponiyaning «NEK» firmasi yetkazib bergan asbob-uskunalaridan abonentlarning jahon telefon tarmog'iga chiqishni hamda ikki tomonlama xalqaro teleko'rsatuvlarni ta'minlaydigan 150 kanalli raqamli xalqaro kosmik (fazoviy) telefon stantsiyasi qurildi va

foydalanishga topshirildi. 1997 yilda Xitoy (SHanxay) bilan Germaniya (Frankfurt-Mayn)ni bog'laydigan shisha kabelli Transosiyo - Yevropa aloqa magistralining O'zbekiston hududi orqali o'tadigan qismi (926 km) qurilishi tamomlandi. Keyinchalik Turkiyaning «Netash», «Teletash», «Simko» firmalari 30 kanalli yana bir xalqaro kosmik telefon stantsiyasini Toshkentda qurdi. Bu stantsiyalarning ishga tushirish bilan xalqaro telefon so'zlashuvlarining 80% ini sun'iy aloqa yo'ldoshlari orqali bevosita xorijiy mamlakatlarga uzatish va ulardan qabul qilishga erishildi.

Italiyaning «STET Interneyshnl» va Germaniyaning «Simens AG» kompaniyalari ishtirokida tuzilgan «Udiney» qo'shma korxonasi shaharlararo va xalqaro telefon aloqasini rivojlantirish, qayta qurish va undan foydalanish bilan shug'ullanadi. SHahardagi telefon egalari Yer kurrasidagi barcha mamlakatlar bilan avtomatik bog'lanish imkoniyatiga ega.

Radio va televizion aloqa. Toshkent tajriba radioeshitirishlar dastlab 1926 yil o'tkazilgan. 1975 yili Toshkent radioeshitirish va ovoz yozish uyida streofonik radioeshitirishlarni amalga oshirish imkon beradigan apparatlar o'rnatildi. O'zbekistonda radiolashtirish ishlari 1928 yilda boshlangan. SHahar, tuman va qishloqlarda qurilgan radiouzellar xonadonlar, korxonalar, muassasalarni radiolashtirish ishiga xizmat qildi, 90-yillar boshida respublikaning 12,5 mln.dan ortiq aholisi radiolashtirish xizmati bilan ta'minlanganq.

Respublika radio markazi **sutkasiga 12 dastur bo'yicha 1700 soat eshittirishlar olib borishni ta'minlash quvvatiga ega.**

1956 yilda Toshkentda (balandligi 180 m.) televizion minorasi qurilib, Toshkent televidenie studiyasi ishga tushirildi va muntazam ko'rsatuvlar boshlandi. Ko'rsatuvlarni Toshkent shahri va uning atrofida tumanlarda ko'rish mumkin bo'ldi. **Ikki yildan keyin teleko'rsatuvlar** Andijon, Farg'ona, Samarqand shaharlarida qabul qilindi. Keyinchalik Nukus (1961), Urganch (1964)da telemarkazlar qurildi. 1966 yilga kelib retranslyatsiya stantsiyalari va radiorele aloqa yo'llari (Toshkent – Andijon, 1960; Toshkent - Samarqand, 1966) yordamida ko'pgina viloyatlar alohida respublika televideniesining 1-dasturini, Toshkent, Farg'ona vodiysi va Samarqand alohida ikki dasturini ham qabul qilish imkoniyatiga ega bo'ldi. **1965 yildan** O'zbekistondagi teletomoshabinlar Moskvadan olib beriladigan **ko'rsatuvlarni oq-qora, keyinchalik rangli tasvirda ko'ra boshladilar.** 1974 yil O'zbekistonda 18ta katta quvvatli, 37 kichik quvvatli televidenie uzatkichlari ishladi, respublika aholisining 94,7% birinchi, 87% ikkinchi, 36% uchinchi televidenie dasturlarini ko'rishga erishdi. 1977 yil Respublika televizion texnika markazi ishga tushirildi. Bu markaz bir yo'la 5 dasturda ko'rsatuvlar olib borishga mo'ljallangan. Markazda 3 studiya, apparatxonalar, telekinoproeksionxona, videoyozuv apparatxonalari, kinopreksion zallar, ko'chma televizion vositalar bazasi va boshqa yordamchi xizmatlar mavjud. Telemarkaz radiorele yo'llari orqali O'zbekiston Respublikasi viloyatlari markazlari, shuningdek Qoraqalpog'iston Respublikasi bilan boyolangan. Kabel, magistralari, radio va sun'iy yo'ldosh yo'llari yordamida ko'p mamlakatlar shaharlari bilan televizion dasturlar almashinadi.

Teleko'rsatuvlar ko'lamining kengayishi munosabati bilan kuchli radio-televizion uzatish stantsiyasi qurishga ehtiyoj tug'ildi. SHu maqsadda **1978-85 yillarda** Toshkent shahridagi **Bo'zsuv kanalining o'ng sohilida balandligi 375 m bo'lgan ikkinchi teleminora** - hozirgi radio-televizion uzatish markazi qurib ishga tushirildi. Bu teleminora balandligi bo'yicha jahonda Moskvadagi Ostankino, Toronto (Kanada), Tokio (Yaponiya) teleminoralaridan keyin **4-o'rinda** turadi, Markaziy Osiyoda 1-o'rinda turadi. Teleminoraning 100 m va 200 m balandligida maxsus binolar joylashgan. Bulardan eng yuqorisida 5 dasturli ko'rsatuvlarga mo'ljallangan televizion stantsiya, ultra qisqa to'lqinli 4 dasturli eshittirishga mo'ljallangan radiostantsiya, meteorologik stantsiya va boshqalar, **100 m balandlikda esa «Koinot» restorani,** kuzatuv maydonchasi o'rin olgan. Radio-televizion uzatish markazi Toshkent televideniesi ko'rsatuvlarini taxminan **100 km radiusda** bevosita ko'rsatilishini ta'minlaydi. Viloyatlarga va boshqa joylarga bu ko'rsatuvlar maxsus retranslyatsiya stantsiyalari oro'ali uzatiladi.

O'zbekistonda Toshkent telestudiyasidan tashqari Nukus, Urganch, Termiz, Namangan, Andijon, Samarqand, Qo'qon, Farg'ona, Buxoroda viloyat telestudiyalari ishlaydi. Bundan tashqari 30 mahalliy va tijorat studiyalari faoliyat ko'rsatadi. Rossiya, Qozog'iston, Turkiya teledasturlarini muntazam olib ko'rsatish, Xindiston, AQSH axborot dasturlarini qabul qilish yo'lga qo'yilgan.

Matbuot tarqatish. Respublikada aloqa organlari matbuot nashrlarini tarqatish va yetkazib berish ishlarini ham bajaradi. Vaqtli matbuotni tarqatishning asosiy shakli obuna bo'lib, 1991 yilga qadar gazeta va jurnallar tirajining 85% obuna yo'li bilan tarqatilgan. O'zbekistonda aloqa vazirligi tizimida obuna bo'yicha va chakana savdo yo'li bilan vaqtli matbuot nashrlari (mahalliy va chet el gazeta, jurnal, haftaliklari)ni tarqatish maorif va umuman madaniyatni rivojlantirishda tarixan katta ahamiyatga ega bo'ldi. 1994 yil sobiq «Soyuzpechat» respublika boshqarmasi o'rnida ochiq tipdagi aktsiyadorlik jamiyati bo'lgan «**Matbuot tarqatish uyushmasi**» ish boshladi. Uning 12 viloyat, Qoraqalpog'iston Respublikasi, Toshkent shahridagi korxonalari faoliyat ko'rsatadi. Uyushma chakana savdo tarmoqlariga ham ega. Ular vaqtli matbuot nashrlari bilan birga kitoblar, taqvimlar, pochta markalari, nishonlar va boshqa narsalar ham sotadi.

Respublikada 2010 yilgacha aloqa tizimini ilg'or texnologiyalar va yechimlar bazasida **xalqaro aloqa tizimlariga asta-sekin qo'shilishini ta'minlaydigan dastur ishlab chiqilgan.**

Aloqani rivojlanish dasturini asosiy vazifasi bo'lib iqtisodiyot tarmoqlarini va aholini pochta, telegraf, telefon, radio va hokazolarga bo'lgan talabini to'laroq qondirish hisoblanadi. SHu vazifani hal qilishda aloqaning har bir sohasini rivojlanish darajasi va ularning o'ziga xos bo'lgan xususiyatlari e'tiborga olinadi. Masalan, gazeta va jurnallarni aholiga yetkazib berish dasturiga qo'yiladigan vazifa- bu gazeta va jurnallarni chop etilgan kuniyoq obunachilarga yetkazishdir.

Pochtani rivojlantirish dasturidagi asosiy vazifa bo'lib pochta orqali yuboriladigan xatlarni, posilkalarni va hokazolarni qisqa muddat ichida ularning egalariга yetkazish hisoblanadi.

Aloqani rivojlantirish **dasturidagi asosiy ko'rsatkichlar** quyidagilar hisoblanadi:

1. Aloqaning mahsuloti
2. SHaharlararo telefon kanallarining uzunligi;
3. SHaharlar va qishloq joylardagi telefon stantsiyalarini kattaligi (sig'imi);
4. Televizion stantsiyalarning soni va quvvati;
5. Kompleks mexanizatsiyalashgan aloqa korxonalarining soni;
6. Ta'rif daromadlari hajmi, foyda, rentabellik va boshqa iqtisodiy ko'rsatkichlar.

Aloqa **mahsulotining hajmi** bu, ushbu tarmoq tomonidan Milliy iqtisodiyotga va aholiga ko'rsatadigan barcha xizmatlarini pul o'lchovida ifodalangan yig'indisidir. Bu natura holida ko'rsatiladigan xizmatlar hajmini ularga mos bo'lgan joriy baholarga ko'paytirish yo'li bilan topiladi.

SHaharlararo **telefon aloqalarining hajmi** dasturlashtirilayotgan davrdagi aholining soni va uning har bir kishisiga to'g'ri keladigan telefon orqali gaplashishlar miqdorini oshishi asosida aniqlanadi.

Telefon aloqalarini o'sish darajasi Milliy iqtisodiyotda band bo'lgan ishchi va xizmatchilarining sonini oshishiga mo'ljallanishi lozim.

Hozirgi davrda aloqa korxonalarining asosiy ko'rsatkichlari bo'lib mana shu korxonalarining **tarif daromadlari** hajmi hisoblanadi. Bu ko'rsatkich aloqa korxonalarini haq olib ko'rsatadigan xizmatlarini oshirishni ta'minlaydi, tarmoqni xo'jalik faoliyatini baholashdagi kamchiliklarini bartaraf etadi va hokazo.

Telefon stantsiyalari **tarmoqlarini kengaytirish** har 100 ishlovchini va 100 xonadonni telefon nomerlari bilan ta'minlash normasi asosida rivojlantirilishi kerak. Ayniqsa, qishloq joylarida telefon aloqasini tez sur'atlar bilan rivojlantirish lozimdir.

O'zbekiston mobil aloqa tizimining rivojlanish ko'rsatkichlari bo'yicha dunyodagi yetakchi o'nta mamlakat sirasiga kiradi. 2010 yili yurtimizda mobil aloqa tarmog'idan foydalanuvchilarning umumiy soni 2000 yildagiga nisbatan 238 barobar ko'payib, 22,7

million kishidan oshdi. 2000 yilda respublikamiz aholisining mobil aloqa telefonlari bilan ta'minlanish darajasi har 1000 nafar aholiga 4 donadan kam bo'lgan bo'lsa, 2010 yilda har ming nafar odamga 800 donadan ziyod telefon to'g'ri keldi. Kuchli raqobat muhitining shakllangani va mobil aloqa abonentlari soni ortib borayotgani tufayli mobil aloqa xizmatining tarif narxлари pasaymoqda.

Hozirgi kunda O'zbekiston MDH davlatlari ichida birinchi bo'lib raqamli televideniaga to'liq o'tish bo'yicha keng ko'lamli dasturni amalga oshirishga kirishdi va bu boradagi ishlar 2015 yilda yakunlanadi.

Tayanch iboralar

- Ishlab chiqarish majmui
- Nomenklatura
- Assortiment
- Tovar maxsuloti
- Yalpi maxsulot
- Asosiy ishlab chiqarish fondlari
- Mehnat unumdorligi
- Oborot mablag'lari
- Fondlar qaytimi
- Fondlar sig'imi
- Foyda
- Rentabellik
- Ishlab chiqarish ehtiyoji
- Eksport
- Import
- Davlat rezervi
- Ishlab chiqarish imkoniyatlari
- Ishlab chiqarish quvvati
- Transport majmui
- Yuk oboroti
- O'rtacha masofa
- Passajir oboroti
- Aholini transport qatnovi
- Aloqa majmuasi
- Aloqa dasturi
- Agrosanoat kompleksi
- Agrar siyosat
- Dehqonchilik
- CHorvachilik
- Mulkchilik shakllari
- Davlat sektori
- Nodavlat sektori
- Paxta yakka hokimligi
- Natura ko'rsatkichi
- Qiymat ko'rsatkichlari
- Samaradorlik ko'rsatkichlari
- SHirkat xo'jaligi
- Fermer xo'jaligi
- Dehqon xo'jaligi
- Mashina traktor parki
- Xo'jalik shartnomalari
- Bozor infrastrukturası

- Soliq siyosati
- Baho siyosati
- Qurilish kompleksi
- Qurilish industriyasi
- Xo'jalik usuli
- Pudrat usuli
- Buyurtmachi
- Tanlov savdolari (tender)
- Loyiha-qurilish tashkilotlari
- Kapital qo'yilmalar
- Yangi qurilish
- Korxonalar rekonstruktsiyasi
- Investitsiya siyosati
- Qiyosiy iqtisodiy samaradorlik

O'z-o'zini tekshirish uchun savollar

1. Ishlab chiqarish majmui deganda nimani tushunasiz?
2. Nima uchun sanoat yetakchi tarmoq hisoblanadi?
3. Sanoat ishlab chiqarish dasturi nima?
4. Sanoat maxsulotining qanday qiymat ko'rsatkichlarini bilasiz? Ular qanday usullarda hisoblanadi?
5. Sanoat maxsulotlariga bo'lgan talab qanday aniqlanadi?
6. Sanoat mahsulotlariga bo'lgan talabni ishlab chiqarish imkoniyatlari bilan taqqoslash usuli qanday?
7. Ishlab chiqarish quvvatlari balansi, uni tuzish metodikasi to'g'risida nima deya olasiz?
8. Respublika transport majmui.
9. Transport tarmog'ida qanday islohatlar o'tkazilayapti?
10. Transport tarmoqlarini rivojlantirish dasturining ko'rsatkichlari va ularni hisoblash metodi.
11. Yuk oboroti qanday hisoblanadi?
12. Passajir oboroti-chi?
13. Aloqa tarmog'ida islohatlarni yanada chuqurlashtirish borasida qanday vazifalar belgilangan?
14. Aloqa tarmog'i qanday ko'rsatkichlarda ifodalanadi?
15. Kompyuterlashtirish va axborot-kommunikatsiyasi texnologiyalarini rivojlantirish borasida qanday vazifalar belgilangan?
16. Agrosanoat kompleksi, uning tarkibi va vazifalari haqida nimalara deya olasiz?
17. Qishloq xo'jaligining tarkibi qanday?
18. O'zbekiston Respublikasining jahon hamjamiyatida qishloq xo'jalik maxsulotlari etishtirishdagi tutgan roli to'g'risidagi fikringiz?
19. Qishloq xo'jaligi ishlab chiqarishining o'ziga xos xususiyatlari nimalardan iborat?
20. Respublika qishloq xo'jaligida mulkchilik shakllari qanday?
21. O'zbekiston qishloq xo'jaligida dehqonchilikning tarkibi, uni rivojlantirish dasturining ko'rsatkichlari tarkibi qanday?
22. O'zbekiston qishloq xo'jaligida chorvachilikni tarkibi, uni rivojlantirish dasturining ko'rsatkichlari qanday?
23. Qishloq xo'jalik maxsulotlari yetishtirishning natura va qiymat ko'rsatkichlari, ularni hisoblash usullari qanday?
24. Respublika qishloq xo'jaligini isloh qilish jarayoni to'g'risida nima deya olasiz?
25. Qishloq xo'jaligida shirkat, fermer, dehqon xo'jaligi tizimi. Ularning ta'rifini bilasizmi?

26. Qishloq xo'jaligida iqtisodiy islohotlarni chuqurlashtirish dasturi to'g'risida nima deya olasiz?
27. Agrosanoat kompleksini isloh qilish printsiplari va asosiy yo'nalishlari haqida fikringiz?
28. Qurilish kompleksi. Uning mazmuni, tarkibi va iqtisodiyotda tutgan o'rni haqida nima deya olasiz?
29. Qurilish jarayonida xo'jalik va pudrat usulini qanday tushunasiz?
30. Qurilish sohasida respublikada o'tkazilayotgan iqtisodiy islohotlar qanday kechayapti?
31. Qurilish industriyasi negizini qanday xo'jaliklar tashkil qiladi?
32. Qurilish tashkilotlari haqida nima deya olasiz?
33. Qurilish sohasidagi xalqaro hamkorlik qanday olib boriladi?
34. Qurilish qanday sotsial-iqtisodiy vazifalarga ega?
35. Kapital qurilishda iqtisodiy islohotlarni yanada chuqurlashtirishning asosiy yo'nalishlari qaysilar.
36. Kapital qo'yilmalar tushunchasi to'g'risida nima deya olasiz?
37. Kapital qurilishi sohasidagi investitsiya siyosatining mohiyati qanday?
38. Kapital qo'yilmalarning xududiy tarkibi nimani bildiradi?
39. Kapital qo'yilmalarning hajmi qanday aniqlanadi?
40. Kapital qo'yilmalarning manbaiga nimalar kiradi?
41. Mutloq va qiyosiy samaradorlik ko'rsatkichlari qanday aniqlanadi?

Tavsiya etilayotgan adabiyotlar ruxsati

1. Karimov I.A. Jahon moliyaviy-iqtisodiy inqirozi, O'zbekiston sharoitida uni bartaraf etishni yo'llari va choralari. T. "O'zbekiston" 2009.
2. Karimov I.A. Mamlakatimizni modernizatsiya qilish yo'lini izchil davom ettirish taraqqiyotimizning muhim omilidir. Toshkent. : "O'zbekiston", 2010.
3. Karimov I.A. Asosiy vazifamiz – Vatanimiz taraqqiyoti va xalqimiz farovonligini yanada yuksaltirishdir. Toshkent "O'zbekiston" 2010. 80-bet.
4. Karimov I.A. O'zbekiston Respublikasi Prezidenti I.Karimovning 2012 yilda mamlakatimizni ijtimoiy-iqtisodiy rivojlantirish yakunlari hamda 2013 yilga mo'ljallangan iqtisodiy dasturning eng muhim ustuvor yo'nalishlariga bag'ishlangan Vazirlar Mahkamasining majlisidagi ma'ruzasi. Xalq so'zi 2013 yil 19 yanvar.
5. "O'zbekistonda fermerlik faoliyatini tashkil qilishni yanada takomillashtirish v uni rivojlantirish chora-tadbirlari to'g'risida"gi O'zbekiston Respublikasi Prezidentining 2012 yil 20 oktyabrda farmoni
6. Bozor iqtisodiyoti sharoitida milliy iqtisodiyotning rivojlanishi. T. O'qituvchi-1996
7. Ergashev R. X Qishloq xujaligi iqtisodiyoti. Darslik. Toshkent. "Ekstrimum Press", 2011.
8. Yo'ldashev Z. Milliy iqtisodiyot T., 2004.
9. O'zbekiston Respublikasi iqtisodiy ijtimoiy taraqqiyotining mustaqillik yillaridagi 1990-2010 yillar asosiy tendentsiya va ko'rsatkichlari. T. "O'zbekiston" 2011.
10. www.mineconomy.uz
11. www.refportal.ru
12. www.allbest.ru
13. www.agro.uz

VII BOB. IJTIMOIIY INFRATUZILMA

Reja:

- § 1. Ijtimoiy tarmoqlar majmui va uni rivojlantirish vazifalari.
- § 2. Ta'lim tizimi va uni isloh qilish. Kadrlar tayyorlash milliy dasturi.
- § 3. Sog'liqni saqlash tizimini isloh qilish.
- § 4. Uy-joy kommunal xo'jaligini isloh qilish.
- § 5. Aholiga maishiy xizmat ko'rsatish tarmog'ini qayta qurish.

7.1. Ijtimoiy tarmoqlar majmui va uni rivojlantirish vazifalari.

Davlatning funktsiyalaridan biri-uni ijtimoiy siyosati funktsiyasi hisoblanadi. Aholini ijtimoiy himoya qilish va ular o'rtasidagi kuchli iqtisodiy tengsizlikning oldini olish maqsadida daromadni taqsimlash va qayta taqsimlash bo'yicha davlat chora-tadbirlari tizimi **Ijtimoiy siyosat** deyiladi. Keng ma'noda ijtimoiy siyosat deganda shaxsning xayot faoliyatini shunday sharoitlarini yaratish va tutib turish bo'yicha ko'rilgan barcha chora-tadbirlar tushuniladi. Bu tadbirlar shaxsning rivojlanishiga yordam beradi va uning ijodiy imkoniyatlarini to'liq namoyon qilishni rag'batlantiradi.

Aholini turmush farovonligi darajasi mamlakatning faqat iqtisodiy taraqqiyot darajasi bilangina emas, balki ijtimoiy sohalar taraqqiyoti darajasi bilan ham ifodalanadi. Ijtimoiy soha davlat tomonidan olib borilayotgan iqtisodiy siyosatning natijasi o'z aksini topadi va amalga oshiriladi. Iqtisodiy siyosat esa barcha aholi manfaatini ko'zlaydi. Aynan ijtimoiy sohada davlatning insonparvarlik darajasi har tomonlama yaqqol namoyon bo'ladi.

Ijtimoiy soha Milliy iqtisodiyotning bajaruvchi tarmoqlarini o'z ichiga oladi. Jumladan, u xalq ta'limi va ma'daniyati, sog'liqni saqlash, aholiga nafaqa to'lash, kommunal xo'jaligi, maishiy xizmat ko'rsatish, fizkul'tura va sport xo'jaligi kabi qator sohalarni o'z ichiga oladi. Bulardan tashqari ijtimoiy soha xayot darajasini yaxshilash, iqtisodiyotda ijtimoiy adolatni o'rnatishda muhim ahamiyat kasb etadi.

Ikkinchi chaqiriq O'zbekiston Respublikasi Oliy Majlisining to'qqizinchi sessiyasida qilgan ma'ruzasida Islom Karimov mamlakatimiz taraqqiyoti haqida to'xtalib, **yettita ustuvor vazifalarni olg'a surgan edi. Ijtimoiy sohalarning muhimligini ta'kidlab shunday degan edi:** "O'ylaymanki, ijtimoiy infratuzilmani, ta'lim va sog'liqni saqlash sohalarni yanada rivojlantirish, nafaqa bilan ta'minlash tizimini takomillashtirish, aholini ekologik va boshqa xavf-xatarlardan muhofaza etish, qisqa qilib aytganda, odamlarimizning sotsial soha bo'yicha talab va e'tirozlarini qondirish masalalarini har tomonlama kuchaytirish lozimligini isbotlab o'tirishga hojat bo'lmasa kerak".²¹

Ijtimoiy soha taraqqiyotning qay darajadaligi ma'lum jihatdan mamlakatdagi siyosiy va psixologik muhitni, aholining umumiy kayfiyatini belgilaydi. Ijtimoiy sohalarning o'sishi hududlarning umumiy iqtisodiy taraqqiyoti darajasini ko'rsatuvchi belgi bo'lib xizmat qiladi.

Milliy iqtisodiyotning asosiy muammolariga faqat iqtisodiy jihatdangina emas, balki ijtimoiy taraqqiyot nuqtai nazaridan qaralishi lozim. SHundan ko'rinib turibdiki, ijtimoiy sohalar moddiy-texnika bazasini mustahkamlash masalasi bozor munosabatlariga o'tishning eng muhim vazifalaridan biri bo'lib qoladi. Ijtimoiy sohalar faoliyatining samaradorligi uning barcha asosiy tarkibiy qismlarining kompleks rivojlanishiga bog'liq.

Mustaqillik yillarida ijtimoiy sohaning barcha tarkibiy qismlarini rivojlantirish borasida muhim, diqqatga sazovar ishlar amalga oshirildi va oshirilmoqda. Aholini ijtimoiy himoya qilish, ularga tibbiy yordam ko'rsatish, ta'lim-tarbiya, madaniyat, dam olish, uy-joylar sharoitini yaxshilash, maishiy xizmat ko'rsatish kabi qator sohalarni yaxshilash borasida ulkan ishlar

²¹ И.Каримов Биз танлаган йўл демократик тараққиёт ва маърифий дунё билан ҳамкорлик йўли. Т. Ўзбекистон. 2003. 32- бет.

amalga oshirildi. Istiqlool yillarida mamlakatimiz aholisini ijtimoiy qo'llab-quvvatlashga oid 30 dan ortiq qonunlar yaratildi va ular amaliyotda keng qo'llanilmoqda. 2007 yil "Ijtimoiy himoya yili" deb nomlandi va juda katta davlat dasturi qabul qilindi. Unda ijtimoiy himoyani yanada mustahkamlashga qaratilgan yettita yo'nalish bo'yicha katta vazifalar amalga oshirildi.

Prezidentimiz I. Karimov O'zbekiston Respublikasi mustaqilligining yigirma bir yilligiga bag'ishlangan tantanali marosimdagi tabrik so'zida shunday degan edi: "istiqlool yillarida O'zbekiston iqtisodiyoti qariyb 3,7 barobar, aholimizning real daromadlari jon boshiga 7 barobar, o'rtacha pensiya miqdori qariyb 9 barobar, oylik ish haqi esa 18 barobar oshgani, odamlarimizning umr ko'rish darajasi o'rtacha 7 yilga uzaygani, yoqilg'i va g'alla mustaqilligiga, o'zimizni o'zimiz go'sht, sut va boshqa iste'mol mollari bilan to'liq ta'minlashga erishganimiz bularning yaqqol tasdig'idir.

Bularning barchasi avvalo mustaqillikka erishgan birinchi kunlardan boshlab "Islohot – islohot uchun emas, avvalo inson uchun" degan printsipni hayotga tatbiq etganimizning amaliy samarasi, desak, hech kanday xato bulmaydi.

O'tgan yillar mobaynida yurtimizda uy-joy xajmining ko'rsatkichi qariyb 2 barobar oshdi, oilalarning 98,5 foizi o'zining shaxsiy uy-joyi yoki kvartirasiga, qishloqlarda yashayotgan oilalarning 97,5 foizi shaxsiy tomorqasiga ega bo'ldi.

Bundan yigirma bir yil oldin har o'nta oiladan bor-yo'g'i bittasi shaxsiy mashinaga ega bo'lgan bo'lsa, bugungi kunda har uchta oilaning bittasida avtomobil mavjud ekani, har uch nafar yurtdoshimizdan biri internet tarmog'idan foydalanib kelayotgani xalqimizning farovonligi tobora ortib borayotgani, uning emin-erkin yashayotganini namoyon etadi."

Ijtimoiy rivojlanish masalalarini xalq etishda ijtimoiy sohani moliyalashtirish ko'lemi va ushbu maqsadlarga ajratilgan mablaglardan samarali foydalanish masalalari muhim hisoblanadi. Mustaqillik yillarida ijtimoiy soha va aholini ijtimoiy muhofazasi uchun yo'naltirilgan davlat xarajatlari 2 barobardan ziyod oshdi. Buni dalili sifatida, ijtimoiy soha va aholini qo'llab quvvatlashga davlat byudjeti xarajatlaridan 1990 yil 31,5% ajratilgan bo'lsa, 2000 yilda 42,5% ni, 2012 yil 59,2% ni tashkil kildi. Uning 34% dan ortig'i ta'lim, 14,5%dan ko'prog'i sog'liqni saqlash sohalari moliyalashtirishga yo'naltirildi. Ijtimoiy sohaning mamlakatimiz YaIMdagi ulushi bugungi kunda 52% dan ziyodni tashkil etmoqda.

Ijtimoiy sohada olib borilayotgan islohotlar quyidagi vazifalarni bajarishni ta'minlashi lozim:

1. Har bir insonni, eng avvalo malakali tibbiy xizmatdan foydalanishi, bepul umumiy ta'lim olishi uchun zarur shart- sharoit yaratishi va ta'minlashi lozim.

2. Aholini kam ta'minlangan, ya'ni uning moddiy va ijtimoiy himoyaga muxtoj bo'lgan qismini himoya qilishga qaratilgan, eng avvalo aholini nochor guruhlarini aniq manzilli va maqsadli ijtimoiy himoya qilish tizimini barpo etish.

3. Aholini ijtimoiy himoya qilishni iqtisodiy islohotlar dasturidagi uzluksiz ustuvor yo'nalishlardan biri deb, hisoblash.

4. Pensiya tizimining moliyaviy barqarorligini ta'minlash, pensiyaning real miqdorini oshirish.

5. Mehnat qilish qobiliyatiga ega bo'lgan aholiga o'z daromadlari hisobidan yuqoriroq ijtimoiy iste'mol qilishni ta'minlaydigan iqtisodiy sharoit yaratish.

6. Aholini turar joylarga, maishiy xizmat ko'rsatish, savdo va umumovqatlanish korxonalarining xizmatlariga hamda madaniyat, san'at, sport va boshqa sohalarga bo'lgan qonuniy talablarini ta'minlash uchun zarur sharoitlar yaratish.

7. Ijtimoiy-madaniy institutlarning rivojlanishini xuquqiy va tashkiliy asoslarini shakllantirish va boshqalar.

7.2. Ta'lim tizimi va uni isloh qilish. Kadrlar tayyorlash milliy dasturi.

Ta'lim jamiyatning rivojlanish tendentsiyasi va holatini aks ettiradi va unga ta'sir ko'rsatadi. Millatning ijtimoiy-siyosiy, ma'naviy-ahloqiy qiyofasi ko'p jihatdan uning ziyolilar

dunyoqarashi, bilimdonlik saviyasi va jasoratiga bog'liq. «**Olamga quyosh ziyo taratsa, odamzod qalbiga ziyoli nur sochadi**», deydi xalqimiz.

Hozirgi vaqtda Respublikada 66 ta Oliy o'quv yurti, jumladan, 1500 ga yaqin kasb-hunar kollejlari, akademik litseylar va 10 mingga yaqin umumiy o'rta ta'lim maktablari faoliyat ko'rsatmoqda. Yangi kasb-hunar kollejlarini va ularning filiallarini qurish nihoyasiga yetkazildi.

O'zbekistonda olib borilayotgan islohotlarning eng muhim maqsadi yurtimizda sog'lom va barkamol, bilimli, yuksak ma'naviy-axloqiy fazilatlariga ega bo'lgan avlodni shakllantirishdan iboratdir.

Aynan shu maqsadlarga erishish uchun mamlakatimizda 1997 – 2010 yillarda keng miqyosdagi Kadrlar tayyorlash milliy dasturi amalga oshirildi. Uning zahirida aholining uzluksiz ta'lim olishini ta'minlash, ta'lim tizimining jamiyatdagi o'zgarish va yangilanishlar, iqtisodiyotdagi yuqori malakali kadrlarga bo'lgan ehtiyoj bilan uyg'un va hamohang bo'lishiga erishish kontsepsiyasi mujassam edi. Frantsiyadagi dunyoning eng yaxshi 5 ta biznes maktabi qatoriga kiradigan "Inssad" xalqaro biznes maktabining 2012 yilgi "Innovatsion global indeksi" ma'ruzasida bayon etilgan ma'lumotda keltirilishicha dunyoning 141 mamlakatida innovatsion rivojlanish kompleks tarzda tashkil qilingan. Tahlilning asosiy tarkibiy qismlaridan biri inson kapitalini rivojlantirish darajasi bo'yicha bizning mamlakatimiz **35-o'rinni** egallagan. Ta'lim tizimini rivojlantirish darajasi bo'yicha esa O'zbekiston dunyoning 141 mamlakati orasida **ikkinci o'rinni** band etgan.

14-jadval

Maktab ta'limi rivojining son va sifat ko'rsatkichlari

Ko'rsatkichlar	1990 yil	2000 yil	2009 yil	2010 yil
Umumta'lim maktablari o'quvchilari soni (1 – 9 sinf), ming	4053	5645,8	4822,2	4676,1
Umumta'lim maktablarida 1 nafar o'qituvchiga to'g'ri keladigan o'quvchilar soni, kishi	13	13	11	11
7(6) yoshdan 15 yoshgacha bo'lgan bolalarning maktab ta'limi bilan qamrab olingani, maktabda o'qishi lozim bo'lgan bolalarga nisbatan foizda	92,1	97,4	99,3	99,3
SHu jumladan,				
O'g'il bolalar	92,4	98,1	99,3	99,3
Qizlar	91,8	96,6	99,3	99,3
Darsliklar bilan ta'minlanish darajasi, foizda	55,4	76	99,5	100
Nashr etilgan darsliklar soni, ming nusxa	666,7	2955,7	22699,1	33652,9
Kompyuter o'quv xonalari bilan ta'minlanish, maktablar sonidan foiz nisbatida	2,4	10,4	46,4	68,2
Zamonaviy laboratoriya jihozlari bilan ta'minlanganlik, maktablar soniga nisbatan foizda	16,4	21,5	69,3	71,5
Maktabdan tashqari ta'lim muassasalari soni	371	483	563	575


Manba: O'zbekiston Respublikasi Xalq ta'limi vazirligi ma'lumotlari asosida

Yurtimizda Kadrlar tayyorlash milliy dasturi doirasida 2012-2013 o'quv yilida 12 yillik majburiy ta'limga, jumladan, 9 yillik maktab ta'limi va undan keyingi 3 yillik o'rta maxsus, kasb-hunar ta'limga o'tish to'liq ta'minlandi. Ta'limning barcha bosqichlarida o'quv

dasturlari qayta ko'rib chiqildi va zamonaviy halqaro talablarga mos holga keltirildi. Zamonaviy darslik va o'quv qo'llanmalarini tayyorlash, o'quvchilar uchun ulardan keng foydalanish imkoniyatlarini yaratish bo'yicha ulkan ishlar amalga oshirildi. O'qituvchilar tarkibini tayyorlash, qayta tayyorlash va malakasini oshirish, ularning yuksak malaka talab etadigan mehnatini rag'batlantirish tizimi yaratildi.

2004 – 2010 yillarda Maktab ta'limini rivojlantirish umummilliy davlat dasturi amalga oshirildi. Bu davr mobaynida 7800 tadan ziyod umumta'lim maktabi yangitdan qurildi, ta'mirlandi va rekonstruktsiya qilindi, ularning umumiy soni esa 9860 taga yetdi. 8 mingdan ortiq ta'lim muassasasi kapital ta'mirlandi, gaz va suv bilan ta'minlandi, markazlashtirilgan kanalizatsiya tarmoqlariga ulandi.

6-chizma. 1991 yilgacha faoliyat ko'rsatgan ta'lim tizimi



7 – chizma. O'zbekiston Respublikasida faoliyat ko'rsatayotgan ta'lim tizimi



O'rta maxsus, kasb-hunar ta'limi rivojlanishi ko'rsatkichlari

Ko'rsatkichlar	1990 yil	2000 yil	2009 yil	2010 yil
O'rta maxsus, kasb-hunar ta'limi muassasalarida tahsil olayotgan o'quvchilar soni, ming o'quvchi	494,7	532,6	1510,8	1623,1
Qizlar ulushi, foiz hisobida	45,0	47,4	49,1	48,5
Umumta'lim maktablari 9-sinf bitiruvchilarini o'rta maxsus, kasb-hunar ta'limi bilan qamrab olish ko'rsatkichlari, foizda	32,2	41,7	96,8	97,1
SHu jumladan,				
O'g'il bolalar	33,9	33,9	97,2	97,2
Qizlar	28,6	31,0	96,5	97,0
Foydalanishga topshirilgan yotoqxonalar, ulardagi o'rinlar soni, ming kishi	–	30,2	92,0	95,0

Manba: O'zbekiston Respublikasi Oliy va o'rta maxsus ta'lim vazirligi

O'rta umumta'lim maktablarida ta'lim davlat tilidan tashqari, yana 7 tilda olib borilmoqda: rus tilida – 806 ta maktabda, qoraqalpoq tilida – 394 ta maktabda, qozoq tilida – 483 ta maktabda, tojik tilida – 238 ta maktabda, qirg'iz tilida – 61 ta, turkman tilida – 46 ta maktabda va boshqa tillarda.

Mamlakatimizda zamonaviy ta'lim standartlari asosida jihozlangan 1539 ta kasb-hunar kolleji va akademik litsey faoliyat yuritmoqda, hozirgi kunda ularda 1623,1 ming nafar o'quvchi bilim olmoqda. Kasb-hunar kollejlari va akademik litseylar malakali, pedagogik va amaliy ish tajribasiga ega bo'lgan raxbar va o'qituvchi kadrlar bilan ta'minlangan.

1998 – 2010 yillar davomida o'rta maxsus, kasb-hunar ta'limi o'quv muassasalarini yangitdan qurish va mavjudlarini rekonstruktsiya qilish uchun qariyb 2,5 trillion so'm sarflandi. Barcha kasb-hunar kollejlari va akademik litseylar zamonaviy ta'lim standartlari talablari asosida jihozlandi. Kasb-hunar kollejlari bitiruvchilarini ish bilan ta'minlanmoqda. 2012 yilda amalga oshirilgan chora-tadbirlar natijasida kollejlarni tugatgan 450 ming nafardan ortiq bitiruvchi ish bilan ta'minlandi. Ularning 43% o'zlari ishlab chiqarish amaliyotini o'tagan korxonalarga ishga joylashdi.

2-diagramma.

Kasb-hunar kollejlari va akademik litseylar dinamikasi (o'sayotgan birlikda)



Oliy ta'lim tizimida bakalavriat va magistraturadan iborat ikki bosqichli halqaro standartga o'tish amalga oshirildi.

Mamlakatimizda Halqaro Vestminster universiteti, Singapur menejmentni rivojlantirish instituti, I.M.Gubkin nomidagi Rossiya davlat neft va gaz instituti, G.V.Plexanov nomidagi Rossiya iqtisodiyot Akademiyasi, Turin politexnika universiteti, M.V. Lomonosov nomidagi Moskva davlat universiteti kabi halqaro oliy o'quv yurtlarining filiallari tashkil etilgan va samarali faoliyat yuritmoqda.

16 – jadval

Oliy ta'limning rivojlanish ko'rsatkichlari

Ko'rsatkichlar	1990–1991 o'quv yili	2000–2001 o'quv yili	2009–2010 o'quv yili
Oliy o'quv yurtlari soni	37	60	66
shu jumladan, xorijiy oliy o'quv yurtlarining filiallari	–	1	6

Manba: O'zbekiston Respublikasi Oliy va o'rta maxsus ta'lim vazirligi

Hozirgi kunda yuqorida qayd etilgan oliy o'quv yurtlarida eng yuksak halqaro standartlar asosida biznes, iqtisodiyot, huquq, axborot texnologiyalari sohalari bo'yicha talab qilinayotgan mutaxassislar, neft-gaz tarmog'i va geologiya qidiruvi muhandislari, zamonaviy mashinasozlik, sotsiologiya va psixologiya yo'nalishlari uchun kadrlar tayyorlanmoqda.

Oliy ta'limning 150 dan ziyod bakalavr yo'nalishi va 650 ta magistratura mutaxassislari bo'yicha davlat ta'lim standartlari joriy etildi. Talabalarni test sinovlari natijalari asosida o'qishga qabul qilishga to'liq o'tildi.

Oliy o'quv yurtlarining ilm-fan salohiyati ham samarali natijalar bermoqda. Faqat 2010 yilning o'zida oliy o'quv yurtlari va ishlab chiqaruvchilar o'rtasida innovatsion loyiha va texnologiyalar ishlab chiqish uchun umumiy qiymati 4,7 milliard so'mdan ziyod shartnomalar tuzildi, davlat fan va texnika dasturlari hajmi esa qariyb 6 milliard so'mni tashkil etdi.

O'rta maxsus o'quv yurtlariga zarur bo'lgan jihozlar sotib olish uchun jalb qilingan chet el investitsiyalarining miqdori 150 mln. AQSH dollarini tashkil etdi.

Iqtidorli **talabalarni** qo'llab-quvvatlash maqsadida «Umid», **Pedagogik kadrlarni** xorijda

tayyorlash va qayta tayyorlashni ta'minlash bo'yicha «**Ustoz**» jamg'armalari tashkil etildi. Bugungi kunda «**Umid**» va «**Ustoz**» jamg'armalari birlashtirilib «**Iste'dod**» jamg'armasi tuzildi.

Bozor iqtisodiyotiga o'tish davlat va xo'jalik qurilishining barcha sohalarida yuqori malakali mutaxassislar mavjudligini taqozo qiladi. SHunday sharoitda ta'lim muammosi davlat siyosatining ustuvor yo'nalishiga aylandi. Prezidentimiz I.A.Karimov ta'kidlaganidek, iqtisodiy va siyosiy sohalaridagi barcha islohotlarimizning pirovard maqsadi yurtimizda yashayotgan barcha fuqarolar uchun munosib xayot sharoitlarini tashkil qilib berishdan iboratdir. Aynan shuning uchun ham **ma'naviy jihatdan mukammal rivojlangan insonni tarbiyalash, ta'lim va maorifni yuksaltirish, milliy uyg'onish g'oyasini ro'yobga chiqarishdagi yangi avlodni voyaga yetkazish davlatimizning eng muhim vazifalaridan biri bo'lib qoldi.**

Mamlakatimizda 1992 yilning iyul oyidan boshlab «**Ta'lim to'g'risida**»gi qonun amal qila boshladi. Unga binoan ta'lim tizimini isloh qilishning asoslari, yoshlarni o'qitish va tarbiyalashga qo'yiladigan asosiy talablar aniqlandi. U, eng avvalo, kishilik jamiyati yaratgan boyliklarni va erishgan milliy davlat yutuqlarini nazarda tutadigan bolalar bog'chasidan oliy maktabgacha bo'lgan uzluksiz bo'lishi kerak.

Islohotlarni boshlanish davrida Respublikada maktab ta'limini tashkil qilishda qator ijobiy siljishlar yuz berdi:

1. 1996-1997 o'quv yilidan boshlab maktablarning birinchi sinflarida o'qish yangi alifboda olib borildi. Yangi imlo, alifboda o'qish uchun zarur dastur, qo'llanma va darsliklar yaratildi.

2. SHu davr maboynida 300ga yaqin yangi turdagi ta'lim muassalari ochildi. Oliy o'quv yurtlari qoshida 46 litsey tashkil etildi, 800 ga yaqin o'quvchi chet ellarda ta'lim oldi, ko'pgina o'qituvchilar xorijiy davlatlarning ilg'or tajribalarini o'rganish maqsadida chet mamlakatlarga borib qaytdi.

3. Talabalar va o'qituvchi-murabbiylarni, moddiy va ma'naviy rag'batlantirish yo'lga qo'yildi. Masalan, 1993 yildan boshlab oxirgi kurs a'lochi talabalar va aspirantlari uchun «**Prezident stipendiyasi**» joriy qilindi; Beruniy, Navoiy, Ulug'bek, Berdaq nomidagi stipendiyalar ta'sis qilindi; konkurs va musobaqa g'oliblariga moddiy-pul rag'batlantirishlari joriy qilindi. Professor-o'qituvchilarga mehnat shartnomalarining kontrakt tizimi joriy etildi va hokazo.

4. O'rta maxsus ta'lim sohasida respublikada joylarda biznes maktabi, kasb-hunar kurslarining ochilishi, bozor iqtisodiyoti talablaridan kelib chiqqan holda, yangi mutaxassisliklar (Ferma, Soliq va Bojxona xodimi, Audit va hokazo) kiritildi.

5. Oliy maktab sohasida **test usullari joriy etildi**; viloyatlar markazlaridagi pedagogika institutlari universitetlarga aylantirildi; CHet ellarga tajriba almashish va talabalarni o'qishga yuborish yo'lga qo'yildi; Iqtisod va biznes sohasidagi mutaxassis va o'qituvchilarni qayta tayyorlash bo'yicha aniq maqsadga yo'naltirilgan ishlar olib borildi. Bozor iqtisodiyotiga o'tish davrida 2 mingdan ortiq talaba va mutaxassislar chet ellarda o'qib kelishdi; 200 dan ortiq chet el mutaxassislari respublikamiz o'quv muassasalariga jalb qilindi;

6. Davlat va Jamiyat qurilish akademiyasi, Bank va Moliya hamda "Soliq" akademiyalari tashkil qilindi.

7. «Mahalla», «Kamolot», «Sog'lom avlod uchun», «Nuroni» jamg'armalari tuzildi.

Yuqoridagi amalga oshirilgan ishlar dastlabki yillarda ta'lim jarayoni tizimida ko'pgina ijobiy o'zgarishlarni amalga oshirish imkoniyatini berdi. Ammo o'tgan davr maboynida amalga oshirilgan bu tadbirlar bozor iqtisodiyoti talablariga javob bera olmadi, natijada **ko'pgina muammolar hal qilinmay qolaverdi:**

1. Sobiq Sovet davridan qolgan ta'lim-tarbiya tizimiga xos mafkuraviy qarashlardan va sarqitlardan qutilish imkoniyatini bermadi.

2. Amalga oshirilgan o'zgarishlar va tadbirlar ta'lim-tarbiya va o'quv jarayonlarining tarkibini, bosqichlarini bir-biri bilan uzviy bog'lash ya'ni uzluksiz ta'lim-tarbiya tizimini tashkil qilish muammolarini yecha olmadi.

3. Amaldagi ta'lim-tarbiya jarayoni zamonaviy talablarga javob berolmasligi, mutaxassislar tayyorlash, ta'lim-tarbiya tizimini jamiyatdagi bo'layotgan islohot, yangilanish jarayonlari talablari bilan bog'lanmaganligi ko'rinib qoldi.

4. Yoshlarning sezilarli qismi (O'rta maktabni bitirganlarining 70 foizgacha bo'lgan qismi) mehnat bozoriga kirishga tayyor emas, chunki ular ma'lum bir kasb-malakaga ega emas edi.

5. Aksariyat maktablarning moddiy texnika va axborot bazasi yetarli axvolda emasligi, O'rta va Oliy maktablarning zarur uskunalar bilan ta'minlanganligi esa-talab darajasidan ancha past bo'lganligi, sifatli o'quv-uslubiy adabiyotlarni kamligi sezilarli darajada edi.

6. Maktabgacha ta'lim va tarbiyaning axvoli qoniqarsiz darajada qoldi. Bog'cha yoshdagi bolalarning 25 foizi maktabgacha bolalar muassasalariga qamrab olingan edi, xolos.

7. Maktablarda va boshqa o'quv yurtlarida ta'lim jarayonining o'zidagi va o'qitish uslubiyatidagi juda ko'p kamchiliklar o'quvchilarda mustaqil fikrlash qobiliyatini rivojlanmay qolishga sababchi bo'lib qolgan edi. O'rta maktabni bitirganlarning 10 foizigina Oliy o'quv yurtlariga o'qishga kirar edi, xolos.

Yuqorida ko'rsatilgan va boshqa muammolar ta'lim jarayonlarini chuqur isloh qilish lozimligini taqozo etdi.

SHuning uchun O'zbekiston Respublikasi Oliy Majlisi 1997 yil avgust oyida «**Ta'lim to'g'risida**» Qonun qabul qildi. Bu qonunda ta'lim sohasidagi davlat siyosatining asosiy printsiplari, ta'lim tizimi va turlarining xuquqiy asoslari belgilab berildi.

«**Ta'lim to'g'risida**»gi Qonunga binoan O'zbekiston Respublikasi ijtimoiy taraqqiyoti sohasi, **ta'lim, ustuvor deb e'lon qilingan.**

Ta'lim sohasidagi davlat siyosatining asosiy printsiplari quyidagilardan iborat qilib belgilangan:

1. Ta'lim va tarbiyaning insonparvarlik, demokratik xarakterda ekanligi;
2. Ta'limning uzluksizligi va izchilligi;
3. Umumiy o'rta, shuningdek o'rta maxsus, kasb-hunar ta'limining majburiyligi;
4. O'rta maxsus, kasb-hunar ta'limining yo'nalishini: akademik litseyda yoki kasb-hunar kollejida o'qishni tanlashning ixtiyoriyligi;
5. Ta'lim tizimining dunyoviy xarakterga ega ekanligi;
6. Davlat ta'lim standartlari doirasida ta'lim olishning hamma uchun ochiqligi;
7. Ta'lim dasturlarini tanlashga yagona va tabaqalashtirilgan yondashuv;
8. Bilimli bo'lishni va iste'dodni rag'batlantirish;
9. Ta'lim tizimida davlat va jamoat boshqaruvini uyg'unlashtirish.

Ta'lim to'g'risidagi qonunga binoan **Kadrlar Tayyorlash Milliy dasturi** qabul qilindi. U uzoq davrga mo'ljallangan bo'lib ta'limning barcha tizimini va turlarini, **tizimini isloh qilishga** qaratilgandir.

Kadrlar tayyorlash Milliy dasturi quyidagi ta'lim turlarini belgiladi.

Maktabgacha ta'lim – maktabgacha ta'lim bola sog'lom, har tomonlama kamol topib shakllanishini ta'minlaydi, unda o'qishga intilish hissini uyg'otadi, uni muntazam ta'lim olishga tayyorlaydi. Maktabgacha ta'lim bola olti-etti yoshga yetgunicha davlat va nodavlat maktabgacha tarbiya bolalar muassasalarida hamda oilalarda amalga oshiriladi. Maktabgacha ta'lim maqsadi va vazifalarini ro'yobga chiqarishda mahallalar, jamoat va xayriya tashkilotlari, halqaro fondlar faol ishtirok etadi.

Umumiy o'rta ta'lim To'qqiz yillik (I-IX sinflar) o'qishdan iborat umumiy o'rta ta'lim majburiydir. Ta'limning bu turi boshlang'ich ta'limni (I-IV sinflar) qamrab oladi hamda o'quvchilarning fanlar asoslari bo'yicha muntazam bilim olishlarini, ularda bilim o'zlashtirish ehtiyojini, asosiy o'quv-ilmiy va umummadaniy bilimlarni, milliy va umumbashariy qadriyatlarga asoslangan ma'naviy-axloqiy fazilatlarini, mehnat ko'nikmalarini, ijodiy fikrlash va atrof-muhitga ongli munosabatda bo'lishni va kasb tanlashni shakllantiradi. Umumiy o'rta ta'lim tugallanganidan keyin ta'lim fanlari va ular bo'yicha olingan baholar ko'rsatilgan holda davlat tomonidan tasdiqlangan namunadagi attestat beriladi.

O'rta maxsus, kasb-hunar ta'limi umumiy o'rta ta'lim negizida o'qish muddati uch yil bo'lgan majburiy o'rta maxsus, kasb-hunar ta'limi uzluksiz ta'lim tizimidagi mustaqil turdir. O'rta maxsus, kasb-hunar kolleji o'quvchilari tomonidan ixtiyoriy tanlanadi.

Akademik litsey davlat ta'lim standartlariga muvofiq o'rta ta'lim beradi. O'quvchilarning imkoniyatlari va qiziqishlarini hisobga olgan holda ularning jadal intellektual rivojlanishi chuqur, sohashtirilgan, tabaqalashtirilgan, kasbga yo'naltirilgan ta'lim olishini ta'minlaydi.

Kasb-hunar kolleji tegishli davlat ta'lim standartlari doirasida o'rta maxsus, kasb-hunar ta'limi beradi; o'quvchilarning kasb-hunarga moyilligi, bilim va ko'nikmalarini chuqur rivojlantirish, tanlab olingan kasb-hunar bo'yicha bir yoki bir necha ixtisosni egallash imkonini beradi.

Oliy ta'lim o'rta maxsus, kasb-hunar ta'limi negiziga asoslanadi hamda ikki (bakalavriat va magistratura) bosqichiga ega.

Oliy ta'lim muassasalariga talabalar qabul qilish davlat grantlari negizida va pullik-shartnomaviy asosda amalga oshiriladi.

Bakalavriat - mutaxassisliklar yo'nalishi bo'yicha fundamental va amaliy bilim beradigan, ta'lim muddati kamida to'rt yil davom etadigan tayanch oliy ta'limdir.

Bakalavrlik dasturi tugallanganidan so'ng bitiruvchilarga davlat attestatsiyasi yakunlariga binoan kasb bo'yicha **"bakalavr"** darajasi beriladi va davlat tomonidan tasdiqlangan namunadagi, kasb-hunar faoliyati bilan shug'ullanish xuquqini beradigan diplom topshiriladi.

Magistratura – aniq mutaxassislik bo'yicha fundamental va amaliy bilim beradigan, bakalavriat negizida ta'lim muddati kamida ikki yil davom etadigan oliy ta'limdir.

"Magistr" darajasini beradigan davlat malaka attestatsiyasi magistrlik dasturining intixosidir. Magistrlarga davlat tomonidan tasdiqlangan namunadagi, kasb-hunar faoliyati bilan shug'ullanish xuquqini beradigan diplom topshiriladi.

Oliy o'quv yurtidan keyingi ta'lim jamiyatning oliy malakali ilmiy va ilmiy pedagog kadrlarga bo'lgan ehtiyojlarini qondirishga, shaxsning ijodiy ta'lim-kasb-hunar manfaatlarini qanoatlantirishga qaratilgan.

O'zbekiston Respublikasi Prezidentining 2012 yil 24 iyulda PF-4456 "Oliy malakali ilmiy va ilmiy pedagogik kadrlar tayyorlash va attestatsiyadan o'tkazish tizimini yanada takomillashtirish to'g'risida"gi Farmoni qabul qilindi. Unga asosan ta'lim jarayoni bakalavriyat va magistratura standartlariga o'tkazilgandan so'ng nomzodlik dissertatsiyalarini himoya qilish mohiyatan ortiqcha ekanligini ko'rsatdi. Fan doktori ilmiy darajasini olish uchun to'g'ridan-to'g'ri dissertatsiyani himoya qilishni nazarda tutuvchi Oliy o'quv yurtidan keyingi ta'limning bir bosqichli tizimi 1 yanvar 2013 yildan joriy qilinadigan bo'ldi. Doktorlik ilmiy ishlarini tayyorlash va himoya qilish, ilmiy daraja hamda ilmiy unvonlar berish tizimi yangilanmoqda. Ilmiy kengashlar, asosan, nafaqat yuqori malakali kadrlar tayyorlash maskani, ayni vaqtda ilmiy tadqiqotlar olib boriladigan Markazga aylanishi lozim bo'lgan yetakchi oliy o'quv yurtlari qoshida tashkil etiladi.

Kadrlar malakasini oshirish va ularni qayta tayyorlash mutaxassislarning kasb bilimlari va ko'nikmalarini yangilash hamda chuqurlashtirishga qaratilgan. Kadrlar malakasini oshirish va ularni qayta tayyorlash ta'lim muassasalaridagi o'qish natijalariga ko'ra davlat tomonidan tasdiqlangan namunadagi guvohnoma va sertifikat topshiriladi.

Maktabdan tashqari ta'lim bolalar va o'smirlarning ta'limga bo'lgan, yakka tartibdagi, ortib boruvchi talab-ehtiyojlarini qondirish, ularning bo'sh vaqtini va dam olishini tashkil etish uchun davlat organlari, jamoat tashkilotlari, shuningdek, boshqa yuridik va jismoniy shaxslar madaniy-estetik, ilmiy, texnikaviy, sport va boshqa yo'nalishlarda maktabdan tashqari davlat va nodavlat ta'lim muassasalarini tashkil etadilar.

Kadrlar tayyorlash milliy dasturining **maqsadi** – ta'lim sohasini tubdan isloh qilish, uni o'tmishdan qolgan mafkuraviy qarashlar va sarqitlardan to'la xalos etish, rivojlangan demokratik davlatlar darajasida, yuksak ma'naviy va axloqiy talablarga javob beruvchi yuqori malakali kadrlar tayyorlash milliy tizimini yaratish edi.

Ushbu maqsadni ro'yobga chiqarish quyidagi **vazifalar hal etilishini nazarda tutgan edi:**

1. «**Ta'lim to'g'risida**»gi O'zbekiston Respublikasi qonuniga muvofiq ta'lim tizimini isloh qilish, davlat va nodavlat ta'lim muassasalari hamda ta'lim va kadrlar tayyorlash sohasida raqobat muhitini shakllantirish negizida ta'lim tizimini yagona o'quv-ilmiy-ishlab chiqarish majmui sifatida izchil rivojlantirishni ta'minlash;

2. Ta'lim va kadrlar tayyorlash tizimini jamiyatda amalga oshirilayotgan yangilanish, rivojlangan demokratik xuquqiy davlat qurilishi jarayonlariga moslash;

3. Kadrlar tayyorlash tizimi muassasalarini yuqori malakali mutaxassislar bilan ta'minlash, pedagogik faoliyatning nufuzi va ijtimoiy maqomini ko'tarish;

4. Kadrlar tayyorlash tizimi va mazmunini mamlakatning ijtimoiy va iqtisodiy taraqqiyoti istiqbollaridan, jamiyat ehtiyojlaridan, fan, madaniyat, texnika va texnologiyaning zamonaviy yutuqlaridan kelib chiqqan holda qayta qurish;

5. Ta'lim oluvchilarni ma'naviy-ahloqiy tarbiyalashning va ma'rifiy ishlarning samarali shakllari hamda uslublarini ishlab chiqish va joriy etish;

6. Ta'lim va kadrlar tayyorlash, ta'lim muassasalarini attestatsiyadan o'tkazish va akkreditatsiya qilish sifatida baho berishning xolis tizimini joriy qilish;

7. Yangi ijtimoiy-iqtisodiy sharoitlarda ta'limning talab qilinadigan darajasi va sifatini, kadrlar tayyorlash tizimining amalda faoliyat ko'rsatishi va barqaror rivojlanishining kafolatlarini, ustuvorligini ta'minlovchi normativ, moddiy-texnika va axborot bazasini yaratish;

8. Ta'lim, fan va ishlab chiqarish samarali integratsiyalashuvini ta'minlash, tayyorlanayotgan kadrlarning miqdori va sifatiga nisbatan davlatning talablarini, shuningdek, nodavlat tuzilmalari, korxonalar va tashkilotlarning buyurtmalarini shakllantirishning mexanizmlarini ishlab chiqish;

9. Uzlusiz ta'lim va kadrlar tayyorlash tizimiga byudjetdan tashqari mablag'lar, shu jumladan, chet el investitsiyalari jalb etishning real mexanizmlarini ishlab chiqish va amaliyotga joriy etish;

10. Kadrlar tayyorlash sohasida o'zaro manfaatli halqaro hamkorlikni rivojlantirish.

Kadrlar tayyorlash Milliy dasturining **maqsad va vazifalari bosqichma-bosqich ro'yobga chiqarildi.**

Birinchi bosqich (1997-2001 yillar) – mavjud kadrlar tayyorlash tizimini ijobiy salohiyatini saqlab qolish asosida ushbu tizimni isloh qilish va rivojlantirish uchun xuquqiy, kadrlar jihatidan, ilmiy-uslubiy, moliyaviy-moddiy shart-sharoitlari yaratildi.

Ikkinchi bosqich (2001-2005 yillar) – Milliy dasturni to'liq ro'yobga chiqarish, mehnat bozorining rivojlanishi va real ijtimoiy iqtisodiy sharoitlarni hisobga olgan holda unga aniqliklar kiritildi.

Uchinchi bosqich (2005-2009 yil) – to'plangan tajribani tahlil etish va umumlashtirish asosida, mamlakatning ijtimoiy-iqtisodiy rivojlantirish istiqbollariga muvofiq kadrlar tayyorlash tizimini takomillashtirish va yanada rivojlantirish.

Bu bosqichning asosiy vazifalari quyidagilar edi:

1. Majburiy umumiy o'rta va o'rta maxsus, kasb-hunar ta'limiga, shuningdek, o'quvchilarning qobiliyatlari va imkoniyatlariga qarab, tabaqalashtirilgan ta'limga o'tish to'liq amalga oshirildi.

Kadrlar tayyorlash Milliy dasturi ijtimoiy rivojlanishning barcha sohalarida ta'limning ustuvorligini bildiradigan davlat siyosatining mohiyatini ifodalaydi. Respublikamizda yalpi harajatlar tarkibida ta'lim tizimi uchun harajatlar 1990 yilda 17,9 % dan 2012 yilda 34,0 % dan ortiqrog'i ta'lim sohasiga e'tibor oshayotganligining yaqqol isbotidir. Ta'lim uchun sarf-xarajatlarning bu miqdori bo'yicha O'zbekiston jahonning yetuk mamlakatlariga yaqinlashganligini borayotganligini isbotlaydi.

2013 yilning 1 yanvaridan boshlab mamlakatimizda oliy o'quv yurtlari faoliyatini baholashning reyting tizimi joriy etilmoqda. Reyting tuzish vazifasi Vazirlar Mahkamasi huzuridagi Davlat Test markazi zimmasiga yuklanadi. Reyting tizimini joriy qilinishi oliy o'quv

yurtlari o'rtasida sog'lom raqobat va musoboqa muhitini shakllantirish, yuqori malakali kadrlash tayyorlash darajasi hamda sifatini yanada oshirish bo'yicha aniq takliflarni ishlab chiqish imkoniyatini vujudga keltiradi.

Oliy ta'lim muassalarining moddiy-texnik bazasini modernizatsiya qilish va mutahassislar tayyorlash sifatini tubdan yaxshilash bo'yicha **2011-2016 yillarga mo'ljallangan dasturni** amalga oshirish uchun 277 mlrd so'mdan ortiq mablag' yo'naltirish ko'zda tutilgan.

Kadrlar tayyorlash tizimini rivojlantirishning asosiy yo'nalishlari quyidagilarni o'z ichiga oladi:

1. Ta'limning uzluksizligini ta'minlash;
2. Pedagog va ilmiy-pedagog kadrlar tayyorlash, qayta tayyorlash va ularning malakasini oshirish;
3. Ta'lim jarayonini mazmunan isloh qilish;
4. Ma'naviy va axloqiy tarbiya va ma'rifiy ishlarni takomillashtirib borish;
5. Iqtidorli va iste'dodli yoshlarni aniqlab borish va o'qitish;
6. Ta'lim tizimini boshqarish;
7. Kasb-hunar ta'limi sifatini nazorat qilish tizimini shakllantirish;
8. Ta'lim tizimini moliyalash;
9. Moddiy-texnika ta'minotini yaxshilash;
10. Ta'lim tizimining yaxlit axborot makonini vujudga keltirish;
11. Ta'lim xizmati ko'rsatish bozorini rivojlantirish;
12. Ta'lim sohasida ijtimoiy kafolatlarni ta'minlash hamda bu sohani davlat tomonidan qo'llab quvvatlash;
13. Fan va ta'lim jarayoni aloqalarini rivojlantirish;
14. Ishlab chiqarish va ta'lim tizim integratsiyalashuvini rivojlantirish;
15. Ta'lim va kadrlar tayyorlash sohasidagi halqaro hamkorlikni rivojlantirish.

7.3. Sog'liqni saqlash tizimini isloh qilish.

Sog'liqni saqlash – bu jamiyat a'zolari sog'lig'ini himoya qilish va yaxshilash bo'yicha davlat tomonidan olib borilgan iqtisodiy va tibbiy tadbirlar majmuidir.

Sog'liqni saqlash tizimi bu davolash va dori-darmon yetkazib beruvchi muassalarining barchasini o'z ichiga oladigan ijtimoiy-sohaning muhim tarmog'idir. Bu muassalarining holatiga inson salohiyatini rivojlanishi bevosita bog'liq bo'ladi. Inson sog'lig'i, insoniy salohiyat mamlakat iqtisodiy rivojlanishining muhim sharti hisoblanadi.

O'zbekiston Respublikasida zamonaviy, yuksak jahon talablariga javob beradigan tashxis qo'yish va davolash tibbiy asbob-uskunalar bilan jihozlangan, yuqori malakali vrachlar va o'rta tibbiy xodimlari bilan ta'minlangan shoshilinch tibbiy yordamning yaxlit tizimi yaratilgan va faoliyat ko'rsatayapti.

O'zbekiston ulkan insoniy salohiyatga ega bo'lgan mamlakatdir.

"Inson salohiyati eng faol, eng bunyodkor omil bo'lib, - deydi Prezidentimiz, - u mamlakatning islohotlari va tub o'zgarishlar yo'lidan tinimsiz ilgari lab borishini ta'minlab beradi". Jamiyatning iqtisodiy va ijtimoiy rivojlanishi darajasi bilan belgilanuvchi mazkur omil, o'z navbatida, uni rivojlantirish va taraqqiy ettirishda hal qiluvchi rol o'ynaydi.

Respublika aholisi 2012 yilda 29,6 mln. kishidan oshdi. Bundan 51,3 % shahar va shaharchalarda 48,7 % qishloqlarda yashaydi. O'zbekistonning muhim xususiyati shundan iboratki, bu yerda aholining o'sish sur'atlari yuqori. 1990-2012 yillarning o'zida mamlakatimiz aholisining soni salkam 13 mingga ko'paydi. Aholi sonining o'rtacha yillik o'sish sur'ati ana shu yillarda 1,8 % ni tashkil etdi yoki yiliga 500 ming kishidan sal ko'proqqa o'sdi. Odamlarimizni umr kurish darajasi urtacha 7 yilga uzaydi va 73 yoshni tashkil qilayapti.

Aholining sog'lig'ini saqlash holati, eng avvvlo, davlat va jamiyatning ijtimoiy tuzumiga bog'liq bo'ladi. SHuning uchun mustaqil O'zbekistonda bo'layotgan qayta qurishlar sog'liqni saqlash tarmog'ini ham chetda qoldirmadi.

1992 yildan O'zbekistonda tarmoqni intensiv rivojlantirish printsiplariga asos solgan sog'liqni saqlashni rivojlantirish kontsepsiyasi belgilandi. Sobiq Sovet davridagi sog'liqni saqlash tizimi samarasiz bo'lib ekstensiv printsipl asosida rivojlangan. Bu tizimda sifat ko'rsatkichlariga emas, balki miqdor ko'rsatkichlariga asosiy e'tibor berilgan. Masalan, mustaqillik davrining boshlarida O'zbekistonda 22 mln. kishiga 70 mingdan oshiq vrach to'g'ri kelar edi.

O'zbekistondagi vrachlarning ko'pligi aholini davolash yuqori darajada ekanligini aslo bildirmas edi.

17-jadval

Sog'liqni saqlashning asosiy ko'rsatkichlari

	2000 yil	2010 yil
Barcha shifokorlar soni (ming kishi)	81.5	77.1
SHifokorlar xar 10000 aholiga	32.8	27.8
O'rta tibbiy xodimlar soni (ming kishi)	259.7	287.3
O'rta tibbiy xodimlar soni 10000 aholiga	104.7	103.5
Kasalxona muassasalari soni	1162	1086
Kasalxonadagi o'rinlar soni 10000 aholiga	55.9	49.5
Tibbiyot oliy o'quv yurtlarini bitirganlar	2268	3300
O'rta maxsus kasb xunar kollejarini bitirganlar	22803	48300

Manba: O'zbekiston Respublikasi Davlat Statistika Qo'mitasining ma'lumotlari asosida muallif tomonidan tayyorlandi. Toshkent. "O'zbekiston" 2011.

SHunday qilib, Respublikamizda qabul qilingan sog'liqni saqlashning intensiv yo'lga o'tkazish kontsepsiyasi na faqat to'g'ri, balki zarurat ekanligini xayotni o'zi isbotladi.

O'zbekistonda 1996 yil 26 avgustda "Respublika fuqarolarining sog'lig'ini saqlash xaqida" Qonun qabul qilindi.

Mazkur qonun bilan Respublika aholisini sog'lig'ini saqlashning quyidagi **asosiy printsiplari aniqlab qo'yildi**:

1. Sog'liqni saqlash sohasida inson xuquqini ta'minlash;
2. Aholini barcha qatlamlari uchun tibbiy yordam olish imkoniyati;
3. Profilaktik tadbirlar ustuvorligi;
4. Sog'lig'ini yo'qotgan kishilarni ijtimoiy muhofaza qilish;
5. Tibbiy fan va amaliyotning birligi.

Bu qonun sog'liqni saqlash tizimining institutsional tuzilmasini va birinchi darajali faoliyat yo'nalishlarini aniq belgilab berdi. Respublikamizda sog'liqni saqlash tizimini rivojlantirishning xuquqiy holati va mulkchilik shakli turlicha **institutsional tuzilmalarni tashkil qilish va amaliy faoliyatini yo'lga qo'yish modeli tanlab olingan**. Bir vaqtning o'zida, qonunda fuqarolarning yoshi, moddiy va professional holati, shuningdek, zaruriy xizmat xarakteri aniq e'tirof etilgan tibbiy yordam olish xuquqlari alohida belgilangan.

Qonunga muvofiq, xalq salomatligini saqlash maqsadida davlat siyosatini ishlab chiqish va uni amalga oshirishni boshqarish davlat zimmasiga yuklatiladi. **Sog'liqni saqlash bo'yicha davlat tizimi tarkibiga markaziy va mahalliy boshqaruv organlari**, shuningdek ularning tassarrufida bo'lgan **davolash-profilaktika, ilmiy-tadqiqot muassasalari, o'quv dargohlari**,

farmatsevtika korxonalari va tashkilotlari, sanitariya-profilaktika muassasalari, tez tibbiy yordam xizmati, sud-tibbiyot ekspertizasi tashkilotlari kiradi.

Davlat tashkilotlari markaziy va mahalliy byudjet hisobidan moliya bilan ta'minlanadi. Bu tashkilotlarda-bepul tibbiy xizmat ko'rsatiladi. Davlat korxonalari va tashkilotlari tomonidan yaratilgan hamda moliya bilan ta'minlanadigan **tibbiy muassasalar ham shu guruhga kiritiladi.**

Xususiy tibbiyot muassasalari tizimi tarkibiga davolash-profilaktika, apteka muassasalari, tibbiyot va farmatsevtik mahsulotlar ishlab chiqaruvchi korxonalar, shuningdek, yakka tartibda tibbiy yoki farmatsevtik faoliyat bilan band bo'lgan jismoniy shaxslar kiradi.

Sog'liqni saqlash sohasida barcha muassasa va tashkilotlarning, shu bilan bir vaqtda jismoniy shaxslarning faoliyati davlat tomonidan qat'iy belgilanadi va nazorat qilinadi. **Tibbiy xizmat bilan bog'liq faoliyat olib borish uchun maxsus davlat litsenziyasiga ega bo'lish lozim.**

Mamlakatimizda O'zbekiston Respublikasi Prezidenti qarori bilan 2011 yilda tasdiqlangan **"Sog'liqni saqlash tizimini isloh qilishni yanada chuqurlashtirish chora-tadbirlari"** to'g'risida maxsus dastur qabul qilindi. Bu dastur respublika hududlarida turli mulkchilik shakliga asoslangan tibbiy muassasalar tarmog'ini kengaytirish va sog'liqni saqlash tizimining moddiy-texnika bazasini mustahkamlashni ko'zda tutadi. Bu respublika aholisiga zaruriy tibbiy yordam ko'rsatishning yaxlit tashkiliy tuzilmasi yaratildi.

O'zbekiston Respublikasi Prezidentining 2011 yil 18 iyuldagi R-3676-sonli farmoyishi bilan tuzilgan Kommissiyaning:

- 2012-2015 yillarda byudjet mablag'lari hisobidan moliyalashtiriladigan sog'liqni saqlash tizimi statsionar muassalari tarmog'i va o'rinlar fondini maqbullashtirish;
- 2012-2014 yillar mobaynida olis qishloq aholi punktlarida qishloq aholisi uchun birlamchi tibbiy yordamdan qulay va tez foydalanishni ta'minlaydigan qo'shimcha 102 ta qishloq vrachlik punktlarini 3-ildavga muvofiq barpo etish to'g'risida;
- 103 ta tuman tibbiyot birlashmalarini 93 million AQSH dollari miqdoridagi **"Salomatlik-3"** jahon banki bilan hamkorlikda amalga oshirish doirasida zamonaviy laboratoriya, tashxis va davolash uskunolari bilan jihozlanadigan tuman tibbiyot muassasalarining tashxis, statsionar va ko'makchi bo'linmalarini bir hududda ixcham joylashtirish asosida modernizatsiya qilish to'g'risidagi;
- 2012-2013 yillarda respublika ixtisoslashtirilgan tibbiyot markazlarini bosqichma-bosqich aktsiyalashtirish bo'yicha;
- Respublika ixtisoslashtirilgan tibbiyot muassalari aktsiyalarining 51 % ni davlatda saqlab qolgan holda, davlat ulushi bo'yicha tegishli bo'lgan dividendlarni 2020 yilni ham o'z ichiga olgan davrda, ixtisoslashtirilgan markazlarini to'liq jixozlash va qayta jixozlash va qayta jihozlash uchun zamonaviy tibbiyot uskunalarini xarid qilishga yo'naltirildi²².

Ushbu dasturga asosan sog'liqni saqlash sohasida:

- ona va bola salomatligini himoyalash;
- yuqumli kasalliklarga qarshi kurashish va ularning oldini olish;
- dastlabki tibbiy-sanitariya yordami bazasini mustahkamlash;
- atrof-muhitni himoyalash kabi **yo'nalishlar ustuvor deb belgilangan.**

Mazkur dasturga muvofiq sog'liqni saqlash sohasida ikki bosqichli dastlabki va keyingi tibbiy xizmat ko'rsatish shakliga o'tildi. Bu vaqtda tibbiy yordam quyidagicha amalga oshirildi:

★ qishloq sharoitida: qishloq vrachlik punkti (QVP) – markaziy hududiy kasalxona (MXK) va uning qoshidagi poliklinika. CHO'l, yaylov zonalaridagi chorvadorlar uchun va

²² Халқ сўзи. 2011 йил 30 ноябр.

tog'lik joylardagi aholi uchun **uchastka kasalxonalari hamda fel'dsher- akusherlik punktlari saqlandi;**

★ **shaharlarda:** maslahat – diagnostik poliklinika (yoki diagnostika markazi) - shahar kasalxonasi.

★ **Tibbiy xizmat sohasida tor mutaxassislik yo'nalishlaridan voz kechib, bosqichma-bosqich umumiy amaliyotchi vrachlarni tayyorlashga o'tildi.** Bundan maqsad, sog'liqni saqlash tizimining boshlang'ich bo'g'inidan ko'p sohali malakali tibbiy yordam olishni ta'minlashdir.

Umumiy amaliyotchi vrach bu terapevt, otolaringolog, ambulatoriya sharoitida diagnoz qo'yib og'ir bo'lmagan operatsiyalarni bajara oladigan xirurgdir.

Dasturga muvofiq **tibbiy hamshiralarni** kollejlarda tayyorlanadi. Ular kollejlarda 3 yil o'qigandan so'ng Oliy o'quv yurtiga kirishlari va xorijiy davlatlarda bo'lgani kabi oliy ma'lumotli hamshira kasbini olishlari mumkin.

★ Respublikamizda **pullik tibbiy xizmat ko'rsatish** tizimini shakllantirish ham ko'zda tutilgan. **Bunday tibbiyot muassasalari moliyalashtirishning ikki xili negizida shakllantiriladi. Birinchisi, xususiy moliyalashtirish.** Bunda yuridik va jismoniy shaxslardan ko'rsatilgan tibbiy xizmatlar uchun pul undiriladi. **Ikkinchisi, aralash moliyalashtirish.** Bunda sarf-xarajatlarning ma'lum qismi davlat byudjetidan ajratiladigan dotatsiyalar hisobiga qoplanadi. **Aralash moliyalashtirish** asosida faoliyat yurituvchi tibbiy muassasalar jumlasiga kattalar va bolalarga mo'ljallangan ko'p tarmoqli kasalxonalar, ixtisoslashgan markaz va klinikalar, sog'liqni saqlash, sanitariya, farmakologiya sohasida izlanishlar olib boruvchi, ilmiy-tadqiqot tashkilotlari, qisman tibbiy kadrlarni tayyorlash bilan band o'quv dargohlari kiradi.

Xususiy moliyalashtirish printsipiga asosan, shaxsiy amaliyotchi vrachlar, nodavlat davolash profilaktika tashkilotlari, homila-dorlarga va tug'adigan ayollarga tibbiy yordam ko'rsatuvchi ayrim xususiy lashtirilgan muassasalar ish yuritadi. Sug'urta kompaniyalarining maqsadli pul o'tkazmasi, yuridik va jismoniy shaxslarning xizmat xaqini to'lashi tibbiy xizmat ko'rsatuvchi nodavlat muassasalarining moliyaviy ta'minot manbai hisoblanadi.

Yalpi xarajatlar tarkibida sog'liqni saqlash tizimidagi harajatlar 10 % dan 13% ga ko'paydi.

★ Sog'liqni saqlash ishini takomillashtirish va «detsentralizatsiya» yo'li bilan boshqarishni tashkil etish; Boshqarish va taqsimlash funksiyalarini pastki-quyi bo'g'inga zvenoga berish; Sog'liqni saqlash vazirligi boshqarishning oliy organi sifatida sog'liqni saqlashning strategik masalalarini hal qilish bilan shug'ullanishi lozim.

★ Respublikada sog'liqni saqlashni isloh, qilishning muhim muammolaridan bo'lib bu majburiy tibbiy sug'urtalashga o'tish masalasidir. Ma'lumki, ko'pchilik rivojlangan davlatlarda tibbiy sug'urtalash o'z samarasini ko'rsatgan. O'zbekistonda bu masalani hal qilishda shoshma-shosharlikka yo'l qo'ymasdan aholini iqtisodiy, demografik, tarixan vujudga kelgan urf-odatlarini e'tiborga olish lozim.

Tibbiy sug'urtalash mexanizmini amalda qo'llashni ta'minlash maqsadida Davlat fondi tashkil etilgan. SHuningdek, ixtiyoriy tibbiy sug'urtalash bilan shug'ullanuvchi xususiy fondlar shakllantirildi, davlat nazorati ostida faoliyat yuritayotgan boshqa sug'urta tashkilotlariga tibbiy sug'urtalash bilan shug'ullanishga ruxsat berildi.

★ **Sog'liqni saqlash sohasida nodavlat tashkilotlarning shakllanishi va rivojlanishini qo'llab-quvvatlash maqsadida davlatimiz yangi tashkil topgan xususiy tibbiy muassasalarni ikki yil muddatga barcha turdagi soliqlardan ozod etdi.**

Respublikada xususiy tibbiy muassasalarni shakllantirish mavjud davolash-profilaktika tashkilotlarini **davlat tasarrufidan chiqarish hisobiga** ham amalga oshirilmoqda. Xususiy lashtirishga tender asosida aktsiyalar savdosi orqali yoki keyinchalik sotib olish sharti bilan uzoq muddatli ijaraga berish yo'li bilan erishilmoqda. Xususiy lashtirishning asosiy shartlaridan biri, davlat tomonidan belgilangan va kafolatlangan bepul tibbiy yordam ko'rsatishni ta'minlashdan iborat. Bu degan so'z, tibbiy muassasalar xususiy lashtirilishi oqibatida xuddi shu hududda istiqomat qiluvchi aholi kafolatlangan tibbiy yordamga muhtoj bo'lib qolmaydi.

Nodavlat tashkilotlar qatoriga halqaro tashkilotlar va sog'liqni saqlash maqsadlari uchun mahsulot ishlab chiqaruvchi **qo'shma korxonalar ham kiritiladi.**

Respublikada **hayr-saxovat ishlari** bilan shug'ullanuvchi jamg'arma va tashkilotlarning salmog'i oshib bormoqda. Bu xususiy tibbiy muassasalarni kuchli raqobat sharoitida ishlashga undaydi. Natijada, bozor munosabatlarining keskin salbiy ta'siri ancha yumshatiladi. Sog'liqni saqlash tizimini isloh etish va nodavlat tuzilmalarning shakllanib rivojlanishiga, ular tomonidan ko'rsatiladigan tibbiy xizmat sifatining yuksalishida **xorijiy investorlarning roli ham beqiyosdir.**

★ Sog'liqni saqlash tizimini isloh qilish davlat dasturiga muvofiq davolashning yangi intensiv shakllarini qo'llash asosida oshiqcha kasalxona o'rinlari sonini qisqartirish nazarda tutilgan. 1991 yili Respublikadagi tibbiyot muassasalarida mavjud bo'lgan o'rinlar soni 260 mingdan oshiq edi. Sog'liqni saqlashning Milliy dasturini hayotga tadbqiq qilish jarayonida ularning soni teng yarmiga qisqartirildi va o'rin oborotini tezlashtirish hisobiga ularning zarur miqdordagi qismi saqlanib qolindi. Tibbiy muassasalarga murojaat qilgan kishilarning 25 %igacha bo'lgan qismi uzoq muddat davomida statsionar holda davolanar edi. Bu ko'rsatkich rivojlangan davlatlarda 3-4 %ni tashkil qiladi, xolos.

Dasturga binoan asosiy tibbiy xizmat bu poliklinikalarda va kunduzgi statsionarlarda bo'lishi lozim.


O'zbekiston Respublikasi Vazirlar Maxkamasi 2003 yil 2 dekabr kuni "Aholiga shoshilinch tibbiy yordam xizmatini yanada takomillashtirish chora-tadbirlari to'g'risida" qaror qabul qildi. Unda respublikada sog'liqni saqlash tizimini isloh qilish dasturi muvaffaqiyatli amalga oshiralayotganligi qayd qilinib aholiga shoshilinch tibbiy xizmat ko'rsatishni tashkil etishni yanada takomillashtirish va uning sifatini oshirish, shoshilinch tibbiy yordam tizimini rivojlantirishni rag'batlantirish nazarda tutilgan edi. Bu qarorga muvofiq respublika shoshilinch tibbiy yordam markazi huzurida byudjetdan tashqari shoshilinch tibbiy yordam xizmatini qo'llab-quvvatlash va rivojlantirish jamg'armasi tashkil etildi. 2004-2005 o'quv yilidan boshlab "SHoshilinch tibbiy yordam" ixtisosligi bo'yicha magistratura ochiladi.

O'zbekiston Respublikasi Prezidenti tashabbusi bilan 1998 yilda qabul qilingan Sog'liqni saqlash tizimini isloh qilish davlat dasturi mamlakatimizda butun tibbiyot tizimini tubdan qayta qurish, ko'p sarf-xarajat talab etadigan va hamma vaqt ham samarali bo'lmagan statsionar tibbiy yordamdan ambulator-poliklinika va profilaktika tibbiyotiga ustuvor ahamiyat berishga o'tishda muhim omil bo'ldi.

Qishloq joylarida yaxshi samara bermayotgan fel'dsher-akusherlik punktlari o'rniga qishloq vrachlik punktlari (QVP) tashkil etildi.

Ambulatoriya poliklinikalar soni 5886 taga oshib, QVPlari 3208 taga yetdi.

O'zbekiston Respublikasida shoshilinch tibbiy yordamni tashkil etish tizimi



Манба: Ўзбекистон Республикаси Соғлиқни сақлаш вазирлиги

18 – jadval

Ambulatoriya-poliklinika muassasalari faoliyati

Ko'rsatkichlar	1990 yil	2000 yil	2010 yil
Ambulatoriya-poliklinika tibbiy xizmatini ko'rsatuvchi tibbiyot maskanlari soni	3139	4847	5886
SHu jumladan, qishloq va shahar vrachlik punktlari	–	1567	3208
Ambulatoriya-poliklinika muassasalarining qabul quvvati, ming kishi	275,7	391,5	416,0
Bir kishining tibbiyot muassasalariga o'rtacha tashrifi, marta	6,5	8,8	9,5

Manba: O'zbekiston Respublikasi Sog'liqni saqlash vazirligi) 2011 yil ma'lumotlari

2001 yilda mamlakatimizda tibbiyot fanining eng ilg'or yutuqlari asosida keskin va kechiktirib bo'lmaydigan vaziyatlarda shoshilinch tibbiy yordam ko'rsatishning yaxlit tizimi yaratildi. SHoshilinch tibbiy yordam tizimini tashkil etish va jihozlash uchun 11,5 milliard so'm va 61,5 million AQSH dollari miqdoridagi xorijiy kreditlar sarflandi.

Aholiga yuqori sifatli ixtisoslashtirilgan tibbiy yordam ko'rsatishni ta'minlash maqsadida, Respublika maxsus ixtisoslashtirilgan markazlari tashkil etildi va faoliyati yo'lga qo'yildi.

Mamlakatimiz sog'liqni saqlash tizimida, ijtimoiy sohadagi davlat siyosatining asosiy yo'nalishlaridan biri bo'lgan ona va bola salomatligini muhofaza qilish masalasi yetakchi o'rin egallaydi.

Yodlangan tuz ishlab chiqarishning kengaytirilishi, unni boyitish dasturlarining amalga oshirilishi, aholi o'rtasida keng tushuntirish ishlarining olib borilishi natijasida yurtimizda yod tanqisligi, temir moddasi va foliy kislota 66,6 % dan 32,9 % gacha yetishmasligi bilan bog'liq kasalliklar so'nggi o'n yil ichida sezilarli kamaydi.

Mamlakatimizda kasalliklarning oldini olish va turli yuqumli kasalliklarga qarshi chora-

tadbirlarning aniq maqsadli hamda samarali tashkil etilishi natijasida ko'plab yuqumli kasalliklarning oldini olish va batamom bartaraf etish borasida sezilarli yutuqlarga erishildi.

Sanitariya-epidemiologik jihatdan qulay vaziyatni ta'minlashga qaratilgan tadbirlarning asosiy yo'nalishi orttirilgan immunitet virusi (OIV) infeksiyasining oldini olish bilan bog'liq. Bugungi kunda mamlakatimizda orttirilgan immunitet tanqisligi sindromi (OITS)ga qarshi kurashish bo'yicha Respublika OITSga qarshi kurashish markazi, uning viloyatlardagi 14 ta filiali, respublika, viloyat va tuman sog'liqni saqlash boshqarmalari huzuridagi 78 ta OIV diagnostikasi laboratoriyalarini qamrab olgan umummilliy muassasalar tarmog'i yaratildi. Bu tibbiyot maskanlarining barchasi zarur diagnostika uskunalari va materiallar bilan ta'minlangan, davlatimiz tomonidan tibbiyot xodimlarini tayyorlash sifatini yaxshilashga alohida e'tibor qaratilmoqda.

Sog'liqni saqlash tizimining rivoji sifatida O'zbekiston Respublikasi Moliya vazirligi, Iqtisodiyot vazirligi, Sog'liqni saqlash vazirligi bilan birgalikda 2012-2015 yillarda **ta'lim va tibbiyot muassasalarini rekonstruktsiya qilish, mukammal ta'mirlash va jihozlash jamg'armasining mablag'lari** hisobiga tibbiyot muassasalari qurish rekonstruktsiya qilish va mukammal ta'mirlash dasturlarini shakllantirish masalalari ijobiy hal qilinishi ko'zda tutilmoqda.

2012 yilda ushbu jamg'arma mablag'lari hisobidan 154 ta tibbiyot muassasasini qurish va rekonstruktsiya qilishga 255 mlrd.so'mdan ortiq mablag' yo'naltirish, 7,5 ming o'ringa mo'ljallangan shifoxonalarni 1 smenada 11 ming kishini qabul qila oladigan ambulatoriya-poliklinika ob'ektlarini foydalanishga topshirish imkonini berdi. Tibbiyot muassasalarini zamonaviy diagnostika va davolash uskunalari bilan jihozlash uchun jamg'arma tomonidan 8 mlrd.so'mdan ortiq mablag' ajratildi.

SHuni alohida ta'kidlash joizki, reproduktiv salomatlikni ta'minlash bo'yicha O'zbek modeli BMT tomonidan SHarqiy Yevropa, Boltiqbo'yi va MDH uchun "eng yaxshi mintaqaviy dastur" sifatida tavsiya etildi.

O'zbekiston Respublikasi Prezidentining 2007 yil 19 sentyabrdagi PF-3923sonli **"Sog'liqni saqlash tizimini isloh qilishni yanada chuqurlashtirish va uni rivojlantirish davlat dasturini amalga oshirishning asosiy yo'nalishlari to'g'risi"**gi farmonida berilgan soliq va bojxona imtiyozlari 2018 yil yanvarigacha uzaytirildi.

7.4. Uy-joy kommunal xo'jaligini isloh qilish.

Kommunal xo'jaligi – uy-joy xo'jaligiga xizmat ko'rsatish, uni asrash, suv ta'minoti va kanalizatsiya, issiqlik va gaz ta'minoti, aholi yashaydigan joylarni tozalash bilan shug'ullanuvchi sanitariya-texnika tashkilotlari, elektr, gaz va taqsimlovchi tarmoqlar, shahar xo'jaligini obodonlashtirish, sanoat, ta'mirlash-qurilish, loyihalash korxonalari, tashkilotlari va boshqalarni o'z ichiga oladigan ko'p tarmoqli sohalar yig'indisidir.

Ma'lumki, bozor iqtisodiyotiga o'tgungacha respublikada kommunal xizmat ko'rsatishni **kommunal xizmat ko'rsatish vazirligi** va uning tegishli viloyatlar, shahar, tuman, bo'g'inlari amalga oshirar edi. Ularning faoliyat doirasi shahar va shaharchalar, tuman markazlari bilan chegaralanar edi. Ayrim shahar va shaharchalarda, qishloq joylarda kommunal xizmat ko'rsatishni qishloq xo'jaligi, yirik sanoat korxonalari va tashkilotlari ham amalga oshirar edi.

Respublika kommunal xo'jaligida umumiy quvvati bir kecha-kunduzda 6,3 mln. m³ ichimlik suvni olish quvvatiga ega bo'lgan inshootlar, 16238 km uzunlikdagi suv o'tkazgich shaxobchalari va suv o'tkazgichlar, bir kecha-kunduzda umumiy quvvati 3,4 mln. m³ chiqindi suvlarini tozalash kuchiga ega bo'lgan inshootlar, 5114 km kollektorlar va kanalizatsiya shaxobchalari, 3671 km issiqlik tarmog'i, 16 gaz to'ldiruvchi stantsiya va 72 ming km.dan ortiq gaz shaxobchalaridan foydalaniladi. Yiliga iste'molchilarga 2,1 mlrd. m³ ichimlik suv, 36,5 mlrd. m³ dan ziyod tabiiy gaz yetkazib beriladi.

Mustaqillik yilliklarida O'zbekistonda kommunal xo'jaligi yirik sohaga aylandi, sanoat ishlab chiqarishining rivoji va aholining tez o'sishiga bog'liq xolda ildam sur'atlar bilan

rivojlandi. Qishloq joylarida aholi yashaydigan joylarni obod qilishda loyihalash ishlari yo'lga qo'yildi, shaharchalar, ko'plab eksperimental agrosaharlar qurildi.

O'zbekiston Respublikasi Prezidentining 1993 yil 15 iyuldagi **"O'zbekiston Respublikasida kommunal xizmat ko'rsatishni boshqarishni takomillashtirish to'g'risida"**gi Farmoniga muvofiq viloyatlar va Toshkent shahrida hududiy kommunal xo'jaligi va undan foydalanish birlashmalari barpo etildi. 1996 yilning boshidan boshlab Respublika Kommunal xizmat ko'rsatish vizirligi tizimida ko'pgina korxona va inshoot xususiyashtirildi, kommunal xizmat ko'rsatish korxonalari negizida 20 aksiyadorlik jamiyati barpo etildi. Hozirgi vaqtda uy-joy kommunal xo'jaligida 391,7 ming kishi faoliyat yuritayapti. Bu mehnatga qobiliyatli bo'lgan aholining 3,4%ni tashkil qiladi.

Respublika uy-joy fondi jamoat, uy-qurilish kooperativlari, davlat, fuqarolarning shaxsiy mulki bo'lgan uy-joylarni o'z ichiga oladi. 20-asrning 20-yillari boshlaridan O'zbekistonda davlat yo'li bilan uy-joy binolari qurila boshlandi. SHahar va qishloqlarda zamonaviy yevropacha andozadagi binolar qad ko'tardi. Keyinchalik aholi turar joylarini yaxshilash uchun ko'plab mablag'lar sarflandi. Respublikada shaxsiy uy-joy qurilishning xissasi katta. Jami uy-joy fondi 300,0 mln. m² dan oshiq bo'lib, uning 42,6% shaharlarda joylashgan. SHahar uy-joy fondi markazlashtirilgan suv ta'minoti bilan 75%, kanalizatsiya bilan 56,9%, markazlashtirilgan isitish bilan 62,6%, gaz bilan 92,3% ta'minlangan, uy-joylarning 60,4% vannaxonalar bilan jihozlangan. 2012 yilda respublikada 9,3 mln kvadrat metr, shu jumladan qishloq joylarida 7,2 mln kvadrat metr uy-joy foydalanishga topshirilgan.

O'zbekiston Respublikasining **"Davlat uy-joy fondini xususiyashtirish to'g'risida"** gi Qonuniga ko'ra respublikada davlat uy-joy fondini xususiyashtirish asosan tugallandi. Davlat uy-joy fondining qariyb 99,0% fuqarolariga xususiy mulk qilib berildi. Umumiy maydoni 57 mln. m² bo'lgan 990,6 ming kvartira arzon baholarda, shu jumladan, 18,87 mln. m² bo'lgan 318,7 ming kvartira bepul (madaniyat, maorif, sog'liqni saqlash xodimlariga) xususiy mulk qilib berildi.

SHahar, shaharcha va tuman markazlarida aholini suv bilan ta'minlash, shuningdek, ichimlik suvining sifatini yaxshilash maqsadida sutkasiga 381 ming m³ ichimlik suvi yetkazib beradigan vodoprovod shaxobchalari qurilib ishga tushirildi, 90-yillarda Tuyamo'yin-Urganch, Tuyamuyin-Nukus, Uchqurg'on-Namangan, Damxo'ja va boshqa suv quvirlari foydalanishga topshirildi. Respublikada vodoprovod tizimining umumiy quvvati bir kecha-kunduzda 12,0 mln. m³, ko'cha vodoprovodlari yakka tarmog'i uzunligi 36231,5 km ga yetdi. Aholi jon boshi hisobiga bir kecha-kunduzda iste'mol qilinadigan suv shaharlarda 536,0 l va qishloqlarda 240,0 l ni tashkil etdi.

Uy-joylarni obodonlashtirishda **kanalizatsiya** muhim ahamiyatga ega. O'zbekistonda arxeologik qazilmalar davrida ayrim yirik shaharlarda (Samarqanddagi Afrosiyob qal'asi, Toshkentdagi Qoratosh hammomi xarobasidan) sopol quvurli kanalizatsiya qoldig'i topilgan. Aholi asosan kir o'ralar, xandaqlardan foydalangan. Kanalizatsiya-tozalash inshootlarining bir kecha-kunduzdagi quvvati esa 4,0 mln. m³ dan oshiqni tashkil etadi. Kanalizatsiya-sanitariya inshootlari orqali 1,39 mlrd. m³ oqava suv o'tkaziladi.

Mustaqillik yillarida respublika shahar va ayniqsa qishloqlarini **gazlashtirish ustivor davlat siyosatiga aylandi**. Respublikaning shahar, shaharcha va qishloqlarida uzunligi 65,2 ming km dan ortiq yakka tortilgan gaz shoxobchalari mavjud. Jumladan 23,9 ming km dan ortiq yer osti gaz quvuri, 27,5 ming gaz taqsimlash punkti (shundan 1573 tasi ko'chmas) ishlab turibdi. 3,38 mln. xonadon tabiiy gaz bilan ta'minlangan, bu umumiy xonadonlarning 70%ga yaqinini tashkil etadi. Binolarni isitish sohasida 935 gaz bilan ishlaydigan bug' qozonlari va 3671 ming km uzunlikdagi issiqlik tarmog'i ishlab turipti.

Respublika kommunal xo'jaligining yana bir muhim tarmog'i – shahar, shaharcha va tuman markazlari sanitariya holatini yaxshilash, qattiq va suyuq chiqindilarni o'z vaqtida yig'ish va ularni chiqindi maydonlariga olib borish zararsizlantirishdir. Bu xizmat 113 shahar, 97 shaharchada yo'lga qo'yilgan. Umumiy maydoni 930 gektar bo'lgan 173 chiqindi zararsizlantiriladigan maydonlar bor. Yiliga 11 mln. m³ qattiq va 5 mln. m³ suyuq chiqindi

yig'iladi va ular 5 mingdan ortiq mashina va mexanizmlar (ko'cha supuradigan, suv sepadigan, axlat tashiydigan, kanalizatsiya va kir o'ralarini tozalaydigan va boshqalar) orqali chiqindixonlarga tashiladi. Yirik shaharlar – Toshkent, Andijon, Buxoro, Namangan, Uchqo'rg'on, Farg'ona va boshqalarda maxsus ixtisoslashtirilgan avtobazalar bor. Kommunal xo'jalik tarmog'ida uy-joylar, ijtimoiy, madaniy-maishiy inshootlar, muhandislik tizimlarini kapital ta'mirlash korxonali mavjud. Tarmoqdagi sanoat korxonalari sanitariya-texnika buyumlari, sanoat gaz jihozlari, nostandart buyumlar, kichik mexanizatsiya vositalari va xalq iste'moli mollarini ishlab chiqaradi. Gaz apparatlari zavodi – Toshkentdagi "Gazavtomatika", Farg'onadagi "Gazapparatlar", Angrendagi tajriba mexanika zavodlarining mahsulotlari MDX mamlakatlariga ham chiqariladi.

Respublika Prezidentining Farmoniga asosan (2000 yil 19 dekabr) **Respublika kommunal xizmat ko'rsatish vazirligi «O'zkommunxizmat» agentligiga aylantirildi.** Bunday qayta qurishning asosiy maqsadi aholiga xizmat ko'rsatish tizimidagi islohotlarni chuqurlashtirish, hamda aholiga xizmat ko'rsatishda o'z-o'zini boshqarish va mahalliy davlat organlarining rolini va javobgarligini oshirish hisoblanadi. Xududiy kommunal-ekspluatatsiya birlashmalari viloyat hokimiyatlari ixtiyoriga berildi. O'zbekiston Respublikasi Prezidentining **«Kommunal xizmat ko'rsatish sohasidagi islohotlarni chuqurlashtirishning yangi bosqichi to'g'risida»** 2001 yil 17 aprelda PF-2832 sonli Farmoni qabul qilindi. Unga muvofiq uy-joy mulkdorlarining shirkatlarini samarali faoliyat ko'rsatishi uchun zarur shart-sharoitlar yaratish, aholiga ko'rsatiladigan kommunal xizmatlar sifatini oshirish, kommunal xizmatlar haqining to'liq va o'z vaqtida to'lanishi yuzasidan ma'suliyatni kuchaytirish masalalari ko'rib chiqildi.

2002 yilning 26 fevralida O'zbekiston Respublikasi Prezidentining **«Uy-joy mulkdorlari shirkatlarining faoliyatini rivojlantirish chora-tadbirlari to'g'risida»**gi Farmoni chiqdi. Unda ta'kidlanganidek respublikada aholiga kommunal xizmat ko'rsatish tizimidagi iqtisodiy islohotlar izchil amalga oshirilmoqda. Zarur qonunchilik va normativ xuquqiy baza yaratilgan. Uy-joy mulkdorlarining shirkatlarini shakllantirish jarayoni faol davom etmoqda. Uy-joy mulkdorlarining salkam 1400 ta shirkatlari tashkil etilgan bo'lib, ko'p xonadonli jami uy-joy binolarining 86%iga rahbarlik qilish ularga topshirilgan. Ko'rsatilgan kommunal xizmatlarga hisob-kitoblar o'z vaqtida amalga oshirilishi uchun kollektiv ma'suliyati tizimi yaxshilandi. 1991 yilga qadar barpo etilgan ko'p xonadonli uy-joy binolarini kapital ta'mirdan chiqarish dasturlari ishlab chiqildi.

Ushbu yutuqlar bilan birga uy-joy mulkdorlari shirkatlarining faoliyatida qator jiddiy **kamchiliklar va hal etilmagan muammolar mavjud.** Xususan, uy-joy mulkdorlari shirkatlarini zurur moddiy-texnika bazasi nochor, ularning moddiy resurslar, asbob-anjomlar bilan ta'minlashda ularga amaliy ko'mak va yordam ko'rsatish zarur edi, hamda uylar atrofidagi yer uchastkalarini qonun yo'li bilan birlashtirib qo'yish kabi kamchiliklar mavjud edi. Oqibatda ko'pgina uy-joy mulkdorlarining shirkatlari uy-joylarini joriy hamda kapital ta'mirdan chiqarish, obodonlashtirish ishlarini o'z vaqtida bajarish uchun yetarlicha mablag'ga ega emas edilar.

«Uy-joy mulkdorlarining shirkatlari to'g'risida» O'zbekiston Respublikasi 1999 yil 15 apreldagi Qonuni bajarilishini ta'minlash maqsadida uy-joy mulkdorlari shirkatlarining faoliyati uchun qulay sharoit yaratish, uy-joy fondini saqlash, ta'mirlash-tiklash ishlarini o'z vaqtida o'tkazishda, uy-joylar atrofidagi hududni obodonlashtirishni yaxshilashda mazkur shirkatlarning rolini oshirish, shuningdek, ularning moddiy-texnikaviy va moliyaviy bazasini mustahkamlash chora-tadbirlari ishlab chiqildi. Masalan, Uy-joy mulkdorlarining shirkatlari xizmatlar ko'rsatishdan tushadigan daromadlardan 2007 yilga qadar barcha turdagi soliqlar va byudjetga yig'imlar to'lashdan ozod etildi va buning natijasida bo'shaydigan mablag'lar aylanma mablag'larni to'ldirishga, uy-joy mulkdorlari shirkatlarining moddiy-texnika bazasini mustahkamlashga, uy-joy binolarini ta'mirlashga, hududni obodonlashtirishga yo'naltiriladigan bo'ldi.

Mustaqillikning dastlabki yillarida amalga oshirilgan «kichik» xususiy lashti-rish natijasida 96 foizdan ziyod oila ilgari davlat tasarrufida bo'lgan uy-joylarni shaxsiy mulk qilib olishdi.

Aholining uy-joy bilan ta'minlanish darajasi 1990 yilda har bir kishiga 12,1 kvadrat metrni tashkil etgan bo'lsa, 2010 yilda bu raqam 15,2 kvadrat metrga yetdi yoki 1,26 barobar ortdi. Bugungi kunda qariyb 77,4 foiz oila alohida uy va kottejlarda istiqomat qilmoqda.

Qishloq aholisini ichimlik suvi va tabiiy gaz bilan ta'minlash davlat dasturining amalga oshirilishi natijasida bu sohadagi vaziyat tubdan yaxshilandi.

Umuman, mustaqillik yillarida kommunal soha rivoji uchun 676,4 million dollar miqdoridagi uzoq muddatli imtiyozli xorijiy investitsiya va kreditlar jalb etildi.

19–jadval

**Aholining kommunal xizmatlar bilan ta'minlanish darajasi,
aholining umumiy soniga nisbatan foizda**

Ko'rsatkichlar	1990 yil	2000 yil	2010 yil
Ichimlik suvi ta'minoti	64,0	80,4	82,6
shu jumladan, qishloq joylarda	55,0	72,3	75,8
Tabiiy gaz ta'minoti	44,6	76,1	83,7
shu jumladan, qishloq joylarda	19,3	65,9	77,7
Markaziy isitish tizimi	29,1	35,4	41,0
Oqovalashtirish xizmati (kanalizatsiya)	25,5	28,3	37,1
Bir kishiga to'g'ri keladigan o'rtacha uy-joy maydoni, kvadrat metr hisobida	12,1	13,8	15,2

Manba: O'zbekiston Respublikasi Davlat statistika qo'mitasi ma'lumotlari ma'lumotlari

Aholining toza ichimlik suvi va tabiiy gazdan foydalanish imkoniyatlarini kengaytirishda yuqorida zikr etilgan dastur bilan birga, magistral ichimlik suvi va tabiiy gaz tarmoqlarini qurish bo'yicha aniq maqsadli davlat dasturlarining amalga oshirilishi ham muhim ahamiyatga ega bo'ldi.

1991–2009 yillarda 54 ming kilometrdan ziyod, shu jumladan, qishloq joylarda 47,9 ming kilometrlik suv tarmoqlari va ichimlik suvi quvurlari, 74 ming kilometrdan ortiq, shu jumladan, qishloq joylarda 67,6 ming kilometrlik gaz tarmoqlari qurilib, ishga tushirildi. Qishloqlarda takomillashtirilgan zamonaviy loyihalar asosida yangi uy-joy qurish va qishloq aholi punktlarini kompleks tarzda rivojlantirish davlat dasturining asosiy ma'no-mazmunini tashkil etdi.

Zamonaviy muhandislik, transport va ijtimoiy infratuzilmaga ega bo'lgan yangi va ko'rkam uy-joy massivlarini barpo etish – istiqbolga mo'ljallangan muhim vazifa bo'lib hisoblanadi.

2013 yilda qishloq joylarda yakka tartibdagi yangi uy-joylar qurishni 8,5 mingtadan 10 mingga yetkazish ko'zda tutilmoqda. Bu maqsadlar uchun 1 trillion 400 milliard so'm, ya'ni o'tgan yilga nisbatan 54 foiz ko'p mablag' yo'naltirish mo'ljallangan.

Bu borada shuni e'tiborga olish kerakki, mazkur maqsadlar uchun tuzilayotgan pudratchi qurilish-montaj tashkilotlari, barcha xududlarda shakllantirilayotgan ularning kuchli moddiy ishlab chiqarish bazasi nafaqat uy-joylar, balki sanoat va xizmat ko'rsatish ob'ektlarini qurishga ham jalb etiladi.

7.5. Aholiga maishiy xizmat ko'rsatish tarmog'ini qayta qurish.

Maishiy xizmat ko'rsatish - Milliy iqtisodiyotning o'ziga xos sohaslaridan biridir. Xozir O'zbekiston Respublikasi aholisiga maishiy xizmat ko'rsatish xizmatining o'z an'analari va tarixiga ega bo'lgan tizimi shakllangan. Maishiy xizmat sohasida 130,0 ming kishi ishlaydi. Respublikada 60,0 mingdan ortiq modalar atelelari, salonlar, qabul punktlari ishlayapti. Aholiga maishiy xizmat ko'rsatish iste'molchilar bilan bajaruvchilar o'rtasidagi munosabatdir. Bu munosabatlarni tartibga solish uchun Respublika Vazirlar Mahkamasining qarori bilan O'zbekiston respublikasi aholisiga maishiy xizmat ko'rsatish qoidalarini ishlab chiqildi va tasdiqlandi.

Tizim korxonalari aholiga 800 dan ortiq xizmat turini ko'rsatadi. Ular poyafzal, kiyim-kechak, trikotaj buyumlarini yakka tartibda tikish, to'qish va ta'mirlash, radio-televizion apparaturalar, ro'zg'orda ishlatiladigan asboblari, metall buyumlarini tuzatish va yasash, shaxsiy transport vositalariga texnik xizmat ko'rsatish va ta'mirlash, mebellarni ta'mirlash, kiyimlarni kimyoviy usulda tozalash va bo'yash, kir yuvish, suratga olish, hammom, sartaroshlik xizmatlari, ro'zg'or buyumlarini ijaraga berish, transport xizmatlari, uy-joylar qurish va ta'mirlash xizmati, bog' va polizlarda qishloq xo'jaligi ishlarini bajarish xizmati va boshqa shunga o'xshash ishlarni bajaradi.

Aholiga maishiy xizmat ko'rsatish korxonalari davlat, jamoa, kooperativ, shaxsiy, aktsiyadorlik kabi turlicha mulk shakllariga asoslangan korxonalardan iborat.

Maishiy xizmat ko'rsatish korxonalarida har yili aholiga xizmat ko'rsatishning 150 dan ortiq turi va usullari joriy qilindi. Barcha xizmat turlarining soni qariyb 800 ga yetdi. Lekin aholiga maishiy xizmat ko'rsatish aholining o'sib borayotgan talabini yetarlicha qondira olmadi. Respublikaning ayniqsa, qishloqlarda - maishiy xizmat ko'rsatish talab darajasidan ancha uzoqda edi.

Aholiga maishiy xizmat ko'rsatishni yanada takomillashtirish maqsadida 1992 yil aprel oyida aholiga maishiy xizmat ko'rsatish korxonalari va tashkilotlari uyushmasi - **"O'zmaishiyxizmatuyushma"** tuzildi. Tizim tarmoqlarini bozor munosabatlariga o'tkazish uchun maishiy xizmat ko'rsatish korxonalarini davlat tasarrufidan chiqarish - ularni ijaraga, aholiga shaxsiy mulk qilib berish hamda aktsiyadorlik korxonalari va kooperativlarni tuzish bosqichma-bosqich amalga oshirildi. Ayni vaqtda mulkchilikning aralash shakllariga asoslangan korxonalar ham barpo etila boshlandi.

1992-95 yillarda maishiy xizmatga qarashli jami 12587 korxona xususiyashtirilib, 29 ijara korxonasi, 13 aktsiyadorlik jamiyatlari, 565 jamoa korxonasi, 527 shaxsiy korxona tashkil topdi, 4 mingga yaqin shaxs yakka tartibda mehnat faoliyati bilan shug'ullanishga o'tdi. SHahar va qishloqlarning guzarlarida 474 savdo-maishiy majmualari tashkil etildi, maishiy xizmatning 218 xil yangi shakl va usullari ishlab chiqarishga joriy etildi. 1996 yil boshlariga kelib, "O'zmaishiyxizmatuyushma"ga qarashli barcha davlat korxonalari xususiyashtirildi va ular turli mulkchilik shakllaridagi korxonalarga aylantirildi, ayrim korxonalar zarurat taqozosi bilan **ko'ngilli assotsiatsiyalarga, kontsemlarga birlashtirildi.** Korxonalarni davlat tasarrufidan chiqarish ba'zan shoshilinch amalga oshirilganligi tufayli Respublika viloyatlarining yarimida maishiy xizmat uyushmalari tarqab ketdi. Maishiy xizmatga bo'lgan aholini talabini qondirish maqsadida O'zbekiston Respublikasi Vazirlar Mahkamasini 1995 yil 12 oktyabrda "Aholiga maishiy xizmat ko'rsatish korxonalari faoliyatini barqarorlashtirish chora-tadbirlari to'g'risida" Qaror qabul qildi. Unga ko'ra tarmoqning viloyat va tuman tuzilmalari qaytadan tiklandi. Barcha viloyat markazlarida, tumanlarda va shaharlarda maishiy xizmat sohasidagi kichik, xususiy va o'rta biznesni muvofiqlashtirish va qo'llab-quvvatlash uyushmalari tuzildi. Respublika Vazirlar Mahkamasining 1997 yil 17 sentyabrdagi Qarori bilan aholiga maishiy xizmat ko'rsatish sohasini markazdan turib boshqarishni tugatish va raqobat muhitini mustahkamlash, maishiy xizmat korxonalari va mahalliy boshqaruv organlarining xo'jalik mustaqilligini oshirish maqsadlarida "O'zmaishiyxizmatuyushma" tugatildi. Aholiga maishiy xizmat ko'rsatish ishlarini hududiy (viloyat) uyushmalari, maishiy xizmat ko'rsatuvchi tadbirkorlar tuman (shahar)

uyushmalari boshqardi. Respublikada aholiga maishiy xizmat ko'rsatishni rivojlantirishni 1996-2000 yillarga mo'ljallangan dasturi muvaffaqiyatli bajarildi.

O'zbekiston Respublikasida aholiga maishiy xizmat ko'rsatish sohasidagi chet el investitsiyalarini jalb qilish, yangi ishchi o'rinlarini tashkil etish maqsadida chet el firmalari bilan qo'shma korxonalar tashkil etildi. Xozirda O'zbekiston – Turkiya qo'shma korxonasi “SHuhrat” (Erkaklar ichki trikotaj kiyimlari), O'zbekiston – Afg'oniston qo'shma korxonasi “Imkon” (poyabzal ishlab chiqarish), Koreya respublikasi, Germaniya (“Ag Vella” firmasi), Turkiya, Yugoslaviya (“Loreal”, “Legeran”, “P'ber Karden”, “Obreme”, “Fillips” firmalari) bilan aloqalar o'rnatilgan.

O'zbekiston Respublikasi Prezidentining 1997 yil sentyabrdagi «Aholiga maishiy xizmat ko'rsatish tizimida islohotlarni chuqurlashtirish xaqida»gi Farmoni qabul qilindi. Bundan ko'zlangan maqsad aholiga xizmat ko'rsatish sohasini boshqarishda mahalliy hokimiyat organlari va korxonalarni mustaqilligini oshirish va bu sohada raqobatchilik muhitini mustahkamlashdir.

Aholiga maishiy xizmat ko'rsatishni hududiy uyushmalari viloyat va tuman (shahar) hokimiyatlari ixtiyoriga berildi.

Xozir Respublikada aholiga maishiy xizmat ko'rsatishni uning doimiy yashash va ishlash joyiga yaqinlashtirish, maishiy xizmat ko'rsatish turlarini kengaytirish, sifatini yaxshilash borasida katta ishlar qilinayapti. Maishiy xizmat ko'rsatish ishlariga sanoat korxonalari, qurilish tashkilotlari, fermer va dehqon xo'jaliklari jalb qilingan. Bu o'z navbatida qishloq joylaridagi maishiy xizmat ko'rsatish tarmoqlarini kengaytirish imkonini beradi.

Tayanch iboralar

- Ijtimoiy siyosat
- Ijtimoiy soha
- Ta'lim tizimi
- Ta'lim sohasidagi Davlat siyosati
- Ta'limni uzviyligi va uzluksizligi
- Kadrlar tayyorlash milliy dasturi
- Akademik litsey
- Kasb-hunar kolleji
- Bakavriatura
- Magistratura
- Sog'liqni saqlash tizimi
- Tibbiy xizmat
- Aralash va xususiy moliyalashtirish
- Xorijiy investorlar
- SHoshilinch tibbiy yordam
- Kommunal xo'jaligi
- Uzkomunalxizmat
- Uy-joy mulkdorlari shirkati
- Maishiy xizmat ko'rsatish tizimi

O'z-o'zini tekshirish uchun savollar

1. Ijtimoiy tarmoqlar majmui to'g'risida nima deya olasiz?
2. Ijtimoiy siyosat tushunchasini qanday tushinasiz?
3. Ijtimoiy sohadagi islohotlarning vazifalari qanday?
4. Ta'lim tizimi o'z ichiga nimalarni oladi?
5. Ta'lim to'g'risidagi qonun nima deya olasiz?
6. Ta'lim tizimini isloh qilish zaruriyati nima?
7. Ta'lim sohasidagi davlat siyosatining asosiy printsiplari qanday?

8. Kadrlar tayyorlash Milliy dasturini maqsadi va vazifalari nimalardan iborat edi?
9. Kadrlar tayyorlash Milliy dasturida belgilangan ta'lim turlari qaysilar?
10. Maktabgacha ta'lim tizimi mohiyati nimada?
11. Umumiy o'rta ta'lim tizimi mohiyati nimada?
12. O'rta maxsus, kasb-xunar ta'limi tizimi mohiyati nimada?
13. Akademik litsey tizimi mohiyati nimada?
14. Oliy ta'lim tizimi mohiyati nimada?
15. Bakalavriatura to'g'risidagi tushunchangiz?
16. Magistratura haqida tushunchangiz?
17. Oliy o'quv yurtidan keyingi ta'limni qanday tushunasiz?
18. Kadrlar malakasini oshirish va ularni qayta tayyorlash to'g'risida nima deya olasiz?
19. Maktabdan tashqari ta'limni qanday tushunasiz?
20. Milliy dasturni ro'yobga chiqarish bosqichlari va vazifalari qanday bajarildi?
21. Kadrlar tayyorlash tizimini rivojlantirishning asosiy yo'nalishlari qaysilar?
22. Sog'liqni saqlash tizimi to'g'risidagi tushunchangiz?
23. Sog'liqni saqlashning asosiy printsiplari qaysilar?
24. Sog'liqni saqlash tizimini isloh qilish davlat dasturi haqida nimalarni bilasiz?
25. Kommunal ho'jaligi nimani tushunasiz?
26. Respublika uy-joy fondi to'g'risidagi tushunchangiz qanday?
27. Davlat uy-joy fondi qanday xususiyashtiriladi?
28. Uy-joy mulkdorlarining shirkatlari to'g'risida nima deya olasiz?
29. Aholiga maishiy xizmat ko'rsatish nima deya olasiz?
30. Aholiga maishiy xizmat ko'rsatish turlari qanday?
31. Aholiga maishiy xizmat ko'rsatish sohasi qanday isloh qilinadi?

Tavsiya etilayotgan adabiyotlar ruyxati

1. Karimov I.A. Inson manfaatlarini ta'minlash, ijtimoiy ximoya tizimini takomillashtirish-ustuvor vazifamizdir. T. Uzbekiston 2007 y.
2. Karimov I.A. Barkamol avlod orzusi. T. Uzbekiston 1997 y.
3. Karimov I.A. Mamlakatimizni modernizatsiya qilish va kuchli fuqarolik jamiyati barpo etish – ustuvor maqsadimizdir. T. "O'zbekiston" 2010.
4. Prezidentimiz I. Karimovning O'zbekiston Respublikasi Kontitutsiyasining 20 yilligiga bag'ishlangan tantanali marosimdagi ma'ruzasi. 2012 yil 7 dekabr.
5. Karimov I.A. "O'zbekiston Respublikasi Prezidenti I. Karimovning 2012 yilda mamlakatimizni ijtimoiy-iqtisodiy rivojlantirish yakunlari hamda 2013 yilga mo'ljallangan iqtisodiy dasturning eng muhim ustuvor yo'nalishlariga bag'ishlangan Vazirlar Mahkamasining majlisidagi ma'ruzasi". Xalq so'zi 2013 yil 19 yanvar.
6. Abduraxmonov Q.X. Mehnat iqtisodiyoti. T. "Mehnat" 2009.
7. O'zbekiston Respublikasi iqtisodiy ijtimoiy taraqqiyotining mustaqillik yillaridagi 1990-2010 yillar asosiy tendentsiya va ko'rsatkichlari. T. "O'zbekiston" 2011.
8. Регионы Узбекистана. Инфраструктура. Конкуентоспособност. Качество жизни. "Ekonomicheskoe obozrenie" № 5-6, 2009.
9. N. Tuxliev va boshkalar "Uzbekiston iqtisodiyoti asoslari". Davlat ilmiy nashriyoti T. 2006 yil 90-111 betlar.
10. Yo'ldashev Z. Milliy iqtisodiyot T., 2004.
11. Tuxliev N. Taraqqiyotning o'zbek modeli "O'zbekiston milliy entsiklopediyasi" davlat ilmiy nashriyoti T-2012

SAYTLAR

1. www.mineconomy.uz

2. www.refportal.ru
3. www.mintrud.uz
4. www.edu.uz
5. www.minzdrav.uz

VIII BOB. Iqtisodiyotni muvofiqlashtirishda davlatning roli.

Reja:

§ 1. Iqtisodiyotni davlat tomonidan tartibga solishning mohiyati va zaruriyati

§ 2. Milliy iqtisodiyotni boshqaruv tizimi, tarkibi va uning vazifalari

8.1. Iqtisodiyotni davlat tomonidan tartibga solishning mohiyati va zaruriyati

Rivojlangan va rivojlanayotgan davlatlardagi rejalashtirish va iqtisodiyotni tartibga solish tajribasi shuni ko'rsatayaptiki bu mexanizmlar orqali **davlat** jamiyatni sotsial-iqtisodiy stabiligini, makroproportsiyani tashkil qilishni, iqtisodiyotni dinamik rivojlantirishni ta'minlaydigan asosiy omillarni o'z qo'lida ushlab turadi.

Har bir mamlakatda qarama-qarshi manfaatlarni, turli xil kuchlarni birlashtiradigan, jamiyatni rivojlantirish strategiyasini ishlab chiqadigan va amalga oshiradigan **davlatni roli** beqiyosdir. Bu umumiy qoidani mensimaslik og'ir oqibatlarini olib kelishi mumkin. Xususan, iqtisodidagi uzulishlar, makroiqtisodiy proportsiyalarni va mikroiktisodiy bog'liqliklarni buzilishi, moliya, baho tizimidagi va hokazolardagi vujudga kelishi mumkin bo'lgan muammolar, shular jumlasidandir. SHuning uchun ham O'zbekistonda bozor iqtisodiyotiga o'tishning besh tamoyilidan biri qilib respublikaning ijtimoiy-siyosiy, sotsial-iqtisodiy rivojlanishida **davlat asosiy reformator-islohatchi qilib belgilangan.**

Davlatning iqtisodiyotdagi o'rni va ahamiyati quyidagichadir:

1. Davlat iqtisodiyotni tartibga solib turuvchi sub'ekt hisoblanadi.
2. Davlat soliq, subsidiya, litsenziya, boj to'lovlari kabi vositalar bilan iqtisodiyotga ta'sir ko'rsatadi. Davlatning qo'lida katta moliyaviy resurslar to'planadi.
3. Davlat siyosiy hokimiyatga ega bo'lgan alohida sub'ektdir. U o'z izmini boshqa sub'ektlarga o'tkazadi. Uning organlari beradigan buyruq va farmoyishlar barcha iqtisodiy sub'ektlar uchun majburiy hisoblanadi.

Ayrim tadbirkor, ishchi yoki xizmatchi, firma, korporatsiya yoki fermer xo'jaligi faqat o'zining manfaatini ko'zlab faoliyat ko'rsatadi, davlat esa yakka yoki guruhli manfaatlarini **yagonalikka** birlashtiruvchi va hammaning umumiy manfaatini ifodalovchi kuch hisoblanadi. Davlat mulk sohibi, ammo uning iqtisodiyot uchun ahamiyati iqtisodiy faoliyatni tartiblay olishidan kelib chiqadi. Gap shundaki, iqtisodiyot bir maromda rivojlanib borishi uchun uning turli tarmoqlari bir-biriga mutanosib bo'lishi, bir-biriga bog'lanib, bir-birini to'ldirib turishi talab qilinadi. Buni ta'minlashning **asosiy vositasi – bozor mexanizmidir.** Agar bozor mexanizmi iqtisodiyotni nuqsonsiz tartiblab turganida edi, tanglik va iqtisodiy beqarorlik hech yuz bermagan bo'lar edi. Holbuki, bozor iqtisodiyoti mamlakatlarida tanglik va inqirozlar uchrab turadigan hodisalardir. Demak, **bozor mexanizmi muvozanatni to'la-to'kis va nuqsonsiz ta'minlay olmaydi, shu sababdan davlat iqtisodiyotni albatta tartiblashi lozim.**

Bozor iqtisodiyoti sharoitida ijtimoiy (sotsial) tengsizlik ya'ni boylar va qambag'allar mavjud. Ularning o'rtasida nizo chiqmasligi uchun davlat aholining nochor qatlamlariga ijtimoiy yordam berishdek vazifani o'z zimmasiga olishi kerak

bo'ladi. **Jamiyatda hamma bahramand bo'ladigan xizmatlar bor.** Ular jumlasiga umumiy ta'lim, sog'liqni saqlash, atrof-muhitni muhofaza qilish, mamlakat xavfsizligini ta'minlash, yurtni obod qilish, ijtimoiy tartibni saqlash va boshqalar kiradi. Bu sohalar g'oyat serxarajat, lekin bevosita foyda olish imkonini bermaydi. SHu sababli ularga firmalar qo'l urmaydi. Bu ish hammaga zarur bo'lgani uchun mazkur sohalarni davlat o'z qo'liga oladi. Demak, **davlat iqtisodiy vazifani bajarishi turgan gap.**

Davlatning iqtisodiyotga aralashuvini o'z me'yori bor. Iqtisodiyot muttasil o'sib borayotgan sharoitda davlat bozor mexanizmiga xalaqit bermaslik uchun iqtisodiyotga kamroq aralashadi. Bozor mexanizmi yaxshi ish bermay, iqtisodiy qiyinchiliklar kuchaygan sharoitda davlat iqtisodiyotga faolroq aralashadi va uning tanglikdan chiqib, yaxshi ishlab ketishiga ko'maklashadi. Masalan, o'tgan asrning 50-70 yillarida g'arb mamlakatlarida iqtisodiy inqirozlar tez-tez bo'lib turganda davlat iqtisodiyotga o'z siyosati bilan faol aralashgan. 80-yillarning o'rtalaridan boshlab bozor mexanizmi yaxshi ishlab ketganligi uchun davlat iqtisodiyotga kamroq aralashish yo'liga o'tdi.

Davlatning iqtisodiyot uchun ahamiyati uning tartiblab turuvchi kuch bo'lishi bilan belgilanadi.

Iqtisodiyotni davlat tomonidan tartibga solish quyidagi qoidalarga asoslanadi:

- a) Davlat iqtisodiyotni tartiblaganda umumjamiyat manfaatlarini ko'zlashi, umumiy iqtisodiy ahamiyatga molik chora-tadbirlarni qo'llab-quvvatlashi lozim;
- b) Iqtisodiyotni tartiblashda davlat ma'muriy vositalardan emas, balki xilma-xil iqtisodiy vositalar majmuidan foydalanishi zarur;
- v) Davlat tadbirkorlar bilan raqobatlashmasligi, balki ularning erkin o'zaro raqobat qilishlari uchun sharoit yaratishi talab qilinadi, davlat raqobat kurashining bevosita ishtirokchisi emas, balki uning oliy hakami vazifasini bajaradi;
- g) Davlat siyosati mamlakatda ijtimoiy barqarorlik, xotirjamlik, hamkorlik va hamjihatlikni ta'minlash orqali iqtisodiy o'sish va ommaviy farovonlikni ta'minlashga qaratilishi kerak.

Mazkur tamoyillar umumiy, lekin ular turli mamlakatlarda har xil darajada amalga oshiriladi.

Davlatning iqtisodiyotni tartiblash vositalari

Davlat ixtiyorida xilma-xil siyosiy, xuquqiy va sotsial-iqtisodiy vositalar bor. Ammo ulardan qaysi birining ustuvor bo'lishi iqtisodiy vaziyatga bog'liq. Birinchi navbatda davlat qonunchilik orqali iqtisodiyotni tartiblaydi. Qonun chiqaruvchi davlat organi tomonidan iqtisodiy xayotga oid qonunlar qabul qilinadi, qonunlarda iqtisodiyotning tartib-qoidalari belgilanadi. Iqtisodiy sa'y-xarakatlar shu qonunlarga binoan yuz berishi talab qilinadi, davlat qonunlarning bajarilishini nazorat qiladi, qonunbuzarlarni jazolaydi.

O'zbekistonda ham Oliy Majlis tomonidan bozor iqtisodiyotini shakllantirish, bozorga xos iqtisodiy mexanizmni yaratishga oid 400dan oshiq qonunlar qabul qilindi. O'zbekistonda qonunlar ustuvor, hamma unga bab-barobar rioya etishi shart.

Qonunchilik iqtisodiy faoliyatning huquqiy asoslarini belgilab beradi. Davlat qonunlarni ishlab chiqish bilan cheklanmay, ularning amalda joriy etilishini ham ta'minlaydi. Davlatning iqtisodiyotga aralashuvi uning siyosatida ifodalanadi. Iqtisodiy siyosat ko'zlagan maqsadlar va ularga erishish vositalari yaxlitligini talab qiladi.

9-chizma

Davlat ixtiyoridagi moliyaviy vositalar: maqsadlari va tarkibi



Davlatning ixtiyorida kuchli moliyaviy vositalar mavjud. SHulardan **eng muhimi soliqdir.**

Fan-texnika taraqqiyoti yuzaga keltirgan yangi ishlab chiqarish sohalari borki, ularni jadal o'stirish talab qilinadi. Bu sohalarda chiqarilgan tovarlar bozorbop bo'lib, tez sotiladi va katta foyda keltiradi. Bu mahsulotlar sanoatning boshqa sohalarida ishlatilganida ham katta naf beradi. Masalan, yonilg'ini tejovchi, o'tga chidamli dvigatellar ishlab chiqaruvchi korxonalarga soliqdan yengillik berilsa, ularning xarajatlari soliq hisobidan kamayadi. Natijada dvigatellarni ishlab chiqarish va ommaviy qo'llanishi ko'payadi, ular iqtisodiy o'sishga olib keladi.

Soliqlar o'z-o'zidan emas, balki muqobil tanlov qoidasini ishga solish orqali iqtisodiy o'sishni rag'batlantiradi.

Davlat soliqlardan tadbirkorlikni, xayr-ehson ishlarini, eksport-importni, xorij kapitalining kirib kelishini rag'batlantirish uchun ham foydalanadi. Masalan, O'zbekiston Respublikasi qonunlariga ko'ra yangi ochilgan kichik firmalar, fermer xo'jaliklari ma'lum muddat davomida soliqdan ozod qilinadi. Xayriya ishlariga sarflangan daromadlardan ham soliq olinmaydi. Eksportbop tovar ishlab chiqaruvchi korxonalar ham soliq imtiyozlari oladilar.

Davlat tomonidan iqtisodiyotni tartiblashning yana bir muhim vositasi **moliyaviy sanatsiya** (sog'lomlashtirish) hisoblanadi. Sanatsiyada davlat korxonalarining moliyaviy ahvolini yaxshilashga qaratilgan moliya va kredit tadbirlarini ishga soladi. Sanatsiya iqtisodiyot uchun ahamiyati katta korxonalarni tang holatdan chiqarib ularni normal ishlab turishini ta'minlash hamda korxonlarni ommaviy bankrot bo'lishiga yo'l bermasdan, raqobatchi korxonalar sonini kerakli me'yorda saqlab turish maqsadlarida amalga oshiriladi.

Sanatsiyalash yo'llari ko'p: korxona qarzini kechib yuborish yoki uni o'zgalar hisobidan to'lash, qarzni to'lash muddatini kechiktirish, qarz uchun beriladigan foizni kamaytirish yoki umuman olmaslik, korxonaga soliqdan yengillik berish, soliqni kreditga aylantirish, korxonaga buyurtma berib uni haqini oldindan to'lash, subsidiya ajratish, korxonaga ekport yuzasidan imtiyozlar berish.

Davlatning sanatsiyadagi ishtiroki ikki shartni hisobga oladi:

birinchisi – korxonaning milliy yoki hududiy iqtisodiyot uchun ahamiyati katta bo'lishi kerak;

ikkinchisi – korxonaning tang ahvolga tushib qolishiga uning o'ziga bog'liq bo'lmagan boshqa ob'ektiv sabablar bo'lishi lozim. Davlatning korxonaga yordami bozor talabiga zid kelmagan taqdirdagina unga qo'l uriladi. yomon ishlagan, bozor talabiga moslasha olmasdan moliyaviy inqirozga yuz tutgan korxonaga davlat yordam bermaydi, chunki bu bozor qoidalariga zid keladi.

Subsiya ham davlat o'z siyosatida qo'llaydigan asosiy moliya vositalari sirasiga kiradi.

Subsiya davlat tomonidan aniq maqsad yo'lida ishlatish uchun qaytarib olmaslik sharti bilan ajratiladigan pul mablag'idir.

Subsidiyalar iqtisodiyotni devirsifikatsiyalash (tarkiban o'zgartirish), eksport-importni muvozanatlashtirib turish, innovatsiya, (yangilikni o'zlashtirish) ishlarini yo'lga qo'yish, ayrim hududlarga yordam berish,. Konversiya (harbiy ishlab chiqarishdan xalqqa kerakli tovar ishlab chiqarishga o'tish) maqsadlarida ajratiladi. Aytilgan ishlar serxarajat bo'lganidan subsidiya xarajatlarni butunlay yoki qisman qoplash uchun beriladi. Masalan, devirsifikatsiya katta joriy sarflarni talab qiladi, shu bois ularni qoplash davlat subsidiyasi ham ishtirok etadi. Subsidiyalar eksportni qisqartirish yoki to'xtatib turish uchun ham ishlatiladi. Jahon bozoridagi narxni ushlab turish uchun bozorga qo'shimcha tovarlarni chiqarmaslik zarur bo'lganda, davlat o'z tovarlarini zaxiraga o'tkazib turgan firmalarga subsidiya berib, tovarlarni saqlab turish xarajatlarini qoplaydi. Subsidiyalar milliy sanoatni o'stirish uchun ham beriladi. Tashqaridan xom ashyo kiritib, tashqariga tayyor maxsulot chiqaruvchi korxonalar ham subsidiyadan bahramand bo'ladilar.

Davlat texnika yangiliklarini joriy etish, resurslarni tejash, atrof-muhitni muhofaza qilish, resurslarni iqtisodiyoti sust rivojlangan hududlarga joylashtirish, eksport potentsialini oshirish dasturlarini ishlab chiqadi. Bu dasturlarda davlat tavsiyalariga binoan ish tutgan korxonalar davlatdan subsidiya oladilar.

Davlat **milliy iqtisodiy chegaralarni** belgilaydi, iqtisodiy chegara vazifasini esa milliy pul va bojxona to'lovlari, ya'ni **boj puli** bajaradi. Davlat milliy valyutani mamlakat hududidagi yagona va tanho to'lov vositasi sifatida kiritadi. Mamlakat ichidagi tovar va xizmatlarni faqat shu pulga olish mumkin, bu bilan

milliy bozor himoya qilinadi. SHunday vazifani O'zbekiston Respublikasi puli – **so'm** ham o'taydi.

Davlat iqtisodiy o'sish uchun ahamiyatli, lekin serxarajat ishlarni o'zi hisobidan moliyalashtiradi.

SHu boisdan davlat iflyatsiyani iloji boricha me'yoriy darajaga pasaytirishga qaratilgan siyosat olib boradi. **Inflyatsiyaga qarshi tadbirlar ikki yo'nalishda olib boriladi: Birinchidan,** ishlab chiqarishni o'stirish orqali tovar va xizmatlarni ko'paytirish va shu yo'sinda pulni moddiy jihatdan ta'minlash; **ikkinchidan,** pul miqdorini keragidan ortiqcha bo'lishiga yo'l bermaslik uchun pul emissiyasi ustidan qattiq nazorat o'rnatish, ya'ni ortiqcha pulni muomalaga chiqarmaslik. Ko'rilgan chora-tadbirlar natijasida inflyatsiya sur'atlari pasayadi.

Kuchli inflyatsiya kezlarida pulni ishlab chiqarishga qo'yish xatarli ishga aylanadi. SHu boisdan davlat inflyatsiyaga yo'l bermaydigan qulay investitsiya muhitini yaratib, iqtisodiy o'sishga ko'maklashadi, natijada, **birinchidan,** kredit olishni yengillashtiradi, qarz berishning xatari kam bo'ladi, **ikkinchidan,** pulga uning qadri pasayib ulgurmasdan resurs olib ishlab chiqarishga joylashtirish mumkin. Inflyatsiyani davlat naqadar jilovlay olishiga qarab iqtisodiyotda o'zgarish yuz beradi.

Kredit siyosati. Iqtisodiyotga kuchli ta'sir etuvchi vosita – bu foiz stavkasidir. Bozor qoidasiga ko'ra foiz kamaysa, qarz puliga talab oshadi, binobarin, kredit ko'proq olinadi va ko'proq ishlab chiqarishga qo'yiladi. Kreditning iqtisodiy o'sishga aloqadorligini hisobga olgan holda davlat uni arzonlashtirish choralarini ko'radi. Davlatning qo'lida katta pul to'planadi, bu pul bankka qo'yiladi va ishlatilishiga qadar kredit resursini tashkil etadi. Davlatning puli kapital bozoriga chiqib kreditning taklifini ko'paytiradi va bu foizni kamaytiradi.

Davlat bo'sh turgan pulning tarkibini o'zgartirish orqali bozordagi pulga bo'lgan talab va taklifni o'zgartirishga erishadi. **Bo'sh pullar hozir qarz berish uchun ajratilgan va zaxiradagi kredit rezervi sifatida turgan pullarga bo'linadi.** Zaxiradagi rezerv pulning kamayishi taklif etilgan pulning ko'payishini bildiradi va aksincha, uning ko'payishi pul taklifini qisqartiradi. Odatda kredit resursining 20 foizi zaxirada bo'lsa, 80 foizi bevosita kredit ishiga ajratiladi, ya'ni sotishga qo'yiladi. Davlat shu nisbatni o'zgartiradi. U pul rezervini qisqartirish hisobidan uning kredit sifatida taklifini ko'paytiradi. Natijada foiz pasayadi, binobarin kredit arzonlashganidan uni ko'proq olib, investitsiya uchun ishlatish qulay bo'ladi.

Davlat kredit resursiga o'zi nomidan chiqarilgan qimmatli qog'ozlarni, chunonchi, aktsiya, obligatsiya, xazina majburiyatlarini sotish orqali ta'sir etadi. Bu qog'ozlar sotilganda bo'sh pullar davlat olgan qarzga aylanib qoladi va ular kredit sifatida berilmaydi. Natijada kredit taklifi qisqarib, foiz o'sadi. Davlat bu qog'ozlarni qaytadan sotib olganda o'z qarzini uzgan bo'ladi, uning qo'lidagi pul qimmatli qog'ozlarni sotganlar qo'liga o'tib, bo'sh pulni ko'paytiradi, binobarin, pulning kredit sifatida taklifini oshiradi. Natijada foiz pasayib, kredit arzonlashadi.

Davlat tadbirkorligining o'ziga yarasha ziddiyatlari bor, bu tadbirkorlik, bir tomondan, iqtisodiyot uchun zarur, ikkinchi tomondan, u g'oyat serxarajat.

Davlat bozorga iste'molchi – xaridor sifatida ham chiqadi. Davlat byurtmachilariga binoan ishlash firmalar uchun qulay bozor yaratadi, chunki tovarlar va xizmatlar oldindan belgilangan miqdorda va kelishilgan narxda albatta sotiladi. Davlat xususiy sektorda jamg'arilib, bozorga chiqmay qolishi mumkin bo'lgan pulni soliq undirish orqali o'z qo'liga olib, uni o'z byurtmasini xarid etishga jalb etadi, ya'ni bozorni kengaytiradi. Demak, davlat o'z xaridi bilan iqtisodiy taraqqiyotga hissa qo'shadi.

Bozor tizimida davlatning iqtisodiyoti tartiblashdan iborat faoliyati ma'muriy tazyiq orqali emas, balki iqtisodiy vositalar bilan amalga oshiriladi.

Davlat iqtisodiyotni boshqarishdagi asosiy vazifalari va funktsiyalari quyidagilardan iborat:

O'zbekiston Respublikasi qonunlari, O'zbekiston Respublikasi Prezidentining farmonlari hamda boshqa normativ-huquqiy hujjatlar amalda ro'yobga chiqarilishini, ularning ijrosi ustidan ta'sirchan nazorat amalga oshirilishini ta'minlash;

Tashqi va ichki siyosatni amalga oshirish, davlatning tashqi va ichki havfsizligini ta'minlash;

Mamlakatni strategik rivojlantirishning ustuvor yo'nalishlarini belgilash, davlatning maqsadli dasturlarini ishlab chiqish hamda ularni amalga oshirishni tashkil qilish, iqtisodiy islohotlarni ro'yobga chiqarish borasidagi chora-tadbirlarni amalga oshirish;

Insonning konstitutsiyaviy huquqlari va erkinliklarini, aholining ta'lim, tibbiy xizmat, ijtimoiy ta'minotga bo'lgan huquqlarini ta'minlash va himoya qilish, mehnat bozorini tartibga solish, ijtimoiy sohada umumdavlat boshqaruv tizimi faoliyatini boshqarish va muvofiqlashtirish;

Tegishli hususiy muhitni yaratish, litsenziyalash, sertifikatlashtirish va standartlashtirish orqali ho'jalik yurituvchi sub'ektlar faoliyatini davlat tomonidan tartibga solish;

Soliqlar, bojxona to'lovlarini yig'ish, davlat daromadlarini taqsimlash yo'li bilan xazinaga oid vazifalarni amalga oshirish.

8.2 Milliy iqtisodiyotni boshqaruv tizimi, tarkibi va vazifalari

O'zbekiston Respublikasining Konstitutsiyasiga binoan davlat boshqaruv organlari quyidagicha:

1. O'zbekiston fuqarolarining umumiy saylov yo'li bilan tayinlanadigan O'zbekiston Respublikasi Prezidenti lavozimiga 35 yoshga to'lgan, bevosita saylovga kamida 10 yil O'zbekiston hududida muqim yashagan, davlat tilini yaxshi biladigan O'zbekiston fuqarosi saylanishi mumkin. O'zbekiston Respublikasi Prezidenti O'zbekiston Respublikasining fuqarolari tomonidan umumiy, teng va to'g'ridan-to'g'ri saylov huquqi asosida, yashirin ovoz berish yo'li bilan besh yil muddatga saylanadi. Prezident devoni tarkibida:

1. Tashkiliy kadrlar xizmati.

2. Oliy majlis, siyosiy va jamoat tashkilotlari bilan xamkorlik kilish xizmati.

3. Huquqni muxofaza qiluvchi va nazorat idoralari faoliyatini muvoqlashtirish xizmati.
4. Ijtimoiy-iqtisodiy siyosatni muvofiqlashtirish xizmati.
5. Fan, ta'lim, sog'liqni saqlash va sportni rivojlantirish masalalari xizmati.
6. Ommaviy axborot vositalari, madaniyat, san'at va ijodiy tashkilotlarni rivojlantirish masalalari xizmati.
7. Ishlar boshqarmasi.
8. O'zbekiston Respublikasi Prezidentining protokol xizmati.
9. O'zbekiston Respublikasi Prezidentining matbuot xizmati.
10. O'zbekiston Respublikasi Prezidentining kantselyariyasi
11. O'zbekiston Respublikasi Prezidenti xuzuridagi milliy xavfsizlik kengashi kotibining xizmati kabi bo'limlar mavjuddir.

2. O'zbekiston Respublikasi Oliy Majlisi. Uning Qonunchilik palatasi (quyi palata) va Senati (yuqori palata), tegishli hay'at va qo'mitalari.

Oliy majlisning Qonunchilik palatasi qonun yaratishdek muhim va zarur ish bilan shug'ullanadi. Qonunchilik palatasi sessiyalari sentyabrning birinchi ish kunidan boshlab, kelgusi yilning ohirgi ish kuniga qadar, demak 10 oy mobaynida o'tkaziladi. SHunday qilib Qonunchilik palatasi doimiy faoliyat yuritadi. Quyi palatada 150 ta deputat, (saylov kuni 25 yoshga to'lgan hamda kamida besh yil O'zbekiston hududida muqim yashayotgan O'zbekiston fuqarosi Qonunchilik palatasi deputati, shuningdek, Senat a'zosi bo'lishi mumkin). Ularning ichidan palataga rahbarlik qiluvchi Spiker (notiq) va uning o'rinbosarlari faoliyat yuritadi. Ishni samarali tashkil etish, palata qo'mitalari ishini muvofiqlashtirib borish, qonun loyihalarini tayyorlashni rejalashtirish masalasini dastlabki tarzda ko'rib chiqish maqsadida Qonunchilik palatasi kengashi tuziladi. SHuningdek quyi palata tarkibida qo'mitalar ham faoliyat yuritadi. Ushbu qo'mitalar qonun loyihalarini tayyorlash ishini olib boradi. Qonunchilik palatasi muhokamasiga kiritiladigan masalalarni dastlabki tarzda ko'rib chiqadi va tayyorlaydi. O'zbekiston Respublikasi qonunlari hamda palata tomonidan qabul qilinadigan qarorlarning ijrosini nazorat qiladi. Qonunchilik palatasida qonunchilik tashabbusi huquqiga O'zbekiston Respublikasi Prezidenti, qonunchilik palatasi deputatlari, O'zbekiston Respublikasi Vazirlar Mahkamasi, O'zbekiston Respublikasining Konstitutsiyaviy sudi, Oliy sudi, Oliy xo'jalik sudi, Bosh prokurori egadirlar.

O'zbekiston Respublikasi Oliy Majlisi qonunchilik palatasi quyidagi tarkibga ega:

1. Oliy Majlis Qonunchilik palatasi **spikeri**
 2. Oliy Majlis Spikerining 5 ta o'rinbosarlari:
- O'zbekiston Respublikasi Oliy Majlisi konunchilik palatasi qo'mitalari:
- Byudjet va iqtisodiy islohotlar qo'mitasi
 - Qonunchilik va sud-huquq masalalari qo'mitasi

- Mehnat va ijtimoiy masalalar qo'mitasi
 - Mudofaa va xavfsizlik masalalari qo'mitasi
 - Xalqaro ishlar va parlamentlararo aloqalar qo'mitasi
 - Sanoat, qurilish va savdo masalalari qo'mitasi
 - Agrar va suv xo'jaligi masalalari qo'mitasi
 - Fan, ta'lim madaniyat va sport masalalari qo'mitasi
 - Demokratik institutlar, nodavlat tashkilotlar va fuqaroning o'zini o'zi boshqarish organlari qo'mitasi
 - Axborot va kommunikatsiya texnologiyalari masalalari qo'mitasi
 - Ekologiya va atrof muhitni muhofaza qilish qo'mitasi
3. O'zbekiston Respublikasi Oliy Majlisining Inson huquqlari bo'yicha vakili.
4. O'zbekiston Respublikasi Oliy Majlisi qonunchilik palatasi devoni.

O'zbekiston Respublikasi Oliy Majlisining Senati to'g'risidagi Konstitutsiyaviy Qonun yuqori palataning huquqiy maqomini belgilab bergan. Ma'lumki, Respublikada 14 ta ma'muriy hududiy birlik (Qoraqalpog'iston Respublikasi, 12 ta viloyat va Toshkent shahri) mavjud. Ularning har biridan 6 nafardan vakil tegishli qo'shma majlislarda **Senatga** (oqsoqollar kengashi ma'nosida) saylanadi. SHuning uchun mazkur palata Qonunda hududiy vakillik palatasi deb ataladi. SHunday qilib joylardan saylangan jami 84 nafar senator yoniga yuqori palataning 16 nafar a'zosi fan, san'at, adabiyot, ishlab chiqarish sohasida hamda davlat va jamiyat hayotining boshqa tarmoqlarida katta amaliy tajribaga ega bo'lgan, shuningdek, alohida xizmat ko'rsatgan eng obro'li fuqorolar orasidan O'zbekiston Respublikasi Prezidenti tomonidan tayinlanadi.

O'zbekiston Respublikasi Oliy Majlisining Senati tarkibi

1. Senat raisi
2. Raisning 2 ta o'rinbosarlari
3. O'zbekiston Respublikasi Oliy Majlisining Senati qo'mitalari
 - Byudjet va iqtisodiy islohotlar masalalari qo'mitasi
 - Qonunchilik va sud-huquq masalalari qo'mitasi
 - Mudofaa va xavfsizlik masalalari qo'mitasi
 - Tashqi siyosat masalalari qo'mitasi
 - Fan, ta'lim, madaniyat va sport masalalari qo'mitasi
 - Agrar, suv xo'jaligi masalalari va ekologiya qo'mitasi
4. O'zbekiston Respublikasi Oliy Majlisining Senati Devoni

Quyi palata doimiy faoliyat yuritadi, Yuqori palata zaruratga qarab, lekin yilida kamida 3 marta to'planadi.

Qonunchilik palatasi deputatlari har kungi faoliyatlarida qonun ijodkorligi bilan shug'ullansa, Senatorlar asosan xalq hayotining qaynoq nuqtalaridan kelib, takdim etilgan qonunlarga xalq, davlat nuqtai-nazaridan baho berishadi.

Quyi palatada deputatlar fraktsiya va guruhlariga bo'linib, o'zlari mansub bo'lgan partiya manfaatlarini ko'zlashsa, Senatda hududiy mansublikka ko'ra

hamda siyosiy yoki boshqa asosda guruhlar tuzishga yo'l qo'yilmaydi. Nima uchun? Quyi palata o'z partiyaviy manfaati yoki guruhi g'oyasi uchun kurashsa, yukori palata a'zolari esa faqat davlat, millat manfaatlari asosida kelajakni ko'zlagan holda qonunchilik palatasidagi tortishuvlarga o'z bahosini beradi, ana shu tomonlari bilan ham yuqori turadi.

Respublika Parlamenti qabul qilgan 2 palatali tizim yagona maqsadni ko'zlaydi va bu maqsad azaliy qadriyatlarimizga va dunyodagi rivojlangan davlatlar tajribasiga tayanib ish ko'radi.

3. O'zbekiston Respublikasi Vazirlar Mahkamasi – ijro etuvchi organ. Respublikada quyidagicha ijro etuvchi organlar tashkil qilingan.

Vazirliklar:

1. Iqtisodiyot vazirligi
2. Moliya vazirligi
3. Qishlok va suv xo'jaligi vazirligi
4. Mehnat va aholini ijtimoiy muxofaza qilish vazirligi
5. Oliy va o'rta maxsus ta'lim vazirligi
6. Xalk ta'limi vazirligi
7. Sog'likni saqlash vazirligi
8. Madaniyat va sport ishlari vazirligi
9. Mudofaa vazirligi
10. Ichki ishlar vazirligi
11. Favqulodda vaziyatlar vazirligi
12. Tashqi ishlar vazirligi
13. Adliya vazirligi
14. Tashki iqtisodiy aloqalar, investitsiyalar va savdo vazirligi

Davlat qo'mitalari:

1. Davlat statistika qo'mitasi
2. Xususiylashtirish, monopoliyadan chiqarish va raqobatni rivojlantirish davlat qo'mitasi
3. Davlat soliq qo'mitasi
4. Davlat bojxona qo'mitasi
5. Davlat tabiatni muhofaza qilish qo'mitasi
6. Davlat geologiya qo'mitasi
7. Davlat arxitektura va qurilish qo'mitasi
8. Ergeodezkadastr davlat qo'mitasi
9. O'zbekiston Respublikasi aloqa, axborotlashtirish, telekommunikatsiya texnologiyalari davlat qo'mitasi

Markaziy muassasalar:

1. O'zbekiston Respublikasi hisob palatasi
2. Konstitutsiyaviy sud
3. Oliy sud
4. Oliy-xo'jalik sudi

5. Harbiy sud
6. Milliy xavfsizlik xizmati
7. Davlat va jamiyat qurilish akademiyasi
8. Amaldagi qonun xujjatlari monitoringi instituti
9. Fanlar akademiyasi
10. Badiiy akademiya
11. Oliy attestatsiya komissiyasi
12. Inson huquqlari bo'yicha O'zbekiston Respublikasi milliy markazi
13. Milliy olimpiya qo'mitasi
14. Yunesko ishlari bo'yicha O'zbekiston Respublikasi milliy komissiyasi

Agentliklar:

1. O'zbekiston matbuot va axborot agentligi
2. O'zstandart agentligi
3. O'zkommunxizmat agentligi
4. O'zbekiston avtomobil va daryo transporti agentligi
5. Mualliflik huquqini himoya qilish agentligi
6. Qimmatbaho metallar agentligi
7. O'zarxiv agentligi
8. O'zbekkino milliy agentligi
9. O'zbekiston milliy axborot agentligi
10. «Jaxon» axborot agentligi
11. «Turkiston-press» axborot agentligi

Qo'mitalar:

1. Fan va texnologiyalarni rivojlantirishni muvofiqlashtirish qo'mitasi
2. O'zdavxaxira qo'mitasi
3. Din ishlari bo'yicha qo'mita

Markazlar:

1. Prognozlashtirish va makroiqtisodiyot tadqiqotlar instituti
2. Ijtimoiy tadqiqotlar instituti
3. Normativ xujjatlarni amalga oshirish ustidan monitoring qilish markazi
4. Davlat test markazi
5. Narkotik moddalarni nazorat kilish milliy markazi
6. "Sifat markazi"
7. O'zgidromet markazi
8. Respublika ma'naviyat targ'ibot markazi
9. Milliy g'oya va mafkura ilmiy-amaliy markazi
10. "Oila" ilmiy-amaliy markazi
11. "Ijtimoiy fikr" jamoatchilik markazi

Inspektsiyalar:

1. Davavianazorat inspektsiyasi
2. O'zdavtemiryo'lnazorat inspektsiyasi

3. Davsuvxo'jaliknazorat inspeksiyasi
4. O'zdavneftgazinspeksiya
5. O'zdavdoninspeksiya
6. O'zdavenergonazorat inspeksiyasi
7. Sanoatkontexnazorat davlat inspeksiyasi

Banklar:

1. Markaziy bank
2. Tijorat banklari

Uyushmalar:

1. O'zagromashservis uyushmasi
2. O'zbekcharmpoyafzal uyushmasi
3. O'zpaxtasanoat uyushmasi
4. O'zmontajmaxsusqurilish uyushmasi
5. O'zeltexsanoat uyushmasi
6. Yog'-moy va oziq-ovqat sanoati uyushmasi
7. O'zgo'shtsutsanoat uyushmasi
8. Hunarmand uyushmasi
9. Tasviriy oyina uyushmasi
10. O'zbekiston fermerlar kengashi
11. Ulgurji savdo korxonolari uyushmasi
12. O'zfarmisanoat davlat-aktsiyadorlik kontserni

Kompaniyalar:

1. O'zbekenergo davlat aktsiyadorlik kompaniyasi
2. O'zkiyosanoat davlat aktsiyadorlik kompaniyasi
3. O'zavtoyul davlat aktsiyadorlik kompaniyasi
4. O'zkitobsavdo davlat aktsiyadorlik kompaniyasi
5. O'zbekiston milliy teleradiokompaniyasi
6. O'zdonmahsulot kompaniyasi
7. O'zavtosanoat kompaniyasi
8. O'zqishloqxo'jalikkimyo kompaniyasi
9. Qurilish-lizing kompaniyasi
10. O'zmeliomashlizing davlat lizing kompaniyasi
11. O'zulgurjisavdo kompaniyasi
12. O'zbekengilsanoat kompaniyasi
13. O'zbekiston xavo yo'llari aviakompaniyasi
14. O'zbekiston temir yo'llari kompaniyasi
15. Dori-darmon kompaniyasi
16. O'zqurilishmateriallari kompaniyasi
17. "Fayz" xolding kompaniyasi
18. O'zvinosanoat-xolding kompaniyasi
19. O'zbekneftegaz milliy xolding kompaniyasi
20. O'zbekturizm kompaniyasi

21. O'zinvestloyixa kompaniyasi
22. O'zbekinvest kompaniyasi

Birlashmalar:

1. "O'zbeknavo» estrada birlashmasi
2. O'zbekteatr birlashmasi

Boshka tashkilotlar:

1. Savdo-sanoat palatasi
2. Davlat patent idorasi
3. Madad agentligi

Jamgarmalar:

1. Tiklanish va taraqqiyot jamg'armasi
2. Sog'lom avlod uchun jamg'armasi
3. Ekosan jamg'armasi
4. SHahidlar xotirasi xayriya jamg'armasi
5. O'zbekiston madaniyati va san'ati forumi jamg'armasi
6. Nuroniy jamg'armasi
7. Mahalla jamg'armasi
8. Iste'dod jamg'armasi
9. Oltin meros jamg'armasi
10. Mehr-shafqat va salomatlik jamg'armasi
11. Respublika bolalar ijtimoiy moslashuvi markazi
12. Bolalar va oilalarni qo'llab-quvvatlash assotsiatsiyasi
13. Amir Temur jamg'armasi
14. SOS-O'zbekiston bolalar mahallalari uyushmasi
15. Sen yolgiz emassan jamg'armasi
16. Mehr nuri jamg'armasi
17. Ijtimoiy tashabbuslarni qo'llab-kuvatlash jamg'armasi
18. Kelajak ovozi yoshlar tashabbuslari markazi
19. O'zbekiston nodavlat notijorat tashkilotlari milliy assotsiatsiyasi
20. O'zbekiston elektron ommaviy axborot vositalari milliy assotsiatsiyasi
21. O'zbekiston mustaqil bosma axborot vositalari va axborot agentliklarini qo'llab-quvvatlash va rivojlantirish jamoat fondi
22. Fuqarolik jamiyatini o'rganish instituti

Jamoat tashkilotlari:

1. Kasaba uyushmalari federatsiyasi kengashi
2. Xotin qizlar qo'mitasi
3. O'zbekiston Respublikasi "Kamolot" yoshlar ijtimoiy xarakati Markaziy kengashi
4. "Vatanparvar" tashkiloti
5. Avtomotoxavaskorlar ko'ngilli jamiyati
6. Bastakorlar uyushmasi
7. Nogironlar jamiyati

8. Qizil yarim oy jamiyati
9. Karlar jamiyati
10. Yozuvchilar uyushmasi
11. O'zbekiston jurnalistlari ijodiy uyushmasi
12. O'zbekiston xorijiy davlatlar bilan do'stlik va madaniy-ma'rifiy aloqalar jamiyatlari kengashi
13. Iste'molchilar huquqlarini himoya qilish jamiyatlari federatsiyasi
14. O'zbekiston musulmonlar idorasi
15. Yeparxiya boshqarmasi

Bevosita iqtisodiyotni boshqaradigan, davlat iqtisodiy siyosatini hayotga tadbiq etadigan boshqaruv bo'g'inlari bu - Prezident devonida ijtimoiy-iqtisodiy masalalar bo'yicha Davlat maslahatchisi mavjud. Bosh Vazir, bosh vazir birinchi o'rinbosari va o'rinbosarlari, Moliya vazirligi, Iqtisodiyot vazirligi, Davlat stastika qo'mitasi, O'zbekiston Markaziy va tijorat banklari, Xalq banki, Davlat boj, soliq va mulk qo'mitalari, barcha vazirliklarning iqtisodiy boshqarmalari va hokimliklar.

O'zbekiston Respublikasi ma'muriy jihatdan 12 ta viloyat va Qoraqalpog'iston Respublikasini o'z ichiga oladi. Ma'lumki, viloyatlar yana tumanlarga bo'linadi. Ushbu mintaqalarning boshqaruv organlari va ularning huquqiy, mulk chegaralariga o'zgartirishlar kiritildi. Mahalliy ahamiyatga molik bo'lgan qonunlar va farmonlar qabul qilish xalq tomonidan saylangan tuman, viloyat deputatlari, ularning kengashlari zimmasiga yuklatilgan. **Mahalliy** darajada Oliy boshqaruv va ijrochi organ -viloyat va tuman hokimiyat organlari tuzilgan. Hokimlar Respublika Prezidentining joylardagi vakili bo'lib, ular Prezident tomonidan tavsiya etiladi va mahalliy deputatlar kengashida tasdiqlanadi. SHu bilan birga ular mahalliy kengash raislari etib saylanadi. Mahalliy hokimiyatning mulk huquqlari asosiy qonunda qat'iy belgilanib, ularning shakllanish manbaalari ham aniq ko'rsatilgan. Munitsipal mulk deb atalmish ushbu mulk mahalliy sanoat, tijorat va boshqalar hisobiga tashkil etiladi va ular to'liq mahalliy hokimiyatlar tasarrufida bo'ladi. Mahalliy hokimiyatlarning iqtisodiyotning boshqaruv bo'g'inlari yuqorida sanab o'tilgan respublika organlarining bo'limlari hisoblanadi. Respublikamiz viloyat hokimliklari, Toshkent shahar hokimligi, qishloq va shahar tuman hokimliklari boshqaruv apparatining namunaviy tarkibi mavjud.

Milliy iqtisodiyotning boshqaruv vazifalari umumiy tarzda quyidagicha belgilangan:

1. Bozor iqtisodiyotining xuquqiy asoslarini va ijtimoiy muhitni yaratib berish;
2. Mulq dahlsizligini ta'minlash;
3. Raqobat halolligini saqlash va uni himoya qilish;
4. Daromad va milliy boyliklarni taqsimlash va qayta taqsimlash;
5. Milliy mahsulot tarkibini yaxshilash maqsadida resurslar taqsimotini tartibga solish, ustuvor yo'nalishlarni belgilash;
6. Iqtisodiyotni baqarorlashtirish, uni modernizatsiyalash, inflyatsiya jarayonlarini nazorat qilish, iqtisodiy o'sishni rag'batlantirish, ijtimoiy ishlab chiqarish samaradorligini oshirish;

7. Aholining ijtimoiy himoyalashni ta'minlash, uni sog'lig'ini muhofaza qilish, fan, ta'lim, jismoniy tarbiya va sportni rivojlantirish;

8. Aholini bandligini ta'minlash, ularni daromadlarini oshirishga erishish;

9. Yangi texnika va texnologiyani ishlab chiqarishga, xizmat ko'rsatish sohalariga jalb qilish;

10. Iqtisodiy islohotlarni amalga oshirish bosqichlarining uzviyligini ta'minlash va uni takomillashtirish;

11. Respublika aholisining tarkibiy o'sish sur'atlari va boshqa xususiyatlarini hisobga olgan holda yangi ish joylarini tashkil etish, aholini ish bilan bandligini ta'minlash, mehnat birjalari va mehnat bozorlarini tashkil etish;

12. Kichik va xususiy tadbirkorlikni rivojlantirish, yangi-yangi ish o'rinlarini yaratish, ularni yalpi ichki mahsulot tarkibidagi ulushini oshirish;

13. Iste'mol bozorining himoyasini tashkil etish;

14. Milliy pul birligi kursining qat'iyligini ta'minlash va hokazolar;

15. Hududlarni ekologik holatini yaxshilash, uni doimo nazorat qilib borish;

Bozor iqtisodiyotiga ogishmay borishni ta'minlash uchun, birinchi navbatda, ana shu qayd etilgan ishlarni amalga oshirish lozim bo'ladi. SHu bilan birga mahalliy xususiyatlarni hisobga olish, oldingi markazlashgan davlat boshqaruvchi tizimining ham maqsadga muvofiq jihatlarini saqlab qolish kerak bo'ladi.

Tayanch iboralar

1. Davlat asosiy Reformator - islohotchi
2. Davlat - Sub'ekt
3. Davlat - tartiblab turuvchi kuch
4. Iqtisodiy siyosat
5. Subsidiyalar
6. Inflyatsiya
7. Soliqlar
8. Kredit siyosati
9. Dastur
10. Prognoz
11. Induktsiya
12. Deduktsiya
13. Eksperiment
14. Metod
15. Metodika
16. Metodologiya

O'z - o'zini tekshirish uchun savollar

1. Davlatning iqtisodiyotdagi o'rni qanday?
2. Davlatning asosiy reformator - islohotchi ekanligi?
3. Iqtisodiyotni tartiblash zarurat bormi? Bor bo'lsa uni qanday amalga oshiriladi?
4. Davlatni iqtisodiyotni tartiblash vositalari nimalardan iborat?
5. Iqtisodiy siyosat nima? Ijtimoiy siyosatchi?

6. Davlatning ixtiyoridagi moliyaviy vositalar qaysilar?
7. Inflyatsiyaga qarshi tadbirlar qanday amalga oshiriladi?
8. Kredit siyosati nima? U qanday tashkil qilinadi?
9. Davlatning boshqaruv organlari qaysilar?
10. Ikki palatali parlamentning mohiyati, vazifalari nima?
11. Ijro etuvchi organlar, ularning vazifalari qanday?
12. Mahalliy boshqaruv organlari qaysilar? Ularning tarkibi haqida nimalarni bilasiz?
13. Milliy iqtisodiyotning boshqaruv vazifalari qanday?

Tavsiya etiladigan adabiyotlar

1. O'zbekiston Respublikasi Konstitutsiyasi -T." O'zbekiston" 2010.
2. Karimov I.A. "O'zbekiston: Milliy istiqlof, iqtisodiyot, siyosat, mafkura" T. O'zbekiston 1996.
3. I.Karimov "Kuchli davlatdan – kuchli jamiyat sari" Toshkent "SHarq" nashriyoti 1998 y.
4. I. Karimov "Bizning bosh maqsadimiz - jamiyatni demokratlashtirish va yangilash, mamlakatni modernizatsiya va isloh qilishdir" Oliy Majlis Qonunchilik palatasi va Senatining qo'shma majlisidagi ma'ruzasi. 2005 yil 28 yanvar.
5. Prezident I.Karimovning O'zbekiston Respublikasi Konstitutsiyasining 20 yilligiga bag'ishlangan tantanali marosimdagi ma'ruzasi. 2012 yil 7 dekabr.
6. O'zbekiston Respublikasi Prezidentining 2012 yil 13 noyabrda "Xususiy lashtirish, monopoliyadan chiqarish va raqobatni rivojlantirish davlat qo'mitasini tashkil etish to'g'risida"gi Farmoni
7. Respublika davlat boshqaruv organlari tizimini takomillashtirish to'g'risida O'zbekiston Respublikasi Prezidentining Farmoni 09.12.2003Y №PF-3358
8. O'zbekiston Respublikasi Prezidenti I.Karimovning 2012 yilda mamlakatimizni ijtimoiy-iqtisodiy rivojlantirish yakunlari hamda 2013 yilga mo'ljallangan iqtisodiy dasturning eng muhim ustuvor yo'nalishlariga bag'ishlangan Vazirlar Mahkamasining majlisidagi ma'ruzasi. Xalq so'zi 2013 yil 19 yanvar.
9. M. SHarifo'jaev O'zbekiston Respublikasi Oliy Majlisining Senati T. "SHarq" 2005.
10. N.Tuxliev va boshqalar. "O'zbekiston iqtisodiyoti asoslari" O'zbekiston milliy entsiklopediyasi Davlat ilmiy nashriyoti T-2006
11. N.Tuxliev va boshqalar. "Taraqqiyotning o'zbek modeli" O'zbekiston milliy entsiklopediyasi Davlat ilmiy nashriyoti T-2012

IX BOB. STRATEGIK REJALASHTIRISH VA UNI TASHKIL ETISH

Reja:

§ 1. Strategik rejalashtirish nazariyasi, uning mohiyati va vazifalari.

§ 2. Strategik rejalashtirishning metodologiyasi.

9.1. Strategik rejalashtirish nazariyasi, uning mohiyati va vazifalari.

Ma'lumki, **bozor munosabatlari** ishlab chiqarish vositalariga va iste'mol buyumlariga bo'lgan xususiy mulkchilikka, tovar ishlab chikaruvchilarni erkin faoliyatiga, erkin raqobat va iqtisodiyotni ochiqqligiga asoslanadi.

Iqtisodiyotning markazdan turib boshqaruv tizimiga xos xususiyatlari bo'lib barcha bosqichlarni qamrab olish, ishlab chikarishni yuqori darajada kontsentratsiyalashuvi va uni davlat korxonalarida monopollashganligi, ishlab chikarish faoliyatini xalq xo'jaligi samaradorligiga yo'naltirilganligi, mamlakatning yagona xalq xo'jalik majmuini **yopiqqligi** bo'lib hisoblanadi.

Sobiq SSSRda rejalashtirishning umumdavlat tizimi mavjud edi. U yuqoridan toki quyigacha bo'lgan boshqaruv va xo'jalik organlarini faoliyatini barcha qirralarini nazorat qilar edi. Bozor iqtisodiga o'tilishi munosabati bilan vaziyat tubdan o'zgardi. Bozor iqtisodiga har qanday ma'muriy buyruqbozlik bilan kiritiladigan rejalar yotdir, chunki xo'jalik sub'ektlari ham huquqiy ham iqtisodiy jihatdan davlat boshqaruvida emaslar.

Sobiq Ittifoq davrida tepadan tushirilgan rejalar **qonun darajasigacha** ko'tarilgan bo'lsa ham ulardan samara bo'lmadi. SHuning uchun iqtisodiy islohotlar jarayonini boshlanishidan rejalashtirishga bo'lgan e'tibor susaya bordi. Hozir ham bu masalaga byurokratik kamchiliklarga ega bo'lgan hol deb qarash uchrab turadi. **Iqtisodiy rivojlanishni, aholini turmush darajasini yaxshilashni asosiy vazifa qilib qo'ygan har bir davlat uning mexanizmlarini, bajarish muddatlarini oldindan belgilaydi.** Holbuki, yetti marta o'lchab bir marta kesgan kishi yutqazmaydi. Ishlab chiqarish kuchlari va ishlab chiqarish munosabatlari bilan bog'liq bo'lgan har qanday muammo pirovard natijalarni oldindan ko'ra bilishni, bashorat qilishni va rejalashtirishni talab qiladi. **SHunday ekan, bozor iqtisodiyoti sharoitida rejalashtirish va prognozlashtirish o'z ahamiyatini yo'qotmaydi.**

Hozirgi zamon tsivilizatsiyasining rivojlanish tajribasi bozor munosabatlari tizimini ma'muriy buyruqbozlik, buyurokratik tizimga asoslangan jamiyatga nisbatan xayotiy faoliyatning barcha qirralarini samarasi yuqori bo'lishini ko'rsatayapti. Uning sabablaridan biri bozor munosabatlari tizimiga asoslangan barcha davlat ijtimoiy-iqtisodiy jarayonlarni **davlat tomonidan tartibga solish usullaridan keng foydalanishidadir.** Masalan, Yaponiya, G'arbiy Yevropa, Janubiy-SHarqiy Osiyo davlatlarini misol keltirsa bo'ladi.

Yaponiya iqtisodiy o'sish sur'atlari yuqori bo'lganligi tufayli dunyoda iqtisodiy quvvati bo'yicha ikkinchi o'ringa chiqib oldi. Yaponiyada ijtimoiy-iqtisodiy rivojlanishni umumdavlat rejalar, qonun bo'lmasa ham, iqtisodiyot tarkibining ayrim bo'g'inlarini umummillat manfaatlarini ta'minlashga safarbar qiladigan davlat **dasturlari bo'lib** hisoblanadi. Yaponiyaning birinchi 1956-1960

yillarga mo'ljallangan «Iqtisodiy o'z-o'zini ta'minlash 5 yillik rejasi» Yapon iqtisodini asosini tashkil qiladigan xususiy korxonalar ekanligidan kelib chiqdi. Bundan keyingi tuziladigan mamlakatni sotsial-iqtisodiy umumdavlat rejalari Yaponiyaning **umummillat-iqtisodiy rejalashtirish shakliga aylandi.**

Bozor munosabatlari sharoitida umumdavlat rejalashtirish yuzasidan **Frantsiyada** ham qiziqarli tajriba mavjuddir. Ikkinchi jahon urushi tugashi bilanoq hukumatni boshqargan general SH.De-Golb iqtisodni tiklash va rivojlantirish yo'llarini qidira boshladi. SHuni ta'kidlash lozimki, 1946 yilgacha bozor sharoitida rejalashtirish tajribasi yo'q edi.

Frantsuz iqtisodiyotini rejalashtirishning bosh markazi 1946 yilda reja tuzishni tashkil qiladi. Frantsiyani birinchi davlat rejasi-«Mooneplani» 1947-1953 yillarga mo'ljallangan edi.

Sanoati rivojlangan ko'pchilik davlatlarni, ayniqsa, Osiyodagi Yangi industrial davlatlarning iqtisodini tahlili shuni ko'rsatayaptiki, bozor va reja nafaqat muvaffaqiyatli amal qilayapti, balki bir-biriga bog'liq bo'lib qolgan. CHunki tadbirkorlikni va erkin raqobatni rivojlanishi uchun sharoit yaratgan bozor mexanizmlarini shakllanishiga o'z ta'sirini o'tkazib turadi.

Bu sohada **Janubiy Koreyani** misol keltirsa bo'ladi. Bu yerda dinamik va qattiq rivojlanishni bozor modelini tuzishda davlat asosiy rolni o'ynaydi. 1963 yilda Janubiy Koreyada iqtisodiy rejalashtirish boshqarmasi tuzildi. Unga umumiy iqtisodiy strategiyani ishlab chikish, rivojlanishni joriy shakllarini tuzish, Davlat byudjetini tuzish va bajarilishini nazorat qilish, moliya resurslarini jalb qilish va undan foydalanish siyosatini muvofiqlashtirish, tashqi davlatlar va xalqaro tashkilotlar bilan hamkorlikni rivojlantirish kabi vazifalar yuklatildi. **Keyin bu boshqarma iqtisodiy rejalashtirish vazirligiga aylantirildi.** Besh yillik rejalar amalga oshirilmoqda. Rejalashtirish u yerda rivojlangan bozor iqtisodiyotini yaratishning muhim elementi bo'lib qolgan.

Strategik rejalashtirishning mazmuni bu milliy iqtisodiyoti, uning barcha tarmoqlari faoliyatini rivojlanishini reja asosida tartibga solishdir.

Rejalashtirishning mohiyati shundaki, kishilar o'z harakatlarini ongli ravishda belgilaydilar. Bu harakatlarni resurslar bilan solishtirib chiqadilar, tashqi muhitga bevosita va bilvosita bog'liq holda olib boradilar. Xozirgi zamon tsivilizatsiyasini rivoji shuni ko'rsatayaptiki, rejalashtirish har bir mehnat aktiga taalluqli bo'lib jamiyatni rivojlanishiga, mehnat taqsimoti va kooperatsiyasiga qarab rivojlana boradi. U bir ishlab chiqarish birligidan ajralib chiqib tadbirkorlar uyushmasi, milliy korporatsiyalar, davlatni o'ziga ham tarqalib ketadi. SHunday qilib boshqaruv, demak rejalashtirish moddiy ne'matlar va xizmatlar ishlab chiqaradigan tijorat tarmoqlariga ham, jamiyat va uning ayrim olingan tarmoqlariga ham taalluqlidir.

Rejalashtirish turlicha shaklda bo'ladi:

- Tarmoqlar, ijtimoiy, ilmiy-texnikaviy, ekologiya, moliya va boshqa aspektlar;
- Umumdavlat, regionlar, xo'jalik yurituvchi sub'ektlar, ularni birlashmalari bo'yicha va hokazo;
- Uzoq muddatli, o'rta muddatli va joriy rejalalar.

Xal qilinayotgan muammolar darajasiga qarab - ular **strategik** va **taktik** rejalarga bo'linadi. Strategik rejalashtirish bu kishilarni alohida bajaradigan amaliy faoliyatidir. Bu faoliyat prognozlar, dastur va rejalarni loyihalashtirish bilan bog'liq bo'lgan ishlardir.

Mamlakat rivojlanishini va davlat iqtisodiy siyosatini asosiy **mezoni** bo'lib rejalashtirish, ayniqsa, tarmoqni rivojlanishini prognozlash hisoblanadi.

Strategik rejalashtirish quyidagi xususiyatlarga egadir:

- Bir yildan oshiq bo'lgan o'rta va uzoq muddatli istiqbolga intilish;
- E'tiborni sotsial – iqtisodiy rivojlanishni ta'minlaydigan eng dolzarb masalalarni hal etishga qaratish;
- Belgilangan vazifalarni resurslar hajmi va tarkibi bilan chambarchas bog'lash;
- Rejalashtirilayotgan ob'ektga ta'sir qiladigan ko'pdan-ko'p tashqi omillarni hisobga olish va ularni salbiy ta'sirini kamaytirish bo'yicha tadbirlar ishlab chiqish va hokazo.

Strategik rejalashtirishning mohiyatini uning jarayonlari belgilaydi. Ular quyidagilardir:

- Strategik prognozashtirish (ayrim tarmoqlarni va sohalarni rivojlantirish, demografik prognozlar, sotsial prognozlar, davlat prognozlari, tashqi iqtisodiy prognozlar, ekologik prognozlar);
 - Strategik programmalash (strategik dasturlar loyihasi);
 - Loyihalash (milliy iqtisodiyotni rivojlantirishni strategik rejalari loyihasi).
- Uning mohiyati, strategik rejalarni loyihalashtirishni ishlab chiqishdir.

Strategik rejalashtirish orqali, amalda strategik prognozlar, dasturlar loyihasi va rejalarni tuzish, bozor iqtisodiyotini belgilaydigan ob'ektiv qonunlarni o'rganish, strategik rejalashtirishni ko'pgina muammolarini hal qiluvchi metodika va metodologiyalarni ishlab chiqish va takomillashtirish hamda uni amalga oshirish imkoniyatlari yaratiladi.

Strategik rejalashtirish ob'ekti bo'lib xo'jalik sub'ektlarini milliy iqtisodning tarkibiy elementlarini va butun mamlakatning milliy iqtisodini hozirgi rivojlanishidan kelib chiqqan holda yaqin kelajakdagi va istiqboldagi **faoliyati** hisoblanadi.

Strategik rejalashtirish nazariyasining 3 muhim tamoyillari mavjud:

- 1. Sotsial – iqtisodiy.** U sotsial iqtisodiy jarayonlarni rivojlanishini ta'minlaydigan aniq qonuniyatlarni o'rganishdan iborat.
- 2. Strategik rejalashtirish metodologiyasi.** U sotsial-iqtisodiy jarayonlarni bilish quroli hisoblanadi.
- 3. Tashkiliy.** U o'z ichiga strategik jarayonida qatnashadigan tashkilotlar tizimini, uni aniq funktsiyalarini belgilash kabi ishni tashkil qilishni o'z ichiga oladi.

9.2. Strategik rejalashtirishning metodologiyasi.

Metodologiya – bu haqiqatni (voqelikni) bilish maqsadida qo'llanilgan barcha metodlar va usullar yig'indisidir.

Strategik rejalashtirish metodologiyasi quyidagi beshta muhim savolga javob olish imkoniyatini beradi:

1. Strategik rejalashtirish ob'ektlarini rivojlantirishni maqsadi;
2. Prognozlar, dastur va rejalar ishlab chiqish jarayoni qanday ketma-ketlikda bo'lishi lozimligi;
3. Strategik prognozlar dastur va rejalar qanday bo'lishi kerak va ular qanday talablarni qondirishi kerak;
4. Strategik rejalashtirish ma'lum muammolarni hal qilishda qanday yondashuvlardan foydalaniladi?
5. Strategik prognozlar, dastur va rejalarini optimallashtirish qanday metodlar va ko'rsatkichlar tizimi yordamida ta'minlanadi.

Boshqaruvni, demak, strategik rejalashtirishni har qanday muammosini hal qilish o'z mantiqiga egadir. **Strategik rejalashtirishning mantiqi** deganda strategik rejalashtirishning barcha muammolarini hal qilishda tartibli ketma-ketlik, o'zaro bog'liqlik va bajariladigan ishlarning asoslanganligini tushuniladi.

Strategik rejalashtirishning mantiqiy mazmuni uning quyidagi **tarkibiy elementlarini yoritib beradi**:

1. Strategik rejalashtirish davrida sub'ektning maqsadini aniqlash va shakllantirish;
2. Strategik rejalashtirish erishilgan darajasini va tarkibini aniqlash, uni tahlil qilish;
3. Rejalashtirish davrida jamiyat talabining hajmi va tarkibini aniqlash;
4. Rejalashtirish davrining boshlanishiga mavjud bo'lgan resurslar hajmini va tarkibini aniqlash;
5. Sotsial-iqtisodiy tarmoqlar talab va resurslarni muvozanatlashtirish, bir-biri bilan bog'lash.

Strategik rejalashtirishning muhim tarkibiy qismi bo'lib, uning metodikasi hisoblanadi. **Metodika** – bu prognozlarni, strategik dasturlarni va rejalarini **reja ko'rsatkichlarini tahlil qilishda, asoslashda va tuzishda qo'llanilgan barcha metodlar, usullar yig'indisidir**.

Strategik rejalashtirishning **metodi** bu prognozlar, dastur va rejalarini **ayrim ko'rsatkichlarini** hisoblashda rejalashtirishda muammolarini hal qilishda foydalaniladigan **aniq uslub, texnik yondashuvdir**.

Rejalashtirishda normativ metod, balanslash metodi, iqtisodiy matematika metodi va modeli, ekspert (baholash) metodi, sotsial-iqtisodiy tahlil qilish metodi, tizimli tahlil va sintez va ko'pgina boshqa metodlardan foydalanadi.

Strategik rejalashtirish metodologiyasini aniqlash uning quyidagi xususiyatlarini hisobga olishni taqazo qiladi:

- Tarkibiy birlik;
- Strategik prognozlar, dasturlar va rejalar ishlab chiqarishning mantiqi (logikasi);
- Maxsus uslubiy printsiplar va yondashuvlar;
- Strategik rejalashtirish jarayonida, prognozashtirish va rejalashtirish ko'rsatkichlarini tuzishda va asoslashda foydalaniladigan usullar tizimi.

Strategik rejalashtirishning metodologiyasining tizimi prognozlar, dastur va rejalarni ishlab chiqishning ilmiy asosi hisoblanadi.

Strategik rejalashtirish metodologiyasining printsiplari. Strategik rejalashtirish jamiyatning boshqaruv tizimida markaziy element bo'lib hisoblanadi va uning mantiqiy rejalashtirish printsiplariga suyanadi.

Rejalashtirishning **asosiy printsiplari** bo'lib quyidagilar hisoblanadi:

1. Iqtisod va siyosatning birligi printsiipi
2. Markazlashtirish va mustaqillik printsiplarining birligi
3. Boshqaruv yechimlarini samaradorligi va ilmiy asoslanganlik printsiipi
4. Umumiy va lokal (ayrim olingan) manfaatlarni birligi printsiipi. Strategik dasturlar va rejalarni bajarishda shaxsiy va jamoa manfaatini rag'batlantirish.

Ko'rsatkichlar tizimi va strategik rejalashtirish metodlari.

Prognozashtirishda, dastur va rejalarni tuzishda ko'rsatkichlar tizimidan keng foydalaniladi. Faqat ko'rsatkichlar tizimi orqali strategik rejalashtirishni mantiqi, printsiplari va metodologik yondashuvlarini amalga oshirilishi mumkin.

Ko'rsatkich, deb hozirgi zamon hisoboti va statistikasida jamiyatdagi sotsial-iqtisodiy voqelik va jarayonlarni miqdor va sifat jihatidan tavsiflash tushuniladi.

Ko'rsatkich tizimi quyidagi 4 guruhga bo'linadi:

1. Miqdor va sifat ko'rsatkichlari
2. Tasdiqlanadigan va hisoblanadigan ko'rsatkichlar
3. Natural va qiymat ko'rsatkichlari
4. Absolyut va nisbiy ko'rsatkichlar

Ularni yana boshqacha tizimga ham bo'lish mumkin:

- umumiy rejalashtirishda foydalaniladigan ko'rsatkichlar tizimi;
- mamlakatni sotsial-iqtisodiy rivojlantirishda, davlat byudjetida foydalaniladigan ko'rsatkichlar;
- federatsiya sub'ektlarini rivojlanishini va mahalliy byudjetni rejalashtirishda foydalaniladigan ko'rsatkichlar;
- ayrim tarmoqni rivojlantirishda foydalaniladigan ko'rsatkichlar tizimi;
- korxona, birlashma, tijorat tashkilotlarini rivojlantirish prognozlarini, dasturlarini va rejalarni tuzishda foydalaniladigan ko'rsatkichlar tizimi.

Strategik rejalashtirishda foydalaniladigan ko'rsatkichlar ma'lum **talablarga javob berishi lozim:**

1. Rejalashtirishning ma'lum darajasi uchun ko'rsatkichlarni majburiyligi va ularning birligi.
2. Reja ko'rsatkichlari statistika ko'rsatkichlari bilan mos kelishi kerak.
3. Ko'rsatkichlar ma'lum o'lchov birligida o'lchanadigan, ifodalanadigan bo'lishi kerak.
4. Ko'rsatkichlar tizimi rejalashtirilayotgan ob'ektini barcha qirralariga kompleks xarakteristika bera oladigan bo'lishi kerak.
5. Ko'rsatkichlar bukiluvchan, egiluvchan bo'lishi, rejalashtirilayotgan ob'ektlar holatini barcha o'zgarishlarini aks ettira oladigan bo'lishi kerak.
6. Ko'rsatkichlar tizimi reja topshiriqlarida bajaruvchilar aniq ko'rsatilgan, ya'ni adresli bo'lishi kerak.

7. Ko'rsatkichlar mahsuldorlikni, samaradorlikni o'sishiga undashi kerak.
8. Ko'rsatkichlar tizimi son jihatdan chegaralangan bo'lishi lozim.

O'zbekistonda sotsial-iqtisodiy rivojlanishni strategik rejalashtirish va samarali boshqarishni zarur sharti bo'lib maxsus tashkilotlar tizimining mavjudligi hisoblanadi. Ana shu tashkilotlar tizimida O'zbekiston Respublikasi **Iqtisodiyot vazirligi alohida o'rin tutadi.**

Prognozlar asosan tarmoqlar bo'yicha ishlab chiqiladi. Umumiy iqtisodiyot bo'yicha esa hali bunday prognozlar ishlab chiqilmagan.

1. Oliy ta'lim muassasalarining moddiy texnik bazasini modernizatsiya qilish va mutaxassislar tayyorlash sifatini tubdan yaxshilash buyicha 2011-2016 yillarga muljallangan dastur.

2. 2012-2016 yillarda ishlab chiqarish xajmini kengaytirish va rakobatdosh mahsulotlarning yangi turlarini o'zlashtirish bo'yicha qabul qilingan dastur.

3. Xizmatlar sohasini jadal rivojlanishini ta'minlash bo'yicha 2012-2016 yillarga muljallangan dastur.

4. 2011 – 2015 infratuzilmani, transport va kommunikatsiya qurilishi rivojlanishini jadallashtirish to'g'risidagi dastur.

5. 2012yil va undan keyingi yillarda Qishloq joylarida namunaviy loyixalar asosida hususiy uy-joylarni qurish bo'yicha dastur.

6. 2013 ish o'rinlari yaratish va aholi bandligini ta'minlash dasturi.

Tayanch iboralar

- Strategik rejalashtirish
- Rejalashtirish shakllari
- Strategik rejalashtirish tamoyillari
- Davlat asosiy reformator
- Bozor mexanizmi
- Iqtisodiyotni tartiblash vositalari
- Soliq
- Moliyaviy sanatsiya
- Inflyatsiya
- Monetar siyosat
- Kredit siyosati
- Davlat tadbirkorligi
- Ijtimoiy siyosat
- Induktsiya
- Deduktsiya
- Mantiq

- Ko'rsatgich

O'z-o'zini tekshirish uchun savollar

1. Strategik rejalashtirish, uning mohiyati nimada?
2. Strategik rejalashtirish-boshqaruv elementi ekanligi?
3. Rejalashtirish elementlari nimalardan iborat?
4. Strategik rejalashtirishning o'ziga xos xususiyatlari, uning ob'ekti va tamoyillari qaysilar?
5. Strategik rejalashtirishda foydalanadigan ko'rsatkichlar kaysilar va ularga qanday talablar qo'yiladi.
6. Iqtisodiyot vazirligi, uning vazifalari kaysilar?

Tavsiya etilayotgan adabiyotlar ruyxati

1. Karimov I.A Mamlakatimizni modernizatsiya qilish va kuchli fuqarolik jamiyati barpo etish – ustuvor maqsadimizdir. T. “Iqtisodiyot” 2010.
2. Karimov I.A Jahon moliyaviy-iqtisodiy inqirozi, O'zbekiston sharoitida uni bartaraf etishni yo'llari va choralari. T. “O'zbekiston” 2009.
3. O'zbekiston Respublikasi Prezidenti I.Karimovning 2012 yilda mamlakatimizni ijtimoiy-iqtisodiy rivojlantirish yakunlari hamda 2013 yilga mo'ljallangan iqtisodiy dasturning eng muhim ustuvor yo'nalishlariga bag'ishlangan Vazirlar Mahkamasining majlisidagi ma'ruzasi. Xalq so'zi 2013 yil 19 yanvar
4. O'zbekiston Respublikasi iqtisodiy ijtimoiy taraqqiyotining mustaqillik yillaridagi 1990-2010 yillar asosiy tendentsiya va ko'rsatkichlari. T. “O'zbekiston” 2011.
5. Регионы Узбекистана. Инфраструктура. Конкуентоспособност. Качество жизни. “Ekonomicheskoe obozrenie” № 5-6, 2009.
6. Saidova G. “Modernizatsiya, texnicheskoe obnoblennie i diversifikatsiya proizvodstva, sherokoe vnedrenie innovatsionnyx texnologiy – neobxodimoe uslovie vixoda Uzbekistana na novye rubejy na mirovom rynke” T. “Uzbekistan” 2009.
7. Tuxliev N. Taraqqiyotning o'zbek modeli. “O'zbekiston milliy entsiklopediyasi” davlat ilmiy nashriyoti. T-2012
8. Yo'ldashev Z. Milliy iqtisodiyot T., 2004.
9. www.mineconomy.uz
10. www.parlament.gov.ru
11. www.stat.uz
12. www.norma.uz
13. www.LEX.uz

X BOB. TASHQI IQTISODIY FAOLIYAT

Reja:

§ 1. O'zbekiston mustaqilligi va uning tashqi iqtisodiy faoliyati printsiplari. Ochiq iqtisodiyot modeli.

§ 2. Tashqi iqtisodiy aloqalar va hamkorlikning asosiy shakllari va yo'nalishlari.

§ 3. Tashqi iqtisodiy faoliyat va uni boshqarishni tashkil qilish

10.1. O'zbekiston mustaqilligi va uning tashqi iqtisodiy faoliyati printsiplari. Ochiq iqtisodiyot modeli.

O'zbekiston mustaqillikka erishgandan so'ng xalqaro hamjamiyatning teng huquqli a'zosi bo'ldi. O'zbekiston xalqaro munosobatlarda mustaqil suveren davlat sifatida faoliyat olib boradi. Mustaqillik tufayli ko'pchilik xorijiy davlatlari bilan mustaqil iqtisodiy hamkorlik aloqalari o'rnatildi. Bu hamkorlik davlat siyosatining muhim qismi bo'lib, respublika iqtisodiy rivojlanishining ustuvor yo'nalishlaridan biri sifatida belgilab qo'yilgan.


O'zbekiston davlat siyosatining maqsadi respublika iqtisodiyotini jahon iqtisodiy tizimiga integratsiyalashuvini ta'minlash va haqiqatda ochiq iqtisodiyotga erishishdir. Tashqi iqtisodiy faoliyat deganda mazkur mamlakat yuridik va jismoniy shaxslarining xorijiy davlatlarning yuridik va jismoniy shaxslari, shuningdek, xalqaro tashkilotlar bilan o'zaro foydali iqtisodiy aloqalarni o'rnatish va rivojlantirishga qaratilgan faoliyati tushuniladi.

O'zbekiston o'tmishda juda ko'p mineral xom ashyo resurlariga, katta ishlab chiqarish texnika imkoniyatlariga, boy mehnat resurslariga ega bo'lgani holda, strategiya jihatidan juda qulay geopolitik holatda joylashgan bo'lishiga qaramay tashqi dunyodan ajralib qolgan edi. Respublikaning siyosiy va iqtisodiy mustaqilligi xalqaro mehnat taqsimotida, boshqa davlatlar bilan teng huquqli aloqalar o'rnatishni nafaqat imkoniyatini, balki uning zaruratini ham ochib berdi.

Prezidentimiz I. Karimov o'zining asarlari, ma'ruza va nutqlarida tashqi siyosiy va iqtisodiy aloqalarning asosiy tamoyillarini nazariy va amaliy jihatdan puxta asoslab berdi. Tashqi siyosatga tinchlik barqarorlik, hamkorlik yo'li asos qilib olindi.

10-chizma

TIF ifodalovchi ko'rsatkichlar



- Xorijiy sarmoya ishtirokida 4312 dan ortiq korxonalar faoliyat ko'rsatmoqda.
- Tashqi savdo oboroti miqdori 2000 yilda 6 mlrd. Dan ortiq bulib, 2010 yilda bu ko'rsatkich 21,8 mlrd. Dollarni tashkil etdi.
- Jahonning 80 mamlakatiga O'zbekiston mahsulotlari eksport qilinadi va turli xizmatlar ko'rsatiladi.

O'zbekiston Respublikasining «Tashqi siyosiy faoliyatning asosiy printsiplari to'g'risida», «CHet el investorlari va xorijiy investorlar faoliyatining kafolatlari to'g'risida», «Tashqi iqtisodiy faoliyat to'g'risida»gi qonunlari uning xalqaro maydonda faol va keng ko'lamli hamkorlik qilishi uchun huquqiy kafolat bo'lib xizmat qilmoqda.

1992 yilning 2 mart kuni O'zbekiston Respublikasi o'zining xoxish-irodasi va taklifiga ko'ra eng nufuzli xalqaro tashkilot – BMTga qabul qilindi va shu kuni BMTning Nyu-Yorkdagi binosi olidida Mustaqil O'zbekiston Respublikasining bayrog'i ko'tarildi.

1993 yilda Toshkentda BMTning vakolatxonasi ochildi. O'zbekiston jahon hamjamiyatining to'la, teng huquqli a'zosi sifatida BMT faoliyatida ishtirok etmoqda.

2010 yil O'zbekiston Respublikasi prezidenti I.A. Karimov BMT sammiti "Ming yillik rivojlanish" maqsadlariga bag'ishlangan majlisda ishtirok etib, AQSH, NATO, Rossiya, Afg'oniston bilan bevosita qo'shni mamlakatlarni kiritish zarurligi 6+3 muloqot guruhining eng muhim maqsadlarini ta'kidlab o'tdi.

O'zbekiston Respublikasi a'zo bulgan Xalkaro tashkilotlar:

- Jahon Metrologiya Tashkiloti (JMT) – 22.01.1993;
- Jahon Sog'liqni saqlash Tashkiloti – 22.05.1992;
- Jahon intellektual mulk Tashkiloti – 05.05.1993;
- Jahon pochta Tashkiloti – 04.1992;
- Xalqaro fuqaro Aviatsiyasi – 12.11.1992;
- Xalqaro Mexnat Tashkiloti (XMT) – 13.07.1992;
- Xalqaro elektr aloqasi Tashkiloti – 10.07.1992;
- BMTning ta'lim, ilm-fan va madaniyat masalalari buyicha Tashkilot (YuNESKO) – 29.10.1993;
- BMTning savdo va Taraqqiyot Tashkiloti (YuNIDO) – 1994;
- Xalqaro Valyuta Fondi (XVF) – 1992;
- Butun jahon banki (BJ) – 1992;
- Evropa xavfsizlik va xamkorlik tashkiloti 1992.02;
- SHanxay xamkorlik tashkiloti – 2001.06;
- Evropa taraqqiyot va tiklanish banki (ET va TB)– 1992;
- Osiyo taraqqiyot banki (OTB) – 1995.

2010 yil 4 may Osiyo taraqqiyot bankining 43 yillik majlisi Toshkentda bo'lib o'tdi "O'zbek modelini" 60 dan ortiq mamlakat iqtisodchilari ekspertlari axborot xodimlari ishtirok etib, OTB tomonidan uzoq muddatli kreditlar berilib, 20 dan ortiq sohalarda hamkorlik qilish (qishloq xo'jaligi, moliya, kichik biznes, atrof muhit, sog'liqni saqlash, transport va boshqa) yo'lga qo'yildi.

O'zbekiston mustaqillikka erishgandan keyin o'zining mustaqil **tashqi iqtisodiy siyosatini** o'tkazmoqda. **Quyidagi printsiplar unga asos qilib olingan:**

- mafkuraviy qarashlardan qat'i nazar tashqi munosabatlarda oshkoralik;
- teng huquqli va o'zaro manfaatli hamkorlik, boshqa mamlakatlarning ichki ishlariga aralashmaslik;
- o'zining milliy-davlat manfaatlari ustuvorligida o'zaro manfaatlarni har tomonlama hisobga olish; respublika biron-bir buyuk davlatning ta'sir doirasiga kirmasligi darkor;
- to'la ishonch, xalqaro iqtisodiy va moliyaviy tashkilotlar doirasidagi hamkorlikni chuqurlashtirish asosida ikki tomonlama, shuningdek, ko'p tomonlama tashqi aloqalar o'rnatish va ularni rivojlantirish;

- umum e'tirof etilgan xalqaro huquq normalariga rioya qilish va xalqaro tartiblarga izchillik bilan o'tish.

Butun tashqi iqtisodiy siyosat respublikaning jahon bozoridagi mavqelarini mustahkamlashga, uning to'lov balansini kuchaytirishga, qulay investitsiya muhitini vujudga keltirilishiga qaratilgandir.

Tashqi savdo, iqtisodiy, ilmiy va madaniy aloqalarda quyidagilar ustuvor yo'nalish deb belgilanadi:

Birinchidan, respublikaning eksport qudratini rivojlantirish va yanada mustahkamlash, eksportga yo'naltirilgan iqtisodiyotni shakllantirish.

Ikkinchidan, eksport imkoniyatini kengaytirish, jahon bozorlariga kirib borish uchun, avvalo, qimmatbaho xom ashyoni qayta ishlash negizida tayyor maxsulot ishlab chiqaruvchi qo'shma korxonalarni rivojlantirish zarur.

Uchinchidan, eksportni kengaytirishga qaratilgan strategiyani faol qo'llash bilan bir qatorda importning salmog'ini qisqartirishga qaratilgan siyosatni izchillik bilan o'tkazish.

To'rtinchidan, tashqi iqtisodiy faoliyatni yanada erkinlashtirish, xo'jalik ishlarini yurituvchi sub'ektlarga xorijiy sheriklar bilan bevosita aloqalar o'rnatishda, o'z mahsulotini chet ellarda sotishga erkinlik berish.

Beshinchidan, qo'shma korxonalarni tashkil qilishda ko'maklashish, shuningdek sarmoyalarning manfaatlari himoya qilinishini ta'minlash.

Oltinchidan, tashqi savdo, lizing, konsalting va sug'urta firmalari, tashqi aloqalarni rivojlantirish manfaatlari va shartlariga mos keladigan transport, aloqa va kommunikatsiyalar tizimlarini vujudga keltirish.

Etinchidan, xalqaro huquq va tashqi iqtisodiy faoliyat, bank tizimi, hisob-kitob va statistik hisob sohasida malakali kadrlar tayyorlashni tashkil qilish.

Bundan tashqari, respublika fuqarolar va yuridik shaxslarning aqliy mulkini himoya qilish uchun o'zimizning **patent-litsenziya ishlari tizimini yo'lga qo'yish**, zarur. Mahsulotni standartlash va sertifikatlash xalqaro tizimiga izchillik bilan o'tish zarurdir.

Tashqi iqtisodiy faoliyatning ata shu va boshqa yo'nalishlarini amalga oshirish O'zbekiston iqtisodiyotining jahon iqtisodiy hamjamiyatida munosib o'rin egallash imkoniyatini beradi.

SHunday qilib, mustaqillik tufayli O'zbekistonda tashqi iqtisodiy faoliyatni amalga oshirish va "**ochiq iqtisodiyot**"ga o'tish uchun barcha shart sharoitlar yaratildi.

Ochiq iqtisodiyot – bu shunday iqtisodiyotki, unda mamlakatning barcha fuqarolari xalqaro tovar va kapital bozorida oldi-berdilarni cheklanmagan holda amalga oshirishlari mumkin.

Xalqaro savdoda ishtirok etmaydigan iqtisodiyot **Yopiq iqtisodiyot** deb ataladi. Jahon tarixida shunday voqealar ham bo'lib turadi. Masalan, biror bir mamlakat u yoki bu sabablar bilan o'z hududlari chegarasida o'ralashib qolgan bo'ladi va xorijiy davlatlar bilan juda kam ayriboshlash qiladi. Masalan, Sobiq SSSRda urushgacha bo'lgan davrda shunday bo'lgan. Ta'kidlash lozimki, hozirgi kunda mutlaq Yopiq iqtisodiyot mavjud emas.

Ochiq iqtisodiyot qurishning **asosi** bo'lib xalqaro mehnat taqsimoti, mamlakatning jahon xo'jalik aloqalarida keng qatnashishi hisoblanadi.

Iqtisodiy rivojlanish tajribasi shuni ko'rsatadiki, faqatgina mamlakatlararo iqtisodiy aloqalar, kapital va tovar ayriboshlash bozor iqtisodiyotiga o'tishni va uning sur'atlarini ta'minlaydi.

Amaliyot **ochiq iqtisodiyotning baholash mezonini** ham aniqlab bergan.

1. Tashqi savdo oborotini rivojlanish darajasi mamlakatda iqtisodiy o'sishni rag'batlantiradi. Bunga eksport va import aloqalarini kengaytirish yo'li bilan erishish mumkin.

2. Xalqaro mehnat taqsimotida qatnashish mamlakat ishlab chiqarish tarkibini tashkil qiladi va takomillashtiradi. Bu o'z navbatida mamlakat boshqa mamlakatlarga nisbatan samarali va arzon tovarlar ishlab chiqarishga e'tiborni qaratishga undaydi.

Pirovard natijada iqtisodiyotning ochiqligi bu mamlakatni jahon iqtisodiyoti bilan erkin raqobatga kira olishini bildiradi

Ochiq iqtisodiyot tushunchasi o'zini rivojlanish tarixiga egadir. Bu tushuncha mamlakat iqtisodiyotini yuqori darajada rivojlanganligini ifodalaydi.

Ochiq iqtisodiyot milliy iqtisodiy tizimlarni birlashtiradigan uch yo'lda, ya'ni **mahsulot (tovarlar) bilan savdo qilish, kapitalning harakati va o'zaro milliy valyuta almashinishida o'z aksini topadi.**

10.2.Tashqi iqtisodiy aloqalar va hamkorlikning asosiy shakllari va yo'nalishlari.

Respublikamizda juda qisqa vaqt mobaynida nafaqat iqtisodiy rivojlanishni barqarorlashtiradigan va uni o'sishini ta'minlaydigan balki tashqi iqtisodiy aloqalarni muvoffaqiyat bilan amalga oshirish imkoniyatini **beradigan tadbirlar ishlab chiqildi va xayotga tadbir qilindi.**

Tashqi iqtisodiy faoliyatni tashkil qilish tizimini qayta qurish:

1. Tashqi iqtisodiy faoliyatni amalga oshirish uchun xalqaro meyo'rlarga va standartlarga to'g'ri keladigan huquqiy- meyo'riy bazaning yaratilishiga;
2. Tashqi savdoda demonopolizatsiya va detsentralizatsiyani amalga oshirilishiga;
3. Butun jahonda qabul qilingan ma'muriy jihatdan chegaralaniladigan usuldan tariflar orqali boshqariladigan (tartibga solinadigan) iqtisodiy usulga o'tilishiga;
4. Rivojlangan tashqi savdo infrastrukturasi tashkil qilish kabilarga bevosita bog'liqdir.

Yuqoridagilarning barchasi respublikaning tashqi iqtisodiy aloqalarini sezilarli darajada faollashishiga hamda eksport hajmini oshishiga va assortimentini kengaytirishga imkon yaratadi.

O'zbekistonda tashqi iqtisodiy aloqalarning quyidagi shakllari keng tarqalgan:

1. Tashqi savdo;
2. Qo'shma tadbirkorlik faoliyati;
3. Erkin iqtisodiy zona;
4. Xalqaro turizmning rivojlanishi;
5. Fan-texnika sohasidagi hamkorlik va hokazo

Tashqi savdo davlatlararo iqtisodiy hamkorlikning birinchi va ustuvor yo'nalishi sifatida tan olingan.

Tashqi savdo – jahon mehnat taqsimotining zaruriy shart-sharoiti bo'lib hisoblanadi. Tashqi savdo jahon xalqlarini turli tovarlar bilan ta'minlash imkoniyatini beradi va shu bilan birgalikda har bir mamlakatning ixtisoslashuvini rivojlantirish, o'z resurslaridan foydalanish samarasini oshirish natijasi bo'lib xizmat qiladi.

Tashqi savdoning darajasi, uning harakati va ahamiyati mamlakat iqtisodini rivojlanish darajasiga, milliy iqtisodning tarkibiga bog'liq bo'ladi.

Xalqaro savdoda millatning didi, qiziqishi va mamlakat aholisining harid qilish qobiliyati muhim rol o'ynaydi. Qadimdan xalqimiz mentalitetida **ilm olish ishtiyoqi kuchli bo'lgan** shu sababdan istiqbol yillarida ta'lim davlat siyosatining ustuvor yo'nalishiga aylandi. Bunday sharoitda AQSH, Olmoniya, Yaponiya kabi rivojlangan davlatlardan zamonaviy kompyuterlarni sotib olishga katta mablag'lar sarflandi.

SHuni aytib o'tish kerakki, tashqi savdo, ya'ni tovarlarni chetga chiqarish (eksport) va chetdan tovar keltirish (import) bizning **mamlakatimizda juda qadim zamonlardan buyon mavjud.**

Payg'ambarimiz Muhammad Alayhissalom «rizqning o'ndan to'qqiz qismi tijoratdir», deb, u bilan shug'ullanishni buyurganlar. "Buyuk ipak yo'li"ning anchagina qismi mamlakat hududidan o'tganligi tufayli tadbirkor ajdodlarimiz xorijiy davlatlar bilan savdo-sotiq ishlarini yaxshigina rivojlantirganlar va uni xalqaro savdoda jozibador mamlakatlardan biriga aylantirganlar.

Tashqi savdoning mamlakat iqtisodiyotidagi o'rnini yalpi milliy mahsulotda eksport va importning hajmiga qarab aniqlash mumkin. Umuman olganda mamlakat iqtisodiy ahvoriga baho berishda eksport va import o'rtasidagi nisbatni aniqlash zarurati yuzaga keladi. Ushbu nisbat mamlakatning **to'lov balansini** tuzayotganda aniqlanadi. Savdo balansi to'lov balansining tarkibiy qismi hisoblanadi. **To'lov balansini umumlashtiruvchi ko'rsatkich uning salbdosi hisoblanadi.** U import va eksport orasidagi farqqa teng. Balansda importning eksportdan oshib ketishi to'lov balansini **salbiy salbdoga** ega ekanligidan dalolat beradi. U tashqi **savdo defitsitiga olib keladi.**

Tashqi savdoning mamlakat iqtisodiyotidagi o'rni va samaradorligiga ta'sir ko'rsatuvchi **eng muhim omil eksport va import mahsulotlarining tarkibi**, ya'ni mamlakat nimani chetga chiqaradi-yu, nimani chetdan olib kelayotganidir. CHetdan sotib olinayotgan tovarlar ichida qayta ishlashga mo'ljallangan xom ashyoning ulushi qancha katta bo'lsa, shu mamlakat importdan ko'riladigan naf shuncha yuqori bo'ladi. CHetga chiqarilayotgan tovarlar ichida xom ashyoning ulushi qancha ko'p bo'lsa, shu mamlakat eksporti shuncha samarasiz bo'ladi. SHu nuqtai nazardan O'zbekiston Respublikasining eksportida paxta tolasi ulushining yildan-yilga kamayib borayotgani ijobiy tendentsiyadan dalolat beradi.

Xorijiy mamlakatlar bilan savdo-sotiq ishlarini rivojlantirish, eksport va importning tarkibini takomillashtirish sohasida respublika hukumatining olib borayotgan say-harakatlari o'zining ijobiy natijalarini bera boshladi. Bunda oziq-ovqat mahsulotlarining O'zbekiston importidagi ulushidan ko'rsa bo'ladi.

Eng muhimi, O'zbekistonda xorijiy davlatlardan keltirilayotgan tovarlar ichida texnologik asbob-uskuna va jihozlarning salmog'i yildan-yilga ortib bormoqda va endilikda u jami importning yarmidan ko'prog'ini tashkil etmoqda. Gap shundaki, milliy iqtisodiyotning taraqqiyoti va O'zbekistonning rivojlangan davlatlar qatoriga chiqishi uchun avvalambor moddiy ishlab chiqarishni yangi texnika va texnologiyalar asosida qayta qurish talab qilinarkan, import tarkibining bunday o'zgarishi o'ta **ijobiy** holdir.

Tashqi savdoning mamlakat iqtisodiy taraqqiyotiga ta'sirini kuchaytirishning muhim omili eksport bilan import orasidagi ijobiy salbdoga, ya'ni eksport hajmining import hajmidan ortiqchiligiga erishishdir. SHuning uchun O'zbekiston davlat mustaqilligining ilk davridan boshlab respublika hukumati mamlakatning eksport salohiyatini oshirish, eksportni har tomonlama rag'batlantirishga katta ahamiyat berib kelmoqda. Eksportbop, raqobatbardosh mahsulotlarni ishlab chiqaruvchilarni rag'batlantirishga qaratilgan bir qator chora-tadbirlar belgilangan va amalga oshirilayapti.

Qo'shma tadbirkorlik faoliyati iqtisodiy hamkorlikning muhim shakli sifatida keng rivoj topib borayapti. Bunday faoliyatning keng tarqalgan turi – bu qo'shma korxonalardir. Ular ishlab chiqarish, savdo-vositachi yo'nalishida hamda xizmat ko'rsatish va boshqa yo'nalishlarda tuzilgan.

Qo'shma korxonalarni ochish chet el kapitalini jalb qilishning bir shakli bo'lib, u ishlab chiqarishning texnologik darajasini oshirishni, mahsulot ishlab chiqarishni ko'paytirish va ishchi kuchining malakasini oshirishni ta'minlaydi.

O'zbekistonda qo'shma korxonalarni tuzish mustaqillikning dastlabki yillaridanoq boshlangan. «Sovplastital» korxonasi, Asaka shahrida, Janubiy Koreya bilan hamkorlikda tuzilgan «O'zDEU» avtomobil zavodi, Samarqand shahridagi «SamKochAvto» qo'shma korxonasi, Muruntov oltin konida O'zbekiston Amerika «Zarafshon-N'yumont», Amerikaning Keys firmasi bilan TTZ qo'shma korxonalari tashkil topdi. Andijonda ekskavator ishlab chiqaradigan o'zbek-rus qo'shma korxonasi, Farg'onada nemis «Salamander» firmasi bilan birgalikda «O'zsalaman» qo'shma korxonasi, Toshkent viloyatida O'zbek-Koreys «Kabul-Toytepa-tekstayl» kabi yirik qo'shma korxonalari tuzildi. Eng yirik qo'shma korxonalardan yana Kabul-O'zbek, Qizilqum tsement, O'zDEU elektronika, AY-Sel, Uzdunrobita, DEU tekstil va ko'pgina boshqalar faoliyat ko'rsatishgan. Hozirda yangi qo'shma korxonalar, jumladan «GM – O'zbekistan», Ucell, Beeline, Korean Air, va xakozolar faoliyat ko'rsatmoqda.

Erkin iqtisodiy zona (EIZ) – bu xo'jalik faoliyatini tashkil qilishning hamda mamlakat tashqi iqtisodiy aloqalarining yangi shakli hisoblanadi. O'zbekiston Respublikasining hududida EIZlar uchun tashqi iqtisodiy faoliyatning alohida tartibi (bojxona, valyuta, soliq va boshqalar) o'rnatilishi mumkin bo'lib, u erkin iqtisodiy zonalar to'g'risidagi qonun hujjatlari bilan tartibga solib turiladi.

Erkin iqtisodiy zonalarini belgilash va tuzish qo'yilgan maqsadga bog'liq. Agarda rivojlangan davlatlarda erkin iqtisodiy zonalarini tuzishdan maqsad faoliyati asosan xalqaro savdoni rivojlantirish bo'lsa, rivojlanayotgan davlatlarda esa xom ashyoni qayta ishlashni tashkil qilish ularning asosiy maqsadi hisoblanadi.

O'zbekistonda 1996 yilda "Erkin iqtisodiy zonalar to'g'risida" qonun qabul qilingan.

Mazkur qonunda:

- erkin iqtisodiy zonalar;
- erkin savdo zonalar;
- erkin ishlab chiqarish zonalar;
- erkin ilmiy-texnikaviy va boshqa zonalar tarzida tuzilishi mumkin, deb ko'rsatib qo'yilgan.

Ular O'zbekiston Respublikasi Vazirlar Mahkamasi taqdimnomasiga asosan Oliy Majlis qarori bilan tuziladi.

Erkin iqtisodiy zonani tuzish jarayoni O'zbekistonda alohida ahamiyat kasb etadi. Respublikada uzoq vaqt mobaynida rejali markazlashgan boshqaruv tizimi hukm surgan. Bu erkin iqtisodiy zonani tuzish xususiyatini, uning maqsad va vazifalarini belgilashda asosiy omil bo'lib hisoblangan.

MDH davlatlarida erkin iqtisodiy zonani tuzish chet el kapitalini jalb qilishni, yangi texnologiyaning importini ta'minlaydi. Oxir oqibatda mamlakat iqtisodiy potentsialini oshiradi, uni dunyo xo'jaligiga teng xuquqli hamkor sifatida integratsiyalashuvini ta'minlaydi.

Rossiyada erkin iqtisodiy zona sezilarli darajada faoliyat ko'rsatayotganiga qaramasdan MDH davlatlarida hozirgacha ham erkin iqtisodiy zona tuzish, ularning faoliyati printsiplarini xuquqiy masalalari aniqlangan emas.

Amaliyotda erkin iqtisodiy zonalar quyidagi aniq **printsip**larga rioya qilgan taqdirdagina samarali ishlashlari mumkinligi tasdiqlanayapti:

1. Har qanday erkin iqtisodiy zona mamlakatning mustaqil xo'jalik birligi sifatida tuzilishi va o'z faoliyatini o'z byudjeti asosida qurishi lozim.

2. Erkin iqtisodiy zona byudjetining **daromad qismi** quyidagilardan iborat bo'lishi kerak:

- Erkin iqtisodiy zona hududida joylashgan korxona, birlashma tashkilotlari va u hududda yashaydigan kishilardan tushadigan soliqlar;
- Bojxona yig'imlari, mustaqil tadbirkorlik faoliyatidan tushadigan tushumlar;
- Homiylik mablag'lari;
- Erkin iqtisodiy zona ehtiyojlariga uzoq muddatli kredit shaklida beriladigan davlat byudjeti mablag'lari

3. Erkin iqtisodiy zona davlat tomonidan beriladigan subsidiyalarsiz, dotatsiyalarsiz faoliyat ko'rsatishlari kerak.

4. Erkin iqtisodiy zona hududidan yig'ilgan barcha soliqlar va byudjetga to'lovlarni hududiy boshqarmalar ixtiyorida qoldirish lozim.

Respublikada birinchi erkin iqtisodiy zona Navoiy EIIZ O'zbekiston Respublikasi Prezidentining 2008 yil 2 dekabrda PF-4059 Farmoniga muvofiq tashkil etilgan. Navoiy EIIZ yaratilishi kontseptsiyasi quyidagi 4 tarkibiy markazlarning o'zaro mantiqiy bog'likligi asoslangan:

- sanoat;
- logistika;
- innovatsiya;
- turistik, madaniy rekreatsion.

Navoiy EIIZning **yaratilish asoslari:**

- qulay geografik joylashuv;
- energetik resurslar bilan ta'minlanganlik;
- yetarli xom ashyo bazasi;
- rivojlangan sanoat bazasi;
- kadrlar salohiyati.

Ishlab chiqarishning quyidagi asosiy yo'nalishlari mavjud: - elektrotexnika maxsulotlari;

- aniq mashinasozlik va avtomobil ehtiyot qismlari;
- farmatsevtika sanoati va tibbiyot mahsulotlari;
- oziq-ovqatni qayta ishlash va qadoqlash;
- plastik mahsulotlar va polimerlar.

Hozirgi vaqtda yuqorida sanab o'tilgan korxonalarga 43,73 mln dollardan ziyod investitsiya kiritilgan 397 ta yangi ish o'rinlari yaratilishi ko'zda tutilgan.

Fan-texnika hamkorligi tashqi iqtisodiy faoliyatning muhim shakllaridan biridir.

Respublikada hal qilinayotgan strategik vazifalar jahon hamkorligida ilmiy-izlanish, laboratoriya va ishlab chiqarishda ishtirok etish kabi shakllarda faol olib borilishi kerak.

Jahon tajribasi bunday hamkorlikning turli shakllarini ishlab chiqqan:

1. Hamkorlikda fundamental va Amaliy ishlanmalarni olib ata va ularning natijalarini almashinish;
2. Ilmiy texnika imkoniyatlarni birlashtirib hamkorlikda ishlab chiqarishni tashkil qilish;
3. Muhim umuminsoniy muammolarni hal qilishda ilmiy-texnika jamaotchiligi vakillarini xalqaro konferentsiyalarda, simpoziumlarda qatnashishi;
4. Texnologik yutuqlar, axborotlar va hokazolar bilan ayriboshlash hamkorligida qatnashish;
5. Kadrlar, mutaxassislar tayyorlash, qayta tayyorlash va malaka oshirishda qatnashish.

Yuqorida qayd etib o'tilgan hamkorlikni hayotga tadbiq qilish respublikaning intellektual va iqtisodiy salohiyatini o'stirishga xizmat qiladi hamda jahon iqtisodiy hamjamiyatida respublika reytingini sezilarli oshirishga sharoit yaratib beradi.

Xalqaro turizm. O'zbekiston Respublikasi O'rta Osiyo mamlakatlari o'rtasida eng ata sayyohlik salohiyatiga ega bo'lgan davlatdir. Yurtimiz o'zining tarixiy maskanlari, Buyuk Ipak yo'lining rivojlanishini o'ziga aks ettiradigan ko'p asrlik tarixiy va madaniy 4 mingdan ziyod tarixiy-arxitektura yodgorliklari bo'lgan boy merosga egaligi jihatidan dunyoda yetakchi o'rinlardan birini egallaydi.

Samarqand, Buxoro, Xiva, SHahrisabz, Qo'qon kabi qadimiy madaniy yodgorliklarga boy shaharlar butun dunyoga mashhur. Bu azim shaharlar betakror tarixiy qiyofasi bilan har qanday odamni maftun etadi. Hozirgi vaqtda Respublikamizning betakror tarixiy, arxitekturaviy tizimlari va yodgorliklari bilan tanishtirishga yo'naltirilgan, O'zbekistonning barcha hududlari bo'ylab yuzdan ortiq sayyohlik yo'nalishlari tashkil etilgan bo'lib, bu tarixiy ob'ektlarning 140 tasi BMTning YuNESKO tashkiloti tomonidan muhofazaga olingan.

Mamlakatimizdagi mavjud rekreatsion imkoniyatlar turistik yo'nalishlarning har xil turlarini tashkil ata va sayyohlarni yil davomida qabul qilish imkonini beradi.

O'zbekiston Respublikasi Prezidentini 2007 yildagi farmoniga binoan, turistik tashkilotlar negizida "O'zbekturizm" Milliy Kompaniyasi tashkil etildi. "O'zbekturizm" MK O'zbekiston Respublikasida turizmni rivojlantirish bilan bog'liq bo'lgan barcha masalalarni, xarakatlarni amalga oshiruvchi tashkilot hisoblanadi.

Bu tashkilot barcha turlarini rivojlantirish uning moddiy-texnik bazasini va infrastrukturasi vujudga keltirish turistlarga xizmat ko'rsatish darajasini jaxon andozalariga ko'tarish, chet el valyutasi tushumini ko'paytirish, Respublikadagi tarixiy va madaniy yodgorliklar haqidagi ma'lumotlarni jahonga yoyish, turizm sohasi uchun kadrlar tayyorlash, yangi ish joylarini tashkil etish kabi qator masalalar bilan shug'ullanadi.

10.3. Tashqi iqtisodiy faoliyat va uni boshqarishni tashkil qilish.

Mustaqil O'zbekistonni Tashqi bozorga chiqishi tashqi iqtisodiy faoliyat to'g'risida 1991 yil 14 iyunda qabul qilingan qonun bilan bog'liqdir. Bu qonunda tashqi iqtisodiy faoliyatni tashkil qilish tartibi va asosiy printsiplari belgilangan. Bu qonun tashqi iqtisodiy faoliyatni amalga oshirishda ata rolni o'ynadi. O'zbekistonda **Tashqi iqtisodiy aloqalar, investitsiyalar va savdo vazirligi, Respublika tashqi iqtisodiy faoliyat milliy banki, Bojxona qo'mitasi** tashkil etilishi bilan O'zbekistonda tashqi iqtisodiy kompleksni boshqarish tizimi yaratildi.

Hozirgi paytda respublikada tashqi iqtisodiy faoliyatni boshqarish tizimi asosan shakllangan va uning tarkibiga kirgan tashkilotlar faoliyatlari takomillashtirilmoqda.

Tashqi iqtisodiy faoliyatni boshqarish tizimining asosiy vazifalari quyidagilar hisoblanadi:

1. Respublika milliy manfaatlariga jabob beruvchi va uning jahon hamjamiyatidagi o'rnini ta'minlovchi tashqi iqtisodiy siyosatni ishlab chiqish va amalga oshirish;
2. Tashqi iqtisodiy faoliyatni tashkil etishning qonuniy asoslarini o'rganish;
3. Mulkchilik ko'rinishining turli shakllaridan qat'iy nazar, tashqi iqtisodiy faoliyatning barcha ishtirokchilari uchun eng yuqori samaradorlikni ta'minlash, ularning faoliyati va manfaatlarini himoya qilish;
4. Milliy iqtisodiyotni muvaffaqiyatli isloh etish uchun tashqi iqtisodiy omildan to'liq foydalanish.

Hozirgi kunga kelib, **tashqi iqtisodiy faoliyatni boshqarish** Respublika Prezidenti, Oliy Majlis va Respublika Vazirlar Mahkamasi tomonidan amalga oshiriladi. Ular O'zbekiston tashqi iqtisodiy faoliyatining rivojlanish strategiyasini aniqlaydi, uning normativ bazasini ishlab chiqadi va xalqaro iqtisodiy munosabatlarning barcha ishtirokchilari harakatiga umumiy rahbarlikni va ular ustidan nazoratni amalga oshiradi;

Tashqi iqtisodiy aloqalar, investitsiyalar va savdo vazirligi – yagona tashqi iqtisodiy faoliyatni amalga oshirishni, xalqaro aloqalarning barcha ishtirokchilari, ya'ni davlat, shirkat, paychilik, jamoat, xususiy tashkilotlar faoliyatini nazorat qilishni ta'minlaydi;

- tashqi iqtisodiy faoliyatni tartibga solishning davlat usullarini ishlab chiqadi va qo'llaydi (bojxona tariflari, eksport kvotalari, tashqi iqtisodiy faoliyat bilan shug'ullanishga ruxsat beradi va boshqalar);

- vazirlikka taqdim etilgan ro'yxatga mos keluvchi mahsulot bo'yicha eksport-import operatsiyalarini o'tkazadi;

- tashqi iqtisodiy faoliyat sub'ektlari tomonidan tuziladigan tashqi iqtisodiy shartnoma va kelishuvlarni tekshirishni amalga oshiradi.

11-chizma

TIF boshqaruv tizimi



«Innovatsiya», «O'zagroimpek», «Interservis», «O'ztashqitrans», «O'zekspomarkaz»- **Tashqi iqtisodiy aloqalar, investitsiyalar va savdo vazirligi tizimidagi yirik** tashqi savdo va iqtisodiy tashkilotlar hisoblanadi. Ular shu tashkilotlar uchun belgilangan mahsulot va xizmat turlari bo'yicha tijorat-xo'jalik faoliyatini amalga oshiradilar.

Tashqi iqtisodiy faoliyat banki yoki respublika Milliy banki:

- tashqi iqtisodiy operatsiyalarga xizmat ko'rsatadi, shuningdek eksport-import, sarmoyaviy va boshqa bitimlar tuzadi;
- korxonalar, tashkilotlar, xususiy shaxslarning valyutalari hisob-kitoblarini olib boradi;
- xorijiy valyuta sarmoyalarini jalb etadi, ularga xizmat ko'rsatadi, valyutadagi kredit zaxiralarini yig'adi va valyutada kreditlashni amalga oshiradi;
- valyuta zaxiralarini yaratadi, saqlaydi va respublikaning valyuta manfaatlarini himoya qiladi.

1997 yil, iyul oyida Respublika Prezidenti Farmoniga asosan **Davlat bojxona qo'mitasi tuzildi**. Uning asosiy vazifalari etib quyidagilar belgilandi:

- Bojxona masalalari bo'yicha meyo'riy hujjatlarni ishlab chiqadi va ularning bajarilishini nazorat qilish;
- Respublika tashqi iqtisodiy aloqalarini rivojlantirishga hamkorlik qilish;
- Respublikaning iqtisodiy xavfsizligini ta'minlash;
- Bojxona qonunbuzarlariga, kontrabandaga qarshi kurashish va boshqalar.

«O'zbekinvest» **davlat sug'urta kompaniyasi** mamlakat va xorijiy investitsiyalarni sug'urtalash bo'yicha tashkilotlar hisoblanadi.

Tashqi iqtisodiy faoliyatni boshqarishning tarmoq tashkilotlari tashqi iqtisodiy faoliyatni amalga oshiruvchi vazirliklar, idoralar, yirik korxonalar va tashkilotlarning maxsus bo'linmalaridan tashkil topgan. Ular tarmoq, idora, korxona va tashkilotlar tashqi iqtisodiy faoliyatini rivojlantirish dasturini ishlab chiqadi, xorijiy sheriklar bilan shartnoma va bitimlar tuzadi, tashqi iqtisodiy aloqalarni rivojlantirishning aniq yo'nalishlari bo'yicha Respublika Vazirlar Mahkamasiga takliflar tayyorlaydi.

Tashqi iqtisodiy aloqalar tashkilotlarining tuzilishi hamda ularni tashkiliy-huquqiy mexanizmining ishlab chiqilishi, yaratilishi respublikada boshqarishni ma'muriy usullarini

chegaralaydigan liberalizatsiya printsiplarini xayotga tadbqiq qilishni ta'minladi va tashqi iqtisodiy faoliyatni tartibga solishni va boshqarishni bozor instrumentlarini (dastaklarini) rivojlanishiga shart-sharoit yaratdi.

Tashqi iqtisodiy siyosatning asosiy yo'nalishlari quyidagilardan iborat:

- Tashqi savdoni liberizatsiyalash;
- Eksportga mo'ljallangan ishlab chiqarish ixtisoslashuvining ustuvorligini ta'minlash;
- Tashqaridan respublikamizga sotib olinadigan(import) maxsulotlar ro'yxatini maqsadga muvofiq ravishda ishlab chiqish va boshqalar.

Tashqi iqtisodiy faoliyatni boshqarishda **funksional tashkilotlar** ham muhim rol o'ynaydi. Bu tashkilotlarga iqtisodiyot va statistika vazirliklari, Moliya vazirligi, Davlat Soliq va bojxona qo'mitalari, Mehnat va aholini ijtimoiy himoya qilish vazirligi va boshqalar kiradi. Bu tashkilotlarning har biri o'z mas'uliyat doirasiga kiruvchi masalalarni hal etadi va ularning natijasi uchun javobgardir.

Iqtisodiyot vazirligi tashqi iqtisodiy faoliyatni tahlil qilishni va istiqbolini belgilashni amalga oshiradi, tashqi iqtisodiy aloqalar samaradorligini oshirishga, iqtisodiyotni ichki omillar vositasida ko'tarishga asoslangan, tashqi iqtisodiy faoliyatni yaxshilashga qaratilgan taklif va tavsiyalarni tayyorlaydi.

Respublika moliya vazirligi respublika valyuta zahiralari jamlash, taqsimlash va foydalanishga javobgar bo'lib, bu jarayonlarni boshqarish usullarini ishlab chiqadi va qo'llaydi. Respublika hukumati topshirig'iga ko'ra va tuzilgan bitimlar, shartnomalar asosida valyuta fondi hisobidan qanday mablag'larni olish, o'tkazish yoki qo'yishni hal etadi. Vazirlikning Valyuta boshqarmasi, shuningdek, respublikaning to'lov balansini ishlab chiqadi. Unda uning tashqi iqtisodiy faoliyatidan kelib tushadigan barcha daromadlar va xarajatlar aks ettiriladi.

Respublika soliq qo'mitasi tashqi iqtisodiy faoliyatni amalga oshirishdagi soliq solish masalalarini tartibga soladi, bu masalalar bo'yicha me'yoriy hujjatlarni ishlab chiqadi va saqlanishi ustidan nazoratni amalga oshiradi.

Bozor iqtisodiyoti sharoitida tashqi iqtisodiy aloqalarning asosiy ishtirokchilari mulkchilikning turli ko'rinishlaridagi korxona va tashkilotlar bo'lib qoladi. SHu jumladan, qo'shma korxonalar ham tashqi iqtisodiy aloqa qatnashchisi bo'lib, ular «Tashqi iqtisodiy faoliyat to'g'risida»gi respublika qonuniga muvofiq xorijiy sheriklar bilan eksport-import, sarmoyaviy va boshqa bitimlarni tuzishda ma'lum huquqlarga egadirlar. Tashqi iqtisodiy faoliyat bilan shug'ullanishga ruxsati bo'lgan korxona va tashkilotlarga ma'lum banklarda o'z valyuta hisoblari bo'lishiga va bu mablag'lardan foydalanishga ruxsat berilgan.

Respublikada iqtisodiy islohotlarni yanada chuqurlashtirish, umuman iqtisodiyot sohasini liberalizatsiyalash bo'yicha sezilarli o'zgarishlar ro'y berdi. Respublika iqtisodiyotida ro'y bergan o'zgarishlarni hisobga olib va 2000 yil may oyida Oliy Majlisning ikkinchi chaqiriq ikkinchi sessiyasida «**Respublika tashqi iqtisodiy faoliyati to'g'risida**» **Yangi taxrirdagi qonun qabul qilindi.**

TIF to'g'risidagi qonunning **asosiy vazifasi** tashqi iqtisodiy faoliyatni amalga oshirishdir.

O'zbekiston Respublikasining **iqtisodiy xavfsizligini** ta'minlash uning **iqtisodiy suvereniteti va iqtisodiy manfaatlarini himoya qilish, milliy iqtisodiyot rivojini rag'batlantirish, mamlakat iqtisodiyotining jahon iqtisodiy tizimiga integratsiyalashuvi uchun shart-sharoitlar yaratishdan iboratdir.**

Mazkur qonunda belgilanganidek O'zbekiston Respublikasi Vazirlar Mahkamasi:

- Tashqi iqtisodiy faoliyatni rivojlantirish strategiyasini ishlab chiqadi;
- O'zbekiston Respublikasining iqtisodiy xavfsizligini, iqtisodiy mustaqilligi va iqtisodiy manfaatlarini himoya qilinishini ta'minlaydi;
- Tashqi iqtisodiy faoliyat sohasida O'zbekiston Respublikasining xalqaro shartnomalarini tuzadi;
- O'zbekiston Respublikasining to'lov balansini ishlab chiqadi;
- CHet eldan olinadigan kreditlar uchun O'zbekiston Respublikasi hukumatining kafolatlarini beradi;

- O'zbekiston Respublikasining chet ellardagi mulkiga egalik qiladi, undan foydalanadi va uni tasarruf etadi;
- Qonun hujjatlariga muvofiq boshqa vakolatlarni amalga oshiradi.

O'zbekiston Respublikasida tashqi iqtisodiy faoliyatni tartibga solish sohasidagi **vakolatli davlat organi bo'lib Tashqi iqtisodiy aloqalari, investitsiyalar va savdo vazirligi** hisoblanadi. Bu organ:

- Tashqi iqtisodiy faoliyat sohasida davlat siyosati olib borilishini, tashqi iqtisodiy faoliyatni amalga oshirishda O'zbekiston Respublikasining iqtisodiy manfaatlarini himoya qilinishiga doir vazifalar bajarilishini ta'minlaydi;
- Tashqi iqtisodiy faoliyatning qonunchilik negizi takomillashtirilishiga doir takliflarni ishlab chiqadi;
- Tashqi iqtisodiy faoliyat sub'ektlari faoliyatini muvofiqlashtiradi va tartibga solib turadi;
- Tashqi iqtisodiy faoliyatni tartibga solish sohasidagi davlat boshqaruv organlari ishini muvofiqlashtiradi;
- Qonun hujjatlariga muvofiq boshqa vakolatlarni amalga oshiradi.

Tashqi iqtisodiy faoliyatni davlat tomonidan tartibga solish quyidagi yo'llar bilan amalga oshiriladi:

- olib kiriladigan va olib chiqiladigan tovarlarni sertifikatlash;
- texnikaviy, farmakologiya, sanitariya, veterinariya, fitosanitariya, ekologiya standartlari va talablarini belgilash;
- tashqi iqtisodiy faoliyat sub'ektlari uchun preferentsiya va imtiyozlar berish.

Tashqi iqtisodiy faoliyatni davlat tomonidan tartibga solish qonun hujjatlariga muvofiq boshqacha usullarda ham amalga oshirilishi mumkin.

Tayanch iboralar

- Xalqaro xamjamiyat
- Tashqi iqtisodiy faoliyat
- Yuridik shaxslar
- Jismoniy shaxslar
- Tashqi iqtisodiy siyosat
- Ochiq iqtisodiyot
- Yopiq iqtisodiyot
- Baholash mezonlari
- Demonopolizatsiya
- Detsentralizatsiya
- Savdo infrastrukturasini
- Tashqi savdo
- Erkin iqtisodiy zona
- Fan-texnika hamkorligi
- Xalqaro turizm
- Qo'shma korxona
- Tashqi iqtisodiy aloqa
- Funktsional tashkilotlar
- Vakolatli davlat organi
- Tashqi aloqalar agentligi

O'z-o'zini tekshirish uchun savollar

1. Tashqi iqtisodiy faoliyat deganda nimani tushunasiz?
2. Tashqi iqtisodiy siyosat, uning printsiplari va asosiy yo'nalishlari nimalardan iborat?
3. Tashqi iqtisodiy faoliyatni amalga oshirishda qanday yo'nalishlar ustuvor

hisoblanadi?

4. Ochiq iqtisodiyot modeli deganda nimani tushunasiz?
5. Tashqi iqtisodiy aloqalarning qanday shakllarini bilasiz?
6. Tashqi savdoning mohiyati nimada?
7. Erkin iqtisodiy zonalarini tashkil qilish zarurati nimada?
8. Xalqaro turizmni rivojlanishining qanday yo'nalishlarini bilasiz?
9. Fan-texnika sohasidagi qanday hamkorliklarni bilasiz?
10. Tashqi iqtisodiy faoliyatni boshqarishning asosiy vazifalari nimalardan iborat?
11. Tashqi iqtisodiy faoliyatni boshqarish tizimi to'g'risida nimalar deya olasiz?
12. O'zbekiston tashqi iqtisodiy aloqalar agentligi, uning vazifalari nimalardan iborat?
13. Tashqi iqtisodiy faoliyatni davlat tomonidan tartibga solishning qanday yo'llarini bilasiz?

Tavsiya etilayotgan adabiyotlar ro'yxati

1. O'zbekiston Respublikasining "Tashqi iqtisodiy faoliyat to'g'risida"gi qonuni.
2. Karimov I.A BMT bosh assambleyasining ming yillik rivojlanish majlisidagi nutqi. Xorijiy ijtimoiy-siyosiy vakillarning munosabatlari va sharhlari. T. "O'zbekiston" 2010.
3. Prezident I.Karimovning O'zbekiston Respublikasi Konstitutsiyasining 20 yilligiga bag'ishlangan tantanali marosimdagi ma'ruzasi. 2012 yil 7 dekabr
4. O'zbekiston Respublikasi Prezidenti I.Karimovning 2012 yilda mamlakatimizni ijtimoiy-iqtisodiy rivojlantirish yakunlari hamda 2013 yilga mo'ljallangan iqtisodiy dasturning eng muhim ustuvor yo'nalishlariga bag'ishlangan Vazirlar Mahkamasining majlisidagi ma'ruzasi. Xalq so'zi 2013 yil 19 yanvar
5. O'zbekiston Respublikasining "Tashqi iqtisodiy faoliyati to'g'risida"gi qonuni. T. 2000.
6. Mirsaidov M.S. Xalqaro iqtisodiy munosabatlar. T. "Iqtisod-moliya" 2007.
7. Ishmukhammadov A.E., Asqarova M.T "O'zbekiston milliy iqtisodiyoti" T. 2004.
8. O'zbekiston Respublikasi iqtisodiy ijtimoiy taraqqiyotining mustaqillik yillaridagi 1990-2010 yillar asosiy tendentsiya va ko'rsatkichlari. T. "O'zbekiston" 2011.
9. Регионы Узбекистана. Инфраструктура. Конкуентоспособность. Качество жизни. "Ekonomicheskoe obozrenie" № 5-6, 2009.
10. Yusupov A.T., Xodiev B.Yu. Iqtisodiyot o'zbekcha- ruscha qisqacha lug'at. T. "O'zbekiston" 2012.
11. Saidova G. "Modernizatsiya, texnicheskoe obnoblennye i diversifikatsiya proizvodstva, sherokoe vnedrenie innovatsionnykh texnologiy – neobxodimoe uslovie vyyhoda Uzbekistana na novyye rubejy na mirovom rynke" T. "Uzbekistan" 2009.
12. Yo'ldashev Z. Milliy iqtisodiyot T., 2004.
13. www.mineconomy.uz
14. www.parlament.gov.ru
15. www.stat.uz
16. www.mfer.uz
17. www.mfa.uz

XI. Globallashuv jarayoni va xalqaro iqtisodiyotga integratsiyalashuv

Reja:

§ 1. Jahon iqtisodiyotidagi globallashuv–rivojlanishning yangi bosqichidir.

§ 2. Xalqaro iqtisodiyotga integratsiyalashish jarayonlari, omillari, shakllari va mexanizmi. O'zbekiston va Markaziy Osiyo hamda MDH davlatlari.

11.1 Jahon iqtisodiyotidagi globallashuv – rivojlanishning yangi bosqichidir.

Prezidentimiz Islom Karimov O'zbekiston Respublikasi mustaqilligining yigirma bir yilligiga bag'ishlangan tantanali marosimdagi tabrik so'zida “Bugun shiddat bilan tez o'zgarayotgan **globallashuv** davrining keskin talablariga, dunyo bozorida tobora kuchayib borayotgan shafqatsiz raqobat kurashiga bardosh bera oladigan, faqat qat'iyatlik bilan oldinga intilayotgan, o'zining uzoqni ko'zlagan taraqqiyot strategiyasiga ega bo'lgan davlatgina rivojlanishining katta yo'lida o'z ezgu maqsadlariga erishmog'i mumkin”²³ degan yedi.

XX asr ohiridagi Jahon iqtisodiyoti rivojlanishining asosiy tendentsiyalaridan biri – bu **globallashuv** bo'layapti. Ilgari milliy xo'jaliklar o'rtasidagi munosabatlar ko'proq mintaqaviy tashkilotlar yoki davlatlararo ikkiyoqlama shartomalar asosida rivojlantirilgan bo'lsa, iqtisodiyotning umumbashariy tus olishi natijasida bu jarayon yanada chuqurlashib, mamlakatlar iqtisodiyotining o'zaro bog'liqlik darajasi ortdi. Globallashuv avvalo, rivojlangan mamlakatlar o'rtasidagi ijtimoiy-iqtisodiy, siyosiy munosabatlarda namoyon bo'lib, u keyinchalik o'z ichiga rivojlanayotgan davlatlar milliy xo'jaligini ham qamrab oldi.

Globallashuvning lug'aviy asosi inglizcha global – jahonga oid umumjahon, degan ma'noni anglatib, dunyo ijtimoiy- iqtisodiy va siyosiy hayotidagi zamonaviy jarayonlarni umumlashtiruvchi ma'noni beradi. Globallashuv dunyoning turli davlatlari taraqqiyotida o'zining ijobiy va ba'zan salbiy ta'sirini ham ko'rsatmoqda. Globallashuv tushunchasi davlatlar o'rtasida tovarlar va ishlab chiqarish omillari hisoblangan mehnat, kapital, moddiy, innovatsion resurslar va tadbirkorlik qobiliyatlarining erkin harakati ta'minlanishi bilan izohlanadi.

Globallashuvning mohiyati jahon iqtisodiyotining baynalmilallashuvi bilan yanada kengaydi. **Baynalmilallashuv** milliy xo'jaliklar faoliyatining, xususan, biror mamlakatdagi ishlab chiqarish, xizmat ko'rsatish yoki iqtisodiy o'sish jarayonlarining bir nechta mamlakat rezidentlari ishtirokida, ko'pmillatli asosda amalga oshirilishini bildiradi. Boshqacha aytganda, transmilliy kompaniyalar faoliyati milliy xo'jaliklarning taraqqiy etishida salmoqli ta'sirga ega bo'ladi.

Globallashuv jahon iqtisodiyoti rivojlanishining tarixiy jihatdan tadrijiy natijasidir. **Globallashuvning zamonaviy belgilari quyidagilardan iborat:**

- yangi xorijiy valyuta va kapitallar bozorining shakllanib,rivojlanishi; bu bozorlar uzluksiz faoliyatda bo'lib, bir vaqtning o'zida dunyoning turli moliyaviy

²³ “Халқ сўзи” газетаси 2012 йил 1 сентябрь

markazlari o'rtasida yirik moliyaviy va valyuta operatsiyalarini amalga oshirish imkoniyati mavjud;

- yangi vositalar va dastaklar orqali operatsiyalarning tezligini va ishonchliligini ta'minlash imkoniyatining mavjudligi; Internet tarmog'i, uyali telefon aloqasi, axborot tizimi va boshqalar;

- yangi institutsional tizimning shakllanganligi; Jahon Savdo tashkiloti, transmilliy korporatsiyalar, nodavlat tashkilotlari va h.z.

- yangi qoidalarining ishlab chiqilganligi;

- ikki tomonlama va ko'p tomonlama savdo, xizmatlar va intellektual salohiyatdan foydalanish bo'yicha shartnomalarning tuzilishi va bu shartnomalar milliy davlatlar tomonidan amal qilinishi majburiyligi yoki milliy qonunchilikning ularga muvofiqlashtirilishi.

Globallashuvni ob'ektiv zaruriyatga aylantirgan, jahon iqtisodiyotida keyingi 25-30 yillarda chuqurlashgan hamda bir vaqtning o'zida bir nechta yoki o'nlab davlatlarni qamrab olgan **muammolar** mavjud. Ular xalqaro siyosiy va iqtisodiy munosabatlarda, ijtimoiy hayotda paydo bo'lgan, inson va tabiat o'rtasidagi munosabatlarda shakllangan global muammolar hisoblanadi.

Jahonda termoyadro urushi xavfi, terrorchilik va ekstremizmning avj olishi, rivojlangan va rivojlanayotgan mamlakatlar o'rtasidagi ijtimoiy-iqtisodiy taraqqiyot darajasidagi tafovutlarning ortib borishi, dunyoning ba'zi mintaqalarida aholi o'sish sur'atlarining yuqoriligi va milliy davlatlarning bu jarayonni yetarli darajada tartibga solish imkoniyatining cheklanganligi, atrof-muhitning ifloslanishi, inson hayoti uchun yeng zarur resurslar - oziq-ovqat, energiya manbalari, xom ashyolarning ba'zi mintaqalarda tanqisligi ana shunday muammolardan hisoblanadi.

Globallashuv muayyan mamlakatdagi **ishlab chiqarish kuchlarining** sifat jihatidan yangi rivojlanish bosqichiga o'tishi bilan bog'liq bo'lib, ijtimoiy-iqtisodiy voqealarning xalqaro doirada integratsiyalashishi hamdir.

Globallashuv xo'jalik yurituvchi birliklarning xalqaro miqyosda kengayishi va jahon iqtisodiyotida salmoqli mavqeni egallashi, tovarlar, xizmatlar, ish kuchi, yangi texnologiya va kapitalning xalqaro miqyosda erkin harakatlanishi, investitsiyalar, moliya-xo'jalik, milliy qadriyatlar, madaniyat va san'at kabi yo'nalishlarda hukumatlar, alohida olingan tashkilotlar, millat va elatlar faoliyatining milliy doirasidan chiqib, erkinlashtirilishi, inson kapitali, xususan intellektual kapitalning dunyoning taraqqiy yetgan markazlariga ko'chib o'tishi jarayonlarini ham bildiradi.

Ilg'or texnologiyalarning jadal rivojlanishi va axborot almashuvining qulaylashishi, sovuq urushning va siyosiy qutblashuvning barham topishi, transport xizmatining keng miqyosda taraqqiy etishi va mamlakatlar o'rtasida yuk tashish va yo'lovchi qatnovining ortishi kabilar ham jarayonini tezlashtirgan omillardan hisoblanadi.

Globallashuv **jarayoni** ijtimoiy hayotning deyarli barcha sohalarini qamrab olib, pirovardda alohida mamlakatlarni jahon hamjamiyatining turli mintaqalari bilan yaqindan bog'lanishiga olib keldi. Bu, o'z navbatida, yangi bozorlarning(kapital, valyuta va sug'urta bozori) ilg'or yangi vositalar-turli

axborot tizimlari, internet, uyali aloqa orqali yanada uzviy integratsiyalashishini ham ta'minladi.

Globallashuv dunyodagi barcha mamlakatlarning iqtisodiy rivojlanish sur'atlari va yo'nalishlariga sezilarli ta'sir ko'rsatdi. Bu ishchi kuchidan foydalanish, tovar ishlab chiqarish va xizmatlar ko'rsatish, inson omiliga kapital sarflash sohalarini keng qamrab oladi, natijada ishlab chiqarish samaradorligi oshadi, mehnat unumdorligi o'sadi, raqobatning keskinlashish tendentsiyalari kuchayadi.

Globallashuvning iqtisodiy jihatlari bir qancha yo'nalishlarda, xususan, xalqaro savdo, investitsiyalar moliyaviy va texnologik globallashuvda yaqqol namoyon bo'ladi. Aytish mumkinki, iqtisodiyotni erkinlashtirish har qanday mamlakatning globallashuv jarayonida faol ishtirok etishi va undan yuqori darajada manfaat ko'rishining asosiy shartlaridan biridir. Iqtisodiy erkinlik, jamiyatning yuqori darajada demokratik fuqarolik jamiyatiga aylanishi globallashuvning muhim ijobiy natijalaridan hisoblanadi.

Jahon iqtisodiyotidagi globallashuv O'zbekistonning xalqaro mehnat taqsimotida qatnashishi va mintaqaviy integratsiya jarayonlarida faol bo'lishini taqozo yetadi. Chunki, yangi shart-sharoitlar milliy iqtisodiyotning tashqi omillari imkoniyatlaridan samarali foydalanishni, iqtisodiy o'sishning dinamikligini ta'minlashni, **xalqaro bozor resurslarini** (moliyaviy, texnologik, boshqaruv kabilar) oqilona jalb yetishni shart qilib qo'ymoqda.

Globallashuv milliy xo'jaligini qisqa davrlarda shakllantirgan va rivojlantirayotgan O'zbekistonning istiqboldagi taraqqiyoti oldiga dolzarb va keng qamrovli vazifalarni qo'yadi. Milliy iqtisodiyotni rivojlantirishda jahon iqtisodiyotining kapital va ilg'or texnologiyalar sohasidagi salohiyatidan unumli foydalanish hamda sifatli, raqobatbardosh tovar va xizmatlarni dunyo bozoriga taklif qilish muhim ahamiyat kasb etadi.

11.2. Xalqaro iqtisodiyotga integratsiyalashish jarayonlari, omillari, shakllari va mexanizmi.

Jahon iqtisodiyotining o'ziga xos xususiyatlaridan biri –uning qamrovi kengayib borayotganligidandir. Bu jarayon rivojlangan va rivojlanayotgan mamlakatlarning tashqi iqtisodiy aloqalari nafaqat savdo sotiq sohasida, balki boshqa ko'lamlarda ham erkinlashib borayotganligi, ularning milliy iqtisodlari tobora ko'proq o'z qobig'ini yorib, bir –biri bilan bog'lanib ketayotganligi bilan ajralib turadi. Ushbu jarayonlar quyidagi ikki g'oyat muhim holat natijasi hisoblanadi:

Bir tomondan, amaliyotda tobora ko'proq milliy bozorlarning yaratilishi, milliy iqtisodlarning tashqi aloqalarga urg'u berishi;

Ikkinchi tomondan, xalqaro xo'jalik munosabatlarini rivojlantirish va chuqurlashtirish yo'lida uchraydigan transport, kommunikatsiya sohalarida g'ov – to'siqlarni darhol bartaraf etuvchi texnologik innovatsiyalar.

1980 –yillarning oʻrtalaridan boshlab jahon iqtisodi xalqaro savdo va xalqaro moliyaviy muomalalar haddan tashqari yuqori surʼatlar bilan oʻsayotgan davrga qadam qoʻydi.

1980–yildan 1996–yilgacha boʻlgan davr ichida xalqaro savdo oboroti hajmi bir yilda oʻrtacha 6,5 % ga ortdi va 10 yil ichida 1,9 barobar koʻpaydi.

Ushbu yillar mobaynida xalqaro xizmatlar savdosi 2,4 marta koʻpaydi.

1985-1995 yillar ichida xalqaro savdoning jaxon yalpi mahsulotidagi salmogʻi oldingi 10 yillikdagigi nisbatan 3 marta va 1996-2010 yillarda esa qariyb 8 marta koʻproq jadallashdi. Bu milliy iqtisodlar kashfi tezlashganidan, ularning bir–biriga muhtojligi kuchayib borganligidan dalolat beradi.

Xuddi ana shu davrda bevosita chet el investitsiyalarining oʻsishida jiddiy oʻzgarish yuz berdi, ularning jahon yalpi mahsulotidagi salmogʻi ikki barobar koʻpaydi.

Ishlab chiqarish kuchlarining internatsionallashuvi va buning oliy shakli boʻlmish jahon iqtisodiyotining globallashuvidan iborat umumiy jarayon dunyoning koʻpgina mintaqalarida integratsiya holatlarining rivojlanishi hamda integratsion birlashmalarining yuzaga kelishida namoyon boʻladi.

Iqtisodiy integratsiya – xoʻjalik faoliyatining internatsionallashuvida oliy bosqich boʻlib, oʻziga xos huquqiy tizimlari bilan ajralib turuvchi, ham davlatlararo, ham milliy negizga tayangan bamaslahat siyosat asosida faoliyat koʻrsatuvchi bir butun yagona xoʻjalikdir. Bunga esa turli milliy iqtisodiyotlarning birlashuvi jarayonida erishiladi (misol – Yevropa Ittifoqi).

Xalqaro iqtisodiy integratsiyaning mohiyati milliy xoʻjaliklar oʻrtasida oʻzaro chuqur va barqaror aloqalarni rivojlantirish, mehnat taqsimotini yoʻlga qoʻyish, ularning turli darajadagi, turli shakllardagi qayta ishlab chiqarish tizimari oʻrtasida oʻzaro hamkorlikni rivojlantirish asosida mamlakatlarning xoʻjalik hamda siyosat sohalarida birlashuvi jarayonidan iboratdir.

Mikro darajada qoʻshni mamlakatlardagi baʼzi xoʻjalik subʼektlari (korxonalar, firmalar)ning kapitali bir-biri bilan iqtisodiy bitimlar tuzish usullarini shakllantirish, chet elda oʻz boʻlinmalarini ochish yoʻli bilan oʻzaro hamkorlik qilish, demakdir.

Davlatlararo (makro) darajada esa integratsiya davlatlarning iqtisodiy birlashmalarini shakllantirish hamda milliy siyosatlarini muvofiqlashtirish asosida roʻy beradi.

Natijada milliy iqtisodlar bir-birlariga “kirib bormoqdalar”. Xoʻjalik asosining internatsionallashuvi yaqqol koʻzga tashlanmoqda – fan-texnika, ishlab chiqarish, investitsiya, moliya-tijorat faoliyatining koʻp va turli bosqichlari bir-biriga chatishib ketmoqda. Mamlakatlar va xalqlarning iqtisodiy oʻzaro bogʻliqligi aniq haqiqatga aylanmoqda.

Iqtisodiy integratsiya asosiga xoʻjalik hayotining oʻsib borayotgan internatsionallashuvi, xalqaro mehnat taqsimotining chuqurlashuvi, fan-texnika taraqqiyoti, milliy iqtisodning ochiqligi darajasining ortib borishi kabi omillar ham kiradi. Iqtisodiy integratsiyaning shart-sharoitlari sifatida integratsiyada qatnashayotgan mamlakatlar bozorining rivojlanish darajasini solishtirish, ularning geografik yaqinligi, ular oldida turgan muammolarning umumiyliigi, bozor

islohotlarini tezlashtirishga intilish, integratsion jarayonlardan chetda qolmaslik kabi xususiyatlarni qayd yetib o'tish kerak.

Integratsiyaning eng muhim umumiy iqtisodiy tavsifi quyidagilardan iborat:

1. Iqtisodiy jarayonlarni davlatlararo miqyosda yo'lga qo'yish.
2. Bir-biridan u yoki bu darajada mustaqil hisoblangan milliy xalq xo'jalik majmualari o'rniga umumiy mutanosiblikka, umumiy qayta ishlab chiqarish tizimiga yega bo'lgan biron mintaqaviy internatsional majmuani asta-sekin shakllantirish.

3. Mintaqa doirasida mahsulotlar, ishchi kuchi, moliyaviy resurslarning davlatlararo harakati uchun hududiy sharoitlarni kengaytirish hamda bunday harakatga monelik qiluvchi ko'pdan-ko'p ma'muriy va iqtisodiy g'ovlarni bartaraf yetish.

4. Integratsion birlashmalarda qatnashuvchi davlatlarning ichki iqtisodiy shart-sharoitlarini bir-biriga yaqinlashtirish, ularning iqtisodiy rivojlantirish darajalarini tenglashtirish.

Odatda, u yoki bu jo'g'rofiy mintaqa, unda joylashgan qo'shni mamlakatlar shunday integratsion birlashmalarning asosiy o'zagini tashkil etadi.

Hozirda qariyb 100ga yaqin mintaqaviy tashkilotlar va 70mingdan oshiq millatlararo korporatsiyalar mavjud.

Xalqaro iqtisodiy integratsiya jahon iqtisodiyotining uzoq tarixiy taraqqiyoti natijasi bo'lib, bir nechta bosqichlarda rivojlandi:

Birinchi bosqichda turli mamlakatlar o'rtasida **erkin savdo** munosabatlari shakllangan va bojxona cheklovlari, eksport kvotalari bekor qilingan bo'lsa;

Ikkinchi bosqichda erkin iqtisodiy zonalar shakllantirilib, bunga bir nechta davlatlar a'zo bo'lganlar. **Erkin iqtisodiy zonalar**da nafaqat tovar va xizmatlar, balki sanoat ishlab chiqarishi, bank, sug'urta xizmati va texnologiyalar savdo sotig'ida ham erkin munosabatlarga shart-sharoit yaratilgan.

Uchinchi bosqichda a'zo mamlakatlar hududida **umumiy bozor** shakllantirilib, bu amalda milliy bozorlarning o'zaro qo'shilishini bildirdi. Umumiy bozor qoidalariga ko'ra, ishchi kuchi, kapital, tovar va xizmatlarning milliy bozorlar o'rtasida erkin harakatlanishi ta'minlandi, davlatlar o'rtasidagi iqtisodiy chegaralarga barham berildi. Umumiy bozor tarixan birinchi marta Yevropada shakllantirilgan bo'lib, rasman bu bozorning barpo etilganligi 1957 yilda tasdiqlangan.

To'rtinchi bosqichda iqtisodiy va valyuta ittifoqi doirasida rivojlangan bo'lib, bu tizimda davlatlar o'rtasida moliya, pul muomalasi va bank xizmati sohasida integratsiyalashuv ro'y bergan. Jumladan, Yevropa Ittifoqiga a'zo 15 davlatdan 12 tasida yagona pul birligi **yevro** 2001 yildan to'la amal qila boshladi va milliy pul birliklari muomaladan chiqmoqda. Hozirda Yevropa Ittifoqida yagona soliq tizimi, milliy byudjetlar bilan yonma-yon yagona byudjet tizimi ham joriy qilingan.

Beshinchi bosqichda davlatlar o'rtasida siyosiy butunlikni ta'minlash tendentsiyalari kuchayib, integratsion birlashmaga a'zo davlatlar xalqaro ijtimoiy-iqtisodiy va siyosiy jarayonlarga nisbatan yagona yondashuvini ishlab chiqadilar. Bu keyingi o'n yillikda Yevropa Ittifoqining siyosiy tashkiliy tuzilmalari (Evropa

parlamenti, Yevropa komissiyasi, YeXHT kabilar) faoliyatida yaqqol namoyon bo'layapti.

Xalqaro integratsion aloqalarning yo'lga qo'yilishi a'zo mamlakatlarning xo'jalik yurituvchi sub'ektlari uchun moddiy, moliyaviy, mehnat, ilmiy-texnik va innovatsion resurslardan yanada kengroq va samaraliroq foydalanish imkoniyatlarini ham yaratadi. Bundan tashqari, milliy bozorlarning yaqinlashishi va qo'shilib ketishi natijasida tovar ishlab chiqaruvchilari **miqyos** samarasidan foydalanadilar, ijtimoiy va ekologik muammolarni birgalikda hal etish imkoniyatlari yuzaga keladi.

Jahon iqtisodiyoti rivojidagi keyingi davrda mehnat taqsimotining yanada chuqurlashishi, axborot almashish tezligining ortishi va ko'lamining kengayishi, aloqa va transport xizmatlarining baynalminallashuvi integratsion aloqalarni yangi, sifat bosqichiga olib chiqmoqda.

Hozirgi davrga kelib, jahon iqtisodiyoti milliy xo'jaliklar va mintaqaviy integratsion birlashmalarning ma'lum ma'noda xalqaro iqtisodiy tashkilotlar, transmilliy kompaniyalar, moliya-sanoat guruhleri hamda milliy hukumatlar tomonidan tartibga solinadigan munosabatlari tizimidan iborat bo'lmoqda. Iqtisodiyotning baynalminallashuvi, jahon bozorlarining shakllanishi, milliy xo'jaliklarning bir-biriga yaqinlashishi va qo'shilib ketishi ob'ektiv tarixiy mazmun kasb etayapti.

O'tgan asrda xalqaro iqtisodiy munosabatlar jadal rivojlandi va milliy xo'jaliklarning taraqqiyot yo'nalishlariga jiddiy ta'sir ko'rsata boshladi. Tovar va xizmatlar savdosi, kapital chiqarish va kiritish, ishlab chiqarish kooperatsiyasi, ilmiy-texnika hamkorligi va ishchi kuchi migratsiyasi kabi yo'nalishlarni qamrab olgan tashqi iqtisodiy aloqalar miqdor va sifat jihatidan keskin o'sdi, ishlab chiqarishning mujassamlashuvi va baynalminallashuvi doirasi kengaydi. Ayniqsa, **transmilliy kapital**ning faoliyati milliy xo'jaliklar tizimi rivojlanishiga jiddiy ta'sir ko'rsata boshladi. Keyingi yillarda jahonning yalpi mahsuloti o'sish sur'atlariga nisbatan yalpi eksport hajmi o'sish sur'atlari yuqori bo'lmoqda.

Xalqaro iqtisodiy integratsiyaning chuqurlashib borishida ilmiy-texnika taraqqiyoti va uning natijalarini ishlab chiqarishda qo'llashning roli ortib borayapti. Zamonaviy fan, texnika-texnologiya taraqqiyoti **yangi turdagi tovarlar va xizmatlarni** ishlab chiqarish miqyosini shu darajada kengaytirish imkoniyatini bermoqdaki, natijada, bir tomondan, milliy bozorlar torligi muammosi kelib chiqmoqda, mintaqaviy bozorlarni kengaytirish va xalqaro savdo-iqtisodiy aloqalarni rivojlantirish zarurati yanada ortmoqda, ikkinchi tomondan esa, mamlakatlarning ilmiy-texnika sohasida o'zaro hamkorlik qilishlari dolzarb vazifaga aylanmoqda.

Xalqaro mehnat taqsimoti hozirgi davrda tarmoqlar bo'yicha ixtisoslashishni emas, balki tarmoqichi ishlab chiqarishga ixtisoslashishni taqozo etayapti. Avtomobillar, kompyuterlar va boshqa maishiy texnikalarni ishlab chiqarishda bir necha mamlakatlar o'zaro kooperatsiya aloqalarini birgalikda tashkil etmoqdalar.

Xalqaro iqtisodiy integratsiyaning jadallashishiga **axborot va kommunikatsiya** vositalarining rivojlanishi ham katta ijobiy turtki bo'lmoqda.

Natijada, yangi texnika va texnologiyalar, ilmiy ishlanmalar va yangiliklar dunyoning istalgan mintaqasiga yoki davlatiga qisqa muddatlarda yetib bormoqda va keng tadbiriq etilmoqda, bu kapital va ishchi kuchining mobilligi darajasini ham oshirmoqda.

O'tgan asrning oxirgi o'n yilliklarida xalqaro iqtisodiy munosabatlar rivojida **moliya kapitalining** roli ortdi. Jahon moliya bozori markazlarining mintaqaviy va xalqaro iqtisodiy integratsiyani rivojlantirishdagi ahamiyati ularning yirik xususiy va davlat investitsion loyihalarini amalga oshirishga qulay **moliyaviy** shart-sharoitlar yaratishi bilan bog'liqdir. **Turli** moliyaviy dastaklarning ortib borishi xalqaro moliyaviy tizimning takomillashishiga va milliy chegaralardan tashqarida moliyaviy munosabatlarning rivojlanishiga olib keldi.

Xalqaro valyuta bozorining institutsional tarkibiy qismi bo'lgan banklar, valyuta birjalari, brokerlik idoralari, boshqa moliyaviy muassasalar dunyoning istalgan nuqtasida faoliyat yuritish ega bo'lyaptiki, bu xalqaro iqtisodiy integratsiyaning yanada rivojlanishiga shart-sharoit yaratayapti. London, Nyu-York, Tokio, Frankfurt-na-Mayn, Singapur kabi jahon valyuta bozori markazlari nafaqat o'zlari joylashgan mintaqalarda, balki boshqa mintaqalarda ham integratsion aloqalarning rivojlanishiga ta'sir ko'rsatmoqda.

Bugungi kunda xalqaro iqtisodiy integratsiyaning chuqurlashishi bir qator **objektiv omillarning ta'siri bilan izohlanadi**. Ularning asosiylari quyidagilardan iborat:

- xalqaro mehnat taqsimoti, ixtisoslashuv va kooperatsiyaning chuqurlashishi;
- ilmiy-texnika taraqqiyotining jadallashishi, axborot texnologiyalarining keng joriy etilishi;
- mintaqaviy integratsion aloqalarning mustahkamlanishi va kengayishi;
- xo'jalik faoliyatining baynalminallashuvi;
- transmilliy kompaniyalar va moliya-sanoat guruhlarining tashkil topishi.

Xalqaro mehnat taqsimoti alohida olingan mamlakatning mahsulot va xizmatlar turlarini ishlab chiqarish bo'yicha ixtisoslashishini bildiradi. Mamlakatlararo ixtisoslashuv va kooperatsiya bo'lganligi sababli milliy iqtisodiyotning baynalminallashuvi sodir bo'lmoqda. Bu, o'z navbatida, transmilliy korporatsiyalar, moliya-sanoat guruhleri va boshqa tashkiliy-hududiy tizimlar shakllanishiga olib kelayapti.

Ilmiy-texnika taraqqiyotining zamonaviy bosqichida kompyuter va axborot texnologiyalaridan keng foydalanish evaziga ishlab chiqarishning baynalminallashuvi yangi sifat bosqichiga o'tdi. Mamlakatlar o'rtasidagi ilmiy va ilg'or texnologik mahsulotlarning ayirboshlanishi jadallashdi. Yangi texnologiyalarni ishlab chiqarish bo'yicha mintaqaviy va xalqaro miqyosda yangi kompaniyalar, ilmiy-tadqiqot laboratoriyalari va markazlari, moliya-sanot guruhleri shakllandi va rivojlandi.

Globallashuv jarayonida ilgari shakllangan integratsion birlashmalar faoliyati takomillashgan bo'lib, undan tashqari **yangi tuzilmalar paydo bo'ldi**. Agar Yevropa Ittifoqi, NAFTA, OPEK, MDH, BRIK, BRIKS kabi integratsion tashkilotlar faoliyati kengaygan yoki chuqurlashgan bo'lsa, Jahon banki, Osiyo

tiklanish va taraqqiyot banki, Xalqaro Moliya Korporatsiyasi kabi xalqaro iqtisodiy tashkilotlarning funktsiyalari kengaydi, ularning milliy iqtisodiyotlar rivojlanishidagi roli oshdi.

Globallashuv jarayonining **keyigi bosqichida jahon bozori va uning segmentlarining** ahamiyati ortmoqda. Bular jahon tovar va xizmatlar bozori, kapital, qimmatli qog'ozlar, mehnat, axborot va texnologiyalar, ilmiy ishlanmalar(patent va litsenziyalar), valyuta va pul-kredit bozorlaridir. Qayd etilgan bozorlar o'zaro bog'langan va mintaqaviy hamda kontinental doirada murakkab amal qilish tizimini tashkil etadi. Natijada ishlab chiqarish va iqtisodiy sohadagi mehnat taqsimoti ana shu bozorlarning amal qilish xususiyatlari va yo'nalishlari ta'sirida chuqurlashdi.

Globallashuv jarayonidagi jadal rivojlanish tendetsiyasiga ega yo'nalishlardan biri bu – **transmilliy kompaniyalar** faoliyatining kengayishi va milliy iqtisodiyotlar taraqqiyotidagi ta'siri kuchayganligidir. **Transmilliylanish** – bu xususiy firmalar doirasida amalga oshayotgan davlatlararo integratsiyalashish hisoblanadi.

BMT yondoshuviga ko'ra, transmilliy **kompaniyalar maqomi quyidagi kompaniyalarga beriladi:**

- faoliyat turi va yuridik maqomidan qat'iy nazar, ikki yoki undan ortiq mamlakatda o'z sho''ba korxonasiga ega kompaniyalar;
- o'zlarining xorijiy firmalari faoliyatini muvofiqlashtirib, boshqarib turgan kompaniyalar.

Transmilliy kompaniyalar faoliyati milliy iqtisodiyotlarni geografik joylashuviga ko'ra emas, balki takror ishlab chiqarish munosabatlarining o'zaro mosligi va uyg'unligidan kelib chiqib bir-biriga bog'laydi. Hozirgi kunda dunyoda 40 mingdan oshiq transmilliy kompaniyalar (TMK) faoliyat ko'rsatadi, shundan 500tasi jahon xo'jaligida, xususan, milliy iqtisodiyotlar taraqqiyotida salmoqli mavqeni egallaydi.

Mazkur 500 TMK dunyo ishlab chiqarishiing qariyb 50 foizi va savdosining taxminan 60 foizini nazorat qiladi. Jumladan, bu TMKlar dunyo bug'doy, kofe, makkajo'xori, tamaki, yog'och materiallari, temir rudasi savdosining 90 foizini, mis va boksit savdosining 85foizi, tabiiy kauchuk va neft xom ashyosi savdosining 75 foizini nazorat qilmoqda.

Transmilliy kompaniyalarda yirik kapitalning jamlanishi bozordagi mavqeini mustahkamlash bilan birga texnik va texnologik taraqqiyot sur'atlarini jadallashtirishga imkon berayapti. SHu sababli yangi texnika va zamonaviy texnologiyalar patenti va litsenziyalari hajmining qariyb 80 foizi ular hissasiga to'g'ri kelmoqda.

Iqtisodiyoti rivojlangan mamlakatlarda har bir tarmoqda 2-3 TMK jahon bozorida hukmron mavqeni egallaydi. Masalan, yiliga 16 ming dona yo'lovchi samolyoti sotiladigan va umumiy hajmi deyarli 1 trln. AQSH dollariga teng dunyo bozorida amerikaning "Boing" va Yevropaning "Eyrbus indastri" kompaniyalari hukmron mavqega egalar.

Jahon tajribasi ko'rsatadiki,integratsion jarayonlarning shakllanishi va rivojlanishi nisbatan uzoq davrni qamrab oladi. Bu jarayonlarning amal qilish

mexanizmi esa, mantiqiy **ketma-ketlikda bosqichma-bosqich shakllanadi**. Integratsion munosabatlarning amal qilishi asosan **quyidagi shakllarda namoyon bo'ladi**:

- tovar va xizmatlar xalqaro savdosi;
- ishlab chiqarish sohasidagi xalqaro hamkorlik;
- xalqaro ilmiy-texnika hamkorligi;
- mintaqaviy integratsion birlashmalarning shakllanishi va rivojlanishi.

Xalqaro savdo dunyodagi barcha mamlakatlarning tashqi savdosini qamrab oluvchi jamlama tushuncha bo'lib, xalqaro tovar-pul munosabatlari sohasi hisoblanadi. Bu bozorda xaridor va sotuvchilar sifatida davlat, davlat korxonalari, transmilliy kompaniyalar, xalqaro tashkilotlar, turli firmalar, alohida jismoniy shaxslar faoliyatda bo'lishi mumkin.

Mamlakatlar o'zaro integratsion aloqalarining asosini **tovar va xizmatlar savdosi** tashkil etadi. SHu sababli ular mazkur savdo aloqalarini erkinlashtirish, o'zaro qulay savdo shart-sharoitlari yaratish, proteksionistik vositalarga barham berish, tarifli savdo tartibini takomillashtirib borish, Jahon Savdo Tashkilotiga a'zo bo'lish kabilar orqali integratsion munosabatlarni tartibga solish va rag'batlantirishga harakat qiladilar.

Integratsiyaning muhim mexanizmlaridan yana biri ishlab chiqarishni tashkil etish, boshqarish va takomillashtirishdagi **xalqaro hamkorlik** hisoblanadi. Buning asosida alohida tovarlar guruhi, tovar yoki tovar qismini ishlab chiqarishda tarmoq va tarmoqichi ixtisoslashuvi yotadi. Boshqacha aytganda, u yoki bu mamlakat yuqori mehnat unumdorligiga erishish, iqtisodiy manfaatlarini ro'yobga chiqarish va xarajatlarini imkon qadar kamaytirish uchun muayyan ishlab chiqarish yo'nalishiga ixtisoslashadi. Ishlab chiqarish sohasidagi **xalqaro hamkorlikning asosiy shakllari tovar ishlab chiqarish va sotishdagi kooperatsiya, korxonalarga birgalikda egalik qilish(qo'shma korxona), qurilish sohasidagi kontsortsiumlar tashkil etish kabilar hisoblanadi**.

Ishlab chiqarish sohasidagi xalqaro hamkorlik integratsion aloqalarda o'zining barqarorligi va doimiyligi bilan, loyihalarni keng qamrab olishi bilan ajralib turadi. Uzoq muddatli shartnomalar asosida bunday hamkorlikni nafaqat rivojlangan davlatlar o'rtasida, balki taraqqiyot darajasida tafovut katta bo'lgan sanoatlashgan va rivojlanayotgan mamlakatlar o'rtasida ham rivojlantirib borish imkoniyati keng hisoblanadi.

Xalqaro integratsiyada **ilmiy-texnika hamkorligining** ahamiyati so'nggi o'n yilliklarda ortib bormoqda. CHunki, ilmiy-texnika taraqqiyoti milliy xo'jaliklarning jadal rivojlanishiga, ijtimoiy-maishiy muammolarni nisbatan tez hal qilishga imkoniyat yaratmoqda.

Ilmiy-texnika hamkorligi **ilmiy-tadqiqot va loyiha-konstruktorlik ishlarini amalga oshirish, texnik va muhandis xodimlar guruhini shakllantirish va qo'shma loyihalarda qatnashish, ilmiy-tadqiqot markazlari, lobaratoriyalari, byurolari tashkil etish, yuqori malakali kadrlar tayyorlash kabilar namoyon bo'lmoqda**.

Ayni vaqtda, dunyo mamlakatlarining ilmiy, ilmiy-texnik va innovatsion salohiyati jahonning muayyan markazlarida to'planib qolishi tendentsiyasi kuchaymoqda.

Bu markazlar asosan, AQSH, Yevropa va Janubiy-SHarqiy Osiyo (Yaponiya, Janubiy Koreya kabilar) hisoblanadi. Rivojlanishning hozirgi bosqichida ilmiy-texnika taraqqiyotini jadallashtirish ishlab chiqarishni tashkil etish, boshqarish va takomillashtirish oldiga yuqori innovatsion salohiyatni, yuqori ilmiy malakali xodimlarni, chuqur fundamental va ilmiy tadqiqotlar majmuasini shakllantirish talabini qo'ymoqda. Bu, o'z navbatida, mamlakatlarning axborot ta'minoti va almashinuvida, ilmiy-innovatsion infratuzilmani rivojlantirishda hamkorlikda ishlashlarini taqozo etayapti.

Mamlakatlar o'rtasidagi tovar va xizmatlar savdosini kengaytirish, ishlab chiqarish kooperatsiyasini ta'minlash, ilmiy-texnika hamkorligini chuqurlashtirish ularning hududiy jihatdan yaqin bo'lishini ob'ektiv zaruratga aylantirgan. SHu sababli, rivojlanish darajasidan qat'iy nazar, ba'zi mamlakatlar **hududiy integratsion aloqalarni shakllantirgan.**

Integratsiya – yo'nalishiga ko'ra ikkiga bo'lanadi. Ulardan **birinchisi**, mintaqa, **ikkinchisi**, xalqaro miqyosdagi integratsiyadir. Integratsiyaning ana shu ko'rinishlari o'zaro to'ldiruvchanlik xususiyatiga ega. Mintaqaviy va xalqaro integratsiyadan maqsad iqtisodiy va ijtimoiy jihatdan mamlakatlarning manfaatlarini yanada kengroq ro'yobga chiqarishdan iboratdir.

Mamlakatlarning geografik joylashgan o'rni, ijtimoiy-iqtisodiy rivojlanish darajasi va shu kabi boshqa omillar integratsiyaning samaradorligiga ta'sir ko'rsatadi. SHu jihatdan integratsiyalashayotgan mamlakatlar, avvalo, mintaqaviy integratsiyani ustun takomillashtirib boradilar. Bunga Yevropa Ittifoqi, SHimoliy Amerika erkin savdo hududi (NAFTA), Osiyo-Tinch okeani iqtisodiy hamkorligi, Mustaqil Davlatlar Hamdo'stligi(MDH) va boshqalarni misol qilib ko'rsatish mumkin.

Mamlakatlarning **mintaqa miqyosida** integratsiyalashuvi orqali xalqaro integratsiya rivojlanib borishi uchun tegishli shart-sharoitlar yaratilib boriladi. CHunki, mamlakatlar o'rtasidagi o'zaro savdo mintaqaviy integratsiyaning rivoji uchun asos bo'lgani singari, mintaqaviy integratsiya ham xalqaro integratsiya rivojlanishi uchun xizmat qiladi.

Mintaqaviy doirada integratsiyalashayotgan mamlakatlar, avvalo, o'zaro tashqi savdoni cheklashga qaratilgan kvota kabi to'siqlarni bartaraf qiladilar. SHundan so'ng, **yagona bojxona tizimi shakllanadi, mintaqaviy integratsiyaga a'zo mamlakatlar uchun bir xil boj stavkalari joriy etilib, uning to'la amal qilishiga erishiladi.** Bu jarayon mamlakatlardagi ishlab chiqarishning rivojlanishini yanada rag'batlantirish uchun, soliq tizimidagi imtiyoz va turli cheklovlarni bekor qilish maqsadida, integratsion hududga kiruvchi davlatlarda soliq stavkalarining yaqinlashtirilishini ham taqozo etadi.

Bojxona bojlari va soliq stavkalarining yaqinlashtirilishi yoki tenglashtirilishi hududiy doirada ishlab chiqarishni rag'batlantirib, miqyos samarasiga olib keladi. Integratsion hududga kiruvchi mamlakatlarning birortasidagi iste'mol hajmining ko'payishi, ishsizlikni ortishi, daromadlar

miqdorining o'zgarishi kabi tendentsiyalar qolgan mamlakatlarga ham o'z ta'sirini ko'rsatadi. Bu, o'z navbatida, integratsion birlashma doirasida institutsional mexanizmning shakllanishi va rivojlanishiga olib keldi. Yevropa Ittifoqining siyosiy-tashkiliy tuzilmalari (Evropa parlamenti, Yevropa komissiyasi, YeXHT kabilar), iqtisodiy-tashkiliy tizimi (yagona pul birligi, yagona budjet, iqtisodiy qo'mitalar) faoliyati bunga yaqqol misol bo'ladi.

20-jadval

Jahondagi ba'zi integratsion birlashmalarning tarkibi va shakllari

Integratsiyalashuv shakli	Integratsion birlashmaning nomi	Integratsion birlashmaning tashkil topish sanasi	Integratsion birlashmaga a'zo davlatlar soni
Erkin savdo zonalari	1.Evropa Erkin savdo Uyushmasi (EESU)	1960	4
	2.SHimoliy Amerika Erkin savdo Uyushmasi (NAFTA)	1994	3
Bojxona ittifoqlari	1. YeIning Turkiya bilan shartnomasi	1963	20+1
	2. Arab umumiy bozori (ASM)	1964	7
Umumiy bozor	1. Janubiy Konus umumiy bozori (MERKOSUR)	1991	4
	2.Fors ko'rfazi arab davlatlari hamkorlik kengashi	1981	6
Iqtisodiy ittifoqlar	EEvropa ittifoqi	1957	27
	2.Benilyuks iqtisodiy ittifoqi	1948	3
Erkin savdo hududlarini tashkil etish arafasida bo'lganlar	1.Janubiy-sharqiy Osiyo mamlakatlari uyushmasi (ASEAN)	1967	10
	2.Osiyo-Tinch okeani iqtisodiy hamkorligi	1989	21
Iqtisodiy xamkorlik	1.BRIK	2001	4
	2.BRIKS	2011	5

O'zbekiston a'zo bo'lib kirgan integratsion birlashmalarning ham shakllangan va **rivojlanayotgan mexanizmi mavjud**. YevrAzES, Iqtisodiy Hamkorlik Tashkiloti, Mustaqil Davlatlar Hamdo'stligining huquqiy asoslari yaratilgan bo'lib, ular amal qilishining iqtisodiy mexanizmlari ham rivojlanmoqda. Biroq, aytish kerakki, bu integratsion tuzilmalar bosqichma-bosqich rivojlanib borishi, milliy xo'jaliklarning tub iqtisodiy manfaatlariga to'la javob berishi va milliy davlatchilik asoslariga zid bo'lmasligi maqsadga muvofiq. Aks holda, ular muvaffaqiyatli amal qilmaydi, davlatlar o'rtasidagi integratsion munosabatlar takomillashmaydi.

Fan-texnika taraqqiyoti natijasida xalqaro mehnat taqsimoti va ixtisoslashuvining chuqurlashuvi mamlakatlar o'rtasida savdo-iqtisodiy aloqalarning rivojlanishiga, bir hududda joylashgan mamlakatlar o'rtasida **integratsion aloqalarning** faollashuviga olib kelmoqda. Jahon tajribasi shuni ko'rsatadiki, hududiy integratsiya tashkilotlariga a'zo mamlakatlarning globallashuv sharoitlariga moslashishi, xalqaro mehnat taqsimoti imkoniyatlaridan foydalanish samarali tarzda kechmoqda. SHu sababli O'zbekiston Respublikasi turli xalqaro va hududiy integratsion tashkilotlar faoliyatida ishtirok etish orqali mamlakatimizda mavjud tabiiy-iqtisodiy, mehnat va moliyaviy resurslardan, xalqaro mehnat taqsimoti imkoniyatlaridan samarali foydalanishga, jahon xo'jalik tizimida o'ziga xos o'rin egallashga harakat qilmoqda. Mustaqillik yillarida O'zbekiston **Mustaqil Davlatlar Hamdo'stligi, Markaziy Osiyo hamkorlik tashkiloti, SHanxay hamkorlik tashkiloti, Iqtisodiy hamkorlik tashkiloti** kabi xalqaro va hududiy integratsiya tashkilotlariga a'zo bo'lib kirdi. Bu esa respublikamiz uchun dolzarb hisoblangan ijtimoiy-iqtisodiy muammolarni hal etishga ijobiy ta'sir ko'rsatmoqda.

Ta'kidlash joizki, O'zbekiston uchun Markaziy Osiyo davlatlari o'rtasida mustahkam hamkorlik munosabatlari shakllangan. Mamlakatlar iqtisodiyoti asosiy va yetakchi tarmoqlarining o'xshashligi, ularning yaxlit hududiy birlikka ega ekanligi, suv va energetika manbalarining yagonaligi va ulardan birgalikda foydalanish zaruriyati, yagona transport va kommunikatsiya tizimining mavjudligi, ekologik muammolarning o'xshashligi mintaqa respublikalari o'rtasidagi iqtisodiy aloqalarning doimiy bo'lishini ta'minlaydi. Mintaqa xalqlarning diniy, madaniy, til, urf-odat, an'ana va ma'naviy birligi esa hamkorlik aloqalarining yanada chuqurroq va har tomonlama bo'lishiga ijobiy ta'sir ko'rsatadi. Bugungi kunga kelib mustaqillikni mustahkamlash, iqtisodiyotga bozor munosabatlarini joriy qilish va jahon iqtisodiyoti tizimida o'z o'rnini egallash g'oyalari Markaziy Osiyo mamlakatlarining iqtisodiy, ma'naviy va intellektual salohiyatlarini birlashtirishni taqozo qilmoqda.

Mintaqa davlatlari orasida o'zaro manfaatdorlik va ixtiyoriylikka asoslangan hamkorlik munosabatlarini rivojlantirish barcha respublikalarda makroiqtisodiy barqarorlik va iqtisodiy o'sishni ta'minlovchi muhim shartlardan biridir.

Yuqoridagilarni hisobga olgan holda mustaqillikning dastlabki yillaridanoq Markaziy Osiyo respublikalari rahbarlari tomonidan mintaqa mamlakatlari o'rtasida hamkorlik munosabatlarini rivojlantirishga qaratilgan qator chora – tadbirlar amalga oshirildi.

O'zbekiston, Qozog'iston va Qirg'iziston Respublikalari o'rtasida 1994 yil aprelda **yagona iqtisodiy hududni** barpo etish to'g'risidagi shartnomaning imzolaniishi mintaqada o'zaro hamkorlik aloqalari va integratsion jarayonlarni rivojlantirish bo'yicha qo'yilgan jiddiy amaliy qadam bo'ldi. Bu shartnomani imzolashdan ko'zda tutilgan asosiy maqsad tovarlar, xizmatlar, kapital va ishchi kuchining mintaqa bo'ylab erkin harakatini ta'minlash, kelishilgan soliq, byudjet, narx, bojxona va valyuta siyosatini yuritishdan iborat edi.

Mintaqa davlatlari rahbarlari 1996 yil 5 aprelda yoqilg'i energetika va suv resurslaridan foydalanish, Markaziy Osiyo mintaqasida gaz quvurlarini qurish va ishga tushirish to'g'risidagi bitimga imzo chekdilar.

Qozog'iston, O'zbekiston va Qirg'iziston 1998 yil 17 martda Sirdaryo havzasining suv-energetika resurslaridan foydalanish to'g'risidagi uzoq muddatli shartnomani imzoladilar. Bir yildan so'ng bu shartnomaga Tojikiston ham qo'shildi va 1998 yil 26 martda mazkur respublika va Yagona iqtisodiy hudud to'g'risidagi shartnomaning to'laqonli a'zosiga aylandi.

Mazkur yilning o'zida ushbu "to'rtlik" davlatlari **Markaziy Osiyo iqtisodiy hamdo'stligi tashkilotiga** asos soldilar. Bu tashkilot doirasidagi vazifalarni hal etish uchun Davlatlararo Kengash, Bosh vazirlar, tashqi ishlar vazirlari, mudofaa vazirlari Kengashi, tashkilotning ishchi organi-Ijroiya qo'mita kabi instituttsional tuzilmalar tashkil etildi. Bundan tashqari a'zo davlatlarining ulushlari hisobiga Markaziy Osiyo banki barpo etildi.

Markaziy Osiyo iqtisodiy hamdo'stligi tashkilotiga a'zo davlatlar boshliqlari 1999 yilning iyun oyida Bishkekda Bojxona ittifoqini tuzishga erishish to'g'risidagi fikrni ilgari surdilar. Bir yildan so'ng yesa Dushanbeda "Markaziy Osiyo iqtisodiy hamdo'stligining 2005 yilgacha mo'ljallangan integratsion rivojlanish Strategiyasi"ni tasdiqladilar. Ushbu hujjatda hamdo'stlikka a'zo mamlakatlar iqtisodiyotlari integratsiyasi har bir mamlakatning hayotiy muhim manfaatlari va xavfsizlik ehtiyojlaridan kelib chiqadigan ob'ektiv jarayon ekanligi ta'kidlandi.

Markaziy Osiyo iqtisodiy hamdo'stligiga a'zo davlatlar rahbarlari 2001 yil dekabrda Toshkentda bo'lib o'tgan uchrashuv chog'ida mintaqaviy integratsiya shakllari va mehanizmlarini takomillashtirish, mintaqada tinchlik va barqarorlikni ta'minlash bo'yicha birgalikdagi harakatlarni muvofiqlashtirish maqsadida Markaziy Osiyo iqtisodiy hamdo'stligini **"Markaziy Osiyo hamkorligi tashkiloti" (MOHT)** ga aylantirish to'g'risida qaror qabul qildilar. Almati shahrida 2002 yil 28 fevralda bo'lib o'tgan uchrashuvda esa Qozog'iston, Qirg'iziston, Tojikiston va O'zbekiston rahbarlari "Markaziy Osiyo hamkorligi tashkiloti"ni ta'sis etish to'g'risidagi shartnomani imzoladilar.

MOHT rahbarlarining uchrashuvlarida mintaqaviy integratsiya jarayonlarini faollashtirish, ushbu tashkilotga a'zo mamlakatlarda mavjud eng dolzarb muammolarni hal etish masalalariga alohida e'tibor qaratilmoqda.

O'zbekistonning Markaziy Osiyo mamlakatlari bilan savdo aloqalaridagi ijobiy holat shundan iboratki, respublikamiz ushbu mamlakatlar bilan tashqi savdoda **ijobiy salbdoga** ega.

O'zbekistonning Markaziy Osiyo mamlakatlari bilan tashqi savdo aloqalaridagi o'zgarishlar natijasida mintaqqa mamlakatlari bilan o'zaro savdo aloqalarining jami savdo aloqalaridagi salmog'ida tegishli o'zgarishlar yuz berdi.

O'zbekistonning Markaziy Osiyo mamlakatlariga bog'liqligini yanada kuchaytirish lozim, chunki Markaziy Osiyo mamlakatlari bilan savdo-iqtisodiy aloqalarni rivojlantirish O'zbekiston uchun qator afzalliklarga ega.

Birinchidan, respublikamiz geografik nuqtai nazardan **anklav davlat** hisoblanadi. Boshqacha qilib aytganda, O'zbekistondan bevosita dengiz yo'llariga

chiqish imkoniyati mavjud emas. Bu, o'z navbatida, transport xarajatlari bilan bog'liq muammolarni keltirib chiqaradi hamda mahsulot tannarxi va uning raqobatbardoshlik darajasiga salbiy ta'sir ko'rsatadi. Markaziy Osiyo mamlakatlari bilan savdo-iqtisodiy aloqalarni rivojlantirish esa katta transport xarajatlarini talab qilmaydi.

Ikkinchidan, Markaziy Osiyo O'zbekistonda ishlab chiqarilayotgan tayyor mahsulotlar uchun yirik bozor hisoblanadi. Respublikamizda ishlab chiqarilayotgan tayyor tovarlar **energiya va material sig'imini**ng yuqoriligi, sifat darajasining nisbatan pastligi ularning raqobatbardoshlik darajasiga salbiy ta'sir ko'rsatadi. SHu sababli tayyor mahsulotlarni xorij mamlakatlariga sotish ancha murakkab. Ichki bozor yetarli darajada to'ynmagan Markaziy Osiyo mamlakatlarida esa O'zbekiston - tayyor mahsulotlari raqobatbardosh hisoblanadi.

Uchinchidan, mintaqa mamlakatlarida bir turdagi tovarlarni katta miqdorda ishlab chiqarish imkoniyatlari mavjud. Paxta, meva, sabzavot, ko'mir, gaz, neft, oltin mintaqadagi davlatlarning deyarli barchasida ishlab chiqariladi. Ana shu tarmoqlarda mahsulot miqdori va sifatini belgilash bo'yicha kelishuvlarga erishish, bu mahsulotlarni qayta ishlash va ularni eksport qilish bo'yicha yagona siyosatni yurgizish maqsadga muvofiq. Agar mintaqadagi respublikalar jahon bozoriga alohida chiqsalar, ular o'zaro raqobatchiga aylanadilar, ularning birgalikda chiqishi mamlakatlar iqtisodiyotinig **bozor kon'nyukturasiga** bog'liqligini pasaytiradi va mahsulotlarning raqobatbardoshligini oshiradi.

To'rtinchidan, Markaziy Osiyo mamlakatlari bilan savdo-iqtisodiy aloqalarni rivojlantirish boshqa sohalarda ham hamkorlik munosabatlarining faollashuviga olib keladi. Natijada yirik mablag'lar talab etuvchi ulkan investitsiya loyihalarini amalga oshirish uchun moliyaviy resurslarni birlashtirish imkoniyati yuzaga keladi.

Ta'kidlash lozimki, savdo aloqalari mintaqada integratsion aloqalar rivojlanishi uchun asos bo'lib hisoblanadi. Savdo aloqalarining rivojlanishi esa, Markaziy Osiyoda bosqichma-bosqich erkin savdo zonolari, bojxona ittifoqi, umumiy bozor va yagona iqtisodiy hudud shakllanishiga ijobiy ta'sir ko'rsatadi.

Mintaqada iqtisodiy integratsiya jarayonlarining faollashuvi ishlab chiqarish samaradorligini oshirishga quyidagi yo'nalishlarda ta'sir ko'rsatadi:

- mintaqada integratsiya jarayonlarining chuqurlashuvi natijasida, eng avvalo, **milliy xo'jaliklarning tarmoq tarkibi** takomillashadi, chunki iqtisodiy hudud doirasida moddiy ishlab chiqarishning samarali tarmoqlarini tanlash va kapital qo'yilmalarni iqtisod qilgan holda import qilish maqsadga muvofiq bo'lgan mahsulotlar bo'yicha ishlab chiqarish quvvatlarini kengaytirishdan voz kechish imkoniyati paydo bo'ladi;

- mintaqaviy integratsion tashkilotga a'zo bo'lib kirgan har bir mamlakatda zamonaviy ixtisoslashgan ishlab chiqarish tarmoqlari shakllanadi. Buning natijasida ishlab chiqarish xarajatlari pasayadi, mahsulot ishlab chiqarishning texnik darajasi va sifati yaxshilanadi;

- fan va texnika sohasida yagona siyosat yuritish va integratsiyaning chuqurlashuvi natijasida fan-texnika taraqqiyotini jadallashtirish va uning natijalarini amaliyotga joriy qilish uchun qulay shart-sharoitlar yaratiladi;

- mintaqa doirasida tovarlar umumiy bozorining shakllanishi natijasida o'zaro tovar ayirboshlash hajmi oshadi. Yirik miqdorda ishlab chiqariladigan tovarlar bo'yicha yagona eksport siyosati yuritish natijasida esa ularning jahon bozorida mavqei yaxshilanadi, jahon bozori kon'yukturasidan o'z manfaatlarini yo'lida foydalanish uchun imkoniyat paydo bo'ladi;

- Markaziy Osiyo bo'yicha xizmatlar umumiy bozorining shakllanishi **gorizontal iqtisodiy aloqalar** rivojlanishini ta'minlaydi, qo'shma korxonalar, birlashmalar, firmalar tuzish imkoniyati yaxshilanadi. Natijada yangi, samarali xo'jalik aloqalari vujudga keladi va rivojlanadi;

- mehnat resurslari umumiy bozorining shakllanishi natijasida mamlakatlararo ishchi kuchi harakati faollashadi, kadrlar tayyorlash va ulardan foydalanish samaradorligi oshadi, bandlik tarkibi takomillashadi.

MDH mamlakatlari bilan **ikki va ko'p tomonlama hamkorlik munosabatlarini** rivojlantirish O'zbekiston tashqi siyosatining ustuvor yo'nalishlaridan biri hisoblanadi. Mamlakatimiz dastlabki yillardanoq Hamdo'stlik tashkil etish g'oyasini qo'llab-quvvatladi, uning muassislaridan biri sifatida qatnashdi.

1991 yilning dekabr oyida Belarus, Ukraina va Rossiya Federatsiyasi davlat rahbarlari Mustaqil Davlatlar Hamdo'stligini barpo etish to'g'risidagi bitimni imzoladilar. Bu bitimda Sobiq Ittifoqning xalqaro huquq va geosiyosiy tizim sifatida barham topganligi va MDH tashkil topganligi e'lon qilindi. Belarus, Qozog'iston, Rossiya Federatsiyasi, Tojikiston, Turkmaniston va Ukraina MDHga a'zo bo'lib kirdilar. 1992 yilda Armaniston, Moldova, Qirg'iziston va O'zbekiston, 1993 yilda Ozarbayjon va Gruziya MDHga a'zo bo'ldi.

MDH faoliyatining dastlabki yillarida (1991-1994 yillarda) Hamdo'stlikka a'zo mamlakatlarda milliy manfaatlar ustuvor o'ringa ega bo'ldi. Buning natijasida o'zaro tashqi savdo aloqalari sezilarli darajada zaiflashdi. MDH mamlakatlarining aksariyati uzoq xorij mamlakatlari bilan iqtisodiy hamkorlik munosabatlarini rivojlantirishga ustuvorlik berdilar. Ekspertlarning fikricha, Sobiq Ittifoq respublikalari o'rtasidagi iqtisodiy aloqalarning buzilishi natijasida ishlab chiqarish hajmi 35-40 foizga kamaydi.

MDH doirasida qabul qilingan dastlabki hujjat **Iqtisodiy ittifoq** to'g'risidagi hujjat hisoblanadi (1993 yil senyabr). Mazkur hujjatda iqtisodiy integratsiya jarayonlarini chuqurlashtirishning quyidagi asosiy bosqichlari belgidab berildi:

- davlatlararo (ko'p tomonlama) erkin savdo uyushmasi;
- bojxona ittifoqi
- tovarlar, xizmatlar, kapitallar va ishchi kuchi umumiy bozori;
- valyuta (pul) ittifoqi.

1994 yilning aprelida **erkin savdo zonasi**, 1994 yilning oktyabrida **to'lov ittifoqi** va Iqtisodiy ittifoqning doimiy faoliyat ko'rsatuvchi organi sifatida **Davlatlararo iqtisodiy qo'mita (DIQ)** tashkil etish to'g'risidagi bitim imzolandi.

Uzoq tarixiy rivojlanish mobaynida yuzaga kelgan chuqur integratsion aloqalar, ishlab chiqarishning mamlakatlar bo'yicha ixtisoslashuvi, korxona va tarmoqlar darajasidagi keng tarmoqli kooperatsiya, umumiy infratuzilmaning mavjudligi MDH tashkil topishining ob'ektiv asosi hisoblanadi.

MDH ulkan tabiiy, mehnat va iqtisodiy salohiyatga ega bo'lib, ular MDHga a'zo mamlakatlarga yirik raqobat afzalliklarini taqdim etadi va jahon iqtisodiyotida munosib o'rin egallashga imkoniyat yaratadi. Yer shari **hududining 16,3 foizi, jahon aholisining 5 foizi, jahon sanoat ishlab chiqarishining 10 foizi MDH hissasiga to'g'ri keladi.** Hamdo'stlik hududida jahon bozorida talab yuqori hisoblangan tabiiy resurslarining yirik zaxiralari mavjud. Faqat Rossiyada aniqlangan neft zaxiralari jahon neft zaxiralarining 13 foizini tashkil etadi. Ozorbayjonda bu ko'rsatkich 10 foizdan ko'proqqa. Qozog'iston va Turkmanistonda qariyb 10 foizga teng. Rossiyada jahon gaz zaxiralarining 35 foizi joylashgan bo'lsa, Ozarbayjon, Qozog'iston, Turkmaniston va O'zbekistonda birgalikda qariyb 20 foiz gaz zaxiralari joylashgan.

Toshko'mir va qo'ng'ir ko'mir ishlab chiqarish bo'yicha Rossiya, Ukraina va Qozog'iston jahonda ikkinchi o'rinni egallaydi. Olmos, boksit, mis, nikel, kobalt va qo'rg'oshin rudalarining asosiy zaxiralari Rossiyada joylashgan bo'lsa, temir rudalari, boksitlar va mis rudalarining yirik zaxiralari Ukraina, Qozog'iston va Gruziyada joylashgan. Rossiya va Belorusda eng yirik o'rmon hududlari (er sharidagi o'rmonlarning to'rtidan bir qismi) va kaliy tuzining eng yirik zaxiralari mavjud*.

Evropa va Janubiy-SHarqiy Osiyoni tutashtiruvchi eng qisqa quruqlik va dengiz (SHimoliy Muz okeani orqali) yo'li MDH hududidan o'tib, u XXI asrda eng muhim global iqtisodiy markazga aylanadi.

MDHning raqobatbardosh resurslari jumlasiga, shuningdek, arzon ishchi kuchi va energiya resurslarini kiritish mumkin. Hamdo'stlik bo'yicha har yili jahon elektr quvvatining 10 foizi ishlab chiqariladi va bu iqtisodiy o'sish uchun muhim shart-sharoit bo'lib xizmat qiladi.

MDHga a'zo mamlakatlar iqtisodiy integratsiyasining strategik maqsadlari xalqaro mehnat taqsimoti imkoniyatlaridan maksimal darajada foydalanish, barqaror ijtimoiy-iqtisodiy rivojlanishni ta'minlash uchun ishlab chiqarish ixtisoslashuvi va kooperatsiyasini rivojlantirish, Hamdo'stlikka kiruvchi barcha mamlakatlar aholisi turmush farovonligini yaxshilash hisoblanadi.

Garchi, MDH doirasida iqtisodiy integratsiyani chuqurlashtirish sohasida qator chora-tadbirlar amalga oshirilayotgan bo'lsa-da, unga a'zo mamlakatlar iqtisodiyotlarining integratsiyalashuvi past darajada qolmoqda. Sobiq Ittifoqda respublikalararo tovar aylanmasi ittifoqdosh respublikalar jami tashqi savdo aylanmasining 69 foizini, Yevropa Ittifoqida unga a'zo mamlakatlar o'zaro tashqi savdo aylanmasining jami tashqi savdo aylanmasidagi ulushi 62 foizni tashkil etsa, MDHda bu ko'rsatkich 28 foizga teng, xolos.

MDH doirasida qabul qilingan bitimlar va shartnomalarni muvaffaqiyatli amalga oshirish uchun quyidagi tamoyillarga amal qilinmoqda:

- integratsion aloqalarni rivojlantirish ixtiyoriylik asosida, ham ikki yoqlama, ham ko'p tomonlama shartnomalardan foydalanish yordamida bosqichma-bosqich amalga oshirilmoqda;

- hududiy integratsiya o'zaro manfaatdorlikka asoslanmoqda va hamkor davlatlarga ziyon yetkazmaslikka alohida e'tibor qaratilmoqda;

- zaruriyat tug'ilganda, MDH a'zolariga ularning ma'suliyati ostida va aniq iqtisodiy natijalarni ko'zda tutib jamoaviy yordam ko'rsatilmoqda;

- hamkor mamlakatlardagi iqtisodiy islohotlar rag'batlantirilmoqda va ularga har tomonlama yordam ko'rsatilmoqda;

- mamlakatlararo munosabatlarda bozor sub'ektlari orasidagi gorizont al oqalarga ustuvorlik berilmoqda, mikro darajadagi integratsion aloqalarni, iqtisodiy hamkorlikning yangi-yangi shakllarini keng ko'lamda rivojlantirish ko'zda tutilmoqda.

MDH doirasida iqtisodiy integratsiyaga to'sqinlik qilayotgan asosiy muammo tashkiliy-huquqiy asos va Hamkorlikka a'zo mamlakatlar o'zaro harakat mexanizmining takomillashmagani hisoblanadi. SHuningdek, MDHga a'zo mamlakatlar iqtisodiy salohiyatining turli darajada ekanligi, alohida mamlakatlar ijtimoiy-iqtisodiy rivojlanish darajasi o'rtasidagi tafovut, milliy qonunchilik hujjatlarining muvofiqlashtirilmaganligi kabi omillar ham integratsiya imkoniyatlarining cheklanishga olib kelmoqda.

Erkin savdo zonalarini tashkil etish, to'lov ittifoqini shakllantirish, yagona kommunikatsiya va axbarot makonini barpo etish, ilmiy-texnika va texnologik hamkorlikni takomillashtirish asosida umumiy iqtisodiy makonni shakllantirish orqali MDHga a'zo mamlakatlar o'rtasidagi integratsion aloqalarni yanada rivojlantirish mumkin. A'zo mamlakatlarning investitsiya salohiyatlari integratsiyasi va Hamdo'stlik doirasida kapital oqimini samarali yo'lga qo'yish eng muhim vazifalardan hisoblanadi.

Tayanch iboralar

- 1 Globallashuv
- 2 Globallashuv jarayoni
- 3 Baynalminallashuv
- 4 Kapital, valyuta va sug'irta bozori
- 5 Axborot tuzilmalari
- 6 Xalqaro bozor resurslari (moliyaviy texnologik boshqaruv)
- 7 Integratsiya
- 8 Integratsiya jarayoni
- 9 Iqtisodiy integratsiya
- 10 Xalqaro iqtisodiy integratsiya
- 11 Mikro darajadagi integratsiya
- 12 Makro darajadagi integratsiya
- 13 Iqtisodiy integratsiya asoslari
- 14 Erkin iqtisodiy zona
- 15 Valyuta ittifoqi
- 16 Xalqaro mexnat taqsimoti
- 17 Moliya kapitali
- 18 Xalqaro valyuta bozorining tarkibiy qismlari
- 19 Transmilliy kapital
- 20 Transmilliylashtirish
- 21 Xalqaro xamkorlik

22 Ishlab chiqarish soxalaridagi xalqaro xamkorlik (kooperatsiya, qo'shma korxona kontsortsium)

23 Ilmiy-texnika xalqaro xamkorligi

24 Mintaqa integratsiya

25 Xalqaro miqyosidagi integratsiya

26 Integratsion aloqalar

27 Markaziy Osiyo iqtisodiy xamdo'stligi tashkiloti

28 Erkin Savdo zonasi

29 MDH davlatlari orasidagi iqtisodiy integratsiya

O'z-o'zini tekshirish uchun savollar.

1 Globallashuv moxiyati, uning muommolari

2 Globallashuvning zamonaviy belgilari

3 Globallashuv jarayoni

4 Kapital, valyuta va sug'irta bozori

5 Axborot tizimlari (internet, uyali aloqa orqali integratsiyalashuv)

6 Xalqaro bozor resurslari (moliyaviy, texnologik, boshqaruv kabilar)

7 Integratsiya jarayonlari

8 Integratsiya xolatlarini rivojlanishi va integratsiya birlashmalarning paydo bo'lishi. Iqtisodiy integratsiya, Xalqaro iqtisodiy integratsiya, Mikro va Makrodarajadagi integratsiya

9 Iqtisodiy integratsiya asosi. Xalqaro mexnat taqsimoti, uning chuqurlashuvi, FTT, Milliy iqtisodiyotning ochiqligi darajasini ortib borishi

10 Xalqaro iqtisodiy integratsiya va rivojlanish bosqichlari

11 Xalqaro iqtisodiy integratsiya jadallashishning axborot va kommunikatsiya vositalarini ta'siri

12 Xalqaro iqtisodiy integratsiyani rivojlanishiga banklar, valyuta birjalari, brokerlik idoralari va boshqa moliyaviy institutlarni ta'siri

13 Xalqaro iqtisodiy integratsiyaga ta'sir etuvchi omillar

14 Globallashuv jarayonidagi integratsion birlashmalar va yangi tuzilmalar (Evropa Ittifoqi, NAFTA, OPEK, MDH, Jaxon banki, Osiyo tiklanish va taraqqiyot banki, Xalqaro moliya korporatsiyasi va boshqalar)

15 Globallashuv jarayoni va transmilliy kompaniyalar

16 Integratsion munosabatlarni amal qilish shakllari

17 Integratsiya yo'qolishlar: Mintaqa va Xalqaro miqyosidagi integratsiya

18 O'zbekiston va Markaziy Osiyo. O'zbekistonni mustaqillik yillarida Mustaqil Davlatlar Hamdo'stligi, Markaziy Osiyo xamkorlik tashkiloti, SHanxai xamkorlik tashkiloti, Iqtisodiy xamkorlik kabi xalqaro va xududiy integratsiya tashkilotlariga a'zo bo'lib kirishi

19 O'zbekiston va MDH

Tavsiya etilayotgan adabiyotlar

1 I.Karimov "Vatanimizning bosqichma-bosqich va barqaror rivojlanishini ta'minlash –bizning oliy maqsadimiz" T. "O'zbekiston" 2009

- 2 I.Karimov “O‘zbekiston XXI asr bo‘lag‘asida” Xavfsizlikka taxdid, barqarorlik shartlari va taraqqiyot kafolatlar. T. “O‘zbekiston” 1997
- 3 I.Karimov O‘zbekiston iqtisodiy isloxlatlarni chuqurlashtirish yo‘lida T. “O‘zbekiston” 1995
- 4 I.Karimov O‘zbekiston XXI asrga intilmoqda T. “O‘zbekiston” 1999
- 5 I.Karimov “2012 yil vatanimiz taraqqiyotini yangi bosqichga ko‘taradigan yil bo‘ladi” T-O‘zbekiston. 2012 yil.
- 6 I.Karimovning O‘zbekiston Respublikasi Mustaqillikning yigirma bir yilligiga bag‘ishlangan tantanali marosimdagi tabrik so‘zi T. Xalq so‘zi 1 sentyabr 2012 yil
- 7 O‘zbekiston Respublikasi Prezidenti I.Karimovning 2012 yilda mamlakatimizni ijtimoiy-iqtisodiy rivojlantirish yakunlari hamda 2013 yilga mo‘ljallangan iqtisodiy dasturning eng muhim ustuvor yo‘nalishlariga bag‘ishlangan Vazirlar Mahkamasining majlisidagi ma‘ruzasi. Xalq so‘zi 2013 yil 19 yanvar
- 8 N. To‘xliov va boshqalar O‘zbekiston iqtisodiyoti asoslari. O‘zbekiston Milliy Ensiklopediyasi. Davlat ilmiy nashriyoti. T. 2006
- 9 R. SHodiev. E. Maxmudov Jaxon iqtisodiyoti G‘ofur G‘ulom nomidagi nashriyot matbaa ijodiy uyi. T. 2005
- 10 N. Muxitdinova Inovatsionnye aspekty razvitiya natsionalnoy ekonomiki v usloviyax globalizatsii (Makrouroveniy) T. 2011 yil
- 11 N.Tuxliev Taraqqiyotning o‘zbek modeli. “O‘zbekiston Milliy ensiklopediyasi” davlat ilmiy nashriyoti. T-2012
- 12 B.Mamatov, K.SHarifxo‘jaeva O‘zbekiston iqtisodiyoti tarmoqlarida xorijiy investitsiyalarning o‘zlashtirish istiqbollari. T. Moliya ilmiy jurnali №3-2012

XII BOB. Rivojlangan mamlakatlar iqtisodiyoti

REJA:

§ 1. Rivojlangan mamlakatlarning guruhlanishi va o'ziga xos xususiyatlari

§ 2. Jahon iqtisodiyotida xalqaro korporatsiyalar

12.1. Rivojlangan mamlakatlarning guruhlanishi va o'ziga xos xususiyatlari

Rivojlangan bozor iqtisodiyotiga ega mamlakatlar jahon iqtisodiyotining asosiy sub'ektlari hisoblanadi. Bu mamlakatlar "rivojlangan" yoki sanoat jihatidan taraqqiy etgan mamlakatlar deb ataladi.

Rivojlangan mamlakatlarga xos bo'lgan asosiy xususiyatlardan biri daromadlarning aholi qatlamlari o'rtasida nisbatan tekis taqsimlanishi va mamlakat hududining bir tekis o'zlashtirilishi hisoblanadi. Bundan tashqari, ushbu mamlakatlar iqtisodiyoti ijtimoiy yo'naltirilganligi, xususan aholining kam ta'minlangan qatlamlarini qo'llab-quvvatlash, ilm-fanni rivojlanishga katta miqdorda mablag' sarflash (YaIMga nisbatan 2-3%) uning yutuqlarini ishlab chiqarishga joriy etilishi, tibbiyot, ta'lim, madaniyat sohalariga sarflanayotgan xarajatlarning yuqoriligi va atrof-muhit muhofazasiga ajratilayotgan sarf-xarajatlarning (YaIMga nisbatan 3-4%) yuqoriligi bilan ajralib turadi.

Rivojlangan mamlakatlarning jahon iqtisodiyotidagi o'rni quyidagi miqdor va sifat ko'rsatkichlar bilan ifodalanadi:

1. Miqdoriy ko'rsatkichlar²⁴:

- sanoat ishlab chiqarishi 57%
- qishloq xo'jaligining 40% i mamlakat hissasiga to'g'ri keladi.

2. Sifat ko'rsatkichlar:

- iqtisodiyotning ko'p tarmoqli tarkibga egaligi, xizmatlar sohasi YaIMda 60%dan ortiq
- tayyor mahsulot ishlab chiqarish 80%
- ilmiy-tadqiqot ishlanmalari va yuqori texnik mahsulotlar 90%
- aholi jon boshiga to'g'ri keluvchi YaIM hajmi 15ming dollardan 38ming dollargacha
- jamiyatning ijtimoiy tarkibida tabaqalashuv darajasining pastligi va yuqori turmush darajasiga ega o'rta sinf mavjudligi.

XXI asr boshlarida bozor iqtisodiyotiga ega mamlakatlar guruhi G'arbiy Yevropa, SHimoliy Amerika, Osiyo, Avstraliya va Okeaniyada joylashgan qirqa yaqin mamlakatlarni o'z ichiga oladi. Ularning 34 tasi Iqtisodiy hamkorlik va taraqqiyot tashkiloti (IHTT) a'zolari. Ushbu mamlakatlarni jahon iqtisodiyotida tutgan o'rniga qarab 3 guruhga bo'lish mumkin.

Birinchi guruh Rivojlangan yettilik mamlakatlari. AQSH, Yaponiya, Germaniya, Buyuk Britaniya, Frantsiya, Kanada, Italiya.

Klub tarixi: G6 klubi dastlab 1975 yil 15-17 noyabr kunlari [Rambuye](#) saroyida Frantsiya, AKSH, Buyuk Britaniya, GFR, Italiya va Yaponiya davlat rahbarlarining uchrashuvida (bunaka uchrashuvlar 70-yillarning boshlaridan shu davlatlarning Moliya Vazirlari doirasida o'tkazilib turilar edi) paydo bo'ldi.

G6ning kengayishi: 1976 yilda katta oltitalik o'z tarkibiga Kanada davlatini qo'shib oldi va katta yettilik deb atala boshlandi. 1991 yildan bu uchrashuvlar 7+1 doirasida Rossiya ham qo'shildi va 2002 yildan **katta sakkiztalik deb** atala boshlandi. Biroq aholining ijtimoiy-iqtisodiy rivojlanish darajasi bo'yicha Rossiya iqtisodiyoti rivojlangan davlatlar qatoriga kirmaydi.

²⁴ Ваҳабов А. В., Таджибаева Д. А., Хажибакиев Ш. Х. Жаҳон иқтисодиёти ва халқаро иқтисодий муносабатлар. Ўқув қўлланма Т. "Молия" 2011. 78-бет

“Katta sakkizlik” xalqaro tashkilot hisoblanmaydi va uning ustavi, kotibiyatiga ega emas, shuningdek “katta sakkizlik” doirasida qabul qilingan kelishuvlarning bajarilishi majburiy shartnomaviy tusga ega emas.

21-jadval

“Rivojlangan yettilik” davlatlarining aholisi va jahon YaIMdagi ulushi to’g’risida ma’lumot

№	Mamlakatlar	Maydoni (ming km ²)	Aholisi (mln kishi)	YaIM (trln.\$)	Milliy daromadi	Ishlab chiqarish tarmoqlari
1	AQSH	9629	314,9	15,075	48 450\$	Energetika, yoqilg'i energetika, metallurgiya, mashinasozlik, kimyo sanoati
2	Yaponiya	377,9	127,5	5,866	45 180 \$	energetika, metallurgiya, mashinasozlik, kimyo sanoati
3	Germaniya	357,1	81,9	3,607	43 980 \$	energetika, ko'mir sanoati, metallurgiya, mashinasozlik
4	Buyuk Britaniya	244,1	60,2	2,431	37 780 \$	energetika, yoqilg'i energetika, mashinasozlik, kimyo sanoati
5	Frantsiya	640 ,6	65,3	2,778	42 420 \$	energetika, metallurgiya, mashinasozlik
6	Italiya	301,3	60,8	2,198	35 330 \$	mashinasozlik
7	Kanada	9984 ,6	35	1,738	45 560 \$	energetika, yoqilg'i metallurgiya energetika

Manba: Xalqaro Valyuta Fondi hisob-kitobiga binoan muallif tomonidan tayyorlandi 2011.

Jahonda rivojlangan yettilik guruhidan alohida bo'lgan **“katta yigirmatalik”** mamlakatlar guruhi ham mavjud bo'lib, ushbu guruh dunyo yalpi milliy mahsulotining 90% ni, dunyo savdosining 80% ni va dunyo aholisining uchdan ikki qismini tashkil qiladi. G20 quyidagi davlatlardan tashkil topgan: Avstraliya, Argentina, Braziliya, Buyuk Britaniya, Germaniya, Yevropa ittifoqi, Hindiston, Indoneziya, Italiya, Kanada, Xitoy Xalq Respublikasi, Meksika, Rossiya, Saudiya Arabistoni, AQSH, Turkiya, Frantsiya, JAR, Koreya Respublikasi, Yaponiya.

Zamonaviy jahon moliyaviy- iqtisodiy inqiroziga qarshi kurash dunyo mamlakatlari olib borayotgan iqtisodiy siyosatni ko'p tomonlama muvofiqlashtirishni talab etadi. Bu borada jahon iqtisodiyotini xalqaro darajada samarali tartibga solishda “20 guruhi” alohida rol o'ynaydi. Ushbu guruh a'zolari tomonidan 2008-2011 yillarda Vashington, London, Pitsburg, Toronto, Seul, Parij sammitlari o'tkazildi.

Vashington sammiti. 2008 yil 15 noyabrda Vashington shahrida bo'lib o'tgan katta yigirmatalik davlatlari (G20) majlisida moliyaviy amaliyotlarni nazorat qilishni takomillashtirish

uchun milliy tizimlar ustidan qo'shimcha xalqaro hay'atlar tashkil etish g'oyasi muhokama etildi.

Aksariyat siyosatchilar xalqaro nazoratni kuchaytirish inqirozning to'xtashi uchun samarali vosita bo'lishiga ishonch bildiradilar. SHu bilan birga mazkur taklifga mutlaqo qarshi bo'lgan guruhlar ham mavjud. Ular moliyaviy tizimni nazorat qilishga urinish asrlar davomida shakllangan erkin iqtisodiy munosabatlarga zid, degan fikrdalar.

London sammiti. Ushbu sammitda "20 guruhi" mamlakatlari barqaror iqtisodiy rivojlanishni rag'batlantiruvchi barcha bozor tamoyillari va qadriyatlari masalalari bo'yicha yangi global konsepsiyaga erishish istagini bildirishdi. 2008 yil 2 aprelda London shahrida 20 mamlakat rahbarlari sammitida qabul qilingan qarorlar:

- jahon moliya bozori qatnashchilari (davlatlar, tijorat banklari, reyting kompaniyalari, auditor kompaniyalari, investitsion ,xedj fondlari) ustidan nazoratni kuchaytirish va yangi xalqaro moliya bozori ustidan nazorat qiluvchi organ tuzish;

- rivojlanayotgan mamlakatlarga krizisga qarshi chora – tadbirlar uchun 2012 yil oxiriga qadar 1,1 trln. Dollardan iborat mablag' jamlanadi va ular xalqaro valyuta ti shork Jahon banki orqali taqsimlanadi;

- hammasi bo'lib sammit qatnashchilari 2010 yil oxiriga qadar qo'shimcha krizisga qarshi chora – tadbirlar uchun 5 trln. Dollar mablag' sarflash va ushbu pullarni taraqqiy etgan va rivojlanayotgan mamlakatlarning bank tizimini tiklash, kambag'al mamlakatlarga moliyaviy yordam berish uchun yo'naltirish (100 mlrd. dollar);

- xalqaro valyuta fondini faoliyatini isloh qilish va ustav kapitali 250 mlrd. dollardan 750 mlrd. dollarga yetkazish. Xalqaro valyuta fondini turli shaklda moliyalashtirishda yigirmatalik davlatlarining qatnashuvi.

- xalqaro moliya instutlarining isloh etish (XVF) va moliyaviy barqarorlik forumi rolini kuchaytirish .

- offshor zona va moliyaviy markazlarga nisbatan kuchli sanksiyalarni qo'llash to'g'risida kelishib olindi.

Pitsburg sammiti. Pitsburg sammitida ishonchli, barqaror va muvozanatlashgan o'sishni ta'minlashga qaratilgan hamkorlikdagi chora – tadbirlarni belgilab beruvchi cheklangan kelishuvlar qabul qilindi. CHeklangan kelishuvlarni amalga oshirish mehanizmi o'zida a'zo mamlakatlar tomonidan iqtisodiy siyosat masalalarini o'zaro baholashni bildiradi.

Toronto sammiti. Ushbu sammitda keng miqyosda islohotlarni amalga oshirish muvofiqlashtirilgan iqtisodiy siyosat yurtishni talab etishi va o'rta muddatli istiqbolda quyidagilarga erishish mumkinligi ta'kidlab o'tildi:

- jahon ishlab chiqarish hajmini 4 trln AKSH dollariga yetkazish;
- 52 mln ishchi o'rmini yaratish;
- 90 mln kishini kambag'allik holatidan olib chiqish;
- Joriy operatsiyalar schyotidagi global manfiy muvozanatni qisqartirish.

"20 guruhi"ning rivojlangan mamlakatlari 2013 yilga borib davlat byudjeti kamomadini 2 barobarga qisqartirish va 2016 yilgacha davlat qarzining YaIM dagi ulushini barqarorlashtirish majburiyatini olishdi.

Seul sammiti. Seul sammitida makroiqtisodiy va valyuta siyosatini birgalikda olib boorish zarurligi ta'kidlandi. CHunki moliyaviy inqirozning chuqurlashuvi valyuta-moliya sohasida qarama-qarshiliklarni keltirib chiqardi. Jumladan, AKSH Xitoyni yuan kursini sun'iy ravishda pasaytirishda ayblasa, Xitoy va Yevropa Ittifoqining ba'zi mamlakatlari AKSHning iqtisodiyotga qo'shimcha 600mlrd. dollar mablag' sarflaganini tashqi savdodagi hamkor mamlakatlarning valyutalariga nisbatan dollar kursini pasaytirishga yo'naltirishda aybladi.

"20 guruhi" mamlakatlari Seul sammitida bozor orqali belgilanadigan valyuta kurslari tizimini o'rnatish yordamida barqaror iqtisodiy o'sishni ta'minlash, moliya bozorlari barqarorligini mustahkamlashga qaratilgan makroiqtisodiy siyosat yuritish majburiyatini olishdi.

Parij sammiti. Ushbu sammitda barqaror global tengsizliklarni bartaraf etish maqsadida quyidagi ko'rsatkichlarni tanlab olishga kelishildi:

-ichki makroiqtisodiy siyosat ko'rsatkichlari- byudjet kamomadi, davlat qarzining hajmi, xususiy jamg'armalar darajasi, xususiy qarz miqdori;

-tashqi iqtisodiy ko'rsatkichlar-savdo balansining holati, investitsiyalardan keladigan daromadlarning sof oqimi, bir tomonlama o'tkazmalar.

Kayd etib o'tilgan ko'rsatkichlar dinamikasi soliq, byudjet, pul-kredit, valyuta kursi siyosatini baholashda asos bo'lib xizmat qiladi. Bundan tashqari Parij sammiti qatnashchilari xalqaro valyuta tizimini mustahkamlashga qaratilgan ishchi dasturni qabul qilishdi.

Rivojlangan mamlakatlar iqtisodiy-siyosat maktablarida to'plangan boy tajriba, g'oya va dastaklarni mavjud iqtisodiy xolat va iqtisodiy rivojlanish modeli xususiyatlariga mos ravishda samarali qo'llashga harakat qilishadi.

Ikkinchi guruhni hududiy jihatdan nisbatan katta bo'lmagan, yuqori ijtimoiy-iqtisodiy rivojlanish darajasiga ega (Avstriya, Belgiya, Daniya, Niderlandiya, SHvetsiya va b.) mamlakatlar tashkil etadi.

Uchinchi guruhga "ko'chirib o'tkazilgan kapitalizm" mamlakatlari (Avstraliya, JAR, Yangi Zelandiya, Isroil kiradi).

Rivojlangan mamlakatlarda "aralash iqtisodiyot"ning bir nechta modellarini ajratib ko'rsatish mumkin:

Liberal (amerikacha) model – ushbu modelga xususiy mulkchilik, ishlab chiqarish, savdo, investitsiya, ishchi kuchidan foydalanish sohalarida bozor-raqobat mexanizmining ustuvorligi va ijtimoiy tabaqalanishning yuqori darajasi xosdir. Hukumat iqtisodiyotni makro va mikro darajada qonunlar chiqarish orqali soliq hamda pul-kredit siyosatini olib borish, raqobatni rivojlantirish, monopoliyalar hukmronligini cheklash, aholining ayrim ijtimoiy guruhlari manfaatlarini himoya qilish kabi maqsadlarda tartibga soladi. Ushbu model AQSH va Buyuk Britaniya

uchun xos bo'lib, hozirda Irlandiya va Italiyaning iqtisodiy tizimi ham ma'lum darajada liberal modelga yaqinlashmoqda.

Ijtimoiy-bozor xo'jaligi modeli (Germaniya) – ushbu model raqobatga asoslangan bozor mexanizmi rivojlangan ijtimoiy infratuzilmaga ega ijtimoiy bozor xo'jaligini o'zida aks ettiradi. Bu model tartibga solinmaydigan kapitalizm sharoitida jamiyatdagi ijtimoiy himoyaga muhtoj qatlamlarini (kam ta'minlanganlar, ishsizlar, yoshlar, kichik va o'rta firmalar) muntazam qo'llab-quvvatlashni ko'zda tutadi. Davlat yetarli daromad darajasini mustaqil ta'minlay olmaydigan ijtimoiy toifalarning iqtisodiy farovonligini ta'minlashda keng

qamrovli majburiyatlarni o'z zimmasiga oladi.

SHved modeli- ushbu modelda ijtimoiy konsensusga erishish maqsadida daromadlarni keng ko'lmda qayta taqsimlash asosida ijtimoiy kafolatlarni ta'minlashga erishiladi. Bu maqsadga erishishda umumjamiyat manfaatleri va xususiy sektor manfaatlarini muvofiqlashtirishga yordam beradigan kasaba uyushmalari va turli xil "erkin uyushmalar" muhim o'rin tutadi. Bu jarayon tadbirkorlar va kasaba uyushmalarining kelishuvlari hamda siyosiy kuchlarning muzokaralari vositasida amalga oshiriladi. Bundan tashqari, ushbu model iqtisodiy qarorlarning turli guruhlar qarama-qarshiligi va maqsadlarini davlatning faol ishtirokida muvofiqlashtirilishi orqali amalga oshirilishi tufayli "korporativ model" ham deb nomlanadi.

Yapon modeli – iqtisodiy rivojlanishning yapon modelini shved modelining yana bir ko'rinishi sifatida keltirish mumkin. Yapon modeli tartibga solinuvchi "korporativ kapitalizm" modeli hisoblanadi. Bunda xususiy kapitalni jamg'arish imkoniyatlari davlatning iqtisodiy rivojlanishini dasturlash, tarkibiy, investitsiya, tashqi iqtisodiy va ijtimoiy siyosat sohalaridagi faol roli bilan uyg'unlashib ketadi. Tadbirkorlik sektorida davlatning ulushi yuqori bo'lmaydi. Davlat asosiy e'tiborni uzluksiz kasbiy tayyorgarlik orqali ishchi kuchining malakasini oshirishga qaratadi.

Rivojlangan mamlakatlarning rivojlanishida globallashuv jarayoni yetakchi tendentsiya hisoblanadi. Ushbu mamlakatlarning eksport kvotasi, kapital qo'yilmalar tarkibida to'g'ridan-to'g'ri investitsiyalar ulushi, ishchilar tarkibida horijlik ishchilar ulushi, intellektual mulk savdosining hajmi ortib bormoqda. AQSH va Yaponiya eksportining geografik tarkibida

rivojlangan mamlakatlarning ulushi taxminin 50 % ni tashkil etadi. Keyingi yillarda ushbu mamlakatlar tashqi iqtisodiy geografiyasida rivojlanayotgan va o'tish iqtisodiyoti mamlakatlarining ulushi ortib bormoqda. Globallashuv natijasida rivojlangan mamlakatlarning o'zaro bir-biri bilan iqtisodiy bog'liqligidan tashqari, boshqa mamlakatlarga ham ortib bormoqda.

Rivojlangan mamlakatlarning iqtisodiy rivojlanishida yana bir muhim tendentsiya **integratsiya** hisoblanadi. Jahonning yetakchi davlatlari o'rtasida iqtisodiy munosabatlar faol, integratsion guruhlar va ularning a'zolari o'rtasida yanada jadal sur'atlarda rivojlanmoqda.

Rivojlangan mamlakatlarning iqtisodiy rivojlanishidagi muhim jihatlaridan biri iqtisodiyotga davlat aralashuvining kamayishi, iqtisodiyotning **erkinlashish jarayonidir**. Birinchi jahon urushidan XX asrning 80-yillariga qadar rivojlangan mamlakatlarda davlat tomonidan iqtisodiyotga aralashish darajasi davlat harajatlari va iqtisodiyotda davlat sektori ulushining o'sishi shaklida jadal sur'atlarda ortib bordi. Jahon iqtisodiyotida globallashuv va integratsiya jarayonlarining chuqurlashishi natijasida aksariyat rivojlangan mamlakatlarda davlat xarajatlarining YaIM dagi ulushi qisqarib bordi. Bundan tashqari, hususiy lashtirish, transport, aloqa, energetika, kommunal xo'jalik kabi tarmoqlarda davlat mulkini hususiy kompaniyalarning boshqaruv ixtiyoriga topshirish boshlandi.

XXI asrning boshlariga kelib rivojlangan mamlakatlar iqtisodiyotining tarkibi postindustrial tarkibga ega bo'la boshladi. Iqtisodiyot tarkibida birlamchi (qishloq xo'jaligi, qazib olish, o'rmon, baliqchilik), ikkilamchi tarmoqlar (sanoat, qurilish) qisqargani xolda uchlamchi tarmoqlar (xizmatlar sohasi) ulushi osha boshladi. XX asrning birinchi yarmida transport, savdo maishiy xizmat, ta'lim iqtisodiyotning asosiy xizmatlar sohasidagi tarmog'iga aylangan bo'lsa, ikkinchi jahon urushidan keyin xizmatlar ijtimoiy soha – ta'lim, fan, sog'liqni saqlash, jismoniy tarbiya va sport, madaniyat, san'at, uy-joy kommunal xo'jaligi ijtimoiy ta'minot hisobiga keyinchalik esa moliya xizmatlari, axborot-kommunikatsiya xizmatlari hisobiga jadal rivojlandi. Rivojlangan mamlakatlarda moliya sektori iqtisodiyot holatini ifoda etuvchi asosiy indikatorga aylanib bormoqda.

Rivojlangan mamlakatlarda davlat xarajatlarining ortishi byudjet taqchilliga va davlat qarzlarning vujudga kelishiga olib keldi. Yevropa mamlakatlarining aksariyatida davlat qarzi yalpi ichki mahsulotga nisbatan 50% dan oshadi, 2012 yilda Gretsiya, Italiya, Islandiya, Belgiyada 100%lik ko'rsatkichlardan oshib ketdi. Ushbu mamlakatlarda inflyatsiya darajasi o'zgarib turibdi.

Ijtimoiy soha rivojlangan mamlakatlarda aholining daromadlar bo'yicha tabaqalashuvidagi farqning qisqarishi kuzatildi. Aholi daromadlarining o'sishi bilan bir vaqtda boy va kambag'al qatlamlar daromadlaridagi farqlar qisqardi. Aholi daromadlarining keskin oshishi natijasida o'rta sinfning shakllanishi ijtimoiy tabaqalashuvning qisqarish sabalaridan biri hisoblanadi. SHuningdek ish vaqti davomiyligi va ishsizlik darajasi o'rtasida ham farq kuzatiladi. Aholi turmush darajasining yuqoriligiga qaramasdan bir ishchiga hisoblangan rasmiy ish soatlari 1800 soat atrofida. Ishsizlik darajasi 2012 yilda G'arbiy Yevropada Ispaniya 30%, Gretsiya (26)%, Italiya (20)% kuzatildi. Ishsizlik darajasi va iqtisodiy o'sish sur'atlari o'rtasida to'g'ridan-to'g'ri bog'liqlik mavjudligini Yaponiya misolida ko'rishimiz mumkin. 2010 yildagi iqtisodiy o'sish sur'atlarining pastligiga qaramasdan, yapon firmalari o'z ishchi, xizmatchilarini kamdan-kam hollarda ishdan bo'shatishadi.

Rivojlangan mamlakatlarda – xususan G'arbiy Yevropa mamlakatlariida demografik jarayonlarda umumiy aholi sonida keksa yoshlilar (65 yoshdan oshgan) – demografik vaziyat – aholining qarishi muammosi xaqida bormoqda. Agar keksalar sonining ulushi 12 % dan oshsa, ushbu mamlakatlar aholisi qariyotgan hisoblanadi. Masalan, G'arbiy Yevropada 15 %, AQSH 12 %, Yaponiya 15%ni tashkil etadi. Aholining qarishi pensiya to'lovlari, keksalarni parvarishlashni tashkil etish ularga tibbiy xizmat kabi qo'shimcha mablag'larni talab etadi. Aholining qarishi mahsulot ishlab chiqarish, xizmat ko'rsatish sohasiga jiddiy ta'sir o'tkazadi. G'arb iqtisodchilari aholi qarishi muammosini iqtisodiy salohiyatning pasayishi bilan baholaydi.

Jahon iqtisodiyotida xalqaro korporatsiyalar

BMT ekspertlarining fikricha Transmilliy korporatsiyalar (TMK) “Jahon iqtisodining dvigatellaridir”. 100ta eng yirik xalqaro kompaniyalarning 40% mulki (shu jumladan moliyaviy mulki) boshqa davlatlar hududida joylashgan. Transmilliy korporatsiyalarning asosiy kismi AKSH, Yel davlatlari, Yaponiya, Rossiyada joylashgan. TMK jahon sanoat ishlab chikarishining 40%igacha, xalqaro savdoning yarmini nazorat qiladilar. TMK korxonalarida ishlab chikarilgan mahsulotlarning miqdori yiliga 1 trln. Doll.dan oshib ketadi.

Xush, **transmilliy korporatsiyalar** nima, ularga qanaqa kompaniyalar kiradi? An’anaviy ravishda xalqaro korporatsiyalar faoliyatini o’rganadigan BMT uzoq vaqt mobaynida ularga yillik aylanmasi 100 mln. doll.dan oshuvchi va kamida 6 davlatda filiali bo’lgan firmalarni qo’shadi. Keyingi yillarda boshqa bir ko’rsatkich: rezident-davlatdan tashqarida sotilgan mahsulotlar miqdori kiritildi. Bu ko’rsatkich bo’yicha jahonda SHveytsariyaning “Nestle” firmasi (98%) ilg’orlardan biri sanaladi.

BMT metodologiyasiga ko’ra xalqaro korporatsiyani uning aktivlari strukturasi qarang ham aniqlash mumkin. Transmilliy korporatsiyalar ichida eng ko’p xorijiy aktivga (moliya sektori-transmilliy banklardan tashkari) Angliya-Gollandiya kontserni “Royal-Dutch shell”, keyin AKSHning 4 firmasi: “Ford”, “Jeneral motors”, “Ekson” va “IBM” egadirlar.

G’arb iqtisodiy adabiyotida xalqaro monopoliyalarning ko’plab turlarini uchratish mumkin: ko’pmilliy korporatsiyalar, baynalmilal korporatsiyalar, Transmilliy korporatsiyalar, global korporatsiyalar ti .k. F.Kotler tashkiliy tamoyillar asosida aynan ti shunday xalqaro kompaniyalarni ko’rsatadi.

Rossiyalik iqtisodchilar quyidagi klassifikatsiyani beradilar.

Transmilliy korporatsiyalar – bu xorijiy aktivga ega bo’lgan milliy monopoliyalalar. Ularning ishlab chikarish va savdo-sotik faoliyatlari bir davlat chegarasidan chiqib ketadi.

Korporatsiya deb AQSHda hissadorlik jamiyatini aytishadi. Zamonaviy Transmilliy korporatsiyalarning ko’pchiligi Amerika kompaniyalarining ekspansiyasi tufayli vujudga kelganligi tufayli bu termin kirib keldi.

Transmilliy korporatsiyalarning xuquqiy rejimi filiallar va shu’ba korxonalari tashkil ti shorkali turli davlatlarda faoliyat yuritishni nazarda tutadi. Bu kompaniyalar nisbatan mustaqil bo’lgan ishlab chiqarish va tayyor mahsulotlarni sotish, ilmiy tadqiqot, iste’molchilarga xizmat ko’rsatish xizmatlariga egadirlar.

Umuman ular yagona ishlab chiqarish-sotish majmuini tashkil etadilar va bu majmuada hissadorlik kapitalga faqat ta’sischi davlat egalik qiladi. SHu bilan birga filial va shu’ba korxonalari aralash korxonalar bo’lishi va ularda milliy kapital ustunlik qilishi mumkin.

Ko’pmilliy korporatsiyalar (KMK) – ishlab chikarish va ilmiy tadkikotchilik asosida bir necha davlat milliy korporatsiyalarini birlashtiruvchi xalqaro korporatsiyadir. Bunga 1907 yildan buyon mavjud bulgan Angliya – Gollandiya “Royal-Dutch shell” kontsermini ko’rsatish mumkin. Bu kompaniyaning hozirgi kapitali 60:40 nisbatda taqsimlangan. Ko’pmilliy korporatsiyalarga mashinasozlik, elektron injeneriyaga ixtisoslashgan, Yevropada mashhur SHveytsariya-SHVetsiya AVV (Asea Brown Boveri) kompaniyasini ko’rsatish mumkin. Yevropaning ilg’or Ko’pmilliy korporatsiyalari qatoriga Angliya-Gollandiya ximiya-texnologiya kontserni “Yunilever”ni ham qo’shish mumkin.

Tranmilliy va Ko’pmilliy korporatsiyalarga xalqaro kompaniyalar ichida ajralib turuvchi **global korporatsiyalarni (GK)** xam qo’shish kerak. Ular 80-yillarda vujudga keldilar va kuchga kirib bormokdalar. Global korporatsiyalar zamonaviy jahon moliya kapitalining butun qudratini namoyon qiladilar. Globalizatsiyaga ko’proq ximiya, elektrotexnika, elektron, neft, avtomobil, axborot, bank va boshqa bir necha sohalar moyildirlar.

Transmilliy korporatsiyalar paydo bo’lishiga sabab nima?

Ular paydo bo’lishining eng umumiy sababi milliy-davlat chegaralaridan chiqib ketgan ishlab chiqarish kuchlarining rivojlanishi asosida ishlab chiqarish va kapitalning baynalmilallashtirishidir.

Ishlab chiqarish va kapitalning baynalmilallashuvi yirik kompaniyalar tomonidan xorijda o'z bo'limlarini tashkil etishi va milliy korporatsiyalarning transmilliy korporatsiyalarga aylanishi orqali ekspansiya xarakteriga ega bo'ladi. Kapital olib chiqish xalqaro korporatsiyalarning shakllanishi va rivojlanishining eng muhim omiliga aylanmoqda.

Transmilliy korporatsiyalar vujudga kelishining aniq sabablari qatoriga haddan oshiq foyda olishga intilishni ko'rsatish mumkin. O'z navbatida, o'tkir raqobat, bu kurashda tirik qolish zaruriyati ham xalqaro miqyosda ishlab chiqarish va kapitalning kontsentratsiyasi va TMK paydo bo'lishiga olib keldi.

Jahon xo'jaligida ro'y beruvchi iqtisodiy jarayonlarning ob'ektiv natijasi sifatida vujudga kelgan transmilliy korporatsiyalar qator o'ziga xos xususiyatlarga ega. TMK xalqaro mehnat taqsimotining faol ishtirokchisi bo'lib uning rivojlanishiga o'z hissalarini qo'shadilar.

Transmilliy korporatsiyalar kapitalining harakati, odatda, korporatsiya joylashgan davlatda bo'layotgan jarayonlardan mustaqil ravishda ro'y beradi.

Transmilliy korporatsiyalar yirik investitsiyalar va yuqori malakali personal talab qiluvchi yukori texnologiyali, ilmtalab sohalarga kirib boradi. Bunda ushbu sohalarni transmilliy korporatsiyalar tomonidan monopoliya qilish tendentsiyasi sezilmoqda. Kapitalistik dunyo sanoat mahsulotining $\frac{3}{4}$ qismi 2 mingga yaqin eng yirik korporatsiyalar tomonidan ishlab chiqarilgan. Ularning bir necha yuztasi eng muhim mahsulotlarning 50%idan 80%igacha qismini ishlab chiqaradi.

500ta eng kuchli transmilliy korporatsiyalardan 85tasi barcha horijdagi investitsiyalarning 70%ini nazorat qiladilar. Bu 500 gigant elektronika va ximiyaning 80%, farmatsevtikaning 95%, mashinasozlikning 76% mahsulotini sotadilar. G'arb iqtisodchilarning prognozlariga ko'ra jahon xo'jaligida 300-600 transmilliy korporatsiyalar hukmronligi o'rnatildi. Bunda 300 korporatsiya jahon yalpi mahsulotining 75%ini nazorat qiladilar, o'z ishlab chiqarishlari va xizmatlarini sezilarli ravishda diversifikatsiya qiladilar. Masalan, SHvetsiyaning "Volvo" avtomobil kontserni hozirdayoq nafaqat avtomobil chiqarmoqda. Bu transmilliy korporatsiya SHvetsiyada 30 ta, xorijda bir necha o'nta turli ixtisosli yirik shu'ba korxonalariga ega bo'lib, katerlar uchun motorlar, aviadvigatellar, mahsulotlar ishlab chiqarmoqda. O'z navbatida AKSHning 500 eng yirik transmilliy korporatsiyalari o'rta xisobda 11 sohada, eng kuchlilari esa 30-50 sohada korxonalarga ega. 100 ilg'or sanoat firmalaridan Angliyada 96 tasi, Germaniyada-78tasi, Frantsiyada-84tasi, Italiyada-90tasi ko'p sohalidir.

Kuchli ishlab chiqarish bazasiga ega bo'lgan transmilliy korporatsiyalar ishlab chiqarishni, tovar bozorlarini samarali rejalashtirishni ta'minlovchi ishlab chikarish-savdo siyosatini yurgizadilar. Rejalashtirish bosh kompaniya doirasida amalga oshiriladi va shu'ba korxonalariga tarqatiladi.

Xalkaro korporatsiyalar vujudga kelishi va rivojlanishiga misol kilib, o'z qo'lida jahon kundalik elektr jihozlari va sanoat uskunolari bozorining 25%ini ushlab turgan "Elektrolyuks" TMKni ko'rsatish mumkin. 1912 yilda ikki shved kompaniyalarining birlashishi natijasida vujudga kelgan "Elektrolyuks" 20-yillardayok Avstraliya va Yangi Zelandiya bozoriga chiqib, u yerda o'z ishlab chiqarishini tashkil qildi. Oxirgi o'n yillikda "Elektrolyuks" AQSHda uchinchi o'rinda turuvchi, "Vestingauz", "Gibson" va boshqa markalar ostida kundalik texnika ishlab chiqaruvchi "Uayt Konsolideyted" kompaniyasini, Italiya va butun janubiy Yevropada eng yirik elektr tovarlari ishlab chiqaruvchi "Zanussi" firmasi va shuningdek GFR asosiy elektr tovarlari ishlab chiqaruvchi "AEG" firmasini sotib oldi.

Bu uch firmani ko'shib olganidan keyin "Elektrolyuks" 75 mamlakatda kundalik elektrotexnikani ishlab chikarish, sotish va xizmat ko'rsatish bo'yicha rivojlangan tizimga ega bo'lgan, o'z sohasida jahonda lider kompaniyaga aylandi.

O'z ekspansiyasini kengayтира borib, transmilliy korporatsiyalar jahon bozorini o'zlashtirishning turli shakllaridan foydalanadilar. Bu shakllar ko'p jihatdan shartnomaga asoslanadi va hissadorlik kapitalida boshqa firmalarning qatnashishiga bog'liq emas. **TMK iktisodiyotining bunday shakllariga ko'pincha quyidagilar kiritiladi:** 1) litsenziya berish; 2) franchayzing; 3) boshqaruv shartnomalari; 4) texnik va marketing xizmatlari ko'rsatish; 5)

korxonalarni “kalit ostida” topshirish; 6) vaqt bo'yicha cheklangan qo'shma korxonalar tuzish haqidagi shartnomalar va alohida operatsiyalarni amalga oshirish bo'yicha kelishuvlar.

Litsenzion kelishuv yuridik shartnoma bo'lib, unga ko'ra litsenziar litsenziantga bir qancha muddatga ma'lum to'lov evaziga ma'lum huquqlar beradi. Litsenziya berish transmilliy korporatsiyaning ichki firma shartnomalari bo'yicha ham, texnologiya berishning tashqi kanallari bo'yicha ham amalga oshiriladi.

Franchayzing-uzoq muddatga mo'ljallangan litsenzion kelishuvdir. Bunda franchayzer klient-firmaga ma'lum huquqlar beradi. Bu huquqlar o'z ichiga ma'lum to'lov evaziga savdo markasi yoki firma nomidan foydalanish, shuningdek texnik yordam ko'rsatish, ishchi kuchi malakasini oshirish, savdo va boshqarish bo'yicha xizmat ko'rsatishni oladi.

Texnik xizmat ko'rsatish shartnomaga ko'ra transmilliy korporatsiyalar ushbu firma faoliyatining qandaydir maxsus tomoniga bog'liq bo'lgan texnik xizmatlarni amalga oshiradilar. Ko'pincha bunday shartnomalar mashina va uskunalarni remont qilish, “nou-xau”dan foydalanish bo'yicha maslahatlar, avariylarni tugatish va sifatni nazorat qilish bilan bog'liq bo'ladi.

Korxonani “kalit ostida” topshirish haqidagi shartnomalar. Bunda transmilliy korporatsiya ma'lum ob'ektni rejalashtirish va qurish uchun zarur bo'lgan barcha (yoki asosiy ko'pchilik) faoliyatni amalga oshirish javobgarligini oladilar.

Transmilliy korporatsiyalar tomonidan xalqaro bozorlarni egallashning eng yangi shakllaridan biri xorijda maxsus investitsion kompaniyalar tashkil kilishdir. Bu kompaniyalarning vazifasi TMKning shu'ba va hamkorlikdagi korxonalarining mahsulotlarini mintaqaviy bozorlarga chiqarishni rag'batlantirish uchun ularni investitsiyalashdir. Bunday usuldan alkogolsiz ichimliklarni sotish bo'yicha eng yirik xalqaro kompaniyalar “Pesi-kola” va “Koka-kola” foydalanishadi.

Transmilliy korporatsiyalar zamonaviy jahon xo'jaligining muhim ishtirokchilariga aylandilar.

Sanoati rivojlangan davlatlar uchun aynan TMKlarining xorijdagi faoliyati ularning tashqi iqtisodiy aloqalarning xarakterini belgilab beradi. Bu davlatlar eksportida milliy kompaniyalarning o'zlarining xorijdagi filiallariga tovar yetkazib berishlari va xizmat ko'rsatishlarining ulushi kattadir.

12-chizma


MDH hududidagi eng yirik xorijiy aktivqa ega transmilliy korporatsiyalar



13-chizma

Ko'p xollarda TMK lar 3 ta yirik quruhga ajratiladi :



TMKlar mulkchilik shakllariga ko'ra 4 quruhga ajratiladi:

Transmilliy korporatsiyalarning sohaviy strukturasi ham turli tumandir. Xalqaro korporatsiyalarning 60%i ishlab chiqarish sohasida, 37%i xizmatda va 3%i qazib chiqarish va qishloq xo'jaligi sohasida faoliyat yuritadi.

Transmilliy korporatsiyalar investitsiyalarining mintaqaviy-sohaviy yunalishi juda xarakterlidir. Odatda ular, "yangi industrial davlatlar", nisbatan rivojlangan va rivojlanayotgan davlatlar qayta ishlovchi sanoatiga kapital quyadilar. Bunda kapital oluvchi davlatlar orasida investitsiyalar uchun raqobatchilik kurashi ro'y beradi.

Sust rivojlanayotgan davlatlarga nisbatan siyosat boshqacha - transmilliy korporatsiyalar bu yerda kapitalni qazib olish sohasiga quysalarda, ammo asosan bu yerga eksportni kuchaytirishga harakat qiladilar. Bu holda TMKlar o'rtasida mahalliy bozorni egallash uchun kurash boshlanadi.

Transmilliy korporatsiyalar u yoki bu davlatning xalqaro iqtisodiy aloqalar tizimidagi taqdirini aniqlovchi omilga aylanmoqda. TMKning faol ishlab chiqarish, investitsion, savdo faoliyati tufayli ular ishlab chiqarish va mahsulotlarni taqsimlashning xalqaro tartibga soluvchisiga aylanmoqda va hatto BMT ekspertlarining fikricha jahonda iqtisodiy integratsiyasiga sharoit yaratmoqda.

Transmilliy korporatsiyalarning jahon xo'jaligi va xalqaro iqtisodiy munosabatlar tizimidagi faoliyatining yaxshi tomonlarini aytganda, ularning faoliyat ko'rsatayotgan davlatlar iqtisodiyotiga negativ ta'sirini ham aytib o'tish lozim. Mutaxassislar quyidagilarni alohida ko'rsatadilar:

-TMK faoliyat ko'rsatadigan davlatlarning iqtisodiy siyosatini amalga oshirishga halaqit berish;

-davlat qonunlarini buzish;

-monopol narxlar o'rnatish, rivojlanayotgan davlatlarning xuquqini cheklovchi shartlarga majburlash.

Umuman, transmilliy korporatsiyalar- xo'jaliklararo aloqalarning doimiy e'tibor, o'rganish va xalqaro nazorat talab qiluvchi yetarli darajada murakkab va doimiy ravishda rivojlanib borayotgan fenomenidir.

Tayanch iboralar:

"rivojlangan yettilik" davlatlari

"katta sakkizlik"

"katta 20 lik"

SHved modeli

Yapon modeli

Liberal (amerikancha) model

Germaniya modeli

Franchayzing

Transmilliy korporatsiya
Xedj
Korporatsiya
Global korporatsiyalar
Ko'pmilliy korporatsiyalar
Konsensus

O'z-o'zini tekshirish uchun savollar

1. Rivojlangan mamlakatlarga xos bo'lgan asosiy belgilar
2. Rivojlangan mamlakatlarning asosiy iqtisodiy rivojlanishi ko'rsatkichlari
3. Rivojlangan mamlakatlar iqtisodiyotining modellari
4. Transmilliy korporatsiyalar nima?
5. Ularning qanday turlari mavjud?
6. TMK larning vujudga kelishining asosiy sabablari nima?
7. Tuxliev N. Taraqqiyotning o'zbek modeli "O'zbekiston Milliy entsiklopediyasi" Davlat ilmiy nashriyoti T-2012
8. TMK lar jahon bozorini o'zlashtirishning qanday shakllaridan foydalaniladi?
9. MDH hududidagi TMK lar

Tavsiya etiladigan adabiyotlar

1. O'zbekiston Respublikasi Prezidenti I. Karimovning 2012 yilda mamlakatimizni ijtimoiy-iqtisodiy rivojlantirish yakunlari hamda 2013 yilga mo'ljallangan iqtisodiy dasturning eng muhim ustuvor yo'nalishlariga bag'ishlangan Vazirlar Mahkamasining majlisidagi ma'ruzasi. Xalq so'zi 2013 yil 19 yanvar.
2. Gurova I.P. Mirovaya ekonomika . uchebnik. M.: Omega-L., 2007.
3. Ivanov N., Goffe N., Monusova G. Globalizatsiya i bednost'. Mirovaya ekonomika i mejdunarodnye otnosheniya. №9, 2010 . st.412.
4. Lomakin V.K. Mirovaya ekonomika uchebnik. M.: YuNITI-DANA , 2007. 671.
5. SHodiev R., Mahmudov E. Jahon iqtisodiyoti T., 2005
6. Vahabov A.V., Tadjibaeva D.A., Xajibakiev SH. X. Jahon iqtisodiyoti va xalqaro iqtisodiy munosabatlar. O'quv qo'llanma. "Moliya" 2011.
7. Mirsaidov M.S. Xalqaro iqtisodiy munosabatlar. T., "Iqtisod-moliya" 2007.
8. Doklad o mirovom razviti. Razvitie i izmenenie klimata jurnal. Vsemirnyy Bank Vashington. 2010 .

Saytlar:

1. www.wikipedia.org
2. www.economywatch.com
3. www.data.worldbank.org
4. www.mapsofworld.com
5. www.tradingeconomics.com

Reja:

§ 1. Rivojlanayotgan mamlakatlarning guruhlanishi va o'ziga hos xususiyatlari

§ 2. Neft eksport qiluvchi mamlakatlar

§ 3. Jahon iqtisodiyotida yangi industrial mamlakatlar

13.1 Rivojlanayotgan mamlakatlarning guruhlanishi va o'ziga hos xususiyatlari

XX asrning ikkinchi yarimlaridan boshlab xalqaro iqtisodiy munosabatlar rivojlanishining ko'proq ahamiyatli tomonlaridan biri, ularning sobiq koloniyalar va ularga qarashli territoriyalaridagi roli va ahamiyatini kuchaytirishdan iborat bo'lib xisoblanadi. Bu mamlakatlarni hozirda rivojlanayotgan mamlakatlar yoki ularni tez tez ozod etilgan mamlakatlar, "uchinchi dunyo mamlakatlari", "janub" mamlakatlari, "Periferiya" mamlakatlari sifatida ham tilga olishadi. "Rivojlanayotgan mamlakatlar" atamasi bir qadar shartli bo'lib, bularning ba'zilar siyosiy mustaqillikka 19 asrda, ba'zilar esa 20 asrning ikkinchi yarmida jahon urushi tugagandan keyingi o'n yilliklarda erishgan. Bunday mamlakatlarga Osiyo, Afrika, Lotin Amerikasi, Okeaniyadagi **125 mamlakatlar** hamda dunyoda rivojlanish darajasi past bo'lgan **40 ga yaqin mamlakatlar** kiritiladi. Ular yer yuzasining 60 foizi maydonini egallagan bo'lib, yer yuzi aholisining deyarli 80 foizi ushbu mintaqalarda istiqomat qiladi. Ularning umumjahon YaIMdagi xissasi 18 foizi, sanoat ishlab chiqarish 14 foizini tashkil etadi.

Osiyo, Afrika, mamlakatlarning ko'pchiligi o'tmishda Angliya, Frantsiya, Belgiya, Gollandiya, Germaniya, Portugaliya, Ispaniya kabi davlatlarning mustamlakalari edi. Rivojlanayotgan mamlakatlarga xos bo'lgan jihatlar quyidagilardan iborat:

- a) ichki ijtimoiy-iqtisodiy tuzilmadagi o'tish davri xususiyatlari (dualizm, ko'p ukldlilik);
- b) ishlab chiqarish kuchlarining past darajada rivojlanganligi (qishloq xo'jaligi, sanoat, xizmat ko'rsatish sohasidagi qoloqlik);
- v) jahon xo'jaligi tizimidagi qaramlik.

"Uchinchi dunyo" mamlakatlarining jahon xo'jaligida tutgan o'rni, ularning tabiiy boyliklarga mo'lligi, aholisi sonining ko'pligi bilan ajralib turadi. Bu mamlakatlarda sanoat hom ashyolarining mavjudligi.

- tabiiy resurslarning (mis, neft, gaz, nikel, boksit) 2/3 qismi;
- temir rudasi, uranning 1/3 qismi;
- volfram, marganets, qo'rg'oshinning 1/4 qismi mavjud.

Rivojlanayotgan mamlakatlar qimmatbaho ma'danlari, tabiiy resurslari bo'yicha dunyo zaxiralarida muhim o'rin egallaydi (bularga neftni eksport qiluvchi davlatlar). Rivojlangan mamlakatlarda foydali qazilmalar tekis joylashmagan. Foydali qazilmalar ushbu mamlakatlarga 45 ta sidagina mavjud.

Masalan energetika zaxralariga xam 2/3 qism mamlakat ega emas. V'etnam 25%, Marokash 20%, Pokiston 22%, Janubiy Kareya 30% ularni chetdan olib keladi. Jamiyatning ijtimoiy tarkibi rivojlangan mamlakatlardan keskin farq qiladi. Bu mamlakatlarda demografik portlash muommosi bilan birgalikda axoli daromadlari borasida kuchli ijtimoiy tabaqalashuv, rivojlanmagan ijtimoiy infratuzilma mavjud. Bularga ta'lim, sog'liqni saqlash, uy-joy kommunal xujaligi, savodsizlik darajasi juda yuqori bulgan davlatlar - ya'ni Braziliya 11%, Nigeriyada 3%, Xitoy 39%, Misr 29% kabi davlatlar kiradi.

Rivojlangan mamlakatlarni tavsiflashda quydagi ko'rsatkichlardan foydalaniladi.

- geografik joylashishi;

- sanoat maxsulotlarini ishlab chikarish rivojlanganligi;
- sanoat maxsulotlarining eksportdagi ulushi;
- iqtisodiy rivojlanish darajasi;

Rivojlanayotgan mamlakatlar iqtisodiy taraqqiyot darajasi eng past, o'rtacha, yuqori, daromad mezoni kabi toifalarga bo'lish bilan belgilanadi:

1. Eng past daromadli mamlakatlar – Afrikadagi mamlakatlarning ko'pchiligi, Osiyoda 10 tadan ortiq hamda Karib havzasidagi Gaiti kiradi.

2. O'rtacha daromadga ega bo'lgan mamlakatlar - Iordaniya, Eron, Yaman, Livan, Lotin Amerikasi, Karib havzasidagi davlatlarning aksariyati, Okeaniyadagi Papua Yangi Gvineya.

3. Yuqori daromadli mamlakatlar toifasiga ikki turdagi mamlakatlar kiradi. Bular:

- neft eksport qiluvchi mamlakatlar;
- yangi industrial mamlakatlar.

Rivojlanayotgan mamlakatlar guruhida aholi jon boshiga to'g'ri keladigan YaMD bo'yicha²⁵

- | | |
|-----------------------|-----------|
| 1. Singapur | 62.200 \$ |
| 2. Gonkong | 45.600 \$ |
| 3. Janubiy Korea | 30.200 \$ |
| 4. Saudiya Arabistoni | 24.200 \$ |

Aholi jon boshiga to'g'ri keladigan daromad 2010 yilda dunyodagi barcha mamlakatlarning umumiy yalpi ichki mahsuloti 65.144,4 mlrd dollarni tashkil etadi. SHundan:

- | | |
|---|------------------------------|
| - rivojlangan mamlakatlar | 38.133,5 mlrd \$ - 36.100 \$ |
| - rivojlanayotgan mamlakatlar | 15.613,9 mlrd \$ - 4.500 \$ |
| - rivojlanish darajasi past mamlakatlar | 1935,2 mlrd \$ - 1494 \$ |

(jahon bo'yicha o'rtacha 9832 \$)

2010 yilda ba'zi rivojlangan va rivojlanayotgan mamlakatlarda bir yilda aholi jon boshiga to'g'ri kelgan daromadlar (AQSH dollari hisobida):

- | | |
|-----------------|------------|
| 1. Lixtenshteyn | 122.000 \$ |
| 2. Qatar | 145.300 \$ |
| 3. Lyuksemburg | 81.200 \$ |
| 4. Norvegiya | 59.100 \$ |
| 5. Quvayt | 57.500 \$ |
| 6. Bruney | 50.300 \$ |
| 7. Monako | 33.000 \$ |

Bu ko'rsatkichlar o'zgarib turishi ham mumkin.

Jahon tajribasi shuni ko'rsatadiki, rivojlanayotgan mamlakatlarda qashshoqlikning yanada kengroq tarqalishi kuchayishiga olib keluvchi omil kam taraqqiy etgan holda mamlakatdagi boylar hamda kambag'allar o'rtasidagi tafovut o'sib borishidan iborat.

Rivojlanayotgan mamlakatlar aholisining 65% dan ortig'i qishloq joylarda istiqomat qiladi. SHunga ko'ra qishloq xo'jaligi YaIMning 14% ni, sanoati - 3% ni tashkil etadi. Rivojlanish darajasi past bo'lgan mamlakatlarda birlamchi hom ashyodan ishlab chiqarish yo'lga qo'yilgan bo'lib, ikkilamcha va uchlamchi tarmoqlar keyingi o'rinlarda turadi. Bu birlamchi xom ashyolar eksportining 65%ni tashkil etadi.

22-jadval

²⁵ Список стран по ВВП (ППС) Международной валютного фонда за 2010 год

Inson omili ko'rsatkichlari

Ko'rsatkichlar	Past darajada rivojlangan	Rivojla-nayotgan mamlakatlar	Rivojlangan mamlakatlar	Dunyo bo'yicha
O'rtacha umr ko'rish ehtimoli (yil hisobida)	59	64	78	66
Katta yoshdagi axolining savodxonlik darajasi (% hisobida)	49.2 (boshlang'ich ta'lim)	70.4 (boshlang'ich ta'lim)	98.6	77.6
YaIM (AQSH dollari hisobida)	1935.2	15613.9	38133.5	57937.460
YaIM ning aholi jon boshiga to'g'ri kelishi	1494	4543	36100	9852
Go'daklar o'limi koeffitsenti	77	65	13	60
Qishloq ho'jaligida band bo'lganlar (salmog'i)	76	60	4	48
Sanoatda band bo'lganlar (salmog'i)	-	16	33	20
Hizmat ko'rsatish sohasidagi bandlik	15	23	57	31

13.2. Neft eksport qiluvchi mamlakatlar.

Neft jaxonning 80 mamlakatida qazib chiqariladi. Bu ayrim davlatlar uchun xalqaro ixtisoslashgan soha hisoblanadi. Jahon neft sanoatining muhim xususiyatlaridan biri shundaki, neft zahirasining 4/5 qismidan ortig'i, qazib chiqarishning 1/2 qismiga yaqini rivojlanayotgan mamlakatlarga to'g'ri keladi. Ushbu mamlakatlar, neftni eksport qiluvchi mamlakatlar tashkiloti a'zolari, chetga neft chiqaruvchi asosiy mamlakatlardir. Bular yaqin va o'rta SHarq ya'ni fors ko'rfazi davlatlariga jahonda aniqlangan neft zahirasining 2/3 qismi to'g'ri keladi.

Neft qazib chiqaradigan mamlakatlar orasida birinchi o'rinni Saudiya Arabiston egallaydi (1 kunda 10.8 mln barrel) keyingi o'rinlarda Rossiya, Eron, Xitoy va boshqalar. Neftni eng ko'p eksport qiluvchi mamlakatlar ichida Saudiya Arabiston (kuniga 8.7 mln barrel) (Rossiya, Eron, BAA va boshqa mamlakatlar).

Dunyo bo'yicha eng ko'p tabiiy gaz qazib oluvchi davlatlar orasida Rossiya 1-o'rinni egallaydi (662 mlrd.m3) keyingi o'rinlarda AQSH, Kanada, Eron, Norvegiya, Aljir va O'zbekiston ham ma'lum o'rin egallaydi, eng ko'p tabiiy gaz zahirasiga ega davlatlar Rossiya (47.6 trln.m3) va undan keyingi o'rinlarda Eron, Qatar, Saudiya Arabistoni, AQSH, BAA va O'zbekiston 14 o'rinda turadi. Dunyoda neft eksport qiluvchi mamlakatlar tashkiloti ham mavjud.

OPEKning asosiy maqsadi a'zo mamlakatlar o'rtasida, neft siyosatini koordinatsiya qilish, neft ishlab chiqaruvchilar o'rtasida neft narxini haqqoniy va barqaror saqlashdan iborat. OPEKka a'zo bo'lish uchun mamlakatlar uning 3/4 qism a'zolari roziligini olishlari kerak. OPEK Neft bozorini nazorat qilmaydi, lekin a'zo davlatlar dunyodagi neft xom ashyosining 41 %ini va gaz xom ashyosining 18 %ini ishlab chiqaradi. SHu orqali neft bozorida katta ta'sir kuchiga ega, ayniqsa bu kuch neft qazib chiqarish miqdorini kamaytirganda yaqqol ko'rinadi. OPEK butun dunyo neftining 8 %ini iste'mol qiladi. Hozirgi kunda uning neft zahiralari 800 mlrd. barreldan ko'proq.

OPEK 1960 yil tashkil etilgan. SHtab kvartirasi Venada joylashgan. Hozirda uning 11 ta a'zosi bor. Ular: Jazoir, Eron, Quvayt, Qatar, Iroq, Liviya, Birlashgan Arab Amirliklari, Nigeriya, Saudiya Arabistoni, Venesuela, Indoneziya.

13.3.Jahon iqtisodiyotida yangi industrial mamlakatlar.

“Yangi industrial mamlakatlar” Lotin Amerikasi, Janubiy SHarqiy Osiyo mamlakatlari yetakchi o'rinni egallab, jahon iqtisodiga shiddat bilan kirib kelishdi. Bir davlatni yangi industrial mamlakat jumlasiga qo'shish uchun umumiy mezon yo'q. Lekin ba'zi olimlarning fikricha sanoat tovarlari ishlab chiqarish yuqori o'rinni egallaydi bular (Braziliya, Meksika, Argentina, Hindiston, Singapur, Indoneziya, Janubiy Korea, Tayvan, Gankong va h.k.) “Osiyo yo'lbarlari”ning iqtisodiyotdagi keskin burilishi o'z rivojiga, eksportida yuqori natijalarga erishdi. Yangi industrial mamlakatlar o'z tarixida inflyatsiyadan deyarli qiynalmadilar, ularda ishsizlar deyarli bo'lmadi, aholining hayot darajasi juda yuqori bo'ldi. Ularning eksporti AQSH va Yaponiyaga qaratilgan iqtisodiy hamkorlik tashkilotiga a'zo mamlakatlarning umumiy importida bu mamlakatlarning ulushi 7 %, AQSH importida 14% gacha, Yaponiya importida 11 %ni tashkil etdi.

Yangi industrial mamlakatlarning Amerika bozoriga moslashganligini to'qimachilik mahsulotlari kiyim-kechaklar importida ularning ulushi 46 %, maishiy texnikada 37 %ni tashkil qilganidan bilsa bo'ladi. AQSH bozoriga sanoat mahsulotlarining oqib kirishi ko'p jihatdan Amerika va Yaponiya Transmilliy kompaniyalar faoliyati natijasi hisoblanadi. Rivojlangan davlatlar Yangi industrial mamlakatlardagi imtiyozli tadbirkorlik sharoitidan foydalanishadi. Ya'ni raqobatbardosh mahsulotlar ishlab chiqarish uchun arzon ishchi kuchi va xom ashyo, soliq imtiyozlari aynan shu mamlakatlarning manfaatlari ular iqtisodiyotidagi ustuvor yo'nalishlarga tashqi savdo tuzilishiga ta'sir ko'rsatishi bejiz emas.

Sanoat mahsulotlari eksporti ulushi Gonkong 96%, Janubiy Koreya 85%, Hindiston 60%, Singapurda 45%, Braziliyada 33%, Argentina va Meksikada 26%ni tashkil etadi.

Yangi industrial mamlakatlarning **asosiy tavsiflari:**

- aholi jon boshiga to'g'ri keladigan YaIMning miqdori;
- YaIMning o'rtacha yillik o'sish surati;
- YaIM tarkibidagi qayta ishlash sanoatining umumiy miqdori. U 20% atrofida bo'lish kerak;
- chiqariladigan tovarlar umumiy miqdoriga nisbatan sanoat mahsulotlarining ulushi va eksport miqdori;

- xorijiy mamlakatlarga chiqariladigan to'g'ridan-to'g'ri xususiy investitsiyalarning miqdori.

Yangi industrial mamlakatlar iqtisodiyoti rivojlanishining **asosiy omillari:**

1. Birinchi navbatda xorijiy investitsiyalarni jalb etish hamda tashqi savdoning o'sishiga zarur bo'lgan sharoitlarning yaratilganligi.

2. Eksportdan tushgan daromadlar tarmoqlarni rivojlantirish va qayta ta'mirlash uchun foydalanilganligi.

3. Sanoati rivojlangan mamlakatlardan texnika-texnologiyalarning ko'p jalb qilinganligi.

Yangi industrial mamlakatlarning modellari:

1. Janubiy sharqiy Osiyo industrial mamlakatlari modellari – Milliy iqtisodiyotni tashqi bozor va eksportga tomon yo'naltirilganligi.

2. Lotin Amerikasi yangi industrial mamlakatlarning modeli – import o'rnini egallashga qaratilgan.

Janubiy SHarqiy Osiyo yangi industrial mamlakatlarni Lotin Amerikasi yangi industrial mamlakatlariга nisbatan tezroq rivojlanishiga asosiy sabablari quyidagilardan iborat:

- geografik o'rni;
- siyosiy demokratik o'rni;
- aholisiga xos tartiblilik, matonatlilik va intiluvchanlik kabi noiqtsodiy omillar.

SHu nuqtai nazardan **Malayziya** tashqi savdo ko'rsatkichlari ancha ibratlidir. Mamlakat importining katta qismini oraliq tovarlar tashkil etadi. **Oraliq tovarlar yakunlovchi operatsiyalarning bajarish uchun chetdan keltirilgan keyin xalqaro bozorga chiqariladigan tovarlar tushuniladi.** SHuning uchun eksportda qayta ishlovchi elektron sanoat mahsulotlari yetkachi rolb o'ynaydi. Kauchuk, pal'ma yog'i, ishlov beruvchi sanoat mahsulotlari, gazlama, kiyim- bosh, poyafzal, elektron mahsulotlari va boshqalar tashkil etadi.

Janubiy Korea iqtisodiyotining tez sur'atlar bilan rivojlanishida eksport g'oyatda muhim ahamiyat kasb etadi. Mamlakat hukumati litsenziya, qarz berish, importni kreditlash asosida eksport mahsulotlarini ishlab chiqarishni kengaytirish bilan tashqi bozorga mo'ljal olish yo'lidano'g'ishmay bordi. Natijada milliy firmalar orasida raqobat kuchaydi, eksport mahsulotlari ishlab chiqarishni kuchaytirish "o'ziga xos" tarzda rag'batlantirildi. Janubiy Korealik iqtisodchi B.Songning aytishicha, Hukumat ko'rsatkichlarini bajarmagan yoki uning rejasiga mos ish yuritmagan korxonalar iqtisodiy infratuzilmadan uzib qo'yilgan (suv, elektr energiya berish to'xtatilgan). Mutaxassislarning fikricha bu mamlakatlarning iqtisodiy rivojlanish cho'qqisiga chiqishiga asosiy sabab, ularning qulay geografik mintaqada joylashganligidir. M: Gonkong qadimdan Xitoyga borishdagi **Janubiy darvoza** vazifasini o'tagan.

Tinch va Hind okeanlari tutashadigan **Singapurni** har doim sharqning **G'arbiy darvozasi**, deb atashgan. Mutaxassislarning fikricha, ushbu mamlakatlarning rivojlanishida ko'pgina omillarning uyg'unlashuvi uddaburonlik bilan yuritilgan soliq siyosati alohida ajralib turadi.

Bu siyosat **Gonkong** va **Singapura** ko'pgina chet-el savdo sotiq, sanoat kompaniyalarini moliya kapitalini jalb qilishiga imkon berdi. Janubiy Koreya, Singapur, Gonkong va Tayvanga yirik g'arbiy biznesni tortgan magnit bu **ishchi kuchining arzonligidir.** M: birgina kiyim-bosh ishlab chiqaradigan korxonada ishchi kuchi qiymati AQSHda 19 \$, Koreyada 9 \$, Indoneziyada 6 \$, Turkiyada 5 dollarni tashkil etadi.

Yangi industrial mamlakatlar jahon iqtisodiyoti rivojining yangi zamonaviy bosqichidan uddaburonlik bilan foydalandilar:

- iqtisodiyotning internatsionallashuvi, xalqaro mehnat taqsimotining yanada rivojlantirilishi;
- yirik ko'lamli ishlab chiqarishdan mayda seriyali ishlab chiqarishga o'tish;
- ishlab chiqarishni bir joyga to'planishidan chiqarish, mayda, o'rtacha korxonalar ahamiyatini oshirish;
- mulkchilik shakllarining ko'pligi;
- inson omilining roli oshganligi iqtisodining intellektuallashishi, fan yutuqlariga tayanishi.

Ushbu mamlakatlar yuksalishida Yaponiya alohida rol o'ynaydi, chunki kapitalni joylashtirish juda qulay. Yaponiya bo'yicha mutaxassis Ronald Morzening fikricha "Yaponiya yangi mamlakatlarning iqtisodiy kuchayishiga yordam berdi, hamda siyosiy strategik tayanchga ega bo'ldi". Vaqt o'tishi bilan ushbu mamlakatlar murakkab texnologiyalarni yaratish, fan yutuqlariga asoslangan ishlab chiqarishning rag'batlantirishning, malakali kadrlar tayyorlash uchun katta mablag'lar sarflashni, ishlab chiqarishni avtomatlashtirishda AQSH, Germaniya, Yaponiya bilan jiddiy raqobatchiga aylandi.

Mamlakatda demokratiyani rivojlanishining muhim shartlaridan biri aholining farovonligini muayyan darajaga yetkazishdir. "AQSH ning ulug'vorligi – farovonligi oqibati" degan xitoy maqoli bor. Demokratiya – aqlning ulug'vorligini ya'ni sening e'tiqodining va

manfaatlarga zid bo'lsa ham murosaga borishga, kelishishiga tayyorgarlikni bildiradi. Bu esa aholining farovonlik darajasi yuqori bo'lishini hech bo'lmaganda umumiy surunkali ocharchilik bo'lmashligini taqozo etadi.

Yangi industrial mamlakatlar iqtisodiyoti rivojining yanada muhim sabablaridan biri umumiy ta'lim va kasbiy tayyorgarlik tizimini rivojlantirishga katta e'tibor berilishidir.

Amaliyot shuni ko'rsatmoqdaki, transmilliy korporatsiyalar "uchinchi dunyo" mamlakatlarining rivojlanishida yuksak ahamiyat kasb etmoqda. Bular quyidagilarni o'z ichiga oladi: Bir qator tarmoqlarda qullaniladigan texnika va texnologiyalar yetkazib berish (engil sanoat, to'qimachilik sanoati, elektron sanoati).

Transmilliy korporatsiyalar investor sifatida ham, shuningdek investitsiya tovarlari yoki texnologiyalarini (litsenziyalarini) yetkazib beruvchilar sifatida ham muhim rol o'ynaydi. Rivojlanayotgan mamlakatlarni xom ashyo eksport qiluvchilardan tayyor mahsulotlarning sotuvchilarga aylantirish. Bunday bevosita qo'yilma, rivojlanayotgan mamlakatlar ishlab chiqarishdagi tarkibiy o'zgarishlar uchun to'g'ridan to'g'ri investitsiyalar yo'nalishidagi moliyaviy resurslarni oddiy joylashtirishga nisbatan ancha muhim hisoblanadi. SHu jumladan, transmilliy korporatsiyalar an'anaviy jarayonlarining tezlashuvini ta'minlaydi. Texnologik innovatsiyalar asosan sanoati rivojlangan mamlakatlarda to'plangan bo'lib, so'nggi 10 yilliklarda ular bir qator mamlakatlarda, asosan "yangi industrial muhitda" ko'proq tarqalgandir. Texnologiyalarni qo'llanishi, atrof-muhit bilan bog'liq bo'lishi mumkin. TMK filiallarining faoliyati ular tanlagan mamlakatlarning tabiati uchun, shuningdek insonlarning manfaati va ularning hayotiga tahdid solmasligi lozim. SHu munosabat bilan xususiy, shuningdek xorijiy korxonalar ustidan nazoratni o'rnatish maqsadida rivojlanayotgan mamlakatlardagi tartibot milliy organlarining faoliyatini kuchaytirishni talab etadi.

Rivojlanayotgan mamlakatlardagi kambag'allik muammosi. Jahon iqtisodiyotidagi eng dolzarb muammolardan biridir. Jahon banki kambag'allikni aniqlashda uy xo'jaliklarida aholi jon boshiga to'g'ri keluvchi daromadlar va xarajatlar ko'rsatkichidan foydalanadi. Aholi xarajatlari:

- insonning oziq-ovqatga bo'lgan minimal ehtiyojlari;
- yashash minimumiga mos keluvchi tovarlar va xizmatlar uchun xarajatlar.

Bir kunda bir kishi 1.25 dollar (harid qobiliyati bo'yicha) oshmaydigan mutlaq kambag'allik tushunchasi.

Hozir dunyoda 1.4 mlrd kishi ushbu chegarada yashamoqda. Rivojlanayotgan mamlakatlarda aholining 31%i kambag'allik darajasidan past darajada yashaydi. Zambiya 64%, Niger 78%, Liberiya 84%, Nepal 68%, Bangladesh 58%.ni tashkil etadi.

Jahon banki bashoratiga ko'ra 2015 yilga borib, 1 dollardan kam daromadga yashayotgan aholining jahon aholisi tarkibidagi ulushi 10.2%ga qadar pasayadi. 2005 yil 27.9% bo'lgan. Rivojlanayotgan mamlakatlarda kambag'allikning kamaytirish yo'llari:

- bir qator iqtisodiy o'sishni ta'minlash;
- ishlab chiqarish hajmining ortishi va ish haqining o'sishi;
- yangi ish joylarini ochish va bandlikni o'sishi;
- ta'lim, sog'liqni saqlash tizimlarining rivojlanishi;
- inflyatsiyaning barqarorlashuvi.

Bu har bir mamlakatdagi ichki holat va olib borilayotgan iqtisodiy siyosatga bog'liq.

Rivojlanayotgan mamlakatlarda turmush darajasi pastligining asosi quyidagilar bilan belgilanadi:

- oziq-ovqatni yetarlicha iste'mol qilmaslik;

- aholi jon boshiga to'g'ri keladigan daromadlarning kamligi;
- uy-joy sharoitlarining nobopligi;
- yuqori darajadagi kasallanish;
- ta'lim darajasining pastligi;
- yuqori darajadagi bolalar o'limi;
- umidsizlik kayfiyati.

Rivojlanayotgan mamlakatlarning jahon xo'jaligidagi rolining ortib borishi **uzoq muddatli tendentsiyaga ega**. Keyingi yillarda Rivojlangan mamlakatlarga nisbatan yuqori iqtisodiy o'sish sur'atlarga ega bo'lishgan.

Rivojlanayotgan mamlakatlarda barqaror rivojlanish tendentsiyasi quyidagi sabablar bilan belgilanadi.

- byudjet taqchiligining yuqori emasligi;
- boshqariladigan davlat qarzi;
- barqaror bank tizimi;
- past tsiklik ishsizlik;
- barqaror o'sish sur'atlari;

Rivojlangan mamlakatlarda aksincha, byudjet taqchiligining yuqoriligi, davlat qarzining kattaligi, bank tizimidagi muammolar, ishsizlik darajasining yuqoriligi.

Rivojlangan va rivojlanayotgan mamlakatlar o'rtasidagi iqtisodiy farqni bartaraf etishning **strategik vositasi** – bu sanoatlashtirish siyosatidir.

Ular amaliyotida 3 xil sanoatlashtirish dasturi qullanilgan:

1. Sanoatning asos (bazis) tarmoqlarini rivojlanishi (Jazoir, Efiopiya, Misr, V'etnam) orqali ist'mol tovarlari ishlab chiqarishini yo'lga qo'yish.
2. Import o'rmini qoplash siyosati – og'ir sanoat tarmoqlarini rivojlanishi, xorijiy kapitalni cheklash orqali milliy iqtisodiyotni rivojlanishi (Lotin Amerikasi mamlakatlari).
3. Eksportga yo'naltirilgan siyosat – tovar ishlab chiqarishga ixtisoslashish (Janubiy SHarqiy Osiyo mamlakatlari).

Tayanch iboralar

rivojlanayotgan mamlakatlar
 janub mamlakatlari
 periferiya mamlakatlari
 yuqori daromadli mamlakatlar
 past daromadli mamlakatlar
 o'rtacha daromadli mamlakatlar
 neft eksport qiluvchi mamlakatlar
 ko'p ukladlilik
 inson omili ko'rsatkichi
 kambag'allik muammosi
 yangi industrial mamlakatlar
 sanoatlashtirish siyosati
 byudjet taqchilligi
 barqaror rivojlanish
 demografik portlash muammosi

O'z-o'zini tekshirish uchun savollar

1. Rivojlanayotgan mamlakatlar qanday guruhlanadi?
2. Iqtisodiy taraqqiyot darajasiga ko'ra qanday toifalarga bo'linadi?
3. Rivojlanayotgan mamlakatlarda inson omili ko'rsatkichlari nimalardan iborat?
4. Neft' eksport qiluvchi mamlakatlar?
5. OPEK qanday tashkilot?
6. Kambag'allik muammosi nima?
7. Kambag'allik muammosini hal etish yo'llari qanday?
8. Yangi industrial mamlakatlarning umumiy tavsifi?
9. Ular qanday guruhlanadi?
10. Rivojlanayotgan mamlakatlarda barqaror rivojlanish tendentsiyasi qaysi sabablarga ko'ra aniqlanadi ?

Tavsiya etiladigan adabiyotlar

1. O'zbekiston Respublikasi Prezidenti I.Karimovning 2012 yilda mamlakatimizni ijtimoiy-iqtisodiy rivojlantirish yakunlari hamda 2013 yilga mo'ljallangan iqtisodiy dasturning eng muhim ustuvor yo'nalishlariga bag'ishlangan Vazirlar Mahkamasining majlisidagi ma'ruzasi. Xalq so'zi 2013 yil 19 yanvar.
2. Gurova I.P. Mirovaya ekonomika . uchebnik. M.: Omega-L., 2007.
3. Ivanov N., Goffe N., Monusova G. Globalizatsiya i bednost'. Mirovaya ekonomika i mejdunarodnye otnosheniya. №9, 2010 . st.412.
4. Lomakin V.K. Mirovaya ekonomika uchebnik. M.: YuNITI-DANA , 2007. 671.
5. SHodiev R., Mahmudov E. Jahon iqtisodiyoti T., 2005
6. Vahabov A.V., Tadjibaeva D.A., Xajibakiev SH. X. Jahon iqtisodiyoti va xalqaro iqtisodiy munosabatlar. O'quv qo'llanma. "Moliya" 2011.
7. Mirsaidov M.S. Xalqaro iqtisodiy munosabatlar. T., "Iqtisod-moliya" 2007.
8. Doklad o mirovom razvitii. Razvitie i izmenenie klimata jurnal. Vsemirnyy Bank Vashington. 2010 .
9. Iminov O. Yangi iqtisodiyot: o'tmish, bugun, kelajak, Risola. – T.: “Akademiya”, 2012.
10. www.wikipedia.org
11. www.economywatch.com
12. www.data.worldbank.org
13. www.mapsofworld.com
14. www.tradingeconomics.com

XIV BOB. O'TISH DAVRIGA XOS BO'LGAN MAMLAKATLAR IQTISODIYO TI

Reja:

§ 1. O'tish iqtisodiyoti mamlakatlarining xususiyatlari

§ 2. Markaziy va SHarqiy Yevropa mamlakatlari

§ 3. Mustaqil davlatlar hamdo'stligi (MDH) mamlakatlari iqtisodiyoti

§ 4. O'zbekiston va o'tish iqtisodiyoti mamlakatlari iqtisodiy hamkorlik aloqalari

14.1. O'tish iqtisodiyoti mamlakatlarining xususiyatlari

O'tish iqtisodiyoti mamlakatlari sobiq sotsialistik tizimga mansub 28 mamlakatni o'z ichiga oladi. Ular rivojlangan industrial bazaga ega va rejali ma'muriy iqtisodiyotdan bozor iqtisodiyotiga o'tish bilan bog'liq holda chuqur iqtisodiy islohatlarni amalga oshirayotgan mamlakatlardir.

Ular 2 guruhga ajraladi:

- Markaziy va SHarqiy Yevropa mamlakatlari (15 ta)
- Mustaqil Davlatlar Hamdo'stligi (MDH) va Mongoliya (13 ta)

XX asrning 80-yillarida sobiq sotsialistik mamlakatlar iqtisodiyotida quyidagi krizis holatlari kuzatila boshlandi:²⁶

- Iste'mol va investitsiyalar hajmi pasaydi
- Tashqi qarzi o'sdi
- Ishlab chiqarishda pasayish kuzatildi
- Raqobatbardoshlik pasaydi
- Inflyatsiya jarayonlari kuchaydi
- Ishsizlik yashirin xarakterga ega bo'ldi.

Bu rejali iqtisodiyotga asoslangan mamlakatlarda iqtisodiy inqiroz texnologik taraqqiyot, iqtisodiy samaradorlik, ekologiya, aholining turmush darajasiga jiddiy ta'sir o'tkazdi va salbiy oqibatlariga olib keldi.

1980-90 yillarda SHarqiy Yevropa mamlakatlaridagi siyosiy voqealar SSSR, CHexoslovakiya, Yugoslaviyaning parchalanishi, Varshava shartnomasining barbod bo'lishi, o'zaro iqtisodiy yordam kengashi o'z faoliyatini to'xtatishi kuzatildi.

Jahon iqtisodiyotida o'tish davri iqtisodiyoti bir xo'jalik yuritish tizimining boshqasi bilan almashish holatini ifoda etadi.

Bu jarayon uzoq davrni o'z ichiga oladi. Xalqaro iqtisodiy institutlar tomonidan o'tish davrida iqtisodiy islohotlarni amalga oshirishda quyidagi klassik tamoyillarni ta'minlash tavsiya etiladi:

- Makroiqtisodiy barqarorlikni ta'minlash;
- Narxlarni erkinlashtirish;
- Xususiy mulkni shakllantirish;
- Davlat mulkini xususiylashtirish;
- Ochiq iqtisodiyotni shakllantirish;
- Davlatning iqtisodiyotga bevosita aralashuvini cheklash.

Bozor munosabatlarini rivojlantirish uchun quyidagi shart sharoitlar talab etiladi:

- Barqaror siyosiy rejimni o'rnatish;
- Xo'jalik yuritishning bozor mexanizmini rivojlantirish, takomillashtirish;
- Qulay investitsiya muhitini shakllantirish orqali xorijiy investitsiyalarni jalb etish;
- Faol tashqi siyosatini olib borish;
- Iqtisodiy rivojlanishning innovatsion yo'lini rag'batlantirish.

²⁶ Ваҳобов А.В., Таджибаева Д.А., Хажибакиев Ш.Х. “Жаҳон иқтисодиёти ва халқаро иқтисодий муносабатлар”. Ўқув қўлланма. Т.:”Молия”. 2011.

Bozor iqtisodiyotini o'sishda davlat alohida rol o'ynaydi va quyidagi vazifalarni bajaradi:

- Oqilona soliq siyosatini yuritish;
- Aholini ijtimoiy himoya tizimini rivojlantirish;
- Infratuzilma tarmoqlarining rivojlantirish.

Bozor munosabatlariga o'tishda mamlakatning o'ziga xos xususiyatlarini maksimal darajada hisobga olish bilan iqtisodiyotni isloh qilishning xorij tajribasidan, o'zgarishlarning barcha foydali iqtisodiy vositalaridan samarali foydalanish muhim ahamiyatga ega bo'ladi.

14.2. Markaziy va SHarqiy Yevropa mamlakatlari.

Markaziy va SHarqiy Yevropa ittifoqiga a'zo 10 ta Markaziy Yevropa (Vengriya, Pol'sha, CHexiya, Slovakiya) va Janubiy SHarqiy Yevropa (Sloveniya, Bolgariya, Ruminiya), Boltiq bo'yi (Litva, Latviya, Estoniya) hamda Yevropa ittifoqiga a'zo bo'lmagan Janubi- SHarqiy Yevropaning 6 ta (Albaniya, Xorvatiya, Bosniya, Gertsogoviniya, Makedoniya, Serbiya va CHernogoriya) mamlakatlari kiritiladi. Ushbu mamlakatlar iqtisodiy islohotlar jadal sur'atlarda markazlashgan rejali, samarasiz iqtisodiy tizimdan turli mulk shakllariga, tadbirkorlik tashabbuskorligiga erkin bozor va demokratik institutlarida asoslangan samarali bozor tizimiga o'tish maqsadida amalga oshiriladi.

Markaziy va SHarqiy Yevropa mamlakatlaridagi iqtisodiy islohotlarni amalga oshirishga quyidagi omillar ta'sir ko'rsatdi:

- islohotlarni amalga oshirishning ratsionalligi va ketma-ketligi;
- iqtisodiyot tarkibining shartlari va xarakteriga mosligi;
- rivojlangan mamlakatlarning tashqi iqtisodiy texnik yordami;
- xorijiy kapitalning roli.

Markaziy va SHarqiy Yevropa mamlakatlari ushbu omillar ta'siriga bog'liq holda iqtisodiy jihatdan turli natijalarga erishishdi. Vengriya, Pol'sha, CHexiya va Slovakiya intensiv isloh etishga qaratilgan chora-tadbirlar natijasida Bolgariya, sobiq Yugoslaviya respublikalari va Ruminiyaga nisbatan yuqori iqtisodiy o'sishga erishdi.

Markaziy va SHarqiy Yevropa mamlakatlari Xalqaro Valyuta Fondi tomonidan taklif etilgan quyidagi tuzilmaviy elementlarga ega islohotlar modeliga amal qilishmoqda:

1. Makroiqtisodiy barqarorlik va nazorat. Barqarorlashtirish dasturlarini amalga oshirish:

- qattiq soliq siyosati;
- qattiq kredit siyosati;
- inflyatsiyaga qarshi siyosat;
- tashqi hisob-kitoblarni tartibga solishga qaratilgan xarajatlarni qayta ko'rib chiqish.

2. Bozor va narx islohoti:

- ichki narxlarni isloh qilish;
- tashqi savdoni erkinlashtirish;
- ish haqi va ishchi kuchi bozorini erkinlashtirish;
- bank tizimini isloh qilish.

3. Xususiy sektorni rivojlantirish, xususiylashtirish, milliy ishlab chiqarish tarkibini isloh qilish:

- korxonalarni ochish va yopish, xususiy mulk huquqini rasmiylashtirish jarayonlarini soddalashtirish;

- tarmoq va ishlab chiqarish islohotlari, monopoliyalarni bekor qilish.

4. Davlatning quyidagi sohalaridagi rolini qayta ko'rib chiqish:

- huquqiy islohotlar (konstitutsion, mulk, shartnoma, bank, raqobat);
- axborot tarkibini isloh qilish (hisobga olish, nazorat);
- iqtisodiyotni bilvosita boshqarishning institutsional tizimi
- ijtimoiy soha (ishsizlikdan sug'urtalash, pensiya ta'minoti, mehnatga layoqatsizlik, ijtimoiy xizmatlar: sog'liqni saqlash, ta'lim).

Markaziy va SHarqiy Yevropa mamlakatlarida iqtisodiy islohotlar jadal sur'atlarda markazlashgan rejali, samarasiz iqtisodiy tizimdan turli mulk shakllariga, tadbirkorlik tashabbuskorligiga, erkin bozor va demokratik institutlarga asoslangan samarali bozor tizimiga o'tish maqsadida amalga oshirildi.

Markaziy va SHarqiy Yevropa mamlakatlarining Yevropa Ittifoqiga kirishi - 2004 yilda Yevropa Ittifoqiga Markaziy va SHarqiy Yevropa mamlakatlaridan sakkiztasi, 2007 yilda esa yana ikkitasining a'zo bo'lishi ushbu mamlakatlarning qator ijtimoiy-iqtisodiy muammolarni hal qilish imkonini beradi.

Birinchidan, G'arbiy Yevropa bozorlarining ochilishi bu mamlakatlar YaIMning barqaror sur'atlarda o'sishini ta'minlaydi. Yevropa Ittifoqiga a'zo bo'lishga tayyorgarlik davri va undan keyingi davrlarda Markaziy va SHarqiy Yevropa mamlakatlarida iqtisodiy o'sish sur'atlari Yevropa Ittifoqi 15 mamlakatlari ko'rsatkichlaridan 1,7 marta yuqori bo'ldi.

Ikkinchidan, Yevropa Ittifoqiga a'zolik Markaziy va SHarqiy Yevropa mamlakatlarida ishsizlik darajasining pasayishiga olib keldi, jumladan, ishsizlik darajasi 2003-2007 yillarda 11,3% dan 7,8%gacha pasaydi. Ushbu holatning asosiy sababi Markaziy va SHarqiy Yevropa mamlakatlaridan G'arbiy Yevropa mamlakatlariga ishchi kuchining oqib o'tishi (3 mln. kishi) hisoblanadi. Markaziy va SHarqiy Yevropaning ba'zi mamlakatlarida migrantlar tomonidan jo'natiladigan pul o'tkazmalari tashqi moliyalashtirishning xorijiy investitsiyalardan keyingi salmoqli manbasiga aylandi. Misol uchun, 2010 yilda Pol'shaga 9,1 mlrd. dollar, Serbiyaga 5,5 mlrd. dollar, Ruminiyaga 4,5 mlrd. dollar miqdorida pul o'tkazmalari kirib kelgan.²⁷ Jahon moliyaviy-iqtisodiy inqirozi bu mamlakatlarda ishsizlik darajasining oshishiga olib keldi. Misol uchun, ishsizlik darajasi 2010 yilda Serbiyada 19,6%ni, Slovakiyada 14,4 %ni, Vengriyada 11,2%ni, Bolgariyada 10,3% ni tashkil etdi.²⁸

Uchinchidan, ushbu hududga G'arbiy Yevropa kapitalining kirib kelishi rag'batlantirildi va Markaziy va SHarqiy Yevropa mamlakatlarida investitsiyalarning jamg'armalardan sezilarli darajada ortib borish jarayoni yuz berdi.

To'rtinchidan, rivojlangan mamlakatlar iqtisodiyoti bilan birlashish bu mamlakatlarda mehnat unumdorligining jadal sur'atlarda o'sishiga olib keldi. Markaziy va SHarqiy Yevropa mamlakatlarida ushbu Markaziy va SHarqiy Yevropa mamlakatlarida ko'rsatkichning yillik o'sishi o'rtacha 2-3% ni tashkil etgani holda, Yevropa Ittifoqi – 15 ta mamlakatlarida bor-yo'g'i 0,75% ga teng bo'ldi.

Evropa Ittifoqiga barqaror iqtisodiy o'sish sur'atlariga ega, raqobatbardosh bo'lmagan, to'ldiruvchi xarakteridagi iqtisodiyotga ega mamlakatlarning a'zo bo'lishi Yevropa Ittifoqi – 15 mamlakatlari iqtisodiyotiga ijobiy ta'sir ko'rsatdi. Bu holat G'arbiy Yevropaga mahsulotlar, xizmatlar, yuqori texnologiyalarni sotish uchun yangi bozorlarning vujudga kelishi, arzon ishchi kuchidan foydalanish imkonini yaratdi.

Hozirda Markaziy va SHarqiy Yevropa mamlakatlari dunyoning jadal sur'atlarda rivojlanayotgan mintaqalaridan hisoblanadi. Iqtisodiy o'sish 2010 yilda 4,5%ga teng bo'ldi.

Iqtisodiy o'sish omillari tarkibida ichki iste'molning kengayishi, jumladan, sanoatda investitsiyalarga bo'lgan talabning ortishini alohida qayd etish mumkin. Sanoatning jadal sur'atlarda o'sishi milliy valyutalarning yevroga nisbatan past kursi bilan qo'llab – quvvatlanayotgan eksport hajmining ortishiga olib keldi.

Markaziy va SHarqiy Yevropa mamlakatlari iqtisodiyotining tarkibi asta – sekin postindustrial tarkibga ega bo'lib bormoqda. Jumladan, xizmatlarning ulushi YaIMga nisbatan 52-58% dan (Albaniya, Ruminiya, Makedoniya) 75% ga teng bo'ldi.

Markaziy va SHarqiy Yevropa mamlakatlari YaIMda sanoat va qurilishning ulushi hozirgi davrda past (Janubi – SHarqiy Yevropa mamlakatlarida 20 – 30%) yoki juda yuqoriligi (Markaziy va SHarqiy Yevropa mamlakatlarida 30 – 40%) bilan ajralib turadi. Bu holat ayrim

²⁷ Migration and Remittances Factbook 2011. Second edition. The World Bank – Washington, 2011. P.13.

²⁸ Перспективы развития мировой экономики. Замедление роста, увеличение рисков. Обзор. Сентябрь 2011. МВФ. Вашингтон, 2011 С. 82.

mamlakatlarda sanoatlashish jarayonining tugallanmaganligi yoki ayrimlarida esa industrial tarkibdan postindustrial tarkibga o'tilganligidan dalolat beradi. Sanoat tarkibida an'anaviy tarmoqlar (engil, oziq – ovqat, yoqilg'i) ulushi qisqarib, elektrotexnika, avtomobilsozlik, yuqori texnologik tarmoqlar jadal rivojlanib, hissasi ortib bormoqda.

Evropa Ittifoqiga a'zo bo'lishdagi ijobiy omillardan biri - Markaziy va SHarqiy Yevropa mamlakatlari bank va kredit tizimiga xorijiy kapitalni jalb etish sur'atlarining keskin ortishi hisoblanadi.

Markaziy va SHarqiy Yevropa mamlakatlari moliya tizimi davlat xarajatlarining yuqoriligi bilan ajralib turadi. Davlat xarajatlarining ulushi YaIMga nisbatan Ruminiya va Estoniyada taxminan 26% ni, Bolgariya, CHexiya, Slovakiya, Pol'shada 35 – 40% ni tashkil etsa, Vengriya, Sloveniya va Xorvatiyada 40% dan oshdi

14.3. Mustaqil davlatlar hamdo'stligi (MDH) mamlakatlari iqtisodiyoti

O'tish iqtisodiyoti mamlakatlarining ikkinchi yirik guruhi MDH mamlakatlari hisoblanadi. Ushbu mamlakatlarning ba'zilar ijtimoiy – iqtisodiy rivojlanish darajasi bo'yicha rivojlanayotgan mamlakatlarning yuqori guruhiga kirgan bo'lsa, ba'zilar rivojlangan mamlakatlarning quyi guruhiga kiradi. Sobiq Ittifoq iqtisodiyoti ustun darajada ichki iqtisodiy aloqalarga asoslangan yagona majmua sifatida uzoq vaqt inqirozni o'z boshidan kechirdi.

1991 yilda sobiq Ittifoq respublikalaridan iborat MDH tashkil etildi (Rossiya Federatsiyasi, Armaniston Respublikasi, Belarussiya Respublikasi, Gruziya, Moldaviya Respublikasi, Ozarbayjon Respublikasi, Turkmaniston Respublikasi, Tojikiston Respublikasi, Ukraina, Qozog'iston Respublikasi, Qirg'iziston Respublikasi, O'zbekiston Respublikasi). Boltiq bo'yi respublikalari MDHga kirishdan bosh tortdi. Gruziya 2009 yilda MDH tarkibidan chiqib ketdi.

MDH mamlakatlarini amalga oshirayotgan iqtisodiy islohotlarning sur'atli va chuqurligiga ko'ra uch guruhga ajratish mumkin:

- iqtisodiy islohotlarni amalga oshirishning “radikal” yo'lini tanlagan mamlakatlar (Rossiya, Qirg'iziston va Qozog'iston);
- iqtisodiy islohotlarning bosqichma – bosqich yo'lidan borayotgan mamlakatlar (O'zbekiston, Turkmaniston, Belarussiya);
- “oralik guruh” mamlakatlari (MDHning boshqa barcha mamlakatlari).

“Radikallar” guruhiga iqtisodiy islohotlarni amalga oshirishning “falajli davolash” usulini qo'llagan mamlakatlar kiradi. “Oralik guruh” mamlakatlariga iqtisodiy islohotlarni “radikal” islohotlarga nisbatan sekinroq, “bosqichma - bosqich” islohotlarga nisbatan jadalroq amalga oshirayotgan mamlakatlar guruhi kiradi. Ushbu guruhlash shartlidir. Misol uchun, Belarussiyada boshqa MDH mamlakatlariga nisbatan o'ziga xos ijtimoiy – iqtisodiy model shakllandi. Korxonalarning aksariyat qismi, jumladan, yirik korxonalar davlat ixtiyorida bo'lib, ular mamlakat YaIMning taxminan 75% ini ishlab chiqradi. SHu bilan bir vaqtda xo'jalik yuritish mexanizmi bozor mezonlari bo'yicha amal qiladi: direktiv rejalashtirish cheklangan, davlat korxonalarining o'zi hamkorlarni qidirib topadi, hamkorlik shartlari, mahsulot narxi bo'yicha kelishadi, ishlab chiqarish va ishchilar tarkibini belgilaydi. Mamlakatda keng qamrovli ijtimoiy kafolatlar saqlanib qolgan.

MDHning barcha mamlakatlari iqtisodiyotida XX asr 90 – yillarida bozor munosabatlarining asoslari shakllandi:

- aksariyat mamlakatlarda xususiy mulk yetakchi mavqega ega bo'ldi;
- narxlarning shakllanishi erkinlashtirildi;
- tashqi iqtisodiy aloqalar sohasida bozor islohotlari amalga oshirildi va tashqi bozorlarning ochiqligi ta'minlandi;
- aholi mentalitetini bozor munosabatlari qoidalariga moslashishga yo'naltirilgan qayta o'zgarishlarni amalga oshirish boshlandi.

Mustaqil davlat hamdo'stligi mamlakatlarining 1991 – 2010 yillardagi iqtisodiy rivojlanishini quyidagi uch bosqichga ajratish mumkin.

Birinchi bosqichda (1991-1995) sobiq Ittifoq respublikalarida siyosiy mustaqillikning huquqiy asoslari yaratildi, xalqaro iqtisodiy, moliya tashkilotlariga a'zo bo'lishdi, o'zaro shartnomalar imzolandi, mustaqil davlat uchun xos moliyaviy – iqtisodiy, byudjet – soliq, bojxona va boshqa iqtisodiy institutlar shakllantirildi.

SHu bilan birga bu davrda yagona valyutaga asoslangan yagona iqtisodiy makon barham topdi, respublikalar o'rtasidagi kooperatsiya aloqalari buzildi, uchinchi mamlakatlar bozoriga qayta ixtisoslashish boshlandi va milliy iqtisodiyotlarda inqiroz holatlari kuchayib bordi. Deyarli barcha respublikalarda YaIMning keskin qisqarib, eng chuqur pasayish mamlakatlarda turli yillarda ro'y berdi.

Ikkinchi bosqich (1996 - 2000) yangi mustaqil mamlakatlarda siyosiy suverenitetning mustahkamlanishi, mustaqil faoliyat olib boruvchi moliyaviy – iqtisodiy tizimning yaratilishi, uzoq xorij mamlakatlari bilan iqtisodiy aloqalarning o'rnatilishi va rivojlanishi bilan izohlanadi.

Bu bosqichda MDH mamlakatlari iqtisodiyoti barqarorlashdi, inflyatsiya darajasi pasaydi.

Uchinchi bosqichda (2001 - 2010) MDHning barcha mamlakatlarida iqtisodiyotning mustahkamlanishi sodir bo'ldi, iqtisodiy salohiyatni oshirish uchun mavjud resurslardan to'liq foydalanildi, iqtisodiyot tarkibini o'zgartirish bilan bog'liq islohotlar amalga oshirildi, jahon iqtisodiyotiga integratsiyalashish jarayoni faollashdi.

Mustaqil davlat hamdo'stligi mamlakatlari amalga oshirilayotgan iqtisodiy isloxlarning salbiy okibatlariga kuyidagilarni kiritish mumkin:

- isloxlarning ijtimoiy yo'kotishlar bilan birga sodir bo'lishi. Mustakil davlat xamdo'stligi mamlakatlarida ishlab chikarishning pasayishi natijasida aholi turmush darajasining pasayishi, ishsizlik darajasining ortishi, ijtimoiy xizmatlar hajmining qisqarishi ro'y berdi;

- MDH mamlakatlarining aksariyatida ilmiy – texnik taraqqiyotning orqada qolishi, mehnat unumdorligining past darajada ekanligi;

- yashirin iqtisodiyotning mavjudligi;

- MDH mamlakatlarining xalqaro mehnat taqsimotida hom-ashyo va yoqilg'i yetkazib beruvchilar sifatida ixtisoslashib qolishi.

Sanoatning yengil sanoat va uzoq muddatli iste'mol tovarlari ishlab chikaruvchi tarmoqlari sifatli hamda keng assortimentga ega import bilan raqobat qila olmaganligi sababli Mustaqil davlatlar hamdo'stligining ayrim mamlakatlarida muzlatkichlar, videmagnitofonlar, kompyuterlar ishlab chikarish to'xtab qoldi. Mustaqil davlatlar hamdo'stligi mamlakatlarida xomashyo, yoqilg'i ishlab chikaruvchi tarmoqlarda ishlab chikarishning pasayishi sodir bo'lmadi hamda bu mahsulotlar eksporti xorijiy valyuta tushumlarining asosiy manbai va iqtisodiyotni qo'llab – quvvatlash vositasiga aylandi.

Mustaqil davlatlar hamdo'stligi mamlakatlarida iqtisodiyotga xorijiy investitsiyalarni jalb etishni rag'batlantirishga qaratilgan qonunlar qabul qilinmoqda. Xorijiy kompaniyalarning aksariyati tabiiy resurslarga boy mamlakatlarga qiziqish bildirmoqda.

Xorijiy investitsiyalarni milliy iqtisodiyotga faol jalb etish natijasida Qozog'iston, Ozarbayjon, Gruziya, Moldaviya va Qirg'izistonda sanoatning katta qismi xorijiy investorlar nazoratida bo'lib, kapital vo'yimalarning 15 – 30% tashqi manbalardan moliyalashtiriladi. Markaziy Osiyo va Kavkaz respublikalarida AQSH, G'arbiy Yevropa va Yaponiya kabi an'anaviy kapital eksportyorlaridan tashqari Janubiy Koreya, Xitoy, Turkiya kompaniyalari investitsion loyihalarni amalga oshirishda faol qatnashmoqda.

14.4. O'zbekiston va o'tish iqtisodiyoti mamlakatlari iqtisodiy hamkorlik aloqalari

O'zbekiston va o'tish iqtisodiyoti mamlakatlari o'rtasidagi iqtisodiy aloqalar ja'dal sur'atlar bilan rivojlanib bormoqda. O'tish iqtisodiyoti mamlakatlari uchun O'zbekiston Markaziy Osiyoda mahsulotlarni sotishning istiqbolli, yirik ichki bozorga, qulay investitsiya muhitiga, boy xomashyo, inson va ilmiy – texnik salohiyatga ega muhim hamkori hisoblanadi.

Mustaqillikning dastlabki yillaridan boshlab O'zbekiston Markaziy va SHarqiy Yevropa mamlakatlari bilan diplomatik aloqalarni o'rnatdi va iqtisodiy hamkorlikning barcha sohalaridagi munosabatlar muvaffaqiyatli rivojlanmoqda. O'zbekiston Polsha, CHexiya, Slovakiya, Bolgariya, Ruminiya bilan "Savdo – iqtisodiy hamkorlik to'g'risidagi" kelishuvlarga ega. Mazkur kelishuvlar doirasida bu mamlakatlar bilan mumkin qadar qulaylik yaratish rejimi asosida ikki tomonlama savdo aloqalari o'rnatilgan.

O'zbekistondan Markaziy va SHarqiy Yevropa mamlakatlariga paxta tolasi, matolar, rangli metallar, noorganik kimyo mahsulotlari, turli xil xizmatlar, qishloq xo'jalik mahsulotlari (tomat pastasi, meva va sabzovatlar, soklar), avtomobilsozlik sanoati mahsulotlari, kabel, eksport qilinadi. O'zbekistonga ushbu mintaqadan un, tayyor matolar va kiyim – kechak, keramika mahsulotlari, mexanika va elektr asbob – uskunalari, oziq – ovqat mahsulotlari, qurilish materiallari, farmatsevtika mahsulotlari, mebel, transport vositalari olib kiriladi.

O'zbekistonda 150 dan ortiq Markaziy va SHarqiy Yevropa mamlakatlari kapitali qatnashgan qo'shma 40 dan ortiq to'liq xorijiy kapitalga asoslangan korxonalar faoliyat yuritadi. Ushbu korxonalar oziq – ovqat, spirtli ichimliklar, qishloq xo'jalik mahsulotlarini qayta ishlash, mashinasozlik, savdo, transport xizmatlari, to'qimachilik mahsulotlari, kiyim – kechak, kimyo, farmatsevtika mahsulotlari ishlab chiqarish bilan shug'ullanadi.

O'zbekiston uchun Ruminiya va Bolgariyaning Qora dengizdagi portlari orqali yuklar tashish sohasda hamkorlik imkoniyatlarini rivojlantirish istiqbollari muhim ahamiyatga ega. O'zbekiston mahsulotlarini Ruminiyaning Kotstantsa porti, Qora dengizni Dunay – Reyn daryo transporti tizimi bilan bog'lovchi Sulin kanali orqali Yevropa markaziga tashib keltirish, keyin mintqaning SHimoliy dengiz portlariga olib chiqish mumkin bo'ladi.

Mustaqil davlatlar hamdo'stligi mamlakatlari O'zbekistonning asosiy savdo iqtisodiy hamkorlari hisoblanadi. SHunga qaramasdan, mamlakat tashqi savdo aylanmasida bu mamlakatlarga nisbatan uzoq xorij mamlakatlarining ulushi orta boshladi.

SHunday qilib, O'zbekiston va o'tish iqtisodiyoti mamlakatlari o'rtasidagi iqtisodiy aloqalarning faollashishi ikki tomonlama savdo – iqtisodiy aloqalarning rivojlanishi hamda global jahon bozoriga integratsiyalashishdan o'zaro manfaatlidir.

O'tish davrida ijtimoiy himoya

Qashshoqlik bu kurashish, inson kapitalini asrash, uni bozor iqtisodi ehtiyojlariga tayyorlash iqtisodiy yuksalishga, ijtimoiy adolatga, siyosiy barqarorlikka ko'maklashadi.

Kambag'allik darajasi qanday aniqlanadi?

Mutloq kambag'allik shaxsiy yoki oilaviy daromadlar (xarajatlar) ni muayyan miqdordagi tovarlar, xizmatlar qiymatiga taqqoslash yo'li bilan aniqlanadi.

Nisbiy kambag'allik – daromadlarni boshqa shaxslar yoki oilalarning daromadlariga taqqoslab belgilanadi.

Sub'ektiv kambag'allik – amaldagi daromadlarni muayyan shaxslar o'zlari kutayotgan va tasavvur qilayotgan daromadlarga taqqoslab belgilanadi.

Kambag'allik muammolarini hal qilishning kaliti iqtisodiy o'sishni tiklash. Lekin aholining ba'zi toifalari masalan, malakalari darajasi bozor talablariga mos bo'lmagan xodimlar, keksalar, bolalar, ko'p bolali oilalarning muammolarini faqatgina iqtisodiy o'sish bilan hal qilib bo'lmaydi. Aholining bu guruhi uchun egasiga borib yetadigan (adresli) yordam dasturini ishlab chiqarishi zarur.

Insonning salomatligiga 4 guruhdagi omil ta'sir ko'rsatadi:

- daromad
- yashash tarzi
- atrof – muhit
- kasbga doir kasalliklar – tibbiy sifat xizmati.

O'tish davrini boshdan kechirayotgan mamlakatlarda sog'liqni saqlash tizimi 4 **usulda mablag'ni ta'minlaydi.**

1 usul - naqd pul bilan ta'minlash – byudjetdan mablag' aniqlash

- 2 usul – xususiy sug'urtalash tizimi – AQSHda
3 usul – ijtimoiy himoyalash. Argentina, Koreya, Urugvay, CHili, O'zbekistonda
4 usul – soliq tushumlaridan mablag' ajratish Daniya, Norvegiya, SHvetsiya, Lotin Amerikasi, Yaqin SHarq, SHimoliy Afrikada.

Erkinlashtirish va iqtisodiy o'sish.

O'tish davrini boshdan kechirayotgan barcha mamlakatlarda iqtisodiy ahvolni yaxshilashda keng ko'lamli erkinlashtirish va barqarorlashtirish omillari muhim rol o'ynaydi. Erkinlashtirish narx – navoning erkin belgilashni, savdoning davlat tomonidan nazorat qilishni to'xtatishini, yangi kompaniyalarni hech bir to'siqsiz tuzish mumkinligini taqazo qiladi.

Barqarorlashtirish iflyatsiyaning qisqartirilishini, xalq xo'jaligi tashqi iqtisodiy sohalardagi nomutanosibliklar bartaraf qilinishini ko'zda tutadi. Bozor iqtisodiga erishgan turli mamlakatlarning tajribasi shuni ko'rsatadiki, agar inflyatsiya darajasi tahminan 50%dan oshsa, iqtisodning rivojlanishi keskin sekinlashadi. Inflyatsiyaning yuqori bo'lishi nisbiy narx omilini buzib aks ettiradi, mavhumlikni keltirib chiqaradi. Mavhumlik omonatlarning jamg'arilishiga investitsiyalashga halaqit beradi. SHuning uchun erkinlashtirish har doim iqtisodiy o'sishning asosi hisoblanadigan narxlarni barqarorlashtirish bilan birga olib borilishi lozim. Erkinlashtirish, barqarorlashtirish va iqtisodiy o'sish bir – birlari bilan uzviy bog'langan. Bu Osiyo, Yevropa davlatlari uchun ham taaluqli. Barcha mintaqalarda iqtisodiy o'sishning sabablari yangi kompaniyalarning ochilishiga, xizmat ko'rsatish, eksport, ishlab chiqarish sohalari, qishloq xo'jaligining rivojlanishi bilan izohlanadi.

Tayanch iboralar

- jahon iqtisodiyoti
- jahon bozori
- xalqaro mehnat taqsimot
- iqtisodiy salohiyat
- eksport
- iste'mol savati
- turmush darajasi
- mehnat resurslari
- iqtisodiy taraqqiyot darajasi
- globallashuv
- xalqaro valyuta fondi
- kommunikatsiya
- konsolidatsiya
- konvergentsiya
- integratsiya
- o'tish iqtisodiyoti mamlakatlari

O'z-o'zini tekshirish uchun savollar

1. O'tish iqtisodiyoti mamlakatlariga qaysi mamlakatlar kiradi?
2. O'tish iqtisodiyotida davlatning roli?
3. Bozor munosabatlarini rivojlantirishning qanday shart – sharoitlari mavjud?
4. O'tish davrida ijtimoiy himoya
5. Sotsialistik xo'jalik iqtisodiyotidan bozor iqtisodiyotining afzalligini ta'riflab bering.
6. Markaziy va SHarqiy Yevropa mamlakatlarida amalga oshirilgan iqtisodiy islohotlarga xos xususiyatlar nimalardan iborat?
7. MDH mamlakatlari iqtisodiyotiga xos xususiyatlar?
8. O'zbekiston va o'tish iqtisodiyoti mamlakatlari o'rtasidagi aloqalarning ustuvor yo'nalishlari

Tavsiya etiladigan adabiyotlar

1. O'zbekiston Respublikasi Prezidenti I.Karimovning 2012 yilda mamlakatimizni ijtimoiy-iqtisodiy rivojlantirish yakunlari hamda 2013 yilga mo'ljallangan iqtisodiy dasturning eng muhim ustuvor yo'nalishlariga bag'ishlangan Vazirlar Mahkamasining majlisidagi ma'ruzasi. Xalq so'zi 2013 yil 19 yanvar
2. Vahobov A.V va boshqalar. Jahon iqtisodiyoti va xalqaro iqtisodiy munosabatlar. O'quv qo'llanma. T. 2011
3. SHodiev R., Maxmudov E. "Jahon iqtisodiyoti" T.2005
4. Vashanov A. Raspad SSSR i yego posdedstviya dlya postsovetskix respublik. Ekonomist, №11,2011
5. SHumskiy N.Sodrujestvo nezovisimых gosudorstv: pervye dvadtsat' let.// Voprosy ekonomiki, №12, 2011. st.101.
6. Perspektivy razvityiya mirovoy ekonomiki. Zamedlenie rosta, uvelichenie risokv. Obzor MVF sentyabr' 2012 g.
7. Uzbekistan v tsifrax T.:2011

Saytlar:

6. www.wikipedia.org
7. www.economywatch.com
8. www.data.worldbank.org
9. www.mapsofworld.com
10. www.tradingeconomics.com

MUNDARIJA

	KIRISH	3
I BOB.	MILLIY IQTISODIYOTNING SHAKLLANISHI VA RIVOJLANISHI	
1.1.	Milliy va jahon iqtisodiyot tushunchasi, mazmuni, kursning predmeti.	5
1.2.	O'zbekiston Respublikasining bozor iqtisodiyotiga o'tishi va milliy iqtisodiyotni shakllanishi.	9
II BOB	MILLIY IQTISODIYOT TARAQQIYOTINI TAVSIFLOVCHI KO'RSATKICHLAR	
2.1.	Milliy iqtisodiyotning faoliyatini ta'minlovchi omillar.	17
2.2.	Iqtisodiyotning shakllari va rivojlanishini belgilaydigan makroiqtisodiy ko'rsatkichlar tizimi.	19
2.3.	Raqobatbardoshlik ko'rsatkichlari	23
III. BOB	MILLIY BOYLIK, AHOLI VA MEHNAT RESURSLARI	
3.1.	Milliy boylik tushunchasi, uning tarkibi.	28
3.2.	Milliy iqtisodiyotni rivojlantirish asoslari	31
IV BOB.	MODERNIZATSIYA VA MILLIY IQTISODIYOT	
4.1.	Innovatsion texnologiyalar va ularni iqtisodiyotni rivojlantirishdagi roli	35
4.2.	Modernizatsiyalash – davr talabi	37
4.3.	Lokalizatsiya	42
4.4.	Diversifikatsiyaning iqtisodiyotdagi o'rni	43
5-BOB.	MILLIY IQTISODIYOT TARKIBIY TUZILISHI	
5.1.	Milliy iqtisodiyot tarkibi, uning mazmuni va asosiy shakllari.	47
5.2.	Iqtisodiy faoliyat tarkibini tahlil qilish.	52
5.3.	Milliy iqtisodiyot tarkibini takomillashtirishning asosiy yo'nalishlari.	57
VI BOB.	REAL SEKTOR TARMOQLARI	
6.1.	Sanoat milliy iqtisodiyotning yirik sohasi	67
6.2.	Qishloq xo'jaligi	73
6.3.	Kapital qurilish	82
6.4.	Transport, yo'l xo'jaligi va aloqa	89
VII BOB.	IJTIMOIIY INFRATUZILMA	
7.1.	Ijtimoiy tarmoqlar majmui va uni rivojlantirish vazifalari.	106
7.2.	Ta'lim tizimi va uni isloh qilish. Kadrlar tayyorlash milliy dasturi.	108
7.3.	Sog'liqni saqlash tizimini isloh qilish.	117
7.4.	Uy-joy kommunal xo'jaligini isloh qilish.	123
7.5.	Aholiga maishiy xizmat ko'rsatish tarmog'ini qayta qurish.	127
VIII BOB.	IQTISODIYOTNI MUVOFIQLASHTIRISHDA DAVLATNING ROLI	
8.1.	Iqtisodiyotni davlat tomonidan tartibga solishning mohiyati va zaruriyati	131
8.2.	Milliy iqtisodiyotni boshqaruv tizimi, tarkibi va uning vazifalari	137
IX BOB.	STRATEGIK REJALASHTIRISH VA UNI TASHKIL ETISH	
9.1.	Strategik rejalashtirish nazariyasi, uning mohiyati va vazifalari.	148

9.2.	Strategik rejalashtirishning metodologiyasi.	151
X BOB.	TASHQI IQTISODIY FAOLIYAT	
10.1.	O'zbekiston mustaqilligi va uning tashqi iqtisodiy faoliyati printsiplari. Ochiq iqtisodiyot modeli.	156
10.2.	Tashqi iqtisodiy aloqalar va hamkorlikning asosiy shakllari va yo'nalishlari.	159
10.3.	Tashqi iqtisodiy faoliyat va uni boshqarishni tashkil qilish	163
XI BOB.	GLOBALLASHUV JARAYONI VA XALQARO IQTISODIYOTGA INTEGRATSIYALASHUV	
11.1.	Jahon iqtisodiyotidagi globallashuv–rivojlanishning yangi bosqichidir.	169
11.2.	Xalqaro iqtisodiyotga integratsiyalashish jarayonlari, omillari, shakllari va mexanizmi. O'zbekiston va Markaziy Osiyo hamda MDH davlatlari.	171
XII BOB.	RIVOJLANGAN MAMLAKATLAR IQTISODIYOTI	
12.1.	Rivojlangan mamlakatlarning guruhlanishi va o'ziga xos xususiyatlari	190
12.2.	Jahon iqtisodiyotida xalqaro korporatsiyalar	195
XIII – BOB.	IQTISODIYOTI RIVOJLANAYOTGAN MAMLAKATLAR	
13.1.	Rivojlanayotgan mamlakatlarning guruhlanishi va o'ziga hos xususiyatlari	201
13.2.	Neft eksport qiluvchi mamlakatlar	203
13.3.	Jahon iqtisodiyotida yangi industrial mamlakatlar	204
XIV BOB.	O'TISH DAVRIGA XOS BO'LGAN MAMLAKATLAR IQTISODIYOTI	
14.1.	O'tish iqtisodiyoti mamlakatlarining xususiyatlari	2010
14.2.	Markaziy va SHarqiy Yevropa mamlakatlari	211
14.3.	Mustaqil davlatlar hamdo'stligi (MDH) mamlakatlari iqtisodiyoti	213
14.4.	O'zbekiston va o'tish iqtisodiyoti mamlakatlari iqtisodiy hamkorlik aloqalari	215